

PARÆCBOLE

SIVE

EXCERPTA

E CORPORE STATUTORUM

UNIVERSITATIS OXONIENSIS.

· ACCEDUNT

ARTICULI RELIGIONIS XXXIX.

IN ECCLESIA ANGLICANA RECEPTI:

NEC NON JURAMENTA

FIDELITATIS & SUPREMATUS.


In usum Juventutis Academicæ.

Academicis.

...Oxford.

Univ. of Ox.

K



O X O N I I,

E TYPOGRAPHEO CLARENDONIANO.

M D C C L X X I V.



E L E N C H U S
TITULORUM, SECTIONUM
ET PARAGRAPHORUM,

Qui in Corpore Statutorum continentur.

TITULUS I.

De Terminis & Vacationibus.

- | | |
|--|------|
| | Pag. |
| §. 1. De Terminorum numero, initio & fine. | 1. |
| 2. De Precibus solennibus, ac concionibus Latinis, initio cujusque termini habendis, | 2. |

TITULUS II.

De Matricula Universitatis.

- | | |
|--|----|
| *§. 1. De Matricula Universitatis custodienda. | |
| *2. Matriculæ distributio in Capita. | |
| 3. De tempore & conditionibus Matriculationis. | 4. |
| *4. De Officio Bedellorum circa Scholares Matriculandos. | |
| 5. De Officio Præfectorum circa Scholares Matriculandos. | 5. |
| *6. De Laicis ad Privilegia Universitatis admittendis. | |
| *7. De Studiosorum & Privilegiatorum Servientibus Matriculandis. | |
| *8. De Burgenfibus ad Privilegia Universitatis admittendis. | |

ELENCHUS

- *9. De Privilegiis Universitatis, & Civitatis, simul non fruendis.
- *10. De Feudis Matriculandorum.
- *11. De Distributione Reditûs e Feudis Matriculationis provenientis.

TITULUS III.

De Scholaribus in Collegia & Aulas Compellendis.

- §. 1. De Scholarium admissione in Collegia & Aulas. Ne quis in domibus privatis victitet, aut hospitetur. 6.
- 2. Quales Tutores Scholaribus præficiendi sint. 7.
- 3. De non Migrando sine venia ab uno Collegio vel Aulâ ad aliud. 9.

TITULUS IV.

De Lectoribus Publicis

SECTIO I.

Statuta Specialia ad Lectores pertinentia.

- §. 1. De Lectoribus ad Lecturas adhuc indotatas designandis. 10.
- 2. De Prælectore Grammaticæ. 11.
- 3. De Prælectore Rhetoricæ. *ibid.*
- 4. De Prælectore Dialecticæ. 12.
- 5. De Prælectore Moralis Philosophiæ. *ibid.*
- 6. De Prælectore Geometriæ. *ibid.*
- 7. De Prælectore Astronomiæ. 13.
- 8. De Prælectore Musicæ, Doctoris Heyther. *ibid.*
- 9. De Prælectore Naturalis Philosophiæ, instituto per spectabilem virum D. Guil. Sedley. 14.

TITULORUM, &c.

- | | |
|---|--------------|
| 10. De Prælectore Metaphysicæ. | 14. |
| 11. De Prælectore Historices, per celeberrimum virum Guil. Camdenum instituto. | 15. |
| 12. De Linguae Græcæ Professore Regio. | <i>ibid.</i> |
| 13. De Linguae Hebraicæ Professore Regio. | 16. |
| 14. De Regio Juris Civilis Professore. | <i>ibid.</i> |
| 15. De Prælectore Anatomices. | 17. |
| 16. De Regio Professore Medicinæ. | <i>ibid.</i> |
| 17. De Prælectore S. Theologiæ, Dominæ Margaretæ Comitissæ Richmondiaë, Matris Regis Henrici septimi. | |
| 18. De Regio S. Theologiæ Professore. | <i>ibid.</i> |
| 19. De Prælectore Botanices. | 19. |
| 20. De Prælectore Linguae Arabicæ. | <i>ibid.</i> |
| 21. De Prælectore Poetices. | <i>ibid.</i> |
| 22. De Prælectore Juris Anglicani, &c. | 20. |

S E C T I O II.

Statuta Lectores in genere spectantia.

- §. 1. Quòd Lectores in propriis personis legant. De substituendis aliis, loco ægrotantium, aut absentium. De mulctis. 21.
2. Ne quis Lectorum, quicquam cum fide Catholica, vel bonis moribus pugnans, doceat. 22.
3. De Philosophica Doctrina veritati Theologicæ conformanda & attemperanda. *ibid.*
4. Prælectores Sermonem inter legendum ne præcipitent: Auditorum dubiis, si quæ fuerint, finitâ lectione satisfaciant. 23.
5. De Eligendis Publicis Lectoribus. *ibid.*

TITULUS V.

De Lectionum Publicarum Auditoribus.

- §. 1. Quòd singuli Scholares peculiaribus Scholis contribuantur. 24.

ELENCHUS

2. Quòd singuli Scholares Lectores suos (si qui fuerint ejusdem Domus) ad Scholas deducant. 25.
3. De modo, quo Auditores in Scholis se gerent inter audiendum. *ibid.*
4. De Multis Auditorum, a Lecturis Publicis absentium. 26.

TITULUS VI.

De Tempore ad Gradus capeffendos requisito, & Exercitiis pro Forma præstandis.

SECTIO I.

De Tempore & Exercitiis requisitis ad Gradum Baccalaurei in Artibus.

- §. 1. Quot anni, in audiendis publicis Lectoribus ponendi, requirantur ad Gradum Baccalaurei in Artibus. 26.
De Indulgentiâ Bar. filiis &c. concessâ ad Bar. fil. in Scot. & Hibern. extendendâ. 27.
2. De Exercitiis præstandis pro Gradu Baccalaurei in Artibus. 28.
3. De disputationibus in Parvulo tum habendis, tum frequentandis. *ibid.*
4. De tempore intra quod creandi sunt Sophistæ Generales: Formula creandi Generales. 30.
5. De Scholis Sortiendis, & Quæstionibus publicandis. 31.
6. De Responfionibus Quæstionistarum sub Baccalaureis Determinantibus. 32.
7. Leges Respondendi sub Baccalaureo Determinante. 33.

TITULORUM, &c.

SECTIO II.

De Tempore & Exercitiis requisitis ad Gradum Magistri in Artibus.

- §. 1. Quot anni, in audiendis publicis Lectoribus ponendi, requirantur ad Gradum Magistri in Artibus. 34.
2. De exercitiis præstandis pro Gradu Magistrali in Artibus. *ibid.*
3. De Determinatione Quadragesimali. 35.
4. De Collectoribus Quadragesimalibus designandis. *ibid.*
5. De Officio Collectorum. 36.
6. De Disputationibus in Die Cinerum, sive Carnis-privii. 37.
7. De precibus habendis unoquoque die Saturni, durantibus Quadragesimalibus Disputationibus, in Choro Templi B. Mariæ. Et de Junioris Procuratoris Oratione ad Determinatores habendâ. 38.
8. De Classibus Determinantium ordinandis: Et de tempore Disputationibus Quadragesimalibus præstituto. 39.
9. De forma in Determinatorum Disputationibus observanda. 41.
10. De Disputationibus apud Augustinenses. *ibid.*
11. De Officio Magistrorum Scholarum quoad disputationes apud Augustinenses. Et de Collectoribus Augustinensium. 43.
12. De Baccalaureorum disputationibus Quodlibeticis. 44.
13. De sex Lectoris solennibus habendis ante Licentiationem in Artibus. 45.
14. De binis Declamationibus habendis ante Inceptionem in Artibus. 46.

ELENCHUS

15. De Regimine Scholarum in genere, quoad
Exercitia in Artibus ibidem præstanda. 49.

SECTIO III.

De Tempore & Exercitiis ad Gradus in Musica capessendos.

- §. 1. Quot anni ponendi sunt in studio vel praxi
Musices, pro Gradu Baccalaureatûs in Mu-
fica. 50.
2. De exercitiis pro Gradu Baccalaureatus in
Musica præstandis. *ibid.*
3. Quot anni ponendi sunt in studio vel praxi
Musicæ, pro Gradu Doctoris in Musica. 51.
4. De exercitiis per Inceptorem in Musica
præstandis. *ibid.*

SECTIO IV.

De Tempore & Exercitiis requisitis ad Gradus in Jure Civili capessendos.

- §. 1. Quot anni, in audiendo Professore publico
Juris Civilis ponendi, requirantur ad Gra-
dum Baccalaurei in Jure Civili. 52.
2. Exercitia pro Gradu Baccalaureatûs in
Jure Civili præstanda. *ibid.*
3. Quot anni, in audiendo publico Professore
Juris Civilis ponendi, requirantur ad Gra-
dum Doctoris in Jure Civili. 53.
4. Exercitia pro Gradu Doctoris in Jure Civili
præstanda. 54.

TITULORUM, &c.

SECTIO V.

*De Tempore & Exercitiis Requisitis ad Gradus
in Medicina capeffendos.*

- §. 1. Quot anni, in audiendo publico Professore
Medicinæ ponendi, requirantur ad Gradum
Baccalaurei in Medicina. 54.
2. Exercitia pro Gradu Baccalaurei in Medi-
cina præstanda. 55.
3. Quot Anni, in audiendo publico Medicinæ
Professore ponendi, ad incipiendum in Me-
dicina requirantur. *ibid.*
4. Exercitia pro Gradu Doctoris in Medicina
præstanda. 56.

SECTIO VI.

*De Tempore & Exercitiis Requisitis ad Gradus
in Theologia capeffendos.*

- §. 1. Quot anni, in audiendo publico Theologiæ
Professore ponendi, requirantur ad Gradum
Baccalaurei in S. Theologia. 56.
2. Exercitia pro Gradu Baccalaurei in S.
Theologia præstanda. 57.
3. Quot Anni, in audiendo publico Theolo-
giæ Professore ponendi, ad Incipiendum in
S. Theologia requirantur. 58.
4. Exercitia pro Gradu Doctoris in S. Theo-
logia præstanda. *ibid.*

SECTIO VII.

*Quomodo, & unde computandum Tempus singulis
Gradibus capeffendis præstitutum.* 59.

ELENCHUS

TITULUS VII.

*De Generali Inceptione in singulis Facul-
tatibus, sive de Vesperis &
Comitiis.*

SECTIO I.

*Statuta Specialia, ad Vesperias & Comitia
pertinentia.*

- §. 1. De Tempore Comitiorum. 60.
2. De Prælectionibus in Vesperis: & quòd
Inceptores circumeant singulas Scholas. 61.
3. De Disputationibus Vespertialibus. 62.
4. De Disputationibus Vespertialibus in Philo-
sophia. *ibid.*
5. De Conclusionem Vespertiarum Philosophica-
rum & de Juramento Inceptorum. 63.
6. De Disputationibus Vespertialibus Jurista-
rum. 64.
7. De Disputationibus Vespertialibus Medico-
rum. 65.
8. De Disputationibus Vespertialibus Theolo-
gorum. *ibid.*
9. De Coena Vespertiali. 66.
De ulteriori explicatione Statuti de Coena Vespertiali. *ibid.*
10. De Concionibus die Dominico inter Vespertias & Comitia habendis. 67.
11. De Precibus solennibus, & Oblationibus,
in Die Comitiorum. *ibid.*
12. Quem locum in Comitiiis singulæ Facul-
tates sortiantur. 68.
13. De Disputationibus Philosophicis in Co-
mitiis. *ibid.*
14. De Actu Musico. 69.

TITULORUM, &c.

15. De Disputationibus Comitialibus in Medicina. 69.
16. De Disputationibus Comitialibus in Jurisprudencia. 70.
17. De Disputationibus Comitialibus in Theologia. 71.
18. De Conclusionē Comitiorum. 72.
19. De Congregatione, finitis Comitiiis, habendâ. *ibid.*
20. De Concione Latinâ, habendâ die proximo post Comitiam. *ibid.*

SECTIO II.

Statuta Generalia ad Vesperias & Comitiam spectantia.

- §. 1. Designatio Actorum in Vesperiiis & Comitiiis penes Procuratores est. 73.
2. Quæstiones in singulis Facultatibus, discutiendæ in Vesperiiis & Comitiiis, Judicio Congregationis approbandæ. 74.
3. De Compescendis contumeliis in Exercitiis Vesperialibus & Comitialibus. 75.
4. Habitus Vesperiales & Comitiales Inceptorum in Artibus. *ibid.*
5. Habitus Inceptorum in aliis Facultatibus. 76.
6. De Senioritate Inceptorum in quâque Facultate. *ibid.*
7. De Sedilibus Inceptorum & Extraneorum non occupandis. 77.
8. De Vesperiiis & Comitiiis a B. Virginis Mariæ Templo transferendis ad Ædificium seu Theatrum publicum, impensis & munificentia Reverendissimi in Christo Patris GILBERTI Archiepiscopi Cantuariensis nuperrimè exstructum, aliisque capitibus negotium istud concernentibus. *ibid.*

ELENCHUS

TITULUS VIII.

De Disputationibus Ordinariis.

1. De Disputationibus Ordinariis in S. Theologia. 79.
2. De Disputationibus Ordinariis in Medicina. 81.
3. De Disputationibus Ordinariis in Jurisprudentia. *ibid.*
4. De Disputationibus Quodlibeticis habendis Vice Ordinariarum, in Artibus. 82.
5. De Disputationibus per Bedellos præmonendis. 83.
6. Disputantium habitus. Præfandi leges. 84.
7. De Officio Vice-cancellarii & Procuratorum, circa has Disputationes. *ibid.*
8. De mulcandis Delinquentibus circa has Disputationes. 85.

TITULUS IX.

De Congregationibus Magistrorum Regentium.

SECTIO I.

De Tempore & Negotiis Congregationum, & de Personis ad eas spectantibus.

1. De Tempore Congregationum habendarum. 86.
2. De Negotiis in Domo Congregationis tractandis. *ibid.*
3. De personis ex quibus constat Congregatio: & penes quos sit potestas negandi quæ proponuntur. 87.
4. De Magistris necessario Regentibus. 88.

TITULORUM, &c.

5. Formula admittendi Magistros ad Regendum. 88.
6. Qui sint Magistri Regentes ad placitum. 89.

SECTIO II.

De Examinandis Graduum Candidatis per Magistros necessario Regentes.

- §. 1. De Examinandis iis qui Gradus in Artibus capeffunt: aut in Jurisprudencia, priusquam in Artibus Inceperint. 90.
2. De Examinatoribus designandis, & Juramento onerandis, per Procuratorem Seniores. 92.
3. De mulctandis Delinquentibus circa Examinaciones; & de Officio ac curâ Vice-Cancellarii & Procuratorum circa easdem. 94.
- *4. De Examinandis Graduum Candidatis in aliis Facultatibus.

SECTIO III.

De Gratiis Petendis.

- §. 1. Conditiones præviæ ad petitionem Gratiæ ex parte supplicis. 95.
2. Conditiones proponendi Grantias. 96.
3. Forma Generalis petendi Grantias. 97.
4. Formulæ speciales Gratiarum ad singulos gradus pertinentium. 98.
5. De Gratiis simpliciter concedendis vel negandis. 103.
6. De Suffragiis, in concedendis vel negandis Gratiis, non revelandis. 104.
7. De Causa Gratiæ ter negatæ ostendenda, statim post tertiam Congregationem finitam. *ibid.*
8. Formula pronuntiandi Grantias concessas. 105.

ELENCHUS

SECTIO IV.

De Dispensationibus.

- §. 1. De Dispensationibus in venerabili Domo Congregationis proponendis. Formula supplicandi. 106.
2. De Materia Dispensabili, in qua Congregationi dispensare permissum est. 107.

SECTIO V.

De Præsentationibus Graduandorum.

- §. 1 De Circuitione & Visitatione, a præsentandis obeunda. 110.
2. De solenni processu Præsentandorum ad Domum Congregationis. 112.
3. De Subscriptione ante Præsentationem exigendâ. 113.
4. De Consuetudine quæ vocatur, *Nemo scit*, ante Præsentationem Inceptoris in Jure Civili. *ibid.*
5. Ceremoniæ, sive ritus Præsentandorum. 114.
6. Peculiare Formulæ Præsentandi ad singulos Gradus. 115.
7. De Depositionibus pro Præsentandis. 117.

SECTIO VI.

De Juramentis Præsentandorum.

- §. 1. Statuta, in quæ singulos Præsentatos Jurando adigit Junior Procurator. Et admonitio de Habitu Gradui competente. 120.
2. Statuta, in quæ singulos Præsentatos Jurando adigit Senior Procurator. 123.

TITULORUM, &c.

3. Communis formula, singulos Præsentatos Juramento obstringendi; & de Juramento Primatus Regii, & Fidelitatis, a singulis exigendo. 132.

SECTIO VII.

De Creatione & Licentiatione Præsentati per Vice-Cancellarium peragenda. 133.

SECTIO VIII.

De Incorporatione.

- §. 1. De incorporandis studiosis, ab aliis Academiis, huc adventantibus. 136.
2. Conditiones incorporandi Alumnos Universitatis Oxon. vel Cantabrigiensis, apud exterarum Academiarum Gradus capeffentes. 138.
3. Quo loco & Statu Incorporati esse debeant. 139.

SECTIO IX.

De Licentiis concedendis.

- §. 1. De qualitate eorum, qui ad Concionandum per Universam Angliam Licentiandi sunt. 139.
2. Formula petendi Licentiam ad Concionandum per Universam Angliam. 140.
3. Formula Literarum Testimonialium. *ibid.*
4. De Qualitate eorum, qui ad Praxin in Medicina Licentiandi sunt. 142.
5. Formula petendi Licentiam ad Practicandum in Medicina. *ibid.*
6. Formula Literarum Testimonialium. 143.
7. De qualitate & conditione Licentiandi ad Praxin Chirurgiæ. 144.
8. Formula Literarum Testimonialium. 145.

ELENCHUS

TITULUS X.

*De Magna Congregatione, sive Convocatione
Magistrorum Regentium & non Regentium.*

SECTIO I.

De modo ad Magnam Convocationem conveniendi. 146.

SECTIO II.

De Negotiis in Domo Convocationis tractandis.

- §. 1. Enumeratio Negotiorum, quæ ad Domum Convocationis spectant. 147.
2. De Statutis & Decretis in Domo Convocationis condendis & interpretandis. 148.
- * 3. De Statutis Universitatis transcribendis & custodiendis.
4. De materia dispensabili, in qua Convocationi dispensandi Potestas permessa est. 149.
5. De materia indispensabili, in qua Convocationi dispensare non permittitur. 151.
6. De Electionibus in Domo Convocationis habendis. 152.
7. De Delegatorum nominatione & munere. 156.
- * De Delegatorum Preli nominatione & munere.
- * De Statis Delegatis pro Academiæ Privilegiis tuendis & conservandis.
- * De Statis Delegatis pro curatione & elocatione Terrarum ad Universitatem spectantium.
8. De Degradatione. 158.

TITU-

TITULORUM, &c.

TITULUS XI.

De Congregationibus & Convocationibus Statuta Generalia.

- §. 1. Congregationibus alii necessariò, alii liberè
interfunt ; Convocationibus singuli, ritè mo-
niti, tenentur per fidem interesse. 160.
2. De ordine sedendi in Convocatione & Con-
gregatione. 161.
3. In Domo Congregationis & Convocationis
Latino idiomate utendum. Loquendi mo-
dus, & vices servandæ. A contumeliis absti-
nendum. *ibid.*

TITULUS XII.

De Assimilationibus Parvis, seu simile Primo. Negotia huic conventui permiffa, item inter- dicta. 162.

TITULUS XIII.

De Hebdomadali & ordinario conventu Præ- fe&torum Collegiorum & Aularum. 163.

TITULUS XIV.

De Vestitu & Habitu Scholastico,

- §. 1. De Vestitu Præfe&torum, Sociorum, &
Scholarium Collegiorum ; Et de modo in
Vestibus servando a ceteris. 165.
2. De reprimendis & puniendis novos & inso-
litos Habitus invehentibus. 166.
3. De Habitu Academico singulis gradibus &
facultatibus competente. *ibid.*

TITU.

ELENCHUS

TITULUS XV.

De Moribus Conformandis.

- §. 1. De Reverentia Juniorum erga Seniores. 170.
2. De coercendis otiosis & malè feriatis Scholaribus in Civitate oberrantibus. 171.
3. Quòd Scholares conventibus Juridicis, qui Sessiones & Affisæ vocantur, non intersint. 172.
4. De Domibus Oppidanorum non frequentandis. *ibid.*
5. De Oenopoliis, sive Tabernis Vinariis, Popinis, & Diversoriis non frequentandis. 173.
6. De Vehiculis. 175.
7. De Nocturna Vagatione reprimenda. *ibid.*
8. De Ludis prohibitis. 176.
9. De Famosis Libellis cohibendis. 178.
10. De Contumeliis compescendis. 179.
11. De vi & injuria prohibenda *ibid.*
12. De armis non gestandis. 181.
13. De Conventiculis illicitis reprimendis. *ibid.*
14. De autoribus & fautoribus Dissensionis puniendis. 182.
15. De oppugnatoribus & violatoribus publicæ Authoritatis, & manutenentibus, coercendis. *ibid.*
16. De reprimendis sumptibus non Academicis. 184.

TITULUS XVI.

De Concionibus.

- §. 1. De Concionibus ante Meridiem, diebus Dominicis intra terminum, habendis. 185.

TITULORUM, &c.

2. De Concionibus habendis ante Meridiem, diebus Dominicis extra Terminum, & diebus festis ante Meridiem, ac Dominicis post Meridiem, per totum Annum. 187.
3. De Concionibus Quadragesimalibus ad Divi Petri in Oriente. 188.
4. De Concionibus quibusdam Extraordinariis, ad B. Mariæ. *ibid.*
5. De Concionibus Anniversariis habendis extra Templum B. Mariæ. 189.
6. De Concionatoribus approbandis. 190.
7. De præmonendis Concionaturis, & poenâ eorum qui deficiunt. 191.
8. De Commemoratione publicorum Universitatis Benefactorum, præ Concionibus solennibus intra Universitatem habendis. 192.
9. De Offensionis & Defensionis materiâ in Concionibus evitandâ. 193.
10. De Officiis Divinis, seu Precibus solennibus juxta Liturgiam Ecclesiæ Anglicanæ, & Concionibus publicis frequentandis. 194.

TITULUS XVII.

De Officiariis Universitatis.

SECTIO I.

De Cancellario Universitatis.

- *§.1. De Cancellarii Electione & Admissione.
- *2. De Officio, Autoritate, & Potestate Cancellarii.

SECTIO II.

- *De Seneschallo & Sub-Seneschallo Universitatis, eorumque Electione & Officio.

ELENCHUS

SECTIO III.

De Vice-Cancellario.

- *§.1. De Cancellarii Commissario Generali, seu Vice-Cancellario ejusque nominatione, & Admissione; & de Deputatis ipsius.
- *2. De Autoritate & Officio Vice-Cancellarii.
- *3. De Computo Vice-Cancellarii, ejusque Salario.

SECTIO IV.

De Procuratoribus Universitatis.

- *§.1. De pristina Procuratores eligendi Forma abrogatâ, & novâ per Sereniss. REG. CAROLUM invecâ.
- *2. De novorum Procuratorum Admissione ad Officia sua.
- *3. De Officio & Autoritate Procuratorum.
- *4. De Famulis Procuratorum.
- *5. De Computo Procuratorum & Salario.

SECTIO V.

De Electione & Officio Magistrorum Scholarum. 195.

SECTIO VI.

De Magistris Vicorum designandis, & eorum Officio. 196.

SECTIO VII.

**De Publico Oratore Universitatis.*

SECTIO VIII.

**De Clericis Mercatibus.*

SECTIO IX.

**De Publico Archivorum Universitatis Custode.*

TITULORUM, &c.

TITULUS XVIII.

De Ministris & Servientibus Universitatis.

SECTIO I.

**De Registrario Universitatis.*

SECTIO II.

**De Bedellis.*

- *§. I. De Bedellorum Electione.*
- *2. De Bedellorum Officiis.*
- *3. De Bedellorum Baculis sive Columnis quotannis deponendis, seu resignandis.*

SECTIO III.

**De Stationario seu Virgifero Universitatis.*

SECTIO IV.

**De Clerico Universitatis; & Tintinnabulario ejusdem.*

SECTIO V.

**De Typographis Universitatis.*

SECTIO VI.

**De Ballivo Universitatis.*

TITU.

ELENCHUS

TITULUS XIX.

*De Feodis ad Universitatem, Officiarios,
& Servientes pertinentibus.* 197.

TITULUS XX.

De Bonis, & Locis Universitatis.

- *§. 1. De Communi Ærario, & Bonis Universitatis in tuto custodiendis.
- *2. De Chartis & Munimentis Universitatis custodiendis.
- *3. De Sigillis Universitatis.
- *4. De Scholis Publicis.
- *5. De Bibliotheca.
- 6. De Platearum Regimine. 198.

TITULUS XXI.

De Judiciis.

- §. 1. De Jurisdictione Universitatis tuendâ. 200.
- 2. De Curia Commissarii, five Vice-Cancellarii Universitatis. 201.
- 3. De Assessore, five Deputato Vice-Cancellarii. 202.
- 4. De Registrario Curiae Vice-Cancellarii. 203.
- 5. De Procuratoribus ad Lites. 204.
- 6. De Contumaciâ coercendâ. *ibid.*
- 7. Cum Reus comparuerit in Judicio, quid agendum. 205.
- 8. De modo procedendi in Causis levioribus, & in Causis quæ pecuniâ æstimandæ non sunt. 206.

TITULORUM, &c.

9. De modo procedendi in Causis gravi-
bus. 206.
10. De modo procedendi in Causis criminali-
bus. 207.
11. De Incarceratione, Custodiæ causâ. *ibid.*
12. De iis qui majorum criminum suspicione
tenentur. 208.
13. De Reis, majorum criminum Convictis. 209.
14. De iis, qui de se justitiam fieri non permit-
tunt. *ibid.*
15. De iis, qui Universitatis Juribus aut Pri-
vilegiis adversantur, disprivilegiandis vel dis-
communicandis. 210.
16. De Perturbatoribus Pacis, five iis quorum
Appellationes recipiendæ non sunt. 211.
17. De Causis in quibus dubitatur, utrum Ap-
pellatio admittenda sit, necne. 213.
18. De Appellationibus admittendis in Causis
civilibus, Perturbationi Pacis annexis. 214.
19. Quo ordine Appellandum sit. *ibid.*
20. De Judicibus Delegatis in Causis, Appel-
lationum. 215.
21. De Cautionibus ab Appellantibus deponen-
dis penes Procuratores Universitatis, prius-
quam Inhibitionem obtineant. 216.
22. De Modo procedendi in Causis Appellatio-
num 217.

APPENDIX STATUTORUM,

In qua continentur.

*Ordinatio Margaretæ Comitiss. Richmondiaë,
circa Lectorem in S. Theologia.

Statuta Bibliothecæ Bodleianæ. 219.

§. 6. De modo studendi; nec non de Libris in
Quarto & Octavo. *ibid.*

Statutum novum de tempore aperiendi & clau-
dendi Bibliothecam Bodleianam. 223.

Statutum novum de necessitatibus, Bibliothecæ
Bodleianæ subveniendis. 225.

*Statuta Saviliana, de Professoribus Matheſeôs.

*Dotatio Lecturæ Naturalis Philosophiæ per D.
Guil. Sedley.

*Statuta Doctoris White, de Lectore Moralis
Philosophiæ.

*Statuta Lecturæ Anatomicæ.

*Statuta Doctoris Heyther de Praxi Musices Heb-
domadali.

ΕΠΙΝΟΜΙΣ seu Explanatio Juramenti, &c. 227.

Ordo five Series Electionis Procuratorum, &c. 231.

Statuta CAROLINA de Cyclo Procuratorio. 234.

*Statuta Aularia.

Articuli Fidei & Religionis. 238.

The three Articles in the 36th Canon. 255.

Oath of Allegiance. 256.

Oath of Supremacy. *ibid.*

Oath at the Matriculation of a Scholar. 257.

Oath at the Matricul. of a Privileged Person. *ibid.*

Quid quisque præſentandus, ante præſentationem,
legere teneatur. 258.

TITU-

TITULUS I.

DE

T E R M I N I S

E T

VACATIONIBUS.

§. I. *De Terminorum numero, initio, & fine.*

ANNUS Academicus quatuor Terminos continet, in quibus omnes Actus Scholastici exercendi sunt.

E quibus primus incipiet in crastino S. Dionysii, scilicet 10^o Octobris; & in 17^o Decembris, in crastino diei qui O Sapientia dici solet, terminabitur.

Secundus in crastino S. Hilarii, hoc est, 14^o Januarii, inchoabitur; & in Vigilia Dominicæ Palmarum desinet: ita tamen, quòd Lectores non teneantur legere tempore Quadragesimali.

Tertius die Mercurii post Dominicam in Albis, hoc est, 10^o die post festum Paschatis, initium sumat; et in feria quinta, hoc est, die Jovis proxime ante Pentecosten, exeat.

Quartus feriâ quarta, sive die Mercurii post festum Sanctæ Trinitatis, auspicetur, & continuetur ex prorogatione (absque præjudicio vel incommodo Statutorum vel Consuetudinum ali-

A

cujus

cujus Collegii vel Aulæ) in diem Sabbati Comitia proxime sequentem; & ulterius secundum beneplacitum Vice-Cancellarii, Procuratorum, & Magistrorum Regentium.

Si forte initium vel finis alicujus Terminii in diem Festum inciderit, inchoatio vel terminatio ejusdem in diem immediate sequentem differatur.

Plenus Terminus quoad Exercitia, in pleno Terminio per Statuta necessario præstanda, inchoari intelligendus est, primo die Hebdomadis sequentis primam Congregationem: utpote si prima Congregatio fuerit die Lunæ, Dominica proximè sequens habeatur primus dies in pleno Terminio.

§. 2. *De Precibus solennibus, ac Cancionibus Latinis, initio cujusque Terminii habendis.*

QUO auspiciatius simul et solennius Terminus quisque inchoetur, ordinatum est, quod post Preces publice secundum Liturgiam Ecclesiæ Anglicanæ in Ecclesia B. Mariæ Virginis celebratas, Concio Latinè ad Clerum habeatur.

Quam concionem S. Theologiæ Professores, & alii in Theologia Graduati Sacris Ordinibus initiati, seriatim obeant; aut alii illorum loco substituti, per Vice-Cancellarium approbandi. Proviso semper, quòd nullus ad munus prædicti functionem obeundam vice alterius quovismodo admittatur, nisi Sacris Ordinibus initiatus, quique in Theologia graduatus fuerit; aut saltem Artium Magister per quatuor annorum spatium à suscepto Magisterii Gradu; quique

quique insuper facultati Theologiæ nomen suum dederit.

Preces autem has Publicas, tunc, atque etiam quâcunque alia occasione habendas, ipse Cancellarius, aut ejus Vice-Cancellarius, sive Deputatus, aut aliquis alius è publicis S. Theologiæ prælectoribus, aut (aliquo ipsorum concionante) quicunque alius S. Theologiæ Doctor, Collegii aliqujus aut Aulæ Præfectus, à Cancellario, Vice-Cancellario, aut ejus Deputato substitutus perlegat, & reliqua ibidem in officiis Divinis præstanda celebret ac peragat.

Duo autem è Magistris necessariò Regentibus aut etiam non Regentibus, qui adfuerint, à Procuratoribus personaliter designati, & per Bedellum requisiti, Litaniam solenniter ac devote cantent; Chorus autem respondeat. Quod si quis requisitus recusaverit, mulctetur quinque solidis in usum Universitatis; & Procuratores è præsentibus alios usque designare teneantur, donec aliqui in se recipiant. Quod si neminem designare voluerint Procuratores, ipsi ad cantandum teneantur.

Demum post peractas Preces, finitâ etiam concione, ad sacram Synaxin decenter & reverenter celebrandam se accingant. Cui melioris notæ Academicos frequentes adesse, præter conscientiæ dictamen, publici exempli interest; sicut & singulos ceremoniis & Canonibus Ecclesiæ conformes se præstare interest Disciplinæ Ecclesiasticæ, contra quam ne quid peccetur, sedulò curabit Vice-Cancellarius.

TITULUS II.

De Matricula Universitatis.

§. 3. De tempore et conditionibus
Matriculationis.

OMnes & singuli Studentes seu Scholares cujuscunque conditionis, intra quindenam postquam ad Universitatem accesserint, coram Cancellario ejusve Commissario matriculandos se sistant; nec, priusquam in Matriculam Universitatis relati fuerint, ullis Universitatis privilegiis aut beneficiis gaudeant. Quod si a Præfecto Domûs suæ, ejusve Deputato legitime moniti, nihilo secius matriculandos sese non sistant, pro qualibet quindena suæ dilationis sex solidis & octo denariis ad usum Universitatis mulctentur,

Quotquot autem in Matriculam Universitatis redigendi accedunt, si decimum sextum suæ ætatis annum attigerint, Articulis fidei et religionis subscribant; & de agnoscendo primatu Regiæ Majestatis, nec non de fidelitate Universitati exhibenda, ac Statutis, Privilegiis, & Consuetudinibus ejusdem observandis, juxta formam hætenus usitatam, corporale juramentum præstent.

Quod

Quod si infra decimum sextum & supra duodecimum ætatis annum extiterint, Articulis fidei & religionis duntaxat subscribent, & in Matriculam redigentur.

Quod si duodecimum non excefferint, in Matriculam duntaxat referentur; utrique tamen postmodò, ubi ad maturam ætatem pervenerint, quâ cætera requisita præstare possint, tum demum ea præstare teneantur sub pœna non sistentium se Matriculandos.

§. 5. *De officio Præfectorum circa Scholares Matriculandos.*

DEcretum est, quod omnes & singuli Præfecti five Magistri Collegiorum aut Aularum, (sive quocunque alio titulo ac nomine cognoscantur, aut censeantur) aut, ipsis absentibus, eorum Deputati teneantur & obligentur, infra quindenam à tempore quo aliquis Scholarium sive Studentium in suum Collegium sive Aulam fuerit admissus, eundem Scholarem sive Studentem coram Cancellario, vel ejus Commissario qui pro tempore fuerit, personaliter sistendum curare, ut in Matriculam Universitatis nomen ejus debite referatur.

Unà cum Matriculando accedat ipsius Tutor, qui, fide suâ datâ Universitati, conditionem Matriculandi, (utrum sc. Nobilis, Equitis, Doctoris, Armigeri, Generosi, an Plebeii Filius sit,) Vice-Cancellario bonâ fide prodere tenebitur. Quod si Tutor recusaverit, Tutoris munere ipsi interdicatur.

Quod

Quod si quis Præfectus aut Magister, aut ejus deputatus (postquam ipsi per Bedellum superiorem sive Theologiæ, sive Juris Civilis, innotuerit, Scholarem, vel Studentem suum infra tempus prædictum in Matriculam Universitatis relatum non esse,) eum ad comparandum, & ad cætera quæ requiruntur præstanda non compellat, (qui, vigore hujus Statuti, compellendi potestatem habeat) pro qualibet quindena suæ dilationis post monitionem sibi per Bedellum factam, tribus solidis & quatuor denariis ad usum Universitatis mulctetur.

TITULUS III.

De Scholaribus in Collegia & Aulas Compellendis.

§. I. *De Scholarium admissione in Collegia & Aulas. Ne quis in domibus privatis victitet, aut hospitetur.*

CUM ad eruditionem & ingenuam Disciplinam promovendam plurimum conducatur, ut Scholares non solum sub publico, sed etiam sub privato regimine contineantur, Statutum est, quod omnes Scholares cujuscunque conditionis, intra septimanam à primo ipsorum adventu ad Academiam, in aliquod Collegium aut Aulam admittantur; ubi continuè victum sumere ac pernoctare teneantur, nec ullo modo ultra tempus prædictum (nisi ex causa per Cancellarium aut

aut ejus Vice-Cancellarium approbanda) in Domino privati cujusquam (sive Privilegiati, sive non) hospitentur aut victitent: sub poena quod si quis in hoc deliquerit, pro eo tempore quo sic deliquerit, Universitatis privilegiis non fruatur, & crescente contumacia, pro arbitrio Cancellarii aut Vice-Cancellarii incarceretur, aut banniat.

Quicumque vero alius (sive Privilegiatus sive non) ultra tempus praedictum, Scholarem in domo sua, commorari, victitare, vel pernoctare permiserit, (si prius admonitus fuerit) pro qualibet septimana Vice-Cancellario decem solidos persolvere teneatur. Quod si quis per tres menses Scholarem in domo sua hospitari seu victum sumere permiserit; si Privilegiatus fuerit, privilegiis Universitatis privetur; si Oppidanus, commercio cum Privilegiatis ei interdicatur.

Provisio tamen, quod liceat Scholaribus in Domibus quibusvis et Tenementis, Collegiis vel Aulis annexis vel annectendis, in quibus Oppidani familiam non alunt, hospitari. Dummodo in annectendis servetur haec cautio: Ut ita sitae sint, ut ad eas nullus pateat ingressus, nisi per commune ostium Collegii vel Aulæ: cujus rei arbitrium et cura penes Cancellarium seu Vice-Cancellarium esto.

§. 2. *Quales Tutores Scholaribus praeficiendi sint.*

STatutum est, quod Scholares in quolibet Collegio vel Aula, statim à primo eorum ad Academiam adventu, singuli suos Tutores habeant, donec ad gradum aliquem promoti fuerint; vel
saltem

saltem quatuor annos (ut in Jure Civili studentes) in Academia compleverint.

Et quod nullus pro Tutore se gerat, nisi qui sit in aliqua facultate graduatus, Vir Probitate & Eruditione perspectâ, Religione sincerus, judicio Præfecti Collegii sive Aulæ (in qua degit) comprobatus; vel, si circa hoc controversia oriatur, judicio Vice-Cancellarii approbandus.

Provisio insuper, quod, si per probationes legitimas innotescat Vice-Cancellario, cuiquam minus idoneo Tutoris munus fuisse demandatum, liceat Vice-Cancellario eidem Tutoris officio omnino interdicere.

Tutor vero Scholares Tutelæ et Regimini suo commissos probis moribus imbuat, & in probatis authoribus instituat; & maxime in rudimentis religionis & doctrinæ Articulis in Synodo *Londini* anno 1562. editis: ac pro virili suo disciplinæ in Ecclesia Anglicana publicè receptæ eòs conformes præstabit. Quod si quis in aliquo prædictorum deliquerit, arbitrio Cancellarii vel Vice-Cancellarii coereatur.

Tutoris etiam muneri incumbit, quoad ea quæ ipsius oculis quotidie sese ingerere necesse est (qualia sunt Vestes, Ocreæ, Capillitium, &c.) Pupillos suos intra modum à Statutis præscriptum continere; quem si exceßerint Pupilli, Tutor pro 1^a 2^a & 3^a vice quâ deliquisse Pupillus deprehensus fuerit, sex solidis & octo denariis mulctabitur: quartâ vero vice Tutoris munere ipsi interdicet Vice-Cancellarius.

§. 3. *De non Migrando sine venia ab uno Collegio vel Aula ad aliud.*

STatutum est, quòd non licebit alicui Collegii vel Aulæ Præfecto, quemquam Scholarem sponte sua ab aliquo Collegio vel Aula, sine venia Præfecti ejusdem sub Chirographo obtenta, discedentem, aut aliàs bona Præfecti cum venia recedentem, nullo tamen sub Chirographo ipsius obtento testimonio de honesta ac laudabili sua conversatione, in Collegium vel Aulam suam admittere, nisi causa recessûs & migrationis suæ per Cancellarium Universitatis, qui pro tempore fuerit (vocato & audito Præfecto Domûs à qua discedere cupit,) primitùs fuerit approbata, sub pœna XLs. pro admissione cujusque Personæ sic admittæ, à Præfecto Collegii sive Aulæ exigendorum.

Quòd si quis à Collegio aliquo vel Aula expulsus fuerit, (id quod ante cujusquam admissionem explorare tenentur Præfecti Ædium sub eadem pœna) nemo in Collegium vel Aulam suam eum admittat, donec Cancellarius, (causâ expulsionis cognita, & pœnâ eidem pro arbitrio suo prius irrogata) admittendum censuerit, sub pœna 40. solidorum, pro quolibet Scholari contra intentionem hujus Statuti admissio, Universitati à Præfecto, vel ejus Deputato, qui in hoc casu deliquerit, solvendorum; et sub pœna Bannitionis infligenda Scholari, quem Vice-Cancellarius legitime expulsam judicaverit; quive (priusquam pœnam à Cancellario impositam subierit) in aliquod Collegium vel Aulam se admittendum procuraverit.

TITULUS IV.

De Lectoribus Publicis.

SECTIO I.

Statuta Specialia ad Lectores pertinentia.

§. I. *De Lectoribus ad Lecturas adhuc indotatas designandis.*

Statutum est, quòd Lectores in Grammatica, Rhetorica, Logica, Metaphysica, ex Magistris Regentibus vel non Regentibus de biennio in biennium eligantur.

Visum est, potestatem Lectores istos eligendi esse penes quatuor Collegia, viz. duo illa unde præsentis anni Procuratores fuerint, & duo alia unde sequentis anni Procuratores futuri sint. Ita quòd duo illa Collegia unde fuerint præsentis anni Procuratores secundum senioritatem Procuratorum; reliqua duo, secundum ordinem senioritatis, quo ad concionandum citantur, permissâ Lecturæ optione, singula unum Lectorem eligant seu designent. Quòd si horum Lectorum quempiam fato fungi, aut Academiâ excedere, vel aliàs quoquo modo harum Lecturarum aliquam vacare contigerit, Electio Lecturæ sic vacantis esto penes Principales & magistros Aulares. In singulis autem Ædibus pro electo habeatur is, in quem consenserint Præfectus Domûs, & major pars suffragantium; quos ejusdem conditionis esse oportet, quam Statuta Cycli Procuratorii requirunt. Quod si Præfectus, vel, (eo absente, aut sede vacante

vacante) ejus vices gerens & major pars omnium suffragantium, intra Septimanam Comitia proximè sequentem in unum aliquem non consenserint, nec eam ob causam Electio absoluta fuerit, & die Saturni proximo post Comitia ante horam nonam vespertinam Vice-Cancellario renunciata; Collegium istud jus eligendi Lectorem istâ vice amittet, et ad Vice-Cancellarium spectabit nominatio; qui intra triduum aptam & habilem Personam ex Aularum aliquâ assumendam in Lectorem cooptabit. Qui sic electi in Scholis eisdem facultatibus & scientiis destinatis, temporibus inferiùs assignandis, diligenter legere teneantur.

§. 2. *De Prælectore Grammaticæ.*

PRælector Grammatices bis in qualibet Septimana, viz. die Martis & Veneris, horâ octava matutina, publicè Grammaticam legat Linguâ Latina; vel technicè, è Prisciano, Linacro, aut alio probato Grammatices Authore; vel criticè seu philologicè, selectos aliquos Titulos, de antiquitatibus Græcis aut Romanis, explicet.

Hujus Lectionibus interesse & auscultare, omnes Scholares cujuscunque conditionis, per annum integrum à primo ad Academiam adventu, teneantur.

§. 3. *De Prælectore Rhetoricæ.*

PRælector Rhetoricæ item bis in qualibet Septimana, viz. diebus Lunæ & Jovis, horâ etiam octava Matutina, publicè exponat Rhetoricam Aristotelis, Ciceronis, Quintilianii, aut Hermogenis; quos inter se sic conferat, ut ex iis Artis præcepta in unum corpus redigat.

Ejus Prælectionibus Scholares itidem cujuscunque conditionis, per annum integrum à primo ad Academiam adventu, auscultare teneantur.

§. 4. *De Prælectore Dialecticæ.*

Prælector Dialectices, diebus Lunæ & Jovis horâ octava matutina, publicè exponat aut Porphyrii Isagogen, aut quamcunque Logicæ Aristotelicæ partem; textum dilucidè ac breviter exponendò: nec diu immoretur quæstionibus circa methodum vel analysin Libri seu Textûs, sed quæstiones ad materiam libri pertinentes rite eliciat, & succinctè ac nervosè discutiat.

Hujus Lectoræ Auditores sint singuli Scholares à primo anno completo, quousque ad Gradum Baccalaureatûs in Artibus præsententur.

§. 5. *De Prælectore Moralis Philosophiæ.*

Prælector Philosophiæ Moralis, diebus Martis & Veneris horâ octava matutina, Aristotelis Ethica ad Nicomachum, Politica, nec non Oeconomica publicè legat, Textum exponendo, & quæstiones prout à textu Aristotelis emergunt, succinctè discutiendo.

Hujusque Lectoræ Auditores sunt singuli Scholares à primo anno completo, quoad præsentati fuerint ad Gradum Baccalaureatûs in Artibus.

§. 6. *De Prælectore Geometriæ.*

Prælector Geometriæ secundum Statuta Saviana bis in qualibet Septimana legat, scilicet diebus Mercurii & Saturni horâ octava matutina, et qui per Statuta illa tenentur, Auditores
sunt;

sunt; nempe omnes Scholares, post annum secundum completum ab adventu ad Universitatem, usque ad annum primum Baccalaureatus completum, sub poena sex denariorum pro qualibet Lectione neglecta.

Et quia fieri potest, ut novi Auditores, indies accedentes, Professore Geometriæ, (interiorem Artis sortem tractantem) assequi nequeant; Potestatem damus Professori Geometriæ, pro sua Discretionem cum novis Auditoribus, ad unum annum & non amplius, (sub Chirographo manu sua signato) pro absentia sua dispensare (nihil omnino à dictis Auditoribus pro dicta Dispensatione, sub poena perjurii exigendo.)

Locum & Horam cujusque Lecturæ penes Universitatem esto statuere, & pro Arbitrio mutare.

§. 7. *De Prælectore Astronomiæ.*

Prælector item Astronomiæ Statuta Saviliana observet. Legat vero diebus Lunæ & Jovis, horâ itidem octavâ matutinâ. Auditoresque ejusdem sint, qui iisdem Statutis designantur, nempe à primo anno Baccalaureatus completo usque ad plenam inceptionem in Artibus, sub poena sex denariorum pro qualibet Lectione neglecta.

§. 8. *De Prælectore Musicæ, Doctoris Heyther.*

Prælector Musicæ à Gulielmo Heyther Musicæ Doctore institutus, semel vel sæpius quolibet anni Terminò, in Schola Musica, illius Artis Theoriam, inter horas octavam & nonam antemeridianas, legat. In Vesperis autem Commitiorum quotannis, inter horas nonam & decimam

cimam antemeridianas, (interpositâ Musicorum instrumentorum modulatione) vernaculâ linguâ solennem etiam ibidem habeat Lectionem.

Hujus Lectoris annua Designatio penes Procuratores, si ante inchoatum Terminum in unum aliquem consenserint, alioqui penes Vice-Cancellarium, esto. Qui ad Incrementum annui stipendii (trium sc. librarum) prædicto Lectori per Fundatorem allocati, quadraginta quinque solidos (Lectori Moralis Philosophiæ antehac numeratos) prædictis tribus libris per Procuratores adjiciendos recipiet.

§. 9. *De Prælectore Naturalis Philosophiæ instituto per spectabilem virum D. Guil. Sedley.*

Legat Prælector Naturalis Philosophiæ Aristotelis Physica, aut libros de Cœlo et Mundo, aut de Meteoris, aut ejusdem Parva Naturalia, aut Libros de Anima, necnon Libros de Generatione & Corruptione, bis in qualibet Septimana in pleno Termino, diebus scilicet Mercurii & Saturni, horâ octava antemeridiana. Auditores sint Artium Baccalaurei, iidem qui & Astronomiæ. Multa Prælectoris non legentis esto decem solidi; Auditoris absentis quatuor denarii.

§. 10. *De Prælectore Metaphysicæ.*

Prælector Metaphysicæ, bis in Septimana, diebus scilicet Martis & Veneris, horâ octava antemeridiana, Aristotelis Metaphysica legat; Textum quoad fieri potest dilucidè exponendo, & quæstiones Metaphysicas, quæ apud Scriptores antiquos, & modernos agitantur, prout è Textu Aristotelis emergunt, succinctè ventilando.

Lecturæ

Lecturæ suæ Auditores habeat Baccalaureos omnes quousque ad Gradum Magistrorum præsentati seu licentiati fuerint.

§. 11. *De Prælectore Historices, per celeberrimum virum Guil. Camdenum instituto.*

PRælector Historices bis in qualibet Septimana, diebus scilicet Lunæ & Veneris, inter horas primam & secundam post meridiem in Schola Historicæ designata, Lucium Florum, aut alios quosvis antiquioris et melioris notæ Historicos prælegat. Ejusque Lectiones frequentare teneantur singuli Artium Baccalaurei, post Quadragesimam immediatè sequentem primæ Præsentationis suæ diem, donec ad Gradum Magisterii promoveantur: Item Juris Civilis Studiosi, quousque Baccalaurei Juris præsentati fuerint. Electio penes sit Domum Convocationis secundum Stat. Tit. X. Sect. II. §. 6.

§ 12. *De Linguae Græcæ Professore Regio.*

Professor Regius Linguae Græcæ, bis singulis Septimanis, diebus scilicet Mercurii & Saturni, inter horas primam & secundam pomeridianas, in Schola huic Lecturæ assignata, Homerum, Demosthenem, Isocratem, Euripidem, aut alium quemvis ex antiquioribus, et classicis Authoribus explicabit; quæcunque ad illius Linguae Grammaticen, & Sermonis proprietatem spectant, enarrando. Auditores sunt Scholares omnes post biennium completum ab adventu suo ad Academiam & deinceps Baccalaurei omnes, donec ad Magistralem Gradum proventi sint.

§. 13. *De Linguae Hebraicae Professore Regio.*

Professor Regius Linguae Hebraicae, bis singulis Septimanis, diebus Martis & Jovis, inter horas primam & secundam pomeridianas in Schola huic Lecturae assignata, è Sacrae Scripturae fontibus, quaecunque ad illius Linguae Grammaticam & Sermonis proprietatem pertinent, explicabit.

Ejus lectionibus intendant singuli Artium Baccalaurei, statim post Quadragesimam immediate sequentem primae Praesentationis suae diem, donec annum integrum à suscepto Magisterii Gradu compleverint; Nisi quis rite, juxta statuta, inter Auditores Juris aut Medicinae nomen suum, intra primum annum à suscepto Magisterii Gradu, profiteatur. Et hic annus in audienda lingua Hebraica collocatus, pro uno illorum septem, qui juxta statuta in audiendo S. Thologiae Professore ponendi sunt, illis reputabitur.

§. 14. *De Regio Juris Civilis Professore.*

Professor Regius Juris Civilis, bis item in quolibet Septimana, diebus scilicet Martis & Jovis, hora decima, in Schola huic Lecturae assignata, quamlibet partem Corporis Juris Civilis exponet; eosque praecipue Titulos, qui ad usum & praxin in hoc Regno conducunt. Auditores habeat omnes, qui per Statuta Collegiorum Juri operam dare requiruntur, aut qui rite Juris studio nomina dederunt; donec ad Gradum Doctoris promoti fuerint, vel tempus in Academia compleverint, quo ad eundem Gradum promoveri possint.

§. 15. *De Prælectore Anatomices.*

PRælector Anatomices leget modo & formâ secundum Ordinationes de eadem Lectura editas, & per Universitatem approbatas, sub pœnis in iisdem Ordinationibus expressis, hoc est quolibet Vere, publicè monstrabit, docebit, tradet, situm, naturam, usum & officium Partium Corporis: et quovis Termino Academico S. Michaelis (horis consuetis Lecturæ Medicæ destinatis) leget super Sceleto.

Temporibus aliis intra Terminum, poterit Prælector (prout visum fuerit) plenius explicare partem aliquam vel particulam Anatomies, vel Sceleti.

Auditores necessarii dictarum Lecturarum erunt omnes Studiosi Medicinæ, & omnes Chirurghi in Universitate. Et unusquisque Studioforum Medicinæ, (non Licentiatorum ad practicandum in Medicina) & Chirurgorum, pro quavis absentia sua non approbata per Prælectorem, solvet duos solidos.

Unusquisque admittendus per Universitatem ad practicandum in Medicina, vel Chirurgia, priusquam Gratiam suam proponat ad dictam Licentiam obtinendam, Testimonium afferet, vel Fidem faciet, quod interfuerit Uni saltem integræ Dissectioni Anatomicæ, Unique integræ Lectioni de Sceleto; nisi secum per Congregationem Regentium dispensetur.

§. 16. *De Regio Professore Medicinæ.*

Professor Regius Medicinæ, bis in qualibet Septimana, viz. diebus Martis & Veneris,
C horâ

horâ octava matutina, Hippocratem aut Galenum in Schola huic Lecturæ assignata legat. Ejusque Auditores sunt omnes in Medicina Studiosi & Baccalaurei, donec in eadem Facultate ad Doctoratus Gradum promoti fuerint; vel tempus in Academia, quo ad Doctoratum promoveri possint, compleverint.

§. 17. *De Prælectore S. Theologiæ, Dominæ Margaretæ Comitissæ Richmondiaë, Matris Regis Henrici Septimi.*

Ordinatum est, quòd Lector Dominæ Margaretæ, ad instar aliorum Lectorum, bis in qualibet Septimana, diebus scilicet Martis & Jovis horâ nona antemeridiana, in Schola Theologica aliquam Scripturæ partem exponet. Auditores sunt omnes in S. Theologia Baccalaurei, donec tempus compleverint, quo ad Doctoratum in eadem Facultate promoveri possint; necnon omnes alii Scholares cujuscunque Collegii vel Aulæ, sive Socii sive Capellani, qui Sacros ordines susceperunt, donec præstitutum tempus excesserint.

§. 18. *De Regio S. Theologiæ Professore.*

Professor Regius S. Theologiæ, bis item in qualibet Septimana, diebus scilicet Lunæ & Veneris, horâ nona in Schola Theologica exponat aliquam Sacræ Scripturæ partem. Auditores sunt omnes Magistri in Artibus post annum à tempore Inceptionis (nisi qui studio Juris aut Medicinæ rite & bona fide nomina dederunt) donec ad Gradum Doctoris in eadem Facultate promoti fuerint, vel tempus in Academia comple-

compleverint, quo ad Doctoratum promoveri possint.

§. 19. *De Prælectore Botanices.*

Prælector Botanices Lectiones suas habeat in Schola Medicinæ, nec non in horto Botanico; & quandoquidem pro Anni temperie plantæ temporibus minùs statim florent & succrescunt, ad certos Dies in iisdem enarrandis non tenetur.

§. 20. *De Prælectore Linguae Arabicæ.*

Arabicæ Linguae Prælector Temporibus Vacationum, numerando à primo earum die, legat semel in qualibet Septimana Die Mercurii hora nona matutina. Item tempore Quadragesimæ legat semel in qualibet Septimana, die eodem, hora vero octava matutina: Et si Dies Mercurii Festus sit, tum die Veneris. Per unius horæ spatium in Schola Lecturæ suæ assignata probati alicujus & antiqui Authoris Opus Interpretetur, in quo Linguae Proprietas, & Sermonis Elegancia elucet. Prælectionibus hisce interesse teneantur omnes Artium Baccalaurei quousque ad Magistralem Gradum promoti steterint in Comitiis. Item omnes Medicinæ Studiosi, donec Baccalaurei in eadem Facultate præsentati fuerint. Sed & aliis quibuscunque eadem audiendi potestas sit.

§. 21. *De Prælectore Poëtices.*

Legat Prælector in Schola Naturalis Philosophiæ primo quoque die Martis in pleno Terminò,

mino, horâ tertia post meridiem : quod si in diem prædictum festum aliquod inciderit, leget die Jovis proxime sequenti, horâ locoque prædictis : et si Encænâ celebrentur solito comitiorum tempore, leget etiam in Theatro ante inchoata Exercitia Philologica.

§. 22. *De Prælectore Juris Anglicani per spectatissimum virum Carolum Viner Armigerum, instituto.*

Prælector, in singulis Anni Academici Terminis, unam solennem Lecturam de Jure Anglicano, in Schola huic Studio designanda, hora ante meridiem undecima, per se, vel idoneum Deputatum (per Domum Convocationis antea approbandum) sermone vernaculo diligenter leget. Quæ quidem Lectura primo die Lunæ in quolibet pleno Termino (nisi forsan hunc in diem Festum aliquod inciderit, et in eo casu die Mercurii proxime sequente) legetur; excepto tamen Termino S. S. Trinitatis, in quo, propter Termini forensis vicinitatem, secundo die (vel si in eum Festum aliquod inciderit, primo die) Termini Academici dicta Lectura prælegetur. Præter quatuor has solennes Prælectiones, dictus Prælector quotannis (incipiendo a fine Termini S. S. Trinitatis) completam Prælectionum Seriem de Jure Anglicano, in Schola huic usui destinanda, (aut in alio quovis loco cum approbatione Domini Vice-Cancellarii) per se, vel idoneum Deputatum, vernaculo sermone diligenter legere tenebitur. Quæ dicta Prælectionum Series constabit sexaginta ad minus Prælectionibus, quæ sexaginta discretis diebus tempore Terminorum Academicorum legentur : atque ita commodis

dis intervallis distinguuntur, ut non plures quam quatuor Lectiones singulis Septimanis habeantur. Præmittatur etiam publica Monitio unius ad minimum Mensis, antequam dicta Prælectionum Series inchoetur. Insuper dictus Prælector Scholares hujusce Foundationis gratis omnino instruet; sed ab aliis Auditoribus tantum Pecuniæ sive Præmii sibi vendicet, quantum Decreto Convocationis de tempore in tempus statuetur.

S E C T I O II.

Statuta Lectores in genere spectantia.

§. 1. *Quòd Lectores in Propriis Personis legant.
De substituendis aliis, loco Ægrotantium,
aut Absentium. De Mulctis.*

ITem Statutum est, quòd quilibet Prælector seu Professor, in Schola Lecturæ suæ assignata, die & hora præstitutis (nisi in diem Lecturæ suæ destinatum Festum aliquod inciderit) ad tres usque horæ quartas, per Se legat, non per Alium, nisi ex causa Infirmitatis, aut alia causâ necessaria, per Cancellarium aut Vice-Cancellarium & Procuratores approbanda; quo in casu substituat vir idoneus cùm Eruditione tùm Gradu, ab iisdem Cancellario vel Vice-Cancellario & Procuratoribus admittendus, & competenti Salario, pro labore, eorum arbitrio remunerandus. Et in casu quo aliquis prædictorum Prælectorum aut Professorum secundùm formam prædictam in legendo defecerit; pro qualibet vice, si Prælector fuerit, cui Stipendium annuatim infra 40*l*. competit,

competit, quinque solidis; cui autem Stipendium 40*l.* vel supra, assignatum fuerit, decem solidis, Universitati applicandis, mulctetur: Professor autem Dominæ Margaretæ Comitissæ Richmondiaë, sex solidis & octo denariis, Universitati applicandis, mulctetur.

§. 2. *Ne quis Lectorum, quicquam cum fide Catholica, vel bonis moribus pugnans, doceat.*

Item Statutum est, quòd nullus Professor aut Prælector publicus, quicquam directè vel indirectè doceat vel dogmaticè asserat, quod Fidei Catholicæ, vel bonis moribus, ulla ex parte adversetur. Sed contra, quilibet eorum, quoties opportuna ei inter legendum offeretur occasio, Auditores suos ad sanam Doctrinam amplectendam & tuendam, atque ad honestè pièque vivendum adhortetur. Et, si quis eorum, Scholares five Auditores suos aliquid minùs sanè atque sincerè de Fide sentire cognoverit aut suspicetur, eos admoneat, atque ab erroribus ad Veritatem revocare studeat. Quòd si quis obstinatè in aliquo errore perseveraverit, id Vice-Cancellario denuntiare teneatur.

§. 3. *De Philosophica Doctrina Veritati Theologicæ conformanda & attemperanda.*

Item Statutum est, quòd Prælectores Philosophiæ, quoties tractare eis contigerit Quæstiones de Deo, de Mundi Æternitate, de Immortalitate Animæ, et aliis id genus; semper eorum sententiam sequantur, qui de illis rebus minùs à Veritate Christiana dissentiunt. Quòd si Philosophorum opiniones Pietati alioquin contrariæ

trariæ omninò fuerint, diligenter admoneant Scholares siue Auditores suos, de humani sensûs imbecillitate ad illas res percipiendas, quarum Veritatem ex Divina Revelatione certò cognovimus; studeantque Adolescentium animos quam maximè ab omni semper Impietate avertere, & vera Pietate imbuere.

§. 4. *Prælectores sermonem inter legendum ne præcipitent: Auditorum dubiis, si qua fuerint, finitâ lectione satisfaciant.*

CUM inanis plerumque & infructuosus esse soleat labor, qui Lectoris audiendis impenditur, nisi in subsidium memoriæ calamus advocetur; Statutum est, quod Lectores inter legendum sermonem minimè præcipitabunt; sed ita singula proferent, ut Auditores ea commodè scriptis excipere possint. Si secùs fecerint, pœna esto pro arbitrio Vice-Cancellarii.

Finitis insuper Lectionibus, Professores aliquantisper in Scholis commorentur; & si aliquis Scholaris aut Auditor voluerit arguere contra ea quæ fuerint ab illis dicta inter legendum, vel aliàs de aliquo dubitet, illum benignè audiant, difficultatibusque & dubiis sibi motis satisfaciant.

§. 5. *De Eligendis publicis Lectoribus.*

STATUTUM est, quod hujusmodi Lectores seu Professores publicos, quos eligendi, penes Domum Convocationis vel Congregationis, aut (ex speciali ordinatione Fundatoris Lecturæ cujusvis) penes alias quascunque Personas intra Universitatè, jus ac potestas fuerit; Quod in locum Professoris seu Lectoris cujusvis quomodocunque vacantem,

vacantem, non subrogetur continuo, seu immediate, Successor ex eadem Domo, unde prece-
dens Lector seu Professor electus fuerat, si alte-
rius cuiuspiam, eidem muneri suffecturi, ex alia
Domo substituendi copia detur. Nisi forte per
Fundatorem Lecturæ cuiusvis specialiter cautum
fuerit, vel alias obtinuerit consuetudo, quod post
exactum certum annorum curriculum hujusmodi
Lecturæ præstitutum, liceat Electoribus eundem
denuo ad eandem Lecturam adsciscere; quo in
casu, eundem denuo eligere, non tamen alium
quempiam ex eadem Domo subrogare licebit.

TITULUS V.

De Lectionum Publicarum Auditoribus.

§. I. *Quod singuli Scholares Peculiaribus Scholis contribuantur.*

CUM par sit, ut, qui Gradibus Academicis
honestari cupiunt, eorum etiam diligentia,
in cultu ingenii capeffendo, publicè sit perspecta;
Statutum est, quòd singuli Scholares cujuscunque
conditionis, à primo eorum adventu ad Acade-
miam, ad certas aliquas Scholas, pro ratione
Temporis vel Gradûs in Academia assignatas
(prout in Ordinationibus de Lectoribus publicis
statuitur) pertineant. Quas, cum in iis Lectiones
habentur, frequentare, & à principio ad finem,
sub eadem poena quæ prorsus absentibus incum-
bit, eisdem interesse, teneantur.

§. 2. *Quod*

§. 2. *Quod singuli Scholares Lectores suos (si qui fuerint ejusdem Domus) ad Scholas deducant.*

STatutum est, quòd quemlibet Prælectorem sive Professore publicè prælecturum, Auditores sui omnes, quotquot in eodem cum ipso Collegio vel Aulâ degunt (prout antiquitus fieri consuevit) ad Scholam suæ lectionis destinatam deducant; & pariter, finita Lectione, ad Collegium vel Aulam suam reducant: Qui secus fecerit, duobus denariis, ad usum Universitatis, mulctetur.

§. 3. *De modo, quo Auditores in Scholis se gerent, inter audiendum.*

Quisque, quamprimùm Scholam suam intraverit, sedem aliquam capebat, quoadusque Sedilia suffecerint; Reliqui vero, quibus non est ubi sedeant, in eo loco, quem primum occupaverint, consistent: Nec quisquam sedem aut stationem suam deserat, huc & illuc cursitando, aut obambulando, sed omnes per modestiam & silentium ad auscultandum Lectori, se attentè componant; & quotquot infra Gradum Magistralem sunt, scriptis excipiant ea quæ leguntur.

Insuper, quisque eum Authorem privatim & studiosè perlegat, quem in quaque Facultate Professor publicus ad explicandum sumpserit.

Quoscunque in præmissis delinquentes Lector animadverterit, mulctam duorum denariorum, per Bedellum Facultatis, exigendi potestatem habeat.

§. 4. *De Multis Auditorum, à Lecturis Publicis absentium.*

Item Statutum est, absentes à Lectionibus quas audire tenentur, præterquam ex causâ rationabili sub manu Præfecti alicujus Collegii vel Aulæ, sive ejus Deputati, testatâ, & per Vice-Cancellarium ac alterum Procuratorem approbandâ, in hunc modum esse multandos.

Auditorum absentium à Lectura Regiorum Professorum in Theologia, Medicina, & Jure Civili; necnon à Lectura Dominæ Margaretæ, multa esto 6*d.*

Auditorum absentium à Lectura Regiorum Professorum Linguæ Hebraicæ, vel Græcæ, multa esto 4*d.*

Auditorum in Artibus (exceptis Auditoribus Lectionum Savilianarum, qui secundum Statuta Saviliana multandi sunt) à Lecturis absentium, multa esto, Baccalaurei 4*d.* Scholaris 2*d.*

TITULUS VI.

De Tempore ad Gradus capeffendos requisito; & Exercitiis pro Forma præstandis.

SECTIO I.

De Tempore & Exercitiis requisitis ad Gradum Baccalaurei in Artibus.

§. 1. *Quot anni, in audiendis publicis Lectoribus ponendi, requirantur ad Gradum Baccalaurei in Artibus.*

Statutum est, quod Scholares in Facultate Artium, antequam Gradum Baccalaureatus fuscipiant,

suscipiant, quatuor annos integros sive sedecim Terminos, numerandos a die Matriculationis, in studio Artium, & in publicis Lectoribus, prout Statuta requirunt, diligenter audiendis, in Academia (hoc est, minime in Domo privata cujusquam hospitantes seu victitantes, sed in Collegio vel Aula quâpiam absque dolo malo degentes,) ponere teneantur; Exceptis Filiis Baronum in superiori Domo Parliamenti Suffragii Jus habentium, ac Filiis natu maximis Baronetorum, & Equitum Auratorum; quibus indulget Academia, (modò ne Collegii alicujus Socii, aut Scholares sive Alumni fuerint, ea etiam conditione, ut sub hujusmodi titulo in Matriculam Universitatis relati fuerint) post integrum Triennium in studiis Academicis completum (vel etiam Baronum Filiis, intra brevius temporis curriculum, si Cancellario videbitur) ut, præstitis Exercitiis ad eum Gradum requisitis, Gradum Baccalaurei in Artibus ambire possint.

De Indulgentiâ Bar. filiis &c. concessâ, ad Bar. fil. in Scot. & Hibern. extendendâ.

CUM ex Gravissimorum & Amicissimorum Hominum sententia constet, ex usu Academicæ futurum, ut Bar. Filii, ex Gente Scotica vel Hibernica, Indulgentiâ quâdam Academicâ insignirentur — Placuit Academicæ decernere & statuere, ut in posterum eadem Indulgentia concedatur Baronum Filiis ex Gente Scotica vel Hibernica, quam Academia concessit (Stat. Tit. VI. §. 1^{ma}.) Filiis Baronum in superiori Domo Parliamenti Suffragii Jus habentium, ac Filiis natu maximis Baronetorum & Equitum Auratorum, modò ne Collegii vel Aulæ alicujus Socii, Scholares,

28 *De Temp. ad Grad. cap. requisito; Tit. VI.*
lares, Alumni, vel Exhibitionarii fuerint; & in
hac Academia vel Cantabrigiensi, & non alibi,
Triennium compleverint in Studiis Academicis.

§. 2. *De exercitiis præstandis pro Gradu
Baccalaurei in Artibus.*

STatutum est, quòd priusquam quis ad Gra-
dum Baccalaurei in Artibus admittatur, in
Disputationibus in Parvifiis semel pro Forma op-
ponat; Semel item ab hora prima ad tertiam
respondeat; Et bis sub Baccalaureo, in Determi-
nationibus Quadragesimalibus, per horam inte-
gram, & unius horæ semissem respondeat; Nisi
Congregationi Regentium videbitur, ante præ-
stita Exercitia, secundam sub Baccalaureo respon-
dendi vicem in alteram vicem respondendi in Par-
vifiis commutare.

§. 3. *De disputationibus in Parvifo tùm ha-
bendis, tùm frequentandis.*

CUM ad Eruditionis profectum, non solùm
lectio, & meditatio, sed etiam exercitatio
summoperè conducat; Statutum est, quòd ter
in qualibet Septimana in pleno Terminò (diebus
scilicet Lunæ, Mercurii, et Veneris, & non aliis,) in
Scholis Artium publicis (quas occupandi Re-
sponsuris jus esto, præ illis qui solennes Lectio-
nes pro Gradu Magistrali lecturi sunt) Disputa-
tiones (quas etiam alio nomine Variationes olim
dictas fuisse constat) in Parvifo habeantur.

In quibus Disputationibus, responsuri pro For-
ma, Septimanâ præcedente Disputationem suam,
No-

Tit. VI. & *Exercitiis pro Forma præstand.* 29

Nomina sua, & Quæstiones de quibus responsuri sunt, die Mercurii & Saturni, statim post finitas Disputationes in Augustinensibus, Magistro Scholarum sub ipsius Chirographo approbandas (quo nomine a singulis *6d.* recipiet) exhibere tenentur, sub pœna quòd secùs facientibus Responsio sua non cedit pro Forma. Responsuri vero primâ Septimanâ cujuslibet Terminì, ante octo dies Magistro Scholarum illâ Hebdomade moderaturo in Augustinensibus, nomina sua, & Quæstiones similiter approbandas exhibebunt. Quod si Nulli Septimanâ præcedente diem Mercurii apud Magistrum Scholarum nomina sua edant, five diebus Lunæ & Mercurii sequente Septimanâ responsuros pro Forma se profiteantur; neque die Saturni præcedente Septimanâ responsuros se pro Forma die Veneris sequente Hebdomade profiteantur: Magister Scholarum cuivis ex inferioribus Bedellis edicet (ne Disputationes diebus præstitutis habendæ intercidant) ut ad Disputationes, quovis die præstituta sequentis Hebdomadis, obeundas, tres moneat simpliciter seniores Scholares anni quarti, & sic deinceps (quoties usus fuerit) tres proximè Seniores secundum ordinem Senioritatis in Matricula Universitatis, descendendo ad Juniores anni 3^{ti}, citra quem annum nemini in Parvisiis opponere vel respondere concessum est.

Disputantium vero Senior respondeat, reliqui duo opponant. Has autem disputationes omnes Scholares frequentare tenentur, a primo anno completo post adventum suum ad Academiam, donec tempus compleverint, quo ad Gradum Baccalaureatus in Artibus promoveri possint. In his Disputationibus, de tribus Quæstionibus vel Problematibus Grammaticalibus, vel Logicalibus,

30 *De Temp. ad Grad. cap. requisito ; Tit. VI.*
bus, ab hora prima post meridiem ad horam tertiam disceptetur.

Statutum est insuper, quòd Procuratores, de quatrduo in quatrduum, (per quatrduum intelligendo quatuor Dies deinceps, in quibus Disputationes istæ habentur,) quatuor Magistros Regentes designabunt, qui omnes simul, singulis diebus, disputationibus prædictis, a principio ad finem, Habitibus Gradui suo competentibus induti, intersint, sub pœna 3s 4d singulis absentibus, toties quoties, irroganda ; Qui, ut omnia rite & decenter fiant, prospiciant ; Et si quem absque Chirographo Magistri Scholarum pro Forma respondere deprehenderint (id quod ipsis explorandum incumbit) eum continuo suscitabunt, ne cedat ipsi pro Forma responsio illa ; Et si opus fuerit, Vice-Cancellario vel Procuratoribus, Scholarium delicta vel contumacias denuncient.

§. 4. *De tempore intra quod creandi sunt Sophistæ Generales ; Formula creandi Generales.*

Statutum est, quòd Scholares in Facultate Artium, post duos denum annos in Universitate completos (& non antea) adhibito (si voluerint) moderamine alicujus Baccalaurei, vel Sophistæ Generalis, ad opponendum & respondendum pro Forma in Parvisiis admittantur : Quòdque singuli, per tres ad minus Terminos, priusquam pro Baccalaurei Gradu supplicent, Respondentis & prioris Opponentis vices in his Disputationibus subeant, & Sophistæ Generales creentur.

Formula vero creandi Generales Sophistas hujusmodi esto ; Finitis Disputationibus, illicò omnes Scholares qui pro Forma responderunt illo die,

Tit. VI. & Exercitiis pro Forma præstand. 31

die, in Scholam Philosophiæ Naturalis conveniant, ubi unus e quatuor Magistris Regentibus, qui Disputationibus istis interesse tenentur, (secundum ordinem Senioritatis quisque suum diem sortitus) sub pœna 10 s, Suggestum ascendens, brevi oratiunculâ eos ad bonarum Literarum studia hortatus, præcipue laudes ac usum Aristotelicæ & genuinæ Dialecticæ percensebit; Deinde, Seniori e creandis ad Suggestum adstanti, Logicam Aristotelis in manus tradet; mox Caputium simplex neque Pellibus lanatis subsutum, neque fimbriâ pellita prætextum, collo circumdabit. Reliquos deinde, ordine Senioritatis succedentes, eodem modo creabit.

Tenantur autem Sophistæ Generales, singulis postea Terminis donec ad Gradum Baccalaurei promoti fuerint, semel saltem in Parvisiis disputare, sub pœna, ne Disputatio prius habita iis ullo modo cedat pro Forma.

Statutum est insuper, quòd non licebit Congregationi, ex postfacto cum quoquam, quò minùs modo prædicto Generalis fiat, dispensare.

§. 5. De Scholis sortiendis, & Quæstionibus publicandis.

STatutum est, quòd Scholares in Parvisiis responsuri (siqua controversia de Scholis capeffendis oriatur) Scholas, juxta Senioritatem Baccalaureorum sive Moderatorum, sub quibus responderint, vel suam, (si sub nullius præsidio respondeant) fortiantur.

Quòdque singuli responsuri, horâ octava ante meridiem ejusdem Diei, Quæstiones in Parvisiis discutiendas, valvis utriusque Portæ Scholarum Publicarum, cum nominibus propriis, & Collegii,

32 *De Temp. ad Grad. cap. requisito; Tit. VI.*
gii, sive Aulæ, cujus Alumni fuerint, affigi curent; quas nec ipsi per se, nec alterius cujusvis operâ, ante Disputationes peractas, refingendas sive detrahendas curabunt. Quod si Respondentis cujusvis Quæstiones, integro tempore juxta Statuta requisito, minime affixas fuisse deprehenderit Magistri Scholarum, sive Regentes qui Disputationibus istis interesse tenentur; ipsum suscitare, & ad Vice-Cancellarium vel Procuratores deferre, pro arbitrio ipsorum puniendum, tenentur ipsi sub pœna 3s 4d.

Quoddamque aliquis inferiorum Bedellorum, Baculum præferens, eos singulis diebus a Templo B. Mariæ ad Scholas deducat; & ob eam causam & non aliter, duos solidos, inter ipsos æqualiter dividendos, percipiat, ab iis qui pro Forma, non item ab iis qui pro Terminis, respondent.

Qui etiam nomina eorum, qui Sophistæ Generales creati fuerint, in Librum aliquem per inferiores Bedellos custodiendum, eodem die, non tamen ante Disputationes & Creationem peractas, referat; sub pœna amissionis trium solidorum, & quatuor denariorum, Universitati numerandorum, quoties in hoc, Officium præstare neglexerit.

§. 6. *De responsionibus Quæstionistarum sub Baccalaureis Determinantibus.*

PRÆTER illas disputationes, quæ in Parvisiis sunt habendæ, Statutum etiam est, quod quilibet Scholaris, postquam quatuor Terminos in studio Dialecticæ posuerit (& non antea) priusquam vero ambiat Gradum Baccalaurei in Artibus, sub Baccalaureo aliquo in Quadragesima Determinante, bis pro Forma respondeat,
de

de eisdem Quæstionibus, quas Baccalaureus ipse defendendas suscepit, vel proposuit; Idque singulis vicibus per unam horam, et alterius horæ semissem, nisi ex justa causa aliqua Congregationi videbitur, alteram sub Baccalaureo respondendi vicem in aliam in Parvitiis respondendi vicem commutare; in quo duntaxat, quantum ad hujusmodi Responsiones, Congregatio Magistrorum Regentium dispensandi potestatem habeat.

§. 7. *Leges respondendi sub Baccalaureo Determinante.*

STatutum est, quòd unus duntaxat Scholaris, & ille semel tantum uno & eodem die, sub Baccalaureo in Quadragesima respondeat, idque ab initio Disputationum, usque ad finitam sequi horam; Quòdque Scholaris respondens sub Baccalaureo, in sedili ante suggestum Determinantis fixo, sedeat; nec ipsi alius quisquam affideat, vel adstet, qui ad angustias redacto responsum suggerat; Et, quo Disputationes clarius, percipiantur, quòd quilibet Opponens in Scamno Respondenti diametraliter opposito sedem capeat, sub pœna quòd, si Scholaris Respondens secus fecerit, Responsio ei non cedat pro forma; Et si opponens deliquerit, ad arbitrium Vice-Cancellarii vel Procuratorum puniatur.

S E C T I O II.

De Tempore & Exercitiis requisitis ad
Gradum Magistri in Artibus.

§. 1. *Quot anni, in audiendis publicis Lectoribus
ponendi, requirantur ad Gradum Ma-
gistri in Artibus.*

A Tempore admissionis ad Gradum Baccalau-
rei, tenentur Singuli in audiendis Publicis
Lectoribus sibi destinatis, & in Disputationibus
juxta Statuta requisitis, tùm habendis, tum fre-
quentandis, duodecim Terminos ponere, nec
ante completum illud tempus, Gratiam suam pe-
tere cuiquam fas esto.

Quòd si quis Exercitia ad Gradum Magistra-
lem requisita præstiterit, & reliquum temporis
spatium in bonarum literarum studio posuerit in
alia quacunque Academia, licebit ei tempus id
omne imputari, ac si in hac ipsa Academia fuif-
set insumptum: Constet id modo, ac testatum sit
sub Sigillo Academiæ in qua se studuisse profite-
tur, aut alioqui Testimonio fide digno.

§. 2. *De exercitiis præstandis pro gradu Ma-
gistrali in Artibus.*

STatutum est, quòd Baccalaureus Artium post
Gradum susceptum, in Quadagesima solen-
niter Determinet; in Quodlibeticis Disputatio-
nibus respondeat; in Augustinensibus respondeat,
vel opponat; binas Declamationes habeat; &
Sex solennes Lectiones legat, priusquam ad Ma-
gistralem Gradum promoveatur.

§. 3.

§. 3. *De Determinatione Quadragesimali.*

Quia per solennes Baccalaureorum Determinationes Mater Academia, & præcipuè Facultas Artium, multum honoris & commodi est assequuta; Statutum est, quòd singulis annis in Scholis publicis ejusmodi Disputationes more debito habeantur.

Quòdque quilibet Scholaris ad Gradum Baccalaurei præsentatus, nisi Gratia simpliciter eidem fuerit concessa, solenniter in sequenti Quadragesima Determinare teneatur; sub pœna, quòd Gratia prius eidem concessa, pro non concessa habeatur, nisi impedimentum aliquod contigerit, per Vice-Cancellarium & Procuratores approbandum; quo in casu, ejus Determinationem, in aliam Quadragesimam, sub pœna consimili tunc præstandam, differre liceat.

§. 4. *De Collectoribus Quadragesimalibus designandis.*

CUM multa antehac tumultuatio, circa electionem Collectorum Quadragesimalium, solita sit in Universitate contingere; juxta Statuta Regia, a Serenissimo Rege CAROLO I^o. ad Universitatem transmissa, Decretum est, quòd Procuratores pro tempore existentes, ex Baccalaureis Determinaturis, in Festo Ovorum duos ad hoc officium designabunt, singuli unum quem visum fuerit, in Collegio quocunque vel Aula degentem.

Si vero Procurator quivis, circa Collationem Officii Collectoris, pretii accepti sive repetundarum convictus fuerit, idem eo ipso, ab Officio suo submovebitur, & Feuda quæcunque, sive

36 *De Temp. ad Grad. cap. requisito; Tit. VI.*
pecuniarum summas a Baccalaureis ejusdem Anni
per eum acceptas, in usum Cistæ Academicæ,
præsentis statuti vigore refundere tenebitur.

Et quòd Collectores a Procuratoribus designa-
ti, in diè designationis ad Officium admittantur:
Admissi vero, ad Collegia et Aulas respectivè
suas, sine strepitu, vel circumgestatione, se con-
ferant: Nec ullos omnino, in Collegiis, vel Au-
lis respectivè suis, vel alibi, computationibus ex-
cipiant, sub pœna amotionis statim ab Officio
per Dominum Vice-Cancellarium: ita tamen, ut
si quid tale evenierit, in locum Collectoris vel
Collectorum, amoti vel amotorum, alius vel alii
per Procuratorem vel Procuratores, qui respec-
tivè amotum vel amotos nominavit vel nomi-
narunt, substituantur, vel substituantur.

§. 5. *De officio Collectorum.*

STatutum est, quòd Collectores ea omnia fa-
cere & exequi teneantur, quæ ad Officium
Collectorum spectant, id est, Baccalaureos De-
terminantes in certas classes, quantum fieri potest,
æqualiter distribuere, & singulis seorsim suas Scho-
las assignare, sub pœna 10s ad usum Universitatis
irroganda, siue Collectori deputanti binos ad re-
spondendum simul in eadem Schola, siue Bacca-
laureo in Scholam alteri designatam intrudenti;
cui etiam pœnæ nomine accedat, quòd talis Re-
sponsio vel Lectio ipsi pro Forma minimè cedet;
Ut quolibet diè Lunæ, Martis, Mercurii, Jovis,
Veneris (nisi diès festus inciderit) ab initio Qua-
dragesimæ usque ad finem Termini, in singulis
Scholis, aliqui Determinatorum, suis propriis
yicibus, & quoties oportet, pro ratione Classis
in qua collocantur, respondeant.

Colle-

Collectorum autem, qui prius ad gradum Baccalaurei præsentatus & admissus est, Senioris locum occupet, nisi ad alterum ratione promotionis, secundum Statuta, & consuetudines Universitatis, jus senioritatis pertinebit.

§. 6. *De Disputationibus in Die Cinerum, sive Carnis-privii.*

STatutum est, quòd in die Cinerum, sive Carnis-privii, secundum antiquam & laudabilem consuetudinem, Disputationes in Scholis publicis habeantur. Ita quòd statim post Concionem Latinam, ad sonitum sive pulsationem parvæ Campanæ, cujusque Collegii & Aulæ Decanus vel Præsentator, unà cum Baccalaureis suis eadem Quadragesimâ Determinaturis, omnes Habitu Gradui competente induti, solenniter ad Scholas accedant, quas pro Senioritate cujusque Præsentatoris vel Decani, fortiantur; nec Scholam, quam initio quisquam in sua persona occupavit, Juniori cuivis concedat sub Pœna 20s.

Quòd si Decani, seu Præsentatores plures fuerint quàm pro numero Scholarum, ubi demum Scholæ omnes occupatæ fuerint, distinctas quisque sedes in Schola Theologica capeffat; Nisi quis propter paucitatem Determinatorum suorum, ipsos alteri Decano transcripserit. Et, quem quisque locum, sive in Scholis Artium, sive in Schola Theologica occupaverit, eum usque tueri, & Disputationes ad horam quintam post meridiem producere tenebitur, sub pœna 40s.

Decanus autem vel Præsentator Cathedram occupans, primò Baccalaureis Determinaturis ab una parte stantibus, Questiones, unà cum versibus earundem sensum breviter exponentibus,

38 *De Temp. ad Grad. cap. requisito; Tit. VI.*
bus, proponet: Quas quamprimum Baccalau-
reus Determinaturus repetiit, unus e Senioribus
Baccalaureis ex altera parte sedentibus, pro De-
terminaturo in singulis quæstionibus respondebit,
quamdiu Decano vel Præsentatori (qui Oppo-
nentis locum sustinet) videbitur: Quo deinde
ordine, aliis Determinaturis Quæstiones eodem
modo proponet, pro quibus itidem alii Seniores
respondebunt.

Finitis autem Disputationibus, in qualibet
Schola, Baccalaureorum Determinatorum pri-
mus, reliquorum circumstantium nomine cum
Decano sive Præsentatori, tùm Senioribus Bac-
calaureis, flexis genibus, gratias aget, sub hac
forma: *Gratias ago Domino Vice-Cancellario & Pro-
curatoribus hujus almæ Universitatis, & Magistro
meo Disputanti, & Baccalaureo respondenti, quo-
rum ope hoc munus suscepi, quod, Deo volente, hac
Quadragesimâ perficiam.* Si qui autem, in aliquo
præmissorum quæ ad ipsos pertinent, deliquerint
vel defecerint, arbitrio Vice-Cancellarii & Pro-
curatorum puniantur.

§. 7. *De Precibus habendis unoquoque die Saturni,
durantibus Quadragesimalibus Disputationibus, in
Choro Templi B. Mariæ. Et de junioris Procu-
ratoris Oratione ad Determinatores habendâ.*

STatutum est, prout ab antiquo consuetudo
obtinuit, quòd unoquoque die Saturni, a vi-
gilia primæ Dominicæ in Quadragesima inclu-
sivè, usque ad vigiliam Dominicæ Palmarum
inclusivè, horâ octavâ Matutinâ, singuli Bacca-
laurei Determinantes conveniant in Choro B.
Mariæ Virginis, ad celebrandas Preces secun-
dùm Liturgiam Ecclesiæ Anglicanæ. A quibus
siqui

si qui abfuerint, mulctâ, pro arbitrio Vice-Cancellarii vel Procuratorum, ad usum Universitatis applicandâ puniantur.

Post finitas vero Preces in Vigilia Dominicæ Palmarum, Junior Procurator ad Determinatores Orationem habebit, in qua tùm errores in Doctrina, illa Quadragesimâ admissos, tùm in moribus delicta severè increpabit; præsertim, si qui tumultus, rixas, aut pugnas concitaverint, eis facinorum suorum atrocitatem ob oculos ponet; simul hortabitur, ut in posterum modestiùs se gerant: Quotquot vero in disputando subtiles, & acutos, & in universum modestos & pacificos sese præbuerint, eos dignè pro meritis collaudabit.

§. 8. *De Classibus Determinantium ordinandis:
Et de tempore Disputationibus Quadra-
gesimalibus præstituto.*

STatutum est, quòd diebus Jovis & Veneris diem Carnis-privii immediatè sequentibus, licebit Collectoribus, tot Determinaturos, ad Respondendum pro Forma, extra Ordinem vel Classẽ assignare, ut supersint, pro numero Scholarum, tot ex præcipuis Determinatoribus, ut singuli suis vicibus bis intra spatium Quadragesimæ respondeant: Nisi forte, propter imparẽ dierum numerum, necesse sit aliquando aliquas Classes ter respondere: Reliquis autem, qui in Classes commodè conferri non poterunt, assignentur ad respondendum pro Forma dies Jovis & Veneris immediate sequentes diem Cinerum, & tempus pomeridianum reliquorum dierum, in quibus habentur Disputationes ante-meridianæ. In quibus ita disponantur, ut singuli
bis

40 *De Temp. ad Grad. cap. requisito; Tit. VI.*
bis pro Forma respondeant in Scholis Artium,
quoadusque illæ suffecerint; Reliqui vero in
Schola Theologica. Illud insuper in ordinan-
dis Classibus servant Collectores, ne in diversas
Classes seiplos referant; Sed in eadem secum
Classe (quoad fieri poterit) Generosos omnes
& eminentioris conditionis Baccalaureos locent,
quibus plerumque Dies gratiosi indulgeri solent;
ne distractis in varias Classes hujusmodi Bacca-
laureis, frequentior Dies Gratosos petendi oc-
casio ministretur: In quo si deliquerint Collec-
tores, poena esto pro arbitrio Vice-Cancellarii
vel Procuratorum.

Ordo Disputandi, five Classes, a primo die
Lunæ ipsius Quadragesimæ inchoentur; & usque
ad diem Veneris inclusivè, qui proximè præcedit
Dominicam Palmarum, continentur.

Diebus Lunæ, Martis, Mercurii, & Jovis, or-
dinariè quidem Disputationes pomeridianæ ha-
beantur, & Baccalaurei Determinaturi horâ pri-
mâ, statim a parvæ Campanæ pulsatione, Scho-
las ingrediantur, nec ante horam quintam rece-
dant.

Singulis diebus Veneris, & in Festorum Vigi-
liis, nec non aliis diebus in quibus Congrega-
tiones Magistrorum Regentium habentur, Ante-
meridianæ Disputationes ab hora nonâ incipiant,
& horâ duodecimâ terminentur, nisi dies fuerit
Gratiosus; in quo, horâ undecimâ Disputatio-
nes claudere fas est.

Finitis autem quovis die Disputationibus, ad
parvarum Campanarum sonitum, discedant ad
unum omnes, nec diutius in Scholis ullatenus
moram trahant: sub poena 20 s Universitati nu-
merandorum, absque rationabili causa per Vice-
Cancellarium approbanda.

§. 9. *De Forma in Determinatorum Disputationibus observanda.*

STatutum est, quòd Baccalaurei Determinantes, singuli in Scholis, Classibus, & diebus sibi præstitutis, & integro tempore per Statuta requisito, per Se, & non per Alium, respondeant: Ad quæ singula præstanda obligentur, cautione five pecuniariâ, five Fide-jussoriâ, ad valorem 20s penes Vice-Cancellarium depositâ, antequam præsententur ad determinandum.

Diebus Lunæ, Martis, Mercurii, & Jovis, quæstiones Logicales discutiendas proponant, quas secundùm Aristotelem (cujus suprema sit autoritas) defendant.

Diebus autem Veneris, duntaxat de Problematicis Grammaticalibus, Rhetoricis, Politicis vel Moralibus disputationes habeant: & in Grammaticis quidem, antiquos & receptos Authores; in Rhetorica, Politica, & Morali Philosophia, Aristotelem similiter, totamque Peripateticorum Doctrinam pro virili defendere teneantur; sub pœna quòd, si quis secùs fecerit, ejus Responsio minimè sibi cedat pro Forma; & insuper mulctetur quinque solidis, toties quoties.

§. 10. *De Disputationibus apud Augustinenses.*

Quilibet Baccalaureus in Artibus, post plenam ipsius Determinationem, semel quotannis in Augustinensibus Disputationibus (quolibet die Saturni in pleno Terminò, in Schola Naturalis Philosophiæ, tempore pomeridiano, ab hora prima usque ad tertiam habendis) Respon-
F dere

42 *De Temp. ad Grad. cap. requisito; Tit. VI.*
dere vel Opponere teneatur, si per Collectores
ad hoc munus deputatos ante quindenam legi-
timè præmonitus, & requisitus fuerit; hoc est,
si ante quindenam nulli pro Forma Disputaturos
se Collectoribus offerant; & Baccalaurei, quot-
quot monito Seniores fuerint, omnes suis vici-
bus prius perfuncti fuerint.

Si quis recusaverit, si per semissem Anni im-
mediate præcedentem nec Disputaverit nec Re-
sponderit, eo ipso nec Auditio, nec Lectio ali-
qua, nec Actus quivis Scholasticus in eadem Fa-
cultate, eo Anno hujusmodi recusationem præce-
dente, in quo Actus exercuit Scholasticos, nec
pro sequenti Anno, quo tales facturus est Actus,
sibi quovismodo cedat pro Forma.

Senior, qui scilicet prius Præsentatus & ad-
missus fuerit, Respondendi aut Opponendi op-
tionem habebit, nisi Disputantium alter Filius
fuerit Baronis, Suffragii Jus in superiori Parlia-
menti Domo habentis, aut Filius Baronis ex Gen-
te Scotica aut Hibernica †, seu qui ad valorem
40l. de proprio potest dispendere.

Quoniam vero dies Saturni, hisce Disputatio-
nibus assignati, singulis pro forma Disputaturis
non sufficiunt, licebit Magistris Scholarum (si sin-
gulos dies Saturni, intra mensem proximè sequen-
tem, ab aliis pro Forma Disputaturis præoccupatos
certò noverint) Dies etiam Mercurii hisce Dis-
putationibus pro Forma assignare. Quòd si ne-
que hi Dies disputaturis pro Forma suffecerint,
& unus e Magistris Scholarum sub Chirographo
suo (palam in Domo Congregationis recitando)
testatum fecerit, singulos Dies hisce Disputatio-
nibus assignatos ad finem usque Terminii, jam-
dudum ab aliis pro Forma disputaturis præoccu-

† V. Nov. Stat. Tit. VI. Sect. 1. §. 1.

Tit. VI. & Exercitiis pro Forma præstand. 43

patos esse; præsentì Statuto permittitur dispensationem proponere (non aliter) ut liceat alio quovis Die, (post elapsos septem Dies a tempore petitæ Dispensationis) horâ & loco consuetis, sub præsidio Magistri Scholarum, (non alterius cujusvis) pulsata prius pro more Campanâ, in Augustinensibus Respondere vel Opponere.

Atque ut Problematis materia ibidem disputanda melius omnibus innotescat, ante triduum Respondens Quæstiones suas valvis utriusque magnæ seu exterioris Portæ Scholarum affigendas curabit, & ante septem dies Magistro Scholarum in Augustinensibus moderaturo exhibebit: Qui secùs fecerit, ei Responsio sua minimè cedat pro Forma.

§. II. De officio Magistrorum Scholarum quoad Disputationes apud Augustinenses. Et de Collectoribus Augustinensibus.

PROcuratores quotannis, in ipso introitu Muneris sui, duos Magistros in artibus nominabunt, ad quorum munus spectabit Disputationibus apud Augustinenses alternis vicibus præesse, per Se & non per Alium, nisi cum consensu Vice-Cancellarii & Procuratorum substituendum, in casu ægritudinis aut extremæ alicujus necessitatis; ac ineptè vel otiosè Disputantes, aut a Quæstione recedentes, corripere & in ordinem cogere.

Quòd si Disputantium quis eorum monitis vel præceptis morem gerere recusaverit; ejus nomen intra biduum Vice-Cancellario & Procuratoribus denunciabunt: quem Vice-Cancellarius unà cum Procuratoribus, pro quantitate delicti, puniendum curabit.

Insuper Procuratores, duos in artibus Baccalaureos nominabunt, qui titulo Collectorum apud Augustinenſes gaudebunt; quorum muneri erit providere, ne quando Disputantium defectu intercidant Disputationes apud Augustinenſes: quem in finem, Collectores, alternis vicibus, si nulli se pro Forma disputaturos offerant, per spatium xv. dierum ante singulas Disputationes, duobus in Artibus Baccalaureis, incipiendo e senioribus Anni tertii, & sic seriatim descendendo ad Juniores, qui Determinationem compleverunt, denunciare tenentur, ut horâ & loco solitis præsto sint, ad Respondendum & Opponendum, prout inter se convenerint, parati.

Si qui recusaverint vel defecerint, aut Quæstiones suas ante triduum, juxta Statuta, haud publicaverint; Collectores eorum nomina ad Procuratores deferent illicò, ut pro quantitate delicti puniantur. Quòd si Collectores in suo munere defecerint, (sive in monendis Disputantibus, sive in deferendis Delinquentium nominibus) qui culpam deprehenderit, sive Vice-Cancellarius sive Procuratorum alteruter, x. solidis in usum Universitatis ipsum mulctare teneatur.

§. 12. *De Baccalaureorum Disputationibus Quodlibeticis.*

STatutum est, quòd antequam licentiam quiscumque obtineat Incipiendi & Legendi in Facultate Artium, semel post completam Determinationem Quadragesimalem, alicui Magistro Regenti, in Disputationibus Quodlibeticis, Habitu Gradui competente indutus, in tribus Quæstionibus respondebit; & ad quamlibet aliam a quocunque Disputaturo propositam. Tenetur autem

Tit. VI. & Exercitiis pro Forma præstand. 45

autem respondere alicui Magistro Regenti, juxta Statuta præmonito ad hoc munus obeundum; nisi sub Chirographo Magistrorum, qui intra duas hebdomadas sequentes pro Terminis disputaturi sunt, constet iis omnibus prospectum esse de Baccalaureis pro Forma responsuris, qui proximis Comitibus Incipere intendunt: Quo in casu (non aliter) permittitur Domui Congregationis dispensare, ut liceat quolibet die disputabili instantis vel sequentis hebdomadis, sub quolibet Magistro, horâ & loco consuetis, in Quodlibeticis pro Forma respondere.

Hæc autem Responsio ei cedat pro Forma, & inter conditiones præstitas, & ad Gradum Inceptoris in Artibus requisitas, in Formula petendæ Gratiae reponatur.

**§. 13. De sex Lectionibus solennibus habendis
ante Licentiationem in Artibus.**

CUM ante Licentiationem in Artibus, juxta antiqua Statuta, teneantur singuli præscriptos quosdam Libros cursoriè legisse, quas lectiones sine fructu aut commodo Audientium vel Legentium habitas fuisse, frequenti experienciâ deprehensum est; In posterum, singuli incepturi, sex solennes Lectiones, tres in Naturali Philosophia, tres in Morali, pro Forma habere teneantur in Scholis publicis, inter horas primam & secundam, intra Terminum, præeunte parvæ Campanæ pulsatione. Tenentur autem singuli per majorem partem horæ legere, idque de suo, Lectiones non aliundè mutuantes, aut ex Authoribus transcribentes. Et hoc ipsum inter præstitas conditiones, Gratiae petitioni annexas, numeretur.

§. 14.

§. 14. *De binis Declamationibus habendis ante Inceptionem in Artibus.*

CUM pro comperto habeatur, pessimi exempli rem esse, leges semel sancitas quovis sub prætextu refigere, & sollicitare; & multò consultius esse, incommodis subnascentibus, Statutis de novo conditis subvenire, quam præposterâ curationis Methodo Medicinam Antidotis facere, Juri scil. ipsi Jus dicere: Quinetiam, cum rei literariæ interfit, ut, qui ad gradus Academicos promoventur, specimina profectus sui in iis quas profitentur Artibus publicè præbeant, & non minùs in humanioribus literis quam disputationibus Philosophicis versatos se comprobent: Quandoquidem alteri harum, (nimirum politiori literaturæ, dicendique studiis) per publica Exercitia nondum satis prospectum videatur; Placuit Academiæ, Declamationes duas, a quolibet Artium Baccalaureo, ante illius Inceptionem, in Scholis pro Forma habendas, decernere: Et hoc ipsum inter præstitas conditiones Gratiaë petitæ annexas (Disputationibus scilicet Quadragesimalibus, Quodlibeticis, & Augustinensibus, nec non sex Lectionibus Philosophicis) solenniter adnumerare.

Statutum ideo est, ut in posterum Baccalaureus quisque, ante Inceptionem in Artibus, idque post annum integrum, & circa biennium a prima sua ad Gradum Baccalaureatûs præsentatione numerandum, si in Academia tum præsens fuerit, vel intra quindenam postquam redierit, Nomen suum, nec non Collegii vel Aulæ cujus est Alumnus, Registro, penes Juniorem Procuratorem in eos usus continuè adservando, inferendum

ferendum curet. Unde Procurator iste delectum faciendo, & servato Senioritatis Ordine, ternos quosque inter se committendo, ex diversis quemque Collegiis & Aulis quantum commodè fieri poterit, suas cuique Declamandi vices assignabit; & Declamatueros omnes, saltem ante Mensem, præmonendos curabit, ut se coram fistant, unàque tres quisque Theses, de quibus in utramque partem probabiliter dici poterit, descriptas exhibeat. Unde Procurator, quam maximè idoneam judicaverit, unam seliget, vel si omnes improbaverit, aliam pro libitu assignabit, de qua, statim post Mensem, Declamationes sive Orationes solennes habebunt, duo quidem ipsorum adversarias, tertio Arbitri sive Sequestri personam gerente: Optione Seniori permissâ quas partes agere voluerit, nisi forte eorum aliquis ad valorem centum librarum de proprio expendere poterit. De his vero ubi conventum est, Procurator, ad Declamandum sic designatorum Nomina, nec non Collegiorum aut Aularum unde fuerint, diem etiam Declamationibus destinatum, & Thesin insuper, & quam quisque partem acturus est, in Registrum suum referet, unde Exemplaria, Chirographo suo testata, singulis in manus tradet; quæ ipsi primo Mane diei Declamationibus indicti, intra Hora scil. sextam & septimam, valvis utriusque portæ Ecclesiæ Beatæ Mariæ, & ostio Scholæ Naturalis Philosophiæ affigi curent, nec per se, nec alterius cuiusvis operâ, ante finitas Declamationes refigenda, sub poena quòd Declamationes secus facientibus non cedant pro Forma.

Porro quoad locum, tempus & modum in exercitiis hisce servandum, Statutum est, ut quousque Numerus suffecerit, singulis Septimanis

48 *De Temp. ad Grad. cap. requisito ; Tit. VI.*
nis pleni Terminum, die Martis, ad pulsationem
magnæ Campanæ, mox ante horam secundam
pomeridianam, Declamaturi in Ecclesia Beatæ
Mariæ convenient, unde eos Bedellus Artium
superior baculum præferens, ad Scholam Natu-
ralis Philosophiæ deducet, ubi tantisper expec-
tabunt, dum Procuratorum alter, vel Pro-pro-
curatorum aut Magistrorum Scholarum aliquis
(quorum ut semper aliquis Exercitiis hisce ab
initio ad finem intersit, & absente Vice-Can-
cellario præsit etiam, vigore hujus Statuti cau-
tum esto) ipsis signo dato ut Rostra conscen-
dant, dicendi copiam faciant ; Qui orationes a se
compositas memoriter singuli recitabunt. Quòd
si inter perorandum quis quippiam contra Reli-
gionem, aut bonos Mores, aut Disciplinam, aut
Pacem publicam, aut privatam cujusquam Famam
peccaverit, ejus erit, qui Exercitiis istis pro ea
vice præest, sic insanire pergenti, mox silentium
indicere : Qui, præter satisfactionem parti læsæ
faciendam, poenam subibit vel suspensionis a Gra-
du, vel submissionis privatæ vel Publicæ, vel
expulsionis etiam perpetuæ, si quid gravius ad-
miserit, per Vice-Cancellarium & Procuratores
irrogandam.

Quòd si Numerus Candidatorum apud Procu-
ratorum, ut prædictum est, nomina sua edentium,
eiusque excreverit, ut Dies Martis præstituti
singulis Declamatorum ternariis non sufficiant,
licebit Procuratori alios quoslibet Dies in pleno
Termino, prout ipsi commodius visum fuerit,
Declamationibus, modo & formâ quâ supra ha-
bendis, indicere.

Si quis vero infra tempus præscriptum, no-
men suum apud Procuratorem profiteri neglex-
erit, vel legitimè præmonitus non compareat,
vel

vel Declamaturus in vicibus suis obeundis defecerit, (quos omnes defectus in Registrum suum sedulo referendos curet Procurator) eo ipso a Gradu capeffendo per unum Terminum toties quoties repellatur, nisi fuerint ex causa rationabili per Congregationem approbandâ.

§. 15. *De Regimine Scholarum in genere, quoad Exercitia in Artibus ibidem præstanda.*

TAmetsi Procuratoribus ipsis secundum antiquas Consuetudines, Scholis & exercitiis Artistarum præesse incumbat, quoniam tamen qualiscunque ipsorum diligentia effræni Juvenum licentiæ compescendæ haud sufficit, (qui ad Scholas sæpius otiandi, rixandi, aut pugnandi, quam disputandi causâ, catervatim confluere solent) ideo in subsidium Procuratorum visum est Academiæ, antiquitus Magistros Scholarum, & nuper admodum, aliquos e Magistris necessariò Regentibus advocare, qui omnes simul junctis operis providerent, ut in exercitiis Artistarum pro Forma præstandis, omnia rite secundum Statuta, decenter & pacificè fierent. Qui etiam curabunt, ne qui inter legendum aut disputandum in Scholis ipsis, sive in Area Scholarum deambulent, aut inter disputantes medios se ingerant; ne qui interstrependo aut pedum suppfusione disputationes interrumpant; ne qui, sive singuli, sive catervatim stipati, alios ex adversa parte impellere, aut hinc inde trudere præsumant; ne qui illic pugnas, rixas aut tumultus concitent; denique ne qui (intermissis disputationibus) fabulis & gariendo tempus terant, potando multo minus. In quibus qui deliquerint, Magistri Scholarum,

50 *De Temp. ad Grad. cap. requisito; Tit. VI.*
ac etiam Magistri Regentes corripiant, & in ordinem cogant. Quod si qui ipsorum monitis sive imperiis immorigeros sese præbeant, eos, eorumve nomina, ad Vice-Cancellarium vel Procuratores deferant, pro arbitrio ipsorum puniendos sive mulctandos.

SECTIO III.

De Tempore & Exercitiis requisitis ad Gradus in Musica capeßendos.

§. 1. *Quot anni ponendi sunt in studio vel praxi Musices, pro Gradu Baccalaureatûs in Musica.*

Statutum est, quòd, qui Musicæ dat operam, antequam Gradum Baccalaurei in illa Facultate consequatur, septem annos in studio vel praxi Musices ponat, & id ipsum sub Chirographis hominum fide dignorum testatum afferat.

§. 2. *De Exercitiis pro Gradu Baccalaurei in Musica præstandis.*

Statutum est, quòd, qui ad Baccalaureatum in Musica promoveri cupit, priusquam pro Gratia sua supplicet, unum Canticum quinque Partium componat, quod in Schola Musicæ (alio quovis die, quam illo qui ordinariò ad praxin Musicam designatus est) publicè, tam vocibus quam instrumentis Musicis, exhibeat; sed priùs valvis utriusque Magnæ Portæ Scholarum, ante tres dies, affixo programme, diem et horam futuri speciminis significet.

§. 3.

§. 3. *Quot anni ponendi sint in studio vel praxi Musicae, pro Gradu Doctoris in Musica.*

STatutum est, quòd Baccalaureus Musicae, priusquam ad Doctoratum promoveatur, quinque Annos, post susceptum Gradum in studio vel praxi Musicae ponat; Et id ipsum sub Chirographis hominum fide dignorum testatum afferat.

§. 4. *De Exercitiis per Inceptorem in Musica præstandis.*

STatutum est, quòd Baccalaureus Musicae, priusquam ad Incipiendum in eadem Facultate admittatur, unum Canticum sex vel octo Partium componat, quod in Schola Musicae, tam vocibus quam instrumentis etiam Musicis (alio quovis die, quam illo qui ordinariò ad praxin Musicam designatus est) publicè exhibeat; Sed prius, valvis utriusque magnæ Portæ Scholarum, ante tres dies, affixo programme, diem ac horam futuri speciminis significet. Quibus Exercitiis per eundem præstitis, per publicum ejusdem Facultatis Prælectorem Heytherianum, aut alium quemvis per eundem assignatum, Gratia ipsius in Venerabili Domo Congregationis proponatur; quâ concessâ, per alterutrum Professor. Savil. (qui ad hoc alternis præstandum tenentur) vel per alium quemvis in Artibus Magistrum ab iis deputatum, ad Gradum præsentetur.

S E C T I O IV.

De Tempore & Exercitiis requisitis ad Gradus in Jure Civili capeffendos.

§. 1. *Quot anni, in audiendo Professore publico Juris Civilis ponendi, requirantur ad Gradum Baccalaurei in Jure Civili.*

STatutum est, quòd, qui Jure Civili studet, antequam Baccalaureatum in illa Facultate consequatur, si sit Magister Artium, per tres annos integros (numerandos a die suæ admissiõis ad regendum) audiat publicum Juris Civilis Professore. Si quis vero Juri Civili det operam, qui non sit Magister Artium, per quinquennium completum, Publicum Juris Civilis Prælectorem diligenter & attentè audiat.

Quòdque per Biennium in Academia, Dialecticæ, Morali Philosophiæ, & Politicæ, aliisque Humanioribus Literis incumbat, priusquam Quinquennium in studio juris ponere incipiat, nisi per Statuta Collegii in quo moratur, citiùs ad juris studium se convertere teneatur.

§. 2. *Exercitia pro Gradu Baccalaureatûs in Jure Civili præstanda.*

STatutum est, quòd is, qui ad Baccalaureatum in Jure Civili promoveri cupit, priusquam pro Gratia sua supplicet, bis in Disputationibus Juridicis pro Forma, Opponentis Principalis (id est, primo vel secundo loco Disputantis) munere fungatur; Et semel per duas horas in Schola Jurisprudentiæ pro Forma, scilicet ab hora prima pomeridiana ad tertiam, respondeat.

Quòd

VI. Tit. VI. *& Exercitiis pro Forma præstand.* 53

Quòd si desit, qui pro Forma ad consequendum gradum Opponat, liceat Publico Prælectori vel ejus vices gerenti, Opponentis officium sustinere.

Nec hujusmodi Disputatio cuiquam cedat pro Forma, nisi Quæstiones suæ, unâ cum nominibus Respondentis, & Opponentis, per septem dies ante Disputationem, affigantur valvis utriusque exterioris Portæ Scholarum; ac insuper Muris Collegii Omnium Animarum, & Oriel, quâ Australis & Occidentalis parietes, Plateam versus, in Angulos coeunt.

§. 3. *Quot Anni, in audiendo Publ. Professore Jur. Civ. ponendi, requirantur ad Gradum Doctoris in Jure Civili.*

STatutum est, quòd qui ad Doctoratum in Jure Civili promoveri cupit, si postquam in Artibus Magister fuerit, Gradum Baccalaurei in Jure Civili susceperit, quatuor Annos integros (numerandos a die suæ admissionis ad Gradum prædictum) publicum Prælectorem Juris Civilis audiet, priusquam ad incipiendum in eadem Facultate admittatur.

Alioqui, si Baccalaureus in Jure fuerit, antequam incipiat in Artibus (sive Statutis privati Collegii sic exigentibus, sive suâ ipsius optione factum fuerit) quinque annos integros in audiendo publico Professore Juris Civilis ponere teneatur, priusquam Incipere permittatur.

§. 4. *Exer-*

§. 4. *Exercitia pro Gradu Doctoris in Jure Civili præstanda.*

STatutum est, quòd Baccalaureus Juris Civilis, priusquam ad Incipiendum in eadem Facultate admittatur, vel sex solennes Lectiones ab hora prima pomeridiana usque ad secundam, totidem diebus, publicè leget, (in quibus quamcunque velit totius Corporis Juris Civilis partem explicet) vel aliquem è Titulis de Judiciis, de Probationibus, sive de Re Judicata, in Digestis vel Codice, tribus ad minimum Lectionibus, cursoriè exponet. Et priusquam vel solenniter, vel cursoriè legere inceperit, Programma, subjectum & tempus legendi indicans, ante triduum curabit affigi valvis utriusque exterioris Portæ Scholarum, ac insuper, Muris Collegii Omn. Animarum, ac Oriel, quà Australis & Occidentalis parietes, Plateam versùs, in Angulos coeunt.

S E C T I O V.

De Tempore & Exercitiis requisitis ad Gradum in Medicina capeßendos.

§. I. *Quot anni, in audiendo publico Professore Medicinæ ponendi, requirantur ad Gradum Baccalaurei in Medicina.*

STatutum est, quòd, qui Medicinæ dat operam, antequam Baccalaureatum in illa Facultate consequatur, Gradum Magistri in Artibus suscipiat; Et postquam in illa Facultate inceperit, publicum Medicinæ Prælectorem, per annum integrum (numerando a die suæ admissionis

Tit. VI. & *Exercitiis pro Forma præstand.* 55
 fionis ad Regendum) diligenter & attentè audi-
 visse teneatur.

§. 2. *Exercitia pro Gradu Baccalaurei in
 Medicina præstanda.*

STatutum est, quòd is, qui ad Baccalaureatum
 in Medicina promoveri cupit, priusquam Gra-
 tiam proponat, in duabus Quæstionibus, ab hora
 prima pomeridiana usque ad horam tertiam, in
 Schola Medicinæ assignata, solenniter pro Forma
 semel respondeat, & semel opponat. Quodque
 is, qui Senior est, si velit, Respondentis locum
 habeat: nec plures quam duo, eodem die, pro
 Forma opponere permittantur.

Quod si desit, qui pro Forma ad consequen-
 dum gradum opponat, liceat publico Prælectori,
 vel ejus vices gerenti, Opponentis officium sus-
 tinere.

Nec hujusmodi Disputatio cuiquam cedat pro
 Forma, nisi quæstiones suæ, unà cum nomini-
 bus Respondentis & Opponentis, per septem dies
 ante disputationem, affigantur valvis utriusque
 exterioris Portæ Scholarum, ac insuper, Muris
 Coll. Omn. Anim. & Oriel, quæ Australis &
 Occidentalis parietes, Plateam versùs, in Angu-
 los coeunt.

§. 3. *Quot anni, in audiendo publico Medicinæ
 Professore ponendi, ad incipiendum in
 Medicina requirantur.*

STatutum est, quòd, qui ad Doctoratum in Me-
 dicina promoveri cupit, post Gradum Bac-
 calaurei in Medicina susceptum, per tres an-
 nos integros publicum Prælectorem Medicinæ
 audiat,

56 *De Temp. ad Grad. cap. requisito; Tit. VI.*
audiat, priusquam ad Incipiendum in eadem Facultate admittatur.

§. 4. *Exercitia pro Gradu Doctoris in
Medicina præstanda.*

STatutum est, quòd Baccalaureus Medicinæ, priusquam ad Incipiendum in eadem Facultate admittatur, vel sex solennes Lectiones, ab hora prima pomeridiana usque ad secundam, totidem diebus, publicè legat; (in quibus quamcunque velit Galeni partem explicet) vel aliquem ex his Galeni Libris; nimirum, Librum unum de Temperamentis, de Differentiis Februm, de usu partium, vel de affectis locis, tribus ad minimum Lectionibus, cursoriè exponat.

Priusquam vero, vel solenniter, vel cursoriè, legere exordiat, tempus in quo lecturus est, & subiectum de quo leget, ante triduum significabit, Programmate affixo valvis utriusque exterioris Portæ Scholarum, ac insuper, Muris Coll. Omn. Animarum, & Oriel, quâ Australis & Occidentalis parietes, Plateam versùs, in Angulos cœunt.

S E C T I O VI.

De Tempore & Exercitiis requisitis ad Gradus in Theologia capeßendos.

§. 1. *Quot anni, in audiendo Publico Theologiæ
Professore ponendi, requirantur ad Gradum
Baccalaurei in S. Theologia.*

STatutum est, quòd, qui S. Theologiæ dat operam, antequam Baccalaureatum in illa Facul-

Tit. VI. & *Exercitiis pro Forma præstand.* 57

Facultate consequatur, Gradum Magistri in Artibus suscipiat, & postquam in illa Facultate Inceperit, publicum S. Theologiæ Prælectorem, per septennium completum (numerando a die suæ admissionis ad Regendum) audivisse teneatur.

§. 2. *Exercitia pro Gradu Baccalaurei in S. Theologia præstanda.*

STatutum est, quòd is, qui ad Gradum Baccalaurei in S. Theologia promoveri cupit, priusquam Gratiam proponat, bis in disputationibus Theologicis pro Forma Opponentis Principalis, (id est, primo vel secundo loco Disputantis) munere perfunctus fuerit, & semel, per duas horas, in Schola Theologica pro Forma responderit.

Quòdque, ante hujusmodi Disputationes Quæstiones, una cum nominibus Opponentium & Respondentis, per septem dies integros, significentur, Programmata affixo valvis utriusque exterioris Portæ Scholarum, ac insuper, muris Coll. Omn. Animarum, & Oriel, quæ Australis & Occidentalis parietes, Plateam versus, in Angulos coeunt.

Insuper statutum est, quòd unusquisque ad Gradum Baccalaurei in S. Theologia admittendus, priusquam Gradum susceperit, Concionem Latinam in Ecclesia B. Virg. Mariæ, per Se, & non per Alium, palam habere teneatur.

Hæc tamen cautione servatâ; ne quis ante quinquennium completum a suscepto Magistrali Gradu, (idem quoque Sacris Ordinibus initiatus) Concionem hujusmodi habere permittatur. Cautio insuper, ne Concio Latina, habita vice alterius cujuscunque, cedat cuiquam pro Forma.

H

§. 3. *Quot*

§. 3. *Quot Anni, in audiendo publico Theologiæ
Professore ponendi, ad incipiendum in
S. Theologia requirantur.*

STatutum est, quòd, qui ad Doctòratum in S. Theologia aspirat, post susceptum Baccalauri in Theologia Gradum, per quatuor Annos integros Publicum Theologiæ Prælectorem audiat, priusquam ad incipiendum in eadem Facultate admittatur.

§. 4. *Exercitia pro Gradu Doctòris in Sacra
Theologia præstanda.*

STatutum est, quòd Baccalaureus S. Theologiæ, antequam ad Incipiendum in eadem Facultate admittatur, publicè in Schola Theologica, ab hora prima usque ad secundam, Latinè solenniter sexies legat, & explicet quamcunque velit S. Scripturæ partem: vel aliquam ex istis, quæ sequuntur, Apostolicis Epistolis, scilicet ad Galatas, vel unam aliquam ad Timotheum, vel Titum, vel unam S. Petri, tribus scilicet cursoriis Lectionibus ad minimum, explicet. Priusquam verò vel solenniter, vel cursoriè legere exordiat, tempus quo lecturus est, & subiectum de quo leget, ante tres dies significabit, Programmata affixo valvis utriusque exterioris Portæ Scholarum, ac insuper, Muris Coll. Omnium Animarum, & Oriel, quæ Australis & Occidentalis parietes, Plateam versus, in Angulos coeunt.

SECTIO VII.

Quomodo, & unde, computandum sit Tempus, singulis Gradibus capeffendis præstitutum.

QUoniam Tempus singulis Gradibus capeffendis præstitutum, aliàs Annorum, alias Terminorum numero, in his ipsis Statutis exprimitur (ne qua inde cavillandi ansa subministretur) præsentì Statuto cautum est, quòd, ubicunque tempus Gradui cuivis præstitutum per Annos computatur, eadem temporis Mensura in Terminos resoluta (singulis Annis quatuor Terminos deputando) præstituta esse intelligatur. Ut-pote, ubi tres Anni requiruntur, duodecim Termini; ubi quatuor, sedecim Termini intelligendi sunt; & sic in cæteris.

Insuper in iis Gradibus, qui à non-Graduatis primò suscipiuntur, Tempus hujusmodi Gradui præstitutum, a tempore Matriculationis computandum est; Quòd si quis Vacationis tempore Matriculetur, a Terminò Matriculationem suam sequente Terminos ad Gradum requisitos computabit.

In iis vero Gradibus, qui a Baccalaureis cujuslibet Facultatis capeffuntur, a tempore præsentationis ad Gradum Baccalaurei in eadem Facultate:

In iis tandem Gradibus, qui Gradum Magistrale præsupponunt, a tempore admissionis ad Regendum, computandum erit tempus.

Denique, quoniam haud pauci singulis Terminis, unum aut alterum Diem in Universitate commorantes, Officio suo & Statutis satisfacisse, & vel sic Terminos ad Gradum requi-

60 *De Generali Incept. in sing. Fac. Tit. VI.*
fitos complevisse se putant; Statutum est, quòd
nemo Terminos ad Gradum suum requisitos
complevisse reputandus sit, nisi qui singulis Ter-
minis, Michaelis & Hilarii, per integrum Men-
sem; Terminò autem Paschatis, per tres Septima-
nas; Terminò demum Trinitatis, per duas Sep-
timanas, in Universitate commoratus fuerit, &
Exercitia, juxta Statuta, ibidem frequentaverit.
Excepto semper Terminò, in quo quis Gradum
suscepturus est, cujus primus Dies, juxta receptam
antiquitùs consuetudinem, habetur pro Terminò
completo. Excepto etiam Terminò, in quo
quis primùm ad Academiam accedens Matricu-
latur, cujus ultimus Dies pro integro Terminò
reputatur.

TITULUS VII.

*De Generali Inceptione in singulis Faculta-
tibus, five de Vesperiiis & Comitiiis.*

SECTIO I.

*Statuta Specialia, ad Vesperias & Comitia
pertinentia.*

§. 1. *De Tempore Comitiorum.*

Statutum est, ut semel duntaxat in quolibet
anno, in omnibus Facultatibus generalis
Inceptio habeatur, quæ Comitia five Actus di-
catur: & ut hujusmodi Comitia annuatim ce-
lebrentur, die Lunæ proximo post septimum
diem Julii, & Vesperia die Saturni proximè
precedente.

§. 2. *De*

§. 2. *De Prælectionibus in Vesperiiis; & quòd Inceptores circumeant singulas Scholas.*

STatuit Universitas, quòd prout hætenus usitatum fuerit, in Vesperiiis, die Saturni ante Meridiem, singuli Prælectores in Artibus Lectiones solennes habeant. Quarum Solennitati ut accedat nonnihil, decretum est, quòd singuli Professores Habitu solenni induti, Doctores, si qui fuerint cum Capis & Caputiis coccineis, & Pileis Gradui competentibus, Magistri vero in Artibus, cum Togis Statuto conformibus, & Capis ac Caputiis, obverso sive Serico sive Minutovario, etiam Pileis induti, horâ octavâ, ad Sacellum Boreale Templi Beatæ Mariæ accedant: unde, simul ac omnes convenerint, præeuntibus Bedellis Facultatis Artium, omnes unâ ad Scholas procedant, ac, quisque Suam, capeffant.

In reliquis verò Facultatibus, Lectores solenni Habitu induti, in Scholis sibi assignatis, horis consuetis legant. Præterquam quòd Professor Margaretæ, qui alias horâ nonâ legere consuevit, hodie horâ octavâ leget, in Schola itidem Theologica: Professor vero Medicinæ, & Linguarum Hebraicæ & Græcæ, Historices itidem Professores, hodie omnes simul horâ nonâ Antemeridianâ legent. Dum hæ Lectiones habentur inter horam octavam & nonam, Inceptores universi in singulis Facultatibus, Habitu competente induti, Doctores ocreati, Inceptores vero reliqui Crepidis & Socculis induti, omnes aperto capite, Bedellis præeuntibus, Scholas singulas tempore Lectionum circumeant, & per Bedellum Facultatis Scholæ in qua legitur, Prælectorem, ut velit Vesperiiis & Comitiiis interesse, rogent.

Qui,

Qui, absque ulteriore verborum apparatu aut circuitu, respondebit, *Interero.*

Quòdque insuper Inceptores in Theologia, Jurisprudencia, & Medicina, Professores suos orent, ut paternam Benedictionem ipsis imperitari dignentur: Qui eorum petitionibus annuentes, singuli suis Inceptoribus benedicent, excepto solo Professore in S. Theologia, qui Inceptoribus etiam aliarum facultatum, ex æquo, Benedictionem impertietur.

§. 3. *De Disputationibus Vespertialibus.*

STatutum est, quòd secundùm antiquam consuetudinem, die Saturni post Meridiem, ab hora prima ad quintam, in singulis Facultatibus ab Incepturis Disputationes solennes habeantur; nimirum, ab Incepturis in Artibus, in *Theatro Sbeldoniano*; ab Incepturis in Medicina, Jurisprudencia, & Theologia, in Scholis iisdem Facultatibus assignatis.

§. 4. *De Disputationibus Vespertialibus in Philosophia.*

QUoad Incepturos in Artibus, Statutum est, quod de tribus Quæstionibus Philosophicis solennis Disputatio instituatur, in qua Respondentis locum occupet ex Incepturis unus per Procuratorem seniore designatus. Opponent, primò Procurator senior in omnibus Quæstionibus, qui etiam in prima argumentum confirmet; deinde Pro-procurator & Terræ-filius in secunda; & postremo Procurator junior in tertia Quæstione disputet. Quòdque his Disputationibus Universi Incepturi a principio ad finem interesse teneantur, sub pœna 3s. 4d.

§. 5. *De*

§. 5. *De Conclusionē Vesperiarum Philosophicarum: & de Juramento Inceptorum.*

CUM singuli Actores in Vesperiiis Philosophicis, suo ordine disputaverint, Procuratores Disputationi finem imponent, ea quæ gesta sunt, sufficere pronuntiando. Deinde senior Procurator, de tribus Quæstionibus a singulis Inceptoribus ipsi traditis, unà cum versiculis Quæstionum sensum explicantibus, aliquot, prout ratio Temporis feret, palam recitabit; & de earum aliquibus breviter argumentabitur, significando quo ordine, sive recto sive retrogrado, quisque censeatur.

Quibus peractis, unumquemque juramento astringet, de Statutis, Privilegiis, Libertatibus, & Consuetudinibus istius Universitatis observandis, sub hac Forma,

Magister, Tu dabis fidem ad observandum Statuta, Privilegia, Consuetudines & Libertates istius Universitatis.

Et de non resumendo Gradum Simeonis, sub hac Forma,

Magister, Tu jurabis quod nunquam consenties in reconciliationem Henrici Simeonis, nec statum Baccalaurei iterum tibi assumes.

Quisquis vero hoc juramentum non præstiterit, eum Procuratores 6s 8d in usum Universitatis per ipsos exigendis, mulctabunt.

§. 6. *De Disputationibus Vespertialibus Juristarum.*

DE Incepturis in Jurisprudencia, Statutum est, quod pro more (post Progressus aliquot a Professore in prælectione, quam ante meridiem inchoaverat, factos ad monitionem illius Juris studiosi, qui in his Disputationibus Moderatoris locum obtinet,) a Professore Regio tres Quæstiones cuique Incepturo, cum versiculis Quæstionum sensum explicantibus, proponantur, de quibus incepturi singuli seriatim respondeant.

Opponent vero Doctores hujus Facultatis in Academia commorantes, per se, vel per alium Doctorem vel Baccalaureum ejusdem Facultatis vice suâ substitutum, sub pœna 40s. Quod si pauciores fuerint Doctores, quàm ut commodè sufficere possint sustinendis per integrum tempus præstitutum Disputationibus, licebit Professori in subsidium advocare de Baccalaureis ejusdem Facultatis in Academia commorantibus (servato Ordine senioritatis) tot, quot suo judicio usus poscet; qui ante 15 dies debite præmoniti ad Opponendum (per se, vel per alium consimilis conditionis) prout Opponentium ad Inceptores proportio ipsos cum his aut illis Respondentibus commiserit, sub pœna 40s teneantur. Quibus Disputationibus peractis, prædictus Moderator, singulis Incepturis unam vel duas Antinomias conciliandas proponet; iisque conciliatis, hujusmodi Disputationibus brevi aliquâ peroratione finem imponet.

§. 7. *De Diſputationibus Veſperialibus Medicorum.*

QUoad Incepturos in Medicina, Statutum eſt, ut, pro more, a Professore Regia tres Quæſtiones, cum verſiculis Quæſtionum ſenſum explicantibus, cuique Incepturo proponantur, de quibus Incepturi ſinguli ſeriatim respondeant.

Opponent vero Doctores hujus Facultatis in Academia commorantes, &c. *ut ſupra de Jurisſtis.*

§. 8. *De Diſputationibus Veſperialibus Theologorum.*

INcepturis in Theologia, Profeſſor Regius (qui in his Diſputationibus Moderatoris Perſonam gerit) tres Quæſtiones unâ cum verſiculis eaſdem explicantibus, ſingulis proponet, in quibus ipſi ſucceſſivè respondeant.

Opponent verò de Doctoribus ejuſdem Facultatis in Academia commorantibus, quos Vice-Cancellario ad hoc ante 12 Septimanas designare viſum fuerit, decem (niſi Inceptores plures ſint quam decem, quo in caſu parem Opponentium numerum oportet eſſe) per ſe, vel per alium Doctorem aut S. Theologiæ Baccalaureum vice ſuâ ſubſtitutum, prout Opponentium ad Inceptores proportio ipſos cum his aut illis Respondentibus commiſerit, ſub pœna 40s.

Inceptorum quilibet 14 ad minimum diebus ante Veſperias, cum Doctoribus ſecum diſputaturis Quæſtiones ſuas communicabit, aut in abſentia cujuſvis ipſorum, cum Doctore aut Baccalaureo S. Theol. vice abſentis ſubſtituto, qualem utique ſubrogare tenetur, quiſquis Doctorum a Veſperiis abeſſe neceſſe habuerit, ſub pœna 40s ei qui defecerit irroganda.

In his autem Disputationibus, quoniam Professor Regius Disputantium argumentis intentus, fugam temporis haud tam facile notat, Vice-Cancellarius per se, vel per alium Doctorem Coll. alicujus Præfectum, singulis Opponentibus arguendi spatium admetietur, & Disputationis filum pro suo arbitrio præcidet.

§. 9. *De Cœna Vespèriali.*

PERACTIS Disputationibus Vespèrialibus, moris est, ut Seniores Inceptores in qualibet Facultate, Theologiæ, Jurisprudentiæ, & Medicinæ, aliis Doctoribus senioribus in suis Facultatibus cœnam apparent. Et, si desit Inceptorus in aliqua harum Facultatum, quod senior istius Facultatis, in qua aliqui incipient, Doctores ejus Facultatis, in qua deest Inceptor, in Cœna unâ cum Doctoribus Facultatis suæ accipiat: Si verò in nulla harum Facultatum aliquis Inceptor existat, quod is qui Inceptoris Senioris in Artibus locum obtinet, id est, qui Senior inter Inceptores in Artibus a Procuratore ordinatur, Doctoribus omnibus cœnam præbeat.

De Ulteriori Explicatione Statuti de Cœna Vespèriali.

CUM ex Statuto & More veteri, Sumptus Cœnæ Vespèriales a Seniore solvendi sint, cumque illa Expensarum Inæqualitas, multis, ne inceperint, Impedimento, & Academico Præjudicio hætenus fuerit, statuit Universitas, ut in qualibet Facultate Incepturi, ad Cœnam Vespèrialem pro Doctoribus apparandam singuli ex æquo numerent, expensasque ex Symbolo, ac æqualiter solvant;

solvant; hoc excepto, quòd uniuscujusque Facultatis Senior, Hospitium Cœnaculumve Doctoribus Cœnâ excipiendis accommodum, solus prospiciat.

§. 10. *De Concionibus die Dominico inter Vesperias & Comitia habendis.*

IN die Dominico inter Vesperias & Comitia, moris est, ut duæ Conciones, una ante Meridiem, altera post Meridiem, linguâ vernaculâ, in Ecclesia B. Mariæ Virg. habeantur; & statutum, quòd liberum sit Vice-Cancellario quemlibet ex Theologis in iisdem Comitiiis Incepturis, aut ex aliis, ad hæc Concionandi munera designare.

§. 11. *De Precibus solennibus, & Oblationibus, in die Comitiorum.*

IN die Comitiorum, moris est, ut post pulsationem parvæ Campanæ, circa horam nonam Matutinam, singuli Inceptores in qualibet Facultate, per Bedellos suæ Facultatis a Collegiis & Aulis deducti, in Capella Orientali Ecclesiæ B. Mariæ Virg. unâ conveniant; iisque sic congregatis, Preces Divinæ ab ejusdem Ecclesiæ Parochialis Vicario, aut illius Deputato, solenniter habeantur: Quibus peractis, primùm Vice-Cancellarius, postea singuli Inceptores in Facultatibus, deinde Procuratores, Bedellis præeuntibus, ad Mensam Eucharistiæ sacram, cum debita reverentia, Oblationes faciant. Quòd si quis a Precibus solennibus & Oblationibus absens fuerit, aut præsens, cum debita reverentia

68 *De Generali Incept. in sing. Fac. Tit. VII.*
ad Mensam Eucharistiæ sacram accedere recusaverit; puniatur pro arbitrio Vice-Cancellarii.

§. 12. *Quem locum in Comitiiis singulæ
Facultates sortiuntur.*

PERactis Precum & Oblationum solennibus, moris est, ut exercitia Comititalia inchoentur: quòdque senior Procurator Suggestum in Theatro sibi super Portam Occidentalem apparatus, Junior ex adverso super Orientalem, unâ cum Actoribus juxta antiquum morem conscendant. Professor Medicinæ cum Inceptoribus in Medicina a parte Occidentali; Professor Jurisprudentiæ a parte Orientali, subsellia sortiuntur: Professor vero Theologiæ cum Inceptoribus suis, ad Boream infra Cancellarii Cathedram sedilia constituta habeant: & si qui in Musica incipiant, in superiori Pegmate, ad Austrum locum teneant.

§. 13. *De Disputationibus Philosophicis
in Comitiiis.*

IN Comitiiis, inter Inceptores in Artibus, moris est, ut jussu Procuratorum, a primo Opponente tribus Quæstionibus propositis, Magister Replicans, qui fuit Respondens superioris anni, (vel eo deficiente, alius quivis per Procuratorem substituendus) respondeat, in iisdem verò, primo in loco disputet ex Inceptoribus primus Opponens, qui ubi argumentandi finem fecerit, a seniore Procuratore (qui quoad Inceptores in Artibus, Comitiorum Pater habetur) solenniter tradendo illi librum, imponendo

Tit. VII. *sive de Vesperiiis & Comitiiis.* 69
do pileum, & impertiendo osculum, Magister
creabitur.

Deinde, post illum, opponere perget idem Procurator senior; cui succedet Terræ-filius, quem Pro-procurator excipiet; postremò, Procurator junior argumentabitur, & Disputationibus præfatis finem imponet. Inceptorum vero in Artibus quisquis ab his disputationibus abfuerit *3s 4d* in usum Universitatis mulctetur.

§. 14. *De Actu Musico.*

POST exercitia Artistarum in Comitiiis finita, si quis sit qui in Musica gradum suscipiet, ejus erit, unam vel alteram Cantilenam sex vel octo partium, unà cum vocum & instrumentorum musicorum harmoniâ, exhibere; qua finitâ a Savilianis Professoribus Creationis suæ solennia recipiet, qui hoc alternis præstare tenentur, sive uterque Doctor in aliqua Facultate fuerit, sive neuter: sed tunc impetratâ prius veniâ a Domo Congregationis, ut liceat sibi ad tempus Habitum Doctoralem assumere. Quòd si alter solummodo Professorum Doctor fuerit, ei soli Creandi munus incumbit.

§. 15. *De Disputationibus Comitialibus in Medicina.*

FINITO Actu Musico, vel, si nullus fuerit in Musica Inceptor, finitis exercitiis in Philosophia, moris est, ut monito Procuratorum, Professor Regius in Medicina procedat. Qui habitâ Præfatiunculâ, ad Creationem Inceptorum descendet, videlicet eorum cuilibet tradendo librum, im-

70 *De Generali Incept. in sing. Fac. Tit. VII.*
imponendo pileum, inferendo digitum annulo,
& postremo, impertiendo osculum.

Quâ Creatione peractâ, Inceptorum senior tres Quæstiones discutiendas proponet; de quibus Respondens animi sui sententiam exponet. Deinde, idem Inceptor senior in singulis argumentabitur, & argumentum in prima confirmabit. Post seniore, alii seriatim, secundus nimirum in secunda, tertius in tertia, &, si plures fuerint, quartus in prima, & sic deinceps quilibet in quæstione una disputabit. Quisque autem, ubi Procuratores satis ab eo disputatum pronunciauerint, suscipiet iuramentum ab iisdem Procuratoribus delatum, de Statutis, Privilegiis, Libertatibus & Consuetudinibus istius Universitatis observandis, & de non resumendo Gradu Simeonis. Respondentis verò locum sustinebit, aut Inceptorum aliquis illius anni, aut, ad eorum instantiam, Studiosus aliquis in Medicina, qui saltem tempus ad Gradum Baccalaureatûs requisitum compleverit, ante 10 Septimanas designandus; alioqui, aliquis per Vice-Cancellarium nominandus, & per Domum Convocationis approbandus, qui tempus ad Gradum Baccalaurei, vel, (si Baccalaureus sit) Doctoris in eadem Facultate, requisitum compleverit; cui talis responsio, citra ullam dispensationem, cedat pro Exercitiis requisitis ad illum Gradum quem desiderat; Baccalaureo viz. pro Disputationibus, Doctori pro Lecturis Gradui suo præviis.

§. 16. *De Disputationibus Comitilibus
in Jurisprudentia.*

EXercitiis ab Inceptoribus in Medicina absolutis, moris est, ut Professor Regius in
Juris-

Jurisprudentia, admonentibus Procuratoribus, & similiter Inceptores in Jurisprudentia, procedant, adinstar Professoris & Inceptorum in Medicina. Respondere vero consuevit, qui in Vesperiiis Moderatoris locum tenuit; Unus nimirum Inceptorum illius anni; aut, ipsis procurantibus, Studiosus aliquis in Jure Civili, qui saltem tempus ad Gradum Baccalaureatûs requisitum compleverit, ante 10 Septimanas designandus; alioqui, aliquis per Vice-Cancellarium nominandus, & per Domum Convocationis approbandus, qui tempus ad Gradum Baccalaurei, vel, (si Baccalaureus sit) Doctoris in eadem Facultate, requisitum compleverit; cui talis responsio citra ullam dispensationem cedat pro Exercitiis requisitis ad illum Gradum quem desiderat; Baccalaureo *viz.* pro Disputationibus, Doctori pro Lecturis Gradui suo præviis.

§. 17. *De Disputationibus Comitialibus
in Theologia.*

POST consummata in Jurisprudentia exercitia, moris est, ut in S. Theologia Professor Regius procedat. Qui, pro more, Præfatione habitâ, ad Inceptorum Creationem similiter descendet, & cætera, prout Professores in Medicina & Jurisprudentia, peraget; ultra quæ, peculiare sibi habet, (quod etiam Procuratoribus incumbit,) utrum Inceptores in S. Theologia ocreis (prout oportet) sint induti, explorare. Quâ Creatione peractâ, Inceptores eodem ordine & modo, quo Inceptores in Medicina, succedent: Respondentis itidem locum obtinebit, vel ex Inceptoribus unus, vel alius in S. Theologia Studiosus, qui saltem tempus
ad

72 *De Generali Incept. in sing. Fac. Tit. VII.*
ad Gradum Baccalaureatûs requisitum compleve-
rit, ante 10 Septimanas designandus, &c. *ut supra.*

§. 18. *De Conclusionē Comitiorum.*

PERACTIS Exercitiis, & Doctoribus in qualibet Facultate creatis, consuevit Vice-Cancellarius, monitu Procuratorum, Comitia concludere solenni Oratione; in qua, res gestas superioris anni, beneficia præsertim Universitati collata, & alia quæ ad honorem Academiæ faciunt, prout ipsi videbitur, commemorare in more positum est.

§. 19. *De Congregatione, finitis Comitiis habendâ.*

CONCLUSIS per Dominum Vice-Cancellarium Comitiis, ad majoris Campanæ pulsationem, Vice-Cancellarius, & superioris Anni Regentes, illicò in Domo Congregationis conveniunt; ubi, ad supplicationem Doctorum & Magistrorum noviter Creatorum, de Ocreis & Crepidis & Socculis ipsorum exuendis, ad quæ tempore Inceptionis adstricti erant, dispensari solet.

§. 20. *De Concione Latinâ, habendâ die proximo post Comitiam.*

DIE Martis proximo post Comitiam, horâ octavâ matutinâ, in Templo B. Mariæ Virginis, Concio ad Clerum Latina haberi consuevit; ad quam Concionem habendam, in arbitrio erit Vice-Cancellarii, aliquem e Doctoribus, vel Baccalaureis in S. Theologia, aut quemcunque alium, ante tres Menses præmonitum, designare.

SECTIO

S E C T I O II.

Statuta Generalia ad Veſperias & Comitia
ſpectantia.§. 1. *Designatio Actorum in Veſperiis & Comitiiis
penes Procuratores eſt.*

CUM præ multitudinem Inceptorum in Artibus, ſinguli in Veſperiis & Comitiiis Actorum partes ſuſtinere nequeant, obtinuit conſuetudo, ut penes Procuratores poteſtas foret designandi Actores in Veſperiis & Comitiiis Philoſophiæ; de quibus, pro Veſperiis, Procurator Senior Reſpondentem, antehac Juniorem Inceptorem nuncupatum (cui in poſterum ne quid ſenioritatis eo nomine decedat, præſenti Statuto cautum eſto) & Pro-procurator m; Procurator vero Junior Terræ-filium, nominare ſolet. Pro Comitiiis vero, Procurator Senior Terræ-filium nominare ſolet; Procurator Junior primum Opponentem, antehac ſeniores Inceptorem nuncupatum (cui in poſterum ne quid ſenioritatis eo nomine accedat, præſenti Statuto cautum eſto.) Proviſum etiam eſt, ut, qui Reſpondens eſt in Veſperiis, a quolibet Inceptore ejusdem anni, per manus Procuratorum, duos ſolidos & ſex denarios percipiat; unde in die Comitiorum ſequentis anni Magiſtri Replicantis munus obire tenebitur: ad quod ſubeundum cautionem ſufficientem penes Procuratores deponet; in qua exigenda, ſi dicti Procuratores negligentes fuerint, ipſi ad providendum de Magiſtro Replicante pro anno inſequentem tenebuntur.

§. 2. *Quæstiones in singulis Facultatibus, discutiendæ in Vesperiiis & Comitiiis, Judicio Congregationis approbandæ.*

CUM præ novandi libidine, & opinandi quæ quis velit, licentiâ (quam sibi privatim quisque arrogat) nova indies Opinionum portenta procudi, usu compertum sit; Ne in publicum quoque serpat hæc labes, salubri consilio provisum est, ut Theses in qualibet Facultate, cum in Vesperiiis, tum in Comitiiis discutiendæ, in Domo Congregationis, per congruum temporis spatium ante Comitia proponantur; nec ullæ defendantur, nisi quæ maturo illius Domus Judicio approbatæ fuerint; Utpote quæ nec periculosam materiam sapiant, & benignam disputandi materiam suppeditent, ut non necesse sit ad altercationes & cavillâ confugere. In Facultate vero Artium, Quæstiones ex intimis Philosophiæ penetralibus, & non aliunde, desumantur; nec Exotericas ullas proponi permittat Vice-Cancellarius.

In Jurisprudentia autem (quia Juris Civilis studiosos decet haud imperitos esse Juris Municipalis, & differentias exteri Patriique Juris notas habere) inter Quæstiones Comitiales eligatur una, quæ cum Jure Municipali aliquid affine habeat; In qua, quid Jus Civile, quid Regni Angliæ Jus teneat, Professor Juris Civilis in Præfatione sua, Creationi Inceptorum præmissâ, doceat, definiat, determinetque. In singulis denique Facultatibus Orationes prælusoriæ ad Disputationes sint perbreves; & nisi memoriter recitentur, continuo a Procuratoribus abruptantur.

§. 3. *De compescendis contumeliis in Exercitiis Vespertialibus & Comitialibus.*

STatutum est, quòd si quis in Orationibus, Argumentationibus, aut quâcunque Exercitiorum parte, in Vesperiiis & Comitiiis, vel publicum Universitatis regimen, vel cujusquam privati famam, convitiis, dictariis, vel illiberalibus jocis læserit, vel, quantum in se fuerit, lædendi voluntatem patefecerit; tanquam pacis & tranquillitatis publicæ perturbator coram Vice-Cancellario conveniatur, & exemplar Orationis suæ exhibere, aut alioqui (si nullum se Orationis suæ exemplar habere præ se ferat; vel, inter argumentandum, verba in quæstionem vocata exciderint) ad objecta virtute Juramenti respondere teneatur.

Et, si judicio Vice-Cancellarii convictus fuerit, pro qualitate delicti (quæ ex circumstantiis, & Personis, tum proferentibus, tum in quas convitia prolata sunt, æstimanda erit) Incarceratione, vel Recantatione publicâ, vel Bannitione, pro arbitrio Vice-Cancellarii, puniatur, præter satisfactionem parti læsæ exhibendam.

§. 4. *Habitus Vespertiales & Comitiales Inceptorum in Artibus.*

CUM ex frequentia Inceptorum, Habitu solenni indutorum, cohonestetur Academia, singuli Inceptores in Artibus, in Vesperiiis Facultatis suæ, Togis laxè manicatis, Capis ac Capitiis ex Serico, & Crepidis & Socculis induti, nudis Capitibus interesse, sub pœna 3s 4d, ibique, quoad Exercitia peracta fuerint, permanere teneantur. Etiam in die Comitiorum, eodem modo sub pœna eadem intersint; præterquam quòd

76 *De Generali Incept. in sing. Fac. Tit. VII.*
pro Caputiis Sericis, Caputiis ex Minuto-vario,
(Anglicè *Miniver*) induti incedent.

§. 5. *Habitus Inceptorum in aliis Facultatibus.*

INceptores in Musica, in Vesperiiis & Comitiiis,
Togis manicatis, cum Capis albis Damascenis
undulatis, Pileisque rotundis holosericis utantur.

Inceptores In Medicina & Jurisprudencia, Ca-
pas coccineas cum Caputiis itidem coccineis, Se-
rico cujusvis intermedii coloris subsutis, & Pileos
ex holoserico rotundos gestent.

Inceptores in Theologia, Capas itidem cocci-
neas cum Caputiis similibus, Serico tamen nigri
coloris subsutis, & Pileos Quadratos habeant.

Singuli Inceptores, donec solenniter creati
fuerint, capitibus apertis in publico sedeant, &
incedant, sub pœna 13s 4d.

§. 6. *De Senioritate Inceptorum in quâque Facultate.*

IN Facultatibus Theologiæ, Medicinæ, & Ju-
risprudentiæ, quisque in sua Facultate, secun-
dum ordinem quo præsentati, sive ad incipiendum
admissi sunt, de consuetudine, in Vesperiiis &
Comitiis, & semper deinceps, locum sive Senio-
ritatem obtinebunt; nisi sint aliqui in iisdem
Facultatibus, qui pro Gradibus cum Universitate
composuerint (quos Cumulantes vocant) qui
cæteris ejusdem anni præferentur.

Inceptores vero in Artibus, pro arbitrio Pro-
curatorum senioritatem sortientur, præter Cumu-
lantes; qui reliquis præferendi, inter se seniori-
tatem juxta ordinem præsentationis sortientur.

Provisio tamen, quod dispositio illa Procura-
torum, Sociis Collegiorum præjudicio non sit,
quo minus eandem senioritatem, quam in ad-
missione

missione ad Incipiendum obtinuerunt, in Collegiis suis retinere possint.

Provisio insuper, quod ubi senioritas (juxta privata Collegii cujusvis Statuta) attenditur penes senioritatem in Universitate, & ex inverso senioritatis ordine multum quis patitur detrimenti; in hujusmodi Collegiis, Inceptores in Catalogo Inceptorum disponantur eodem ordine senioritatis, quam, in suis quisque Collegiis, obtinent.

§. 7. *De Sedilibus Inceptorum & Extraneorum non occupandis.*

CAutum est, quod in Vesperis & Comitiiis, nec non in Concionibus inter Vesperias & Comitias, Juniores Senioribus locum cedant; præcipue, ne Inceptoribus aut Extraneis, quibus de Consuetudine locus provideri solet, quisquam locum præripiat. In quo, si qui deliquerint, Dominus Vice-Cancellarius, vel Procuratores, pro arbitrio eos castigandi potestatem habeant: nec non in subsidium alios Magistros in Artibus advocandi, qui, indebitè locum occupantes submoven- do, ipsis suppetias ferant. Si quis vero immorigerum se præbeat, vel Vice-Cancellario, vel Procuratoribus, vel Magistris ascitis, poena esto arbitraria.

§. 8. *De Vesperis & Comitiiis a B. Virginis Mariæ Templo transferendis ad Ædificium seu Theatrum publicum, impensis & munificentia Reverendissimi in Christo Patris, GILBERTI Archiepiscopi Cantuariensis nuperrimè extructum; aliisque capitibus negotium istud concernentibus.*

3. **S**Tatutum est, ut Vesperæ & Comitias in Templo B. Mariæ Virginis celebrari solita, ad **THEATRUM** prædictum transferantur.

4. Ut

4. Ut in Theatro prædicto, ubi res Academi-
cæ id postulaverint, Convocationes & Congre-
gationes celebrare liceat, ibidemque Universi
ad solennia quæque illuc confluentes habitibus
Gradui & Ordini competentibus induantur.

5. Ut Die Veneris, Comitiorum solennia præ-
cedente, (quæ annuente Deo Theatri Encœnia
futura est) Agones habeantur horâ primâ post me-
ridiem Philologici, ubi Humanioris Literaturæ
exercitia peragantur; in quibus, duo Incep-
tores in Artibus a Vice-Cancellario cum consensu
Procuratorum designati Orationes habeant, & eo
nomine cæteris ejusdem anni in Senioritatis dis-
positione præferantur, quatenus per Consuetudi-
nem & Statuta hæc de re prius lata id fieri possit.
Insuper, ut ibidem Problemata Mathematica, Cri-
tica, Chronologica, necnon Experimenta omni-
gena proponi & discuti; quin & Commissiones
Philologicæ, five Carmine aut solutâ Oratione,
ab omnibus cujusvis Ordinis aut Gradûs peragi
possint; petitâ prius Vice-Cancellarii & Proc-
uratorum veniâ & licentiâ. Quibus si id meruisse
visi sint, licebit Vice-Cancellario, assentientibus
Procuratoribus, cuilibet sese exercenti, & Spe-
cimina Eruditionis suæ facienti, si modo Bacca-
laureus in Artibus fuerit, gratiam facere, ut Ex-
ercitia ab ipso præstita pro Forma ad Gradum
Magistri in Artibus cedant loco Declamationum,
quas Statuta exigunt. Si verò non-Graduatus
fuerit, & senior Sophista, liceat præfato Vice-
Cancellario, cum consensu Procuratorum, ipsi
jus & usum Pilei quadrati cum Apice concedere.

6. Ut Orationes ad Baccalaureos Determi-
nantes a Procureatore & Collectoribus in Qua-
dragesima, Templo B. Mariæ haberi solitæ, ad
Theatrum prædictum transferantur; scilicet,
proce-

procedentibus post Litaniam finitam solenniter a Templo B. Mariæ ad Theatrum predictum Vice-Cancellario & Procuratoribus unâ cum Baccalaureis Determinantibus.

7. Ut duo Curatores, seu Ædiles fabricæ Theatralis prædictæ a Reverendissimo Fundatore, durante eius vitâ, pro arbitrio ipsius, & deinceps a venerabili Domo Convocationis, & Doctoribus quos Statos Delegatos Computi esse contigerit, nominentur & constituentur. Quorum muneris erit, ut domûs custodibus & janitoribus præsent, & eosdem constituent; ut Cætum universum, hospites præsertim & peregrinos, qui ad Theatrum confluerint, in sedibus pro eorum dignitate & meritis, unâ cum Vice-Cancellario & Procuratoribus, excipiant & disponant; necnon pacem publicam ibidem tueantur; quinetiam, Pro-Cancellarii potestate instructi, infra Theatri præcinctus immorigeros & tumultuantes in ordinem cogant; Et, si insuper necessarium visum fuerit in Artibus Magistros in curæ hujus partem adhibere, ut iidem a Curatoribus prædictis nominati, & a Vice-Cancellario & Procuratoribus approbati, durante Solenniorum tempore, infra præcinctus prædictos Procuratoriâ potestate muniantur. Demum ut Curatores prædicti pecunias ad usum Theatri accipiant & impendant, rationemque quotannis reddant coram statis Delegatis, tempore Computi Vice-Cancellarii.

TITULUS VIII

De Disputationibus Ordinariis.

§. I. *De Disputationibus Ordinariis in S. Theologia.*

Statutum est, quòd in Theologia, quolibet anno, decies in Schola Theologica Disputatio-

nes habeantur; die nimirum Jovis primo & ultimo cujusque pleni Terminis; ac etiam die Jovis ante primam Dominicam adventus Domini; ac postremo die Jovis qui Quadragesimam proximè præcedit. Qui, si Festus quandoque fuerit, tum die proximo sequente non Festo disputetur.

Quòdque ad hanc Disputationem obeundam teneantur omnes, tam Baccalaurei in S. Theologia (etiam si tempus ad Doctoris Gradum suscipiendum compleverint) quam in Artibus Magistri (nisi fuerint Procuratores Universitatis, vel publici in Artibus Professores) postquam a tempore solennis suæ Creationis in Comitibus integrum quadriennium compleverunt, sive in Collegiis sive in Aulis victitent; nisi ad studia vel Juris vel Medicinæ, vel alicujus Facultatis per Statuta Collegii sui alligentur; aut alicui earundem Facultatum, (anno ad minimum antequam ad Opponendum vel Respondendum in Theologia moniti fuerint) nomina sua ipsos dedisse notoriè constet.

In quibus Disputationibus, e Baccalaureis & Magistris, senior Respondentis locum obtineat. Quòdque Opponant post Professore Regium, (qui Disputationibus moderatur) duo alii Gradu proximi, descendendo; & sic deinceps, donec omnes suis vicibus perfuncti fuerint; deinde iterum si opus fuerit, ad seniores revertendo.

Quæstiones autem discutiendæ, duæ sint, per Congregationem proximè sequentem monitionem datam approbandæ, de quibus Disputatio ab hora prima ad tertiam continuetur; eique interesse teneantur Baccalaurei S. Theologiæ, & Magistri omnes post secundum Regentiæ suæ annum, quos ad aliam aliquam Facultatem studia sua contulisse, non constiterit.

§. 2. *De Disputationibus Ordinariis in Medicina.*

STatutum est, quòd in Medicina, in Schola illius Facultatis, bis in quolibet anno, nimirum Terminis Hilarii & Trinitatis, primo die Martis utriusque Termini, Disputatio habeatur.

Quam sustinebunt suis vicibus Baccalaurei omnes in Medicina, & alii Studentes in Medicina, quotquot ritè studio Medicinæ nomina dederunt, ac Universitatis Privilegiis gaudent, a Senioribus ad Juniores descendendo: & sic deinceps revertendo: exceptis Procuratoribus Universitatis, & publicis Professoribus in Artibus; e quibus is, qui senior est, Respondebit, duo alii Opponent, in duabus Quæstionibus, per Congregationem proximè sequentem monitionem datam, approbandis; per duas horas integras, viz. a prima ad tertiam.

Cui Disputationi interesse adstringantur omnes Baccalaurei Medicinæ, aliique Magistri qui Medicinæ student.

§. 3. *De Disputationibus Ordinariis in Jurisprudentia.*

STatutum est, quòd in Jurisprudentia, bis in quolibet anno, Disputatio in Schola Facultati designata habeatur; nimirum, in Terminis S. Michaelis & Paschatis, ultimo die Martis utriusque Termini: quam Disputationem sustinebunt suis vicibus omnes Baccalaurei Juris, & qui in studio Juris tempus compleverunt, quo ad Baccalaurei Gradum promoveri possint, quotquot Privilegiis Universitatis gaudent, a Senioribus ad Juniores descendendo, & sic deinceps revertendo: exceptis Procuratoribus Universitatis, & publicis Professoribus in Artibus.

82 *De Disputationibus Ordinariis. Tit. VIII.*

In quibus, Senior Respondebit, duo proximi Opponent; idque in duabus Quæstionibus, per Congregationem proximè sequentem monitionem datam, approbandis, per duas integras horas, viz. a prima ad tertiam post meridiem.

Quòdque has Disputationes frequentare teneantur singuli Baccalaurei Juris omnesque Magistri & Scholares, quos studio Juris nomina sua dedisse constat.

§. 4. *De Disputationibus Quodlibeticis habendis
Vice Ordinariarum, in Artibus.*

CUM Disputationes antiquitus per 40 dies post Inceptionem in Artibus, quolibet die disputabili, juxta vetera Statuta a singulis Inceptoribus haberi solitæ (ex quo diversa Incipiendi tempora, in generalem Unam Inceptionem, in Vesperis & Comitibus immutata sunt) in desuetudinem abierint; placuit Academiæ, ut earum loco, unoquoque die disputabili in pleno Terminò, quo Magistrorum Regentium Congregationes non habentur, ad parvæ Campanæ in Templo S. Mariæ pulsationem, ab hora Decima antemeridiana ad Undecimam, in Scholis Artium Disputationes Quodlibeticæ habeantur.

In quibus, e Magistris Regentibus, seriatim & per vices, incipiendo ab eorum Juniore, quolibet die duo, in totidem Scholis, Habitu Gradui competente induti, cùm Moderatorum tùm Opponentium munus sustinere tenentur.

Ad has autem Disputationes seriatim obeundas, tenentur singuli Regentes, durante suâ Regentiâ necessariâ, & ad placitum (si necessariò Regentes non suffecerint pro numero Baccalaureorum, qui pro Forma Responsuri sunt) sub pœna 6s 8d, si modo per Superiorem in Artibus

tibus Bedellum, ante septem dies legitimè præmoniti & requisiti fuerint.

Quòd si Bedellus Magistrum legitimè non præmonuerit, aut, Magistro Disputationem omitte-
tente, ejus defectum eo ipso die Procuratoribus non significaverit, 10s multa per Procuratores ab eodem exigatur.

§. 5. *De Disputationibus per Bedellos Præmonendis.*

STatuit Universitas & decrevit, quòd Bedellus superior in qualibet Facultate, per sex hebdomadas ante diem Disputationis (præterquam in Quodlibeticis, in quibus Disputationibus ante septem dies præmonuisse sufficiet) tam Respondentem quam Opponentes officii ipsorum certiores faciat; eos, si fieri possit, Personaliter monendo, vel (si eos convenire non possit) per affixionem monitionis, manu Bedelli monentis subscriptæ, ad ostium Cameræ, vel Hospitii ubi morari consueverunt; vel, si Cameram nullam, Cameræve partem retineant, nomina tamen ipsorum usque in libro Promptuarii inscripta maneant, (eo nomine privilegii Academici beneficium in occasione vendicare ut liceat) affixâ monitione ad ostium Promptuarii: quo in casu, Bedellus Promum convenire, & si absentem quempiam intra tempus Disputationi præstitutum probabiliter non affuturum, partesve suas non impleturum, a Promo sciscitatus, resciverit, sub pœna 10s teneatur id ipsum protinus Vice-Cancellario renunciare; Qui, ne Disputationes tempore constituto habendæ intercidant, proximum debite præmonendum curabit; quod ut commodius fiat, Bedellus, aliquot dierum spatio ante sex Septimanas præmonendis Disputationibus assignatas, teneatur sub eadem pœna conditionem cujusque proximè præ-

84 *De Disputationibus Ordinariis. Tit. VIII.*
monendi explorare, utrum, viz. præsens sit, vel
ad tempus præstitutum affuturus videatur.

Quòdque Respondentes in S. Theologia, Medicina, & Jurisprudencia, Quæstiones suas intra biduum postquam approbatæ fuerint, Professoribus suis exhibeant, & deinceps eas valvis utriusque magnæ seu exterioris portæ Scholarum, necnon muris Coll. Omn. Animarum, & Oriel, quâ Australis & Occidentalis parietes, Plateam versùs, in angulos coeunt, ante septem dies affigi curent.

§. 6. *Disputantium Habitus. Præfandi Leges.*

STatutum est, quòd in Disputationibus Ordinariis tùm Respondentes tùm Opponentes, Togis Facultati suæ congruis, & Habitu Gradui competente, id est, Pileo, Capis & Caputiis induti, intersint.

Quòdque cùm Respondentium, tùm Opponentium præfationes, memoriter recitentur; in quibus succinctè ad statum Quæstionum pertinentia duntaxat exponant; nec Respondentem plus quam semihoram, Opponentem plus quam quartam horæ partem, qui disputationibus præfunt, impendere patiantur; reliquum vero temporis in argumentando consument.

§. 7. *De Officio Vice-Cancellarii & Procuratorum, circa has Disputationes.*

STatutum est, quòd in omnibus Disputationibus Ordinariis S. Theologiæ, Medicinæ, ac Juris, Dominus Vice-Cancellarius; in Quodlibeticis verò Procuratores, vel eorum alter, per se vel Deputatos suos, diligentius intersint: Quòdque curent, ut hæ Disputationes debito modo & formâ præstentur, & ab iis qui interesse debent, frequententur; &, si opus videbitur, singulis,

Tit. VIII. De Disputationibus Ordinariis. 85

quos adesse oportet, per Bedellos nominatim compellatis, qui absentes sint, disquirant.

**§. 8. De mulctandis Delinquentibus circa
has Disputationes.**

STatutum est, quòd, si quando contingat debito tempore aliquam harum Disputationum Ordinariarum, in superioribus Facultatibus penitus omitti (quod committi non licebit si vel unus Opponentium, cum Respondente & Moderatore, adfuerit) ille cujus culpâ id contingit, id est, qui neque per se, neque per substitutum aliquem præstiterit, si Opponens fuerit, 20 solidis mulctabitur; si Respondens vel Moderator, 40. Quòd si Bedellus justo tempore Opponentes & Respondentes non præmonuerit, vel Respondentes (prout debent) Quæstiones palam affigi non curaverint; eorum quilibet pœnam 10s luet. Quòd si omittatur Disputatio Ordinaria, mulctetur ille cujus culpâ hoc fit, & adigatur insuper ad partes suas præstandas alio tempore sub eadem vel graviore pœna, nisi legitimam causam attulerit, cur excusatum eum habere debeat Vice-Cancellarius.

Proviso etiam, quòd liceat Vice-Cancellario, si ex justa & necessaria cujusquam absentiae causa, has Disputationes omissum iri prospexerit, eo casu, & non aliter, alii alicui idoneo, absentis vices supplendi, veniam dare; vel, si videbitur, proximo debite præmonito, subeundi, sub pœna supradicta, necessitatem imponere; cui subeunti pro sua vice cedit.

Mulctæ denique propter hæc delicta irrogatæ, inter Academiam, Vice-Cancellarium, Procuratores, & Bedellos Facultatis, in quatuor partes æqualiter dividuntur.

TITU.

TITULUS IX.

De Congregationibus Magistrorum Regentium.

SECTIO I.

De Tempore & Negotiis Congregationum, &
de Personis ad eas Spectantibus.§. 1. *De Tempore Congregationum habendarum.*

UT Universitatis Negotia, cùm quæ ad Grantias & Gradus spectant, tùm alia, cum Deliberatione & Consilio maturè expediantur; Statutum est, quòd, pro more antiquo, in principio cujusque Terminì, Congregatio Magistrorum Regentium celebretur, quæ pro arbitrio Vice-Cancellarii a die in diem continuetur, & in ultimo cujusque Terminì die dissolvatur. Quòdque, quoties continget Congregationem celebrari, per pulsationem Magnæ Campanæ, statim post horam nonam ante Meridiem, denunciatur. A cujus pulsationis cessatione, Dominus Vice-Cancellarius, Procuratores, & Magistri Regentes accedant, seque ad Congregationem celebrandam accingant. Et præeunte Vice-Cancellario, & Procuratoribus, Habitibus Gradui competentibus; altero Bedellorum submissè proclamante (*Intretis in Congregationem, Magistri, intretis*) omnes Domum Congregationibus destinatam ingrediantur, ubi Causâ Congregationis tunc habendæ per Vice-Cancellarium expositâ, ad expedienda Negotia debite procedant.

§. 2. *De Negotiis in Domo Congregationis tractandis.*

ORDINatum est, quòd, prout ab antiquo fieri consuevit, in Venerabili Congregatione Magistrorum

Magistrorum Regentium, gratiæ sive supplicationes eorum, quos ad gradus Scholasticos promoveri par est, proponantur, & concedantur. Item ut Dispensationes, in quibus Congregationi per Statuta dispensare licebit, petantur. Deinde, ut digni & idonei ad gradus Scholasticos præsententur, & admittantur. Item, ut ab aliis Academiis commendati Incorporentur; & pro more consueto, Viri Conditionis & Eruditionis spectatæ, in singulis Facultatibus licentientur; iidemque atque alii, si opus fuerit, literis Testimonialibus commendentur, & multa alia de quibus Venerabili huic Congregationi decernendi hætenus potestas fuit, cum matura deliberatione & iudicio expendantur.

§. 3. *De Personis ex quibus constat Congregatio; & penes quos sit potestas negandi quæ proponuntur.*

ORdinatum est etiam, quòd, prout de more antiquo observatum fuit, Congregatio Regentium consistat e Cancellario sive Vice-Cancellario, & duobus Procuratoribus, vel eorum Deputatis, & Magistris necessario, atque etiam ad placitum Regentibus. Quòdque nihil in hac Venerabili Congregatione decernatur, cui Cancellarius, sive Vice-Cancellarius, vel ambo Procuratores, sive eorum Deputati, vel major pars Magistrorum necessario, & ad placitum Regentium qui interfuerint (quorum numerum novenario minorem esse non oportet) consensum non adhibuerint; sed pro non concessio habeatur, si vel Vice-Cancellarius, ejusve Deputatus, vel ambo Procuratores, eorumve Deputati, vel major pars Magistrorum necessario & ad placitum Regentium, dissenserint. Præterquam in Electionibus, quas liberas esse volumus, secundum antiquam consuetudinem,

tudinem, per maiorem partem omnium Suffragantium.

§. 4. *De Magistris necessario Regentibus.*

Decretum est, quòd, quolibet anno, de more recepto, statim post finita Comitìa, Magistri in artibus, necnon Doctores in S. Theologia, Medicina & Jurisprudencia, in die solennis suæ Creationis, petant sive supplicent, ut in Domum Congregationis admittantur, & ad suam in Facultatibus Regentiam, hoc est, ad omnes & singulos actus necessariæ suæ Regentiæ exercendos, ante tertiam Congregationem (nisi grave aliquod crimen, unde Universitati scandalum oriatur alicui aut aliquibus eorum objiciatur) admittantur; quòdque, si ulterius differantur, licitum sit Cancellario, aut ejus locum Tenenti, eosdem in Domum Congregationis accersere: & ibidem eosdem propriâ Auctoritate admittere.

Qui Magistri & Doctores, necessariò Regentes per integrum biennium habeantur, nisi (post alios Magistros & Doctores in Comitiiis proximè sequentibus creatos, & pari modo in Domum Congregationis ad Regendum admissos) cum ipsis pro secundo Regentiæ suæ Anno (prout de more fieri solet) gratiosè dispensetur.

§. 5. *Formula admittendi Magistros ad Regendum.*

A Magistris, & Doctoribus singulis (tametsi antea rexerunt in Artibus) ad Regentiam admittendis, Procurator senior, sub hac verborum forma juramentum exiget. *Magister, Tu dabis fidem ad observandum omnia Statuta, Privilegia, Consuetudines, ac Libertates istius Universitatis.* Respond. *Do.*

Item Tu jurabis, quòd non revelabis secreta istius Domûs; neque Domûs Convocationis. Resp. *juro.*

Item Tu Jurabis, quòd non impedies dignos, nec indignos promovebis & quòd leges & cantabis in solennibus processionibus, secundum assignationem & dispositionem Procuratorum; vel, si recusaveris, solves 5s in usum Universitatis per Procuratores exigendos. Resp. Juro.

Quo juramento a singulis præstito, Vice-Cancellarius eosdem sic admittat: *Magister, Ego admitto Te in hanc Domum Congregationis, nec non in alteram Domum Convocationis.*

Deinde, ratione hujus Admissionis persolvat quilibet Magister in Artibus, Bedello Facultatis suæ 4d, & Doctor 1s, ad eleemosynam, & usum Pauperum, secundum discretionem Vice-Cancellarii & Procuratorum distribuendos. Insuper, quilibet in Artibus Magister, (quoniam ab admissione sua ad Regendum, computandum est tempus, ad ulteriores Gradus in Facultatibus capeßendos requisitum) solvet Registrario, Admissionem suam in Registrum referenti, 1s.

§. 6. *Qui sint Magistri Regentes ad placitum.*

Magistri Regentes ad placitum, prout moris fuit antiqui, habeantur, qui ante aliquando rexerunt; Professores scilicet & Lectores Publici, tam Regii, quam alii. Item Doctores omnes cujuscunque Facultatis, in Universitate residentes: nec non omnes Collegiorum & Aularum Præfecti, qui aliquando rexerunt in Artibus, iisque absentibus eorum Deputati; item Magistri Scholarum; & quicumque in privatis Collegiis Decanorum vel Censorum munus obeunt: Omnes insuper Magistri (durante secundo Regentiæ suæ anno) quibuscum, post finitum primum necessariæ Regentiæ annum, pro secundo Regentiæ suæ anno dispensatum fuerit.

SECTIO II.

De Examinandis Graduum Candidatis per
Magistros necessariò Regentes.

§. I. *De Examinandis iis qui Gradus in Artibus
capeffunt, aut in Jurisprudentia, priusquam
in Artibus inceperint.*

QUO exploratior fit Congregationi Regentium, eruditio ac in bonis Literis progressus singulorum, qui Gradus in Artibus capeffunt; aut in Jurisprudentia, priusquam in Artibus Inceperint; Statutum est, quòd unusquisque antequam ad supplicandum pro Gratia admittatur, Magistrorum Regentium Examen subeat.

Ne vero turba Candidatorum, huic Examine sese offerentium, Examinatoribus molesta sit & onerosa; Statutum est, in uno quovis die, plures quam sex ad Examen admittendos non esse.

Quem diem præstituendi potestas sit penes Seniores Procurem, qui singulis Examinandis diem certum, quo Examen subire debeant, sub Chirographo suo testatum assignabit; Hæc tamen cautione, ut unicuique Candidatorum Senario distincti dies assignentur; & nomina ipsorum, unà cum die assignato, referantur in Registrum, eum in finem penes Procurem perpetuò adservandum. Cautio insuper, ut Examinandis dies eum in modum assignentur, ut sub Examine Regentium, qui ex eadem cum ipsis domo sunt, minime cadant.

Examinandus quisque, post præstitutum a Procurem diem, Examinatores illico de eo certiores faciet; ac die præcedente Examinationem suam (Programmate affixo valvis utriusque magnæ portæ Scholarum, ac insuper muris Collegii

gii Omnium Animarum, & Oriel, quâ Australis & Occidentalis parietes, Plateam versùs, in Angulos coeunt) nomen suum edet, ac domum unde est, & quem Gradum ambiat.

Hiscæ Examinationibus quemcunque Diem (modo ne Festum) in Terminò, sive extra Terminum (si numerus Candidatorum hoc ipsum efflagitet) assignare fas est Procurotori. Locus Examinandis assignatus, esto Schola Naturalis Philosophiæ; Hora vero quâ se Examinandos sistent, Nona Matutina, a quâ usque ad Undecimam in illo ipso loco perdurabunt: Atque iterum ab Hora prima Pomeridiana, si Examinatoribus ita visum fuerit, quousque illis placuerit.

Artes autem seu Scientiæ, in quibus Examinandi erunt, sint illæ ipsæ, in quibus, & quatenus seu quousque per Statuta Academiæ, Lecturas audivisse tenentur. Authores insuper sint illi ipsi, quos, secundum Statuta, Lectores publici Auditoribus suis prælegere tenentur: rejectis prorsus neotericis quibuscunque Authoribus: quorum ignoratio ne cui sit fraudi, præsentis Statuto cautum esto.

Neque vero in Philosophicis solis, (intra quos fines stetit angusta superioris Seculi Eruuditio) verum etiam in Philologicis instituat Examen. Ac præcipuè Examinatoribus explorandum incumbit, quâ quisque polleat Facultate, animi sui sensa linguâ Latinâ explicandi. Neque enim ad Artium Baccalaureatum, nisi qui congruè & promptè, nedum ad Magistralem Gradum (eive supparem) nisi qui commodè & aptè, in rebus quotidiani usus, animi sui sensa linguâ Latinâ explicare valeat, admitti quemquam volumus.

Id quod explorare poterunt Examinatores porrectis Dialogis, seu Colloquiis familiaribus

linguâ Vernaculâ conscriptis, e quibus oblatum quemcunque locum statim linguâ Latinâ reddere Examinatus quisque tenetur; aut alio quocunque demum modo, quo sibi commodiùs satisfacturos Examinatores probabile est, quos juratos de singulis Examinatis Testimonium dicere oportebit.

§. 2. *De Examinatoribus designandis, & Juramento onerandis, per Procuratorem Seniore.*

CUM olim singulis Regentibus Candidatos quoscunque Examinandi jus ac potestas fuerit, ne quid huic potestati derogetur, præsentì Statuto cautum esto. Hoc amplius provisum est; ut Senior Procurator, cum Examinandis diem assignat, quo Examen subituri sunt, a Juniore Regente incipiens, tres Juniores Magistros designet, qui, per tres dies examinatorios, Candidatos singulos examinabunt; ac deinceps, tres ab illis proximos Magistros ad tres sequentes dies examinatorios deputabit, ac sic, percurso demum universo Magistrorum Regentium coetu, ad Juniores Regentes iterum revertetur, quousque usus fuerit; singulos Examinatorum ternarios in Registrum suum referens, e regione trium illorum dierum ad quos designantur.

Examinatores singuli, quamprimum ab examinando quovis sibi examinandi vices obvenisse resciverint, citra diem examinationi præstitutum, Procuratorem adibunt, in Domo Congregationis (si quæ Congregatio intervenerit,) sin minus, privatim per Seniore Procuratorem Juramento onerandi, in hæc verba:

Magister, Tu jurabis, quòd singulos Candidatos (qui sub examen illius ternarii cadent, cui te contigui contigerit) partim ipse examinabis, partim ab aliis examinatos audies, ita ut salvâ conscientia,
juratus

juratus de unoquoque pronuntiare valeas, eum quoad eruditionem, iudicio tuo, parem esse vel impari huic vel illi gradui quem ambit. Resp. Juro.

Item, Tu jurabis, quod unumquemque examinabis in iis Artibus seu Scientiis, in quibus, & quatenus, seu quousque per Statuta Lecturas audivisse tenetur. Quodque præcipue explorabis, quâ quisque polleat Facultate, in rebus quotidiani usûs, animi sui sensa linguâ Latina explicandi. Resp. Juro.

Item, Tu jurabis, quod nec prece, nec pretio, nec odio, nec amicitia, nec timore, nec spe testimonium indigno cuivis perhibebis, dignove denegabis. Resp. Juro.

Examinatores ad diem a Procuratore præstitutum, horâ nonâ matutinâ, in Schola Naturalis Philosophiæ omnes simul convenient: ubi Senior ipforum a Seniore inter Candidatos examen auspicabitur; cujus examine finito, ab illo proximus proximum itidem Candidatum examinabit; & sic in orbem, quoad omnes examinati fuerint. Ita tamen, quod liceat singulis Examinatoribus etiam extra ordinem, singulos Candidatos examinare, si aliorum examen minus sibi satisfecerit: Hâc tamen cautione; dum Examinatorum unus quivis Candidatum examinat ne reliqui interloquantur, sed per silentium auscultent. Examinatis demum omnibus, quemcunque Gradu illo, quem ambit, dignum invenerint, ei testimonium perhibebunt singuli sub hac forma.

Formula Testimonii Examinatis perhibendi.

A. B. per vel coram me (die mensis) examinatum (prout Statuta requirunt) in singulis Artibus seu Scientiis, quas & quatenus per Statuta audivisse tenetur, laudabiles progressus, & pares ei gradui, quem ambit, fecisse comperio: Ac speciatim in rebus quotidiani usûs, animi sui sensa linguâ
Latina

Latina explicandi eâ Facultate pollere, quam Statuta requirunt.

Ita testor. C. D.

§. 3. *De mulctandis Delinquentibus circa Examinaciones; & de Officio ac Cura Vice-Cancellarii & Procuratorum circa easdem.*

STatutum est, quòd si quem peregrè abesse contigerit, quando ipsi Examinandi vices obvenerint, nec (priusquam Urbe excefferit) e Regentibus quempiam ad Seniorem Procuratorem allegasse, qui ipsius absentis vices, juratus, obire in se recipiat; Procurator, quamprimum id resciverit ab Examinando quocunque (ad quod utique tenentur singuli) Juniorem inter Regentes, cui nondum dies ad Examinandum assignatus fuerit, vice alterius substituet: Absenti verò poenam 40s ad usum Universitatis irrogabit; simulque, quamprimum ad Universitatem redierit, ipsum in proximum Examinatorum TERNARIUM referet. Quòd si intra spatium Anni, quo necessaria Regentia terminatur, non redierit; priusquam ad ulteriorem Gradum admittatur, Regentiæ actum resumere, & per integrum Annum continuare tenebitur.

Si quis verò Examinandi munus detrectet; aut Juramentum præstare recuset; Injuratusve quempiam examinaverit; aut ad diem constitutum in Schola Philosophiæ Naturalis præsens esse neglexerit; Præsensve non examinaverit, aut non secundum formam Statuto præscriptam; aut demum cuius Testimonium perhibuerit, quem non aut ipse examinaverit, aut ab aliis examinatum audiverit, Procuratores a quocunque sic delinquente confestim mulctam 40s in usum Universitatis exigent. Quod si in delicto contumaciter persti-

perstiterit; illico Gradu Magistrali privetur, & quâcunque ulterioris Gradûs capacitate sibi interdictum sciat.

Si verò (quod absit) penes Procuratorem steterit, quo minus Examinatorum quivis Juramentum præstet, puniatur pro arbitrio Vice-Cancellarii.

Quò autem Statuta hæc de Examinandis Candidatis in futurum sancte & inviolabiliter observentur, Statutum est, quòd unoquoque Terminò Vice-Cancellarius saltem bis, Procuratores verò, singuli quater ad minimum, Examinationibus istis intersint, exploraturi utrum omnia ritè & secundum Statuta peragantur.

S E C T I O III.

De Gratiis petendis.

§. 1. *Conditiones præviæ ad petitionem Gratia
ex parte Supplicis.*

STatutum est primò, ne cujusquam Gratia in Venerabili Domo Congregationis proponatur, nisi qui, eo ipso tempore, in Matricula Universitatis nomen inscriptum habeat; &, a tempore Matriculationis suæ, Annos, ad primum quem ambit Gradum, requisitos compleverit; quique alicujus Collegii vel Aulæ Alumnus censeatur.

Deinde requiritur, ut quilibet Candidatus, sive pro Gradu aliquo supplicans, non solum sit probis moribus, & omnia ad Gradum requisita rectè compleverit; verum etiam (si Gradum in Artibus capeffat, vel in Jurisprudencia, secundum Statuta quorundam Collegiorum, antequam in Artibus Inceperit) ut secundum Statuta debitum Examen subierit, et ab Examinatoribus

Testi-

Testimonium reportaverit, a Magistro Gratiam ipsius proponente, ante Gratiae petitionem, vel a Magistro Præsente (si Candidatus pro Gratia non supplicet) ante Præsentationem, palam in Domo Congregationis recitandum.

Ac insuper, ut in Scholæ Theologicæ Proscholio, statim a cessatione pulsationis Campanæ, singulis diebus quibus Gratia proponetur, Habitu Gradui competente, & nudato capite, durante toto tempore Congregationum se præsentem sistat.

Quòdque inter supplicandum, suis duntaxat viribus & meritis nitatur; nec prece, nec pretio, nec muneribus aut promissis, pacto aut conditione, gratiam aut favorem cujusquam captet; nec Magnatum literis, ut quicquam sibi pro Forma requisitum condonetur aut indulgeatur, fatagat, cujusmodi ambitus si convictus fuerit, eo ipso inhabilis ad omnem ulteriorem Gradum Scholasticum habeatur.

§. 2. *Conditiones proponendi Gratias.*

STatutum est, quòd nemo Magistrorum Gratiam vel Dispensationem quamcunque cujusquam pro Gradu supplicantis proponat, nisi fuerit ejusdem Collegii vel Aulæ, cujus is est qui supplicat; præterquam Procuratorum alter, vel alius, cui Vice-Cancellarius licentiam proponendi concesserit.

Quòdque priusquam Gratiam cujusquam Examinandi proponat, Testimonium Examinatorum de Candidato suo palam in Domo Congregationis recitabit; Quòd si non Commorans fuerit, qui Gradum in aliqua e superioribus Facultatibus ambit, nemo Gratiam hujusmodi, sub pœna Perjurii proponere præsumat, nisi prius Literas Testimoniales ab Episcopo Diœcesis, ubi

ubi degit Candidatus, signatas, de conformitate ipsius tum quoad Doctrinam, tum quoad Disciplinam in Ecclesia Anglicana receptam, palàm in Domo Congregationis recitaverit. Ac postmodo e Scheda quadam, formam sive tenorem Gratiae continente, Supplicantis nomen, nec non Collegii sive Aulæ, unde fuerit, exprimet. Et si non graduatus fuerit, cujus Gratia proponitur, quod per integrum tempus ad talem Gradum per Statuta requisitum, in eo Coll. vel Aula (vel alio quopiam) non in domo privata cujuspiam victitaverit, & hospitatus fuerit.

Item, quòd plures Gratiae simul, seu confusè, eodem tempore non proponantur : sed uniuscujusque Personæ supplicantis Nomen & Prænomen distinctè ac divisim recitentur.

Item, quòd eadem Gratia sæpius in eadem Congregatione non proponatur.

Item quòd Gratia sit vera, hoc est, verâ intentione, et non animo deludendi, prolata vel petita. Et quòd, proximis quibusque & immediatè sequentibus Congregationibus, Supplicationem sub eadem forma continuet, donec Gratia concessa vel denegata penitus fuerit. Et postremò, quòd in singulis Congregationibus quotâ vice, primâ, secundâ, tertiâ, quartâve supplicetur, publicè recenseat.

§. 3. *Formula Generalis petendi Gratias.*

Consuetudo etiam est, quòd Magister pro aliqujus Gratia vel Dispensatione supplicans, in medium prodeat : & factâ debitâ coram Cancellario & Procuratoribus Reverentiâ, Petitionem suam è Scheda recitet ; inque eodem loco stans permaneat, quoad, quid de petitione sua factum fuerit, intelligat : Recitatâ autem sive propositâ

N

Supplica-

supplicatione, Procuratores, a sellis exsurgentes, primò Cancellarii votum conjunctim perscrutentur, quo, secretò in eorum aures, vel per aliquod signum externum deposito, mox a se invicem divisi, ad alios Doctores (si qui adfuerint) utrinque Cancellario assidentes, se conferant, eorum itidem suffragia excepturi. Et deinceps aliorum Magistrorum, ad utramque domus partem confidentium, vota singulatim & accuratè exquirent. Quibus peractis, Procuratores ad loca sua revertantur, ubi stantes, de scrutinio hujusmodi inter se diligenter conferant; & pro numero sive ratione suffragiorum, in verbo *placet*, vel *non placet*, per eosdem exceptorum ex Supplicantis Scheda eandem Gratiam sive Dispensationem, Procuratorum alter verbatim si (concessa fuerit) recitet, vel (non concessam) ante quartam vicem, silentio tantùm indicet; Quartà autem vice, si non concessa fuerit, palam pronuncietur negata. Magister autem supplicans, ad locum suum unde prius prodierat, se recipiat.

§. 4. *Formulae speciales Gratiarum ad singulos Gradus pertinentium.*

Pro Baccalaureo in Artibus.

Supplicat Ven. Congregationi Doctorum & Magistr. Regentium A.B. Scholaris Facultatis Artium e Coll. C. in quo, non in Domo aliqua privata, per integrum tempus ad Gradum Baccalaurei in Artibus per Statuta requisitum, ipsum cubile & victum continuò sumpsisse scio; (*vel, si tempus non in uno aliquo Collegio vel Aula compleverit, in quo partim, partim in Coll, vel Aula A.*) quatenus 16 Terminos in studio Dialecticæ & aliarum Artium juxta Statuta posuerit; publicos Artium Prælectores diligenter audiverit; Disputationes

tationes per Statuta requisitas frequentaverit: semel generalis creatus fuerit; bis sub Baccalaureo in Quadragesima responderit, & reliqua compleverit omnia quæ per Statuta Universitatis requiruntur; ut hæc sibi sufficiant, quò admittatur ad Lectionem cujuslibet libri Logices Aristotelis, & insuper earum Artium, quas & quatenus, per Statuta, tenetur audivisse.

Si plures fuerint; tunc, Supplicant sub eadem forma primò vel secundò &c. B.C. &c.

*Si sit filius Baronis, in superiori Parlamento Domus Suffragii jus habentis; (*sive etiam Baron. fil. e gente Scoticâ vel Hibernicâ) aut Baronetti, vel Equitis Aurati filius natus maximus &c. supplicat &c. A.B. filius &c. Scholaris Facultatis Artium &c. e Coll. C. &c. quatenus duodecim Terminos in studio, &c. ut supra.*

Si quis super aliquo dispensabili per domum Congregationis Dispensationem obtinuerit, supplicat &c. ut supra. Et reliqua compleverit omnia, quæ per Statuta Universitatis requiruntur, nisi quatenus cum eo dispensatum fuerit, &c.

Pro Gradu Inceptoris in Artibus.

Supplicat &c. A.B. Baccalaureus Facultatis Artium ex Aula A. quatenus 12 Terminos in studio Philosophiæ & aliarum Artium, juxta Statuta posuerit, publicos Lectores diligenter audiverit, Disputationes per Statuta requisitas frequentaverit; in Quadragesima determinaverit; in Quodlibeticis responderit; in Augustinensibus Responderit vel Opposuerit; sex solennes Lectiones & binas Declamationes pro forma habuerit; reliquaque compleverit omnia, quæ per Statuta requiruntur; ut hæc sibi sufficiant, quò admittatur ad Incipiendum in eadem Facultate.

* Vid. nov. Stat. Tit. 6. Sect. 1. §. 1.

Pro Gradu Baccalaurei in Musica.

Supplicat, &c. A.B. Scholaris in Musica, e Coll. L. quatenus 7 annos in studio vel praxi Musices posuerit, & unum Canticum 5 partium in Schola Musices ediderit; & reliqua præstiterit, quæ per Statuta requiruntur, (nisi quatenus cum eo dispensatum fuerit) ut hæc sibi sufficiant, quò admittatur ad Lectionem cujuslibet libri Boethii.

Pro Gradu Inceptoris in Musica.

Supplicat, &c. A.B. Baccalaureus Musicæ, quatenus a tempore suscepti Gradus Baccalaureatus sui, 5 annos in studio vel praxi Musices posuerit; unum Canticum 6 vel 8 partium in Schola Musices ediderit; & cetera præstiterit omnia, quæ per Statuta requiruntur, (nisi quatenus cum eo dispensatum fuerit) ut hæc sibi sufficiant, quò admittatur ad Incipiendum in eadem Facultate.

Pro Gradu Baccalaurei in Medicina.

Supplicat, &c. A.B. Magister Facultatis Artium e Coll. M. &c. quatenus annum integrum a suscepto Magisterii Gradu in studio Medicinæ posuerit; publicum Prælectorem diligenter audiverit; in Schola Medicinæ pro forma Responderit, & Opposuerit; & reliqua omnia præstiterit quæ per Statuta requiruntur, (nisi quatenus secum dispensatum fuerit) ut hæc sibi sufficiant, quo admittatur ad Lectionem cujuslibet libri Aphorismorum Hippocratis.

Pro Gradu Inceptoris in Medicina.

Supplicat, &c. A.B. Medicinæ Baccalaureus e Coll. N. quatenus post susceptum Gradum Baccalaurei in Medicina, tres annos in studio Medicinæ posuerit; publicum Prælectorem diligenter audiverit.

audiverit, Prælectiones in Schola Medicinæ pro Forma habuerit; et reliqua omnia præstiterit, quæ per Statuta requiruntur, (nisi quatenus &c.) ut hæc sibi sufficiant ad Incipiendum in eadem Facultate.

Pro Gradu Baccalaurei Juris Civilis.

Supplicat, &c. A.B. Magister Facultatis Artium, e Coll. O. quatenus tres annos a tempore Admissionis suæ ad Regendum, in studio Juris Civilis posuerit; publicum Professore diligenter audiverit; in Schola Jurisprudentiæ pro Forma semel Responderit, & bis Opposuerit; & reliqua præstiterit omnia, quæ per Statuta requiruntur; ut hæc sibi sufficiant, quò admittatur ad Lectionem cujuslibet Libri Institutionum Imperialium.

Si non Inceperit in Artibus, nec per Statuta Collegii sui Juris studio deputatus fuerit.

Supplicat, &c. A.B. Scholaris in Facultate Juris ex Aula A. in qua, non in domo aliqua privata per integrum tempus ad Gradum Baccalaurei in Jure Civili, per Statuta requisitum, ipsum cubile & victum continuò sumpsisse scio; (vel, si tempus non in uno aliquo Collegio vel Aula compleverit, in qua partim, partim in Coll. vel Aula A.) quatenus post biennium positum in studio Dialecticæ, Moralis Philosophiæ, et Politicæ, aliarumque humaniorum Literarum, et in audiendis Lecturis sibi per Statuta Universitatis destinatis, quinque annos in studio Juris Civilis posuerit; &c. ut supra.

Si non Inceperit in Artibus, & per Statuta Collegii sui statim a primo ad Academiam adventu Juris studio deputatus fuerit.

Supplicat, &c. A.B. Scholaris in Facultate Juris

ris e Coll. M. quatenus Lecturas sibi per Statuta Universitatis destinatas diligenter audiverit; quinque annos in studio Juris Civilis posuerit; publicum Professore &c. *ut supra.*

Pro Gradu Inceptoris in Jure Civili.

Supplicat, &c. B.C. Bac. in Jure Civili e Coll. M. quatenus a suscepto Baccalaureatûs Gradu, quatuor annos in studio Juris Civilis posuerit; publicum Prælectorem diligenter audiverit; Lectiones pro Forma in Schola Jurisprudentiæ habuerit; reliquaque præstiterit omnia, quæ per Statuta requiruntur; ut hæc sibi sufficiant, quò admittatur ad Incipiendum in eadem Facultate.

Si non inceperit in Artibus, priusquam Baccalaureus in Jure foret.

Supplicat, &c. B.C. Bac. in Jure Civili e Coll. N. quatenus &c. quinque annos in studio Juris Civilis &c.

Pro Gradu Baccalaurei in S. Theologia.

Supplicat, &c. A.B. Magister Facultatis Artium e Coll. T. quatenus septem annos a tempore admissionis suæ ad Regendum, in studio S. Theologiæ posuerit; publicum Professore diligenter audiverit; in Schola Theologica pro Forma semel Responderit & bis Opposuerit; Concionem Latinam pro Forma habuerit; & reliqua præstiterit omnia, quæ per Statuta requiruntur; ut hæc sibi sufficiant, quò admittatur ad Lectionem aliqujus Epistolarum Divi Pauli.

Pro Gradu Inceptoris in S. Theologia.

Supplicat. &c. A.B. Sacræ Theologiæ Baccalaureus e Coll. E. quatenus a suscepto Baccalaureatûs Gradu in S. Theologia, quatuor annos integros

tegros in eadem Facultate posuerit; publicum Prælectorem diligenter audiverit; in Schola Theologica pro Forma sex solennes Lectiones vel tres ad minimum Cursorias habuerit; & reliqua præstiterit omnia, quæ per Statuta requiruntur; ut hæc sibi sufficiant, quò admittatur ad incipiendum in eadem Facultate.

*Si in aliqua Facultate quis Gradum Baccalaurei,
& Doctoris cumulare cupit.*

Supplicat, &c. A.B. quatenus--annos in studio- posuerit; pro Gradibus cumulandis, secum per Venerabilem Domum Convocationis dispensatum fuerit; Gratiam ad Lectiones pro Forma habendas in hac Venerabili Domo adeptus sit; pro Forma in Schola--legerit; cæteraque omnia compleverit, quæ per Statuta requiruntur; ut hæc sibi sufficiant, quò--&c.

§. 5. *De Gratiis simpliciter concedendis
vel negandis.*

QUoniam factiosi homines nonnunquam, spretâ Jurisjurandi Religione, conjurant inter se adversus supplicantes, quos Vitæ, ac Eruditionis merita commendant; nec iis Gratias concedere volunt, nisi indignis etiam eadem Gratia fiat; Statutum est, quòd quilibet Regens, Gratiam concessurus vel negaturus, absque comparatione vel relatione Gratiæ ad Gratiam, & absque aliqua conditione interposita, simpliciter & absolute, eandem vel concedat, vel deneget: Quòdque si quis secùs fecerit, illius votum vel suffragium pro nullo habeatur.

Si quis autem pro Gratia concedenda munus aliquod exegisse, vel recepisse, (mediate vel im-
mediate)

mediatè) convictus fuerit, a Domo Congregationis perpetuò sit exclusus: & duplum illius, quod sic receperit vel exegerit, ad usum Universitatis solvere teneatur.

§. 6. *De suffragiis, in concedendis vel negandis Gratiis, non revelandis.*

STatutum est, quòd Magister quilibet in Gratia concedenda vel deneganda, Suffragium suum Procuratoris auri insusurrabit, ita ut alius Nemo exaudiat; Quòdque nec verbo, nutu, vel signo, quò illius propositum aliis innotescat, indicium faciat; nec cuiquam antea vel postea denunciet, sub pœna, si secùs fecerit, exclusionis perpetuæ a Domo Congregationis.

Quòdque Procuratores, neminem, qui Gratiam concesserit vel denegaverit, quoquo modo revelare, virtute Juramenti teneantur.

§. 7. *De causa Gratiæ ter negatæ ostendendâ, statim post tertiam Congregationem finitam.*

CUM vetera statuta singulis Magistris Regentibus eam concedant libertatem, ut quis si modò velit, pro arbitrio suo, ter cujusquam Gratiam, suspendendo denegare possit; Ordinatum est, quòd, quotiescunque Gratia aliqua tertio petita, vel ab uno, vel a pluribus denegabitur, denegationis causa Vice-Cancellario & Procuratoribus eodem die ostendetur; & probationes coram eisdem summarie proferentur; quæ causa, & probatio ejusdem, celato nomine objicientis, in proxima Congregatione publicabitur; &, si Vice-Cancellario, Procuratoribus, & majori parti Regentium justa videbitur, tum
Gratia

Gratia denegata censebitur; & qui supplicavit, per Annum integrum ad denuo supplicandum inhabilis reddetur.

Quòd si causa allegata minus iusta aut probabilis videatur, Gratia quartò proposita pro concessa habeatur, nisi Vice-Cancellario, aut Procuratoribus, aut majori parti Regentium videbitur, aliam ob causam, deneganda.

§. 8. *Formula pronunciandi Gratias concessas.*

STatutum est, quòd, prout antiquitus fieri consuevit, cum alicujus Gratia concessa fuerit, Schedulâ, ex qua petebatur, in manus alterius Procuratoris (cui Gratiam concessam pronuntiare incumbet) ab eo qui petiit traditâ, Procurator loco suo stans, juxta Schemulæ tenorem, de verbo ad verbum, & juxta uniuscujusque Personæ (si plures fuerint) supplicationem, Gratiam recitet, in hanc formam, *Gratia petita est ista, supplicat, &c.* deinde Gratiam concessam sub hac forma pronuntiet: *Hæc Gratia concessa est simpliciter, & sic pronunciamus concessam.*

Quòd si sit pro Baccalaureo in Artibus, *Pronunciamus concessam, modo Determinaverit proximâ Quadragesimâ*: Nisi ex speciali aliqua ratione, Gratiam concessam simpliciter, Procuratori pronuntiare videbitur.

Si sit Gratia Inceptoris in qualibet Facultate, *Pronunciamus concessam, modo steterit in proximis Comitiiis.*

Si fuerit Gratia Inceptoris in Musica, *Pronunciamus concessam, modo steterit in proximis Comitiiis, & unum Canticum 6 vel 8 partium, in iisdem Comitiiis exhibuerit.*

“ Si sit Gratia licentiandi ad Praxin Chirur-

“giæ, Pronunciamus concessam modò quatuor saltem
 “pauperes gratis & intuitu Charitatis curet, cum
 “ad hoc ab iis fuerit requisitus.*

* Vide Tit. IX. §. 7.

SECTIO IV.

De Dispensationibus.

§. 1. De Dispensationibus in Venerabili Domo Congregationis proponendis. Formula supplicandi.

CUM iusta quandoque impedimenta inter-
 veniant, quò minus ea omnia, quæ ad
 Gradus & alia Exercitia Universitatis requi-
 runtur, modo & formâ per Statuta requisitis, ritè
 peragantur; consuevit Congregatio Regentium
 in hujusmodi causis cum personis aliquibus in ma-
 teria dispensabili aliquoties graciosè dispensare.

Formula supplicandi hæc est; Magister, qui e
 Scheda Dispensationem petit, (impetratâ prius
 a Vice-Cancellario & Procuratoribus licentiâ)
 nomen Supplicantis, ejusque conditionem, &
 Coll. vel Aulam ubi commoratur, & id, in quo
 tecum dispensari cupit, cum una speciali causa,
 exprimit sub hac vel consimili forma. *Supplicat,*
&c. Scholaris Facultatis Artium, e Coll. N. ut
graciosè tecum dispensetur, &c. causa est, quòd, &c.
 cui Petitioni si Dominus Vice-Cancellarius, am-
 bo Procuratores, & major pars Regentium tunc
 præsentium, consensum suum adhibuerint, pro
 concessa habeatur. Et tum, eodem modo quo
 gratias concessas pronunciare solet, Dispensatio-
 nem concessam pronuntiabit Procurator.

§. 2. De Materia Dispensabili, in qua Congregationi Dispensare permissum est.

Materia, in qua Venerabilis Domus Congregationis dispensare potest, & solet, hujusmodi est.

1. **P**RO absentia Terminorum duorum, si Gradum Baccalaurei in Artibus ambiat quis; trium, si Gradum Magistrale.
2. Pro ingressu in Bibliothecam publicam.
3. Ut Termini in alia Academia in studio positi, pro positis in hac Academia habeantur.
4. Pro minus diligenti publicorum Lectorum auditione.
5. Pro Omissione Circuitûs & Visitationis. Hâc tamen cautione servatâ quoad præsentandos ad incipiendum in Artibus, quòd dispensationi inferenda sit clausula hujusmodi: *Quatenus Cautionem, tempore Circuitûs penes Vice-Cancellarium deponendam, jamdudum penes ipsum deposuerint.*
6. Quòd Circuitus, pridie ante Terminum inchoatum peractus, sufficiat.
7. Pro Gratia per Magistrum alterius Domûs proponenda, si nullus sit Magister in ipsa Domo unde Supplicans est.
8. Ut Gratia rata sit, licet intra tres Congregationes Registrata non fuerit.
9. Ut Gratia, superiori Anno concessa, rata habeatur.
10. Quòd liceat secundam vicem sub Baccalaureo in Quadragesima Respondendi, in alteram vicem Respondendi in Parvitiis commutare.
11. Ut Gratia concessa Baccalaureo, modò Determinaverit in proxima Quadragesima, rata sit, & pro simpliciter pronunciata habeatur.

12. Ut, elapso Festo Ovorum, Baccalaureus secundò præsentetur ad Determinandum eâdem Quadragesimâ, in causa ægritudinis, vel extremæ alicujus necessitatis.
13. Ut Baccalaureus, qui præteritâ Quadragesimâ Determinare debuerit, ægritudinis, vel extremæ alicujus necessitatis interventu impeditus, Determinet proximè sequenti Quadragesimâ.
14. Ut Disputationes Antemeridianæ Baccalaureorum in Quadragesima, ad horam Duodecimam continuandæ, horâ Undecimâ terminentur.
15. Quatenus sub Chirographis Magistrorum, qui intra duas Hebdomadas sequentes in Quodlibeticis pro Terminò Disputaturi sunt iis omnibus de Baccalaureis pro Forma Responsuris prospectum esse constat, ut liceat sibi quovis die disputabili instantis vel sequentis Hebdomadis, sub quolibet Magistro horâ et loco consuetis in Quodlibeticis Respondere.
16. Quatenus sub Chirographo Magistri Scholarum singulos dies hisce Disputationibus assignatos ad finem usque Terminî, ab aliis pro Forma Responsuris jamdudum præoccupatos esse constat, ut liceat sibi alio quovis die (post interpositos 7. dies a tempore petitæ Dispensationis) horâ & loco consuetis sub præsidio Magistri Scholarum (non aliter) in Augustinensibus Respondere vel Opponere; publicatis ante triduum Quæstionibus, & præeunte parvæ Campanæ pulsatione.

17. Ut

17. Ut præsentandus ad Doctōratum in Jure Civili vel Medicina (in defectu Doctōrum) Seniorum Baccalaureorum, vel Inceptorum depositionibus utatur.
 18. Ut Magister Cumulatus pro Habitu Cocci-
neo, nigro & solito, post peracta præsentatio-
nis solennia, uti possit.
 19. Ut Doctores Ocreas & Magistri Crepidas
& Socculos, quibus ex antiquo ritu uti tenen-
tur, exuant.
 20. Ut Cantabrigienses, vel alterius Academiæ
Studioſi, eodem sint Gradu & statu apud nos,
quo apud suos sunt.
 21. Ut Terminus prorogetur.
 22. Pro necessaria Regentia.
 23. Quatenus Præsentandus ad practicandum
in Medicina vel Chirurgia, secundum Statuta
Testimonium non affert, nec fidem facit, quod
interfuerit uni saltem integræ Dissectioni Ana-
tomicæ, unique integræ Lectioni de Sceletō,
ut gratioſè secum dispensetur pro hujusmodi
istius Omissione.*
 24. † Ut cum Baccalaureo in Artibus gratioſè
dispensetur, quod Nomen suum ad Declamandi
vices obeundas apud Procuratorem profiteri
neglexerit.
- Denique, si quæ alia causa sit his confimilis; vel
in qua, speciali aliquo Statuto, Venerabili Do-
mui Congregationis Dispensandi potestas in-
dulgeatur.

* Stat. Tit. IV. Sect. I. §. 15.

† Tit. VI. Sect. 2. §. 14.

SECTIO V.

De Præsentationibus Graduandorum.

§. I. De Circuitione & Visitatione, a Præsentandis obeunda.

STatutum est, quòd, pro more antiquo, postquam Gratia concessa fuerit, quilibet Præsentandus, (impetratâ prius per eundem veniâ a Domino Vice-Cancellario, ut habeatur Congregatio) Præsentatorem suum Habitu Gradui competente indutum sequens; ipse etiam Habitu congruo, & nudato capite incedens præeuntibus Bedellis vel eorum aliquo, primò Vice-Cancellarium, deinde Procuratorem Seniores, postea Procuratorem Juniores, ante Occasum Solis, in Hospitiis suis adeat. Quem, si inveniri possit, Præsentator sic alloquatur:

Supplicamus Dominationi vestræ, quatenus præesse dignetur crastinæ Congregationi, ut Scholaris vel Baccalaureus meus ad Gradum suum præsentetur.

Deinde, si quis ipsorum ad Incipiendum in Artibus præsentandus fuerit, deponet penes Vice-Cancellarium pecuniariam cautionem 40s, vel (si tenuioris conditionis fuerit) fidejussoriam, (duobus interpositis Sponsoribus, qui alicujus Collegii Socii sint,) quòd proximis Comitibus incipiet; &, statim post Comitibus, ad Regentiam admittendum se curabit: In quorum alterutro si defecerit, Cautio protinus cedat Fisco Universitatis; Sin vero Inceperit, & ad Regendum admissus fuerit; Cautionem usque penes

se

se retineat Vice-Cancellarius, quoad Annus necessariæ Regentiæ completus fuerit; si quam ratione Inceptionis aut Regentiæ multam incurrit, inde subtrahere ut liceat; deinde, in fine Anni residuum restituatur. Quicumque autem ex iis ad Gradum Baccalaurei in Art. præsentandi sunt, obligentur itidem Cautione sive pecuniariâ sive fidejussoriâ (ut prædicitur) ejusdem Valoris XL. sol. penes Vice-Cancellarium depositâ, ad sistendum se in Festo Ovorum ineunte proxima Quadragesimâ.

Procuratores vero, sic: *Supplicamus reverentiis vestris, ut crastinæ Congregationi interesse dignemini, &c.* Quibus annuentibus, recedet.

Si verò Præsentandus cumulatus fuerit, præeuntibus Stationario, i. e. Virgifero Universitatis, Bedellis omnibus, & Proto-Bibliothecario (vice Capellani Universitatis) adibit primò Procuratorem Juniorem; deinde cum illo, Procuratorem Seniore; & post, cum utroque Procuratore, Vice-Cancellarium; singulisque ut Congregationi intersint rogatis, a Vice-Cancellario & Procuratoribus Domum deducetur.

Insuper, in Artibus Baccal. qui Gradum Magistralem ambit, antequam præsentetur, habitu Gradui competente indutus, nudato capite per singula Colleg. & Aul. circumeundo, Magistros (non infra triennes, nec supra septennes) inquirere teneatur; iisque, quos invenerit, sub hac forma supplicare, *Magister, submitto me tuis oppositionibus, quatenus digneris interesse meis depositionibus.*

Quòd si Magistrorum quivis (habito examine) præsentandum quemvis, quoad Eruditionem, Gradui suo imparem deprehenderit, eoque nomine

mine eum ad Vice-Cancellarium vel Procuratores detulerit, oportebit Vice-Cancellarium vel Procuratores Præsentationem ipsius tantisper morari, donec (habito publico examine in Domo Congregationis) ulterius dispiciatur, utrum dignus sit Gradu quem ambit, necne. Alioqui non licebit Vice-Cancellario aut Procuratoribus, ex privata cujusvis suggestionem aut interpellationem, cujusquam Præsentationem aut Admissionem impedire; nisi quid de novo admiserit post Gratiam impetratam; aliquidve fecisse manifestò probetur, quod repulsam mereatur, quodque prius latebat.

§. 2. *De solenni Processu Præsentandorum ad Domum Congregationis.*

IN die Præsentationis, statim a pulsatione magnæ Campanæ, Præsentandus vel Præsentandi, (si plures Candidati fuerint) nudis capitibus, juniore reliquis præcedente, omnes, præeunte Viatore sive Bedello, sequente Præsentatore & Collegii sive Aulæ Præfecto unà cum Sociis vel Commensalibus universis, Habitibus Gradibus suis competentibus indutis, a Domo sua ad Apodyterium Domui Congregationis vicinum solenniter deducuntur.

Et, si Cumulator fuerit, Vice-Cancellarius & Procuratores cum Proto-Bibliothecario, omnibusque Bedellis & Stationario Universitatis, concomitantur.

Consuetudo autem est, quòd Doctorem vel Baccalaureum in Medicina Præsentandum, omnes Medicinæ Doctores, Baccalaurei, & quotquot huic Professioni nomina dederunt, in Universitate præsentem, a domo sua ubicunque infra Universitatis

versitatis Præcinctum fuerit, unà cum Bedello Facultatis suæ, ad Apodyterium Domui Congregationis vicinum solenniter deducant, & eo nomine Chirothecas singuli a Præsentando recipiant.

§. 3. *De subscriptione ante Præsentationem exigendâ.*

CUM Præsentandus vel Præsentandi, ad Apodyterium Domui Congregationis vicinum devenerint, eorum quilibet Articulis Fidei & Religionis in Synodo Londini Anno Dom. 1562. editis & confirmatis (lectis prius, vel alio recitante auditis, in præsentia Præsentatoris sui) nec non tribus Articulis in 36. Canone comprehensis (lectis prius ibidem, & publicè, coram Præsentatore, in præsentia Procuratorum) subscribet; qui quidem tres Articuli descripti sunt Canone 36. Libri Constitutionum & Canonum Ecclesiasticorum, in Synodo Londini cœptâ Anno Dom. 1603.

§. 4. *De Consuetudine quæ vocatur, Nemo scit, ante Præsentationem Inceptoris in Jure Civili.*

Consuetudo est, quòd Præsentandi ad Incipiendum in Jure Civili, statim a subscriptione, ab Apodyterio ad Scholam Juri Civili destinatam, cum Præsentatore & Deponentibus, præeunte Bedello, transeant; ibique seorsim singuli crumenam nummis refertam deponant.

Deinde, Professore exigente, juramentum præstent, Unusquisque, crumenam suam, ultra summam sex librarum & tredecim solidorum &

quatuor denariorum (partim ex auro partim ex argento) continere, seque justam totius summæ quantitatem ignorare; quòdque, si quid de cumulo dematur, nec querentur, nec de eo verba facient.

Deinde, effusâ pecuniâ, Professor ac Depo-
nentes (libatâ pro arbitrio summâ) quod reli-
quum est, in crumenam repositum, cuique Præ-
sentando in manus tradent; mox, ad Domum
Congregationis procedent.

§. 5. *Ceremoniæ, sive Ritus Præsentationum.*

PERactâ subscriptione, & Vice-Cancellario,
Procuratoribus, & Magistris Regentibus in
Domo Congregationis confidentibus, Præsen-
tatores cujusque Facultatis (*secundum Dignitatem
Facultatis*, ubi fit Præsentatio ad eundem Gra-
dum in diversis Facultatibus; si unus e Præsen-
tandis fuerit Theologus; alioqui, secundum Se-
nioritatem Præsentatoris: ubi vero Præsentatio
fit ad diversos Gradus; *secundum Dignitatem
Gradus*: & in eadem Facultate & Gradu, *se-
cundum Senioritatem Præsentatorum*) ad præsen-
tandum procedant. Et quisque (Bedello præ-
eunte, & Candidatis sive Præsentandis, prout
seniores fuerint, proximè sequentibus) Domum
Congregationis conscendet; & cum debita re-
verentia ad superiorem partem Domus proce-
dens, Præsentandos a dextero latere sistet; de-
inde Præsentandi cujusque, prout ordine sistitur,
manum dexteram prehensens, coram Vice-Can-
cellario producet; & eâ, quâ par est, reveren-
tiâ, sub peculiari formula, Vice-Cancellario &
Procuratoribus præsentabit.

§. 6. *Peculiares Formulæ præsentandi
ad singulos Gradus.**Ad Baccalaureatum in Artibus.*

Insignissime Vice-Cancellarie, vosque Egregii Procuratores, præsentō vobis hunc meum Scholarem in Facultate Artium, ut admittatur ad Lectionem cujuslibet libri Logices Aristotelis, & earum insuper Artium, quas & quatenus per Statuta tenetur audivisse: Ad quam Admissionem, scio eum aptum, habilem, & idoneum, moribus & scientiâ; nec non in præsentia mea legisse (*vel lectos audivisse*) Articulos Fidei & Religionis, quibus modò subscripsit coram procuratoribus; ac speciatim tres Articulos in Canone 36 comprehensos; fide meâ datâ huic Universitati.

Ad Determinandum.

Insignissime &c. præsentō vobis hunc meum Baccalaureum Facultatis Artium, ut admittatur ad Determinandum hâc proximâ Quadragesimâ: ad quam quidem Determinationem, scio eum habilem, aptum, & idoneum, moribus & scientiâ fide meâ datâ huic Universitati.

Ad Incipiendum in Artibus.

Insignissime &c. præsentō vobis hunc Baccalaureum in Facultate Artium, ut admittatur ad Incipiendum in eadem Facultate: ad quam Admissionem, &c.

Ad Baccalaureatum in Musica.

Insignissime &c. præsentō vobis hunc Scholarem in Facultate Musicæ, ut admittatur ad Lectionem cujuslibet libri Boethii; ad quam Ad-

missionem eum aptum, habilem, & idoneum esse, sub Chirographis hominum in Arte Musica peritissimorum abundè testatum accepistis.

Ad Incipiendum in Musica.

Insignissime &c. præsento vobis hunc Baccalaureum in Facultate Musicæ, ut admittatur ad Incipiendum in eadem Facultate : ad quam Admissionem, &c.

Ad Baccalaureatum in Medicina.

Insignissime &c. præsento vobis hunc Studium in Medicina, ut admittatur ad Lectionem cujuslibet libri Aphorismorum Hippocratis : ad quam, &c.

Ad Incipiendum in Medicina.

Insignissime &c. præsento vobis hunc Baccalaureum in Medicina, ut admittatur ad Incipiendum in eadem Facultate, &c.

Ad Baccalaureatum Juris Civilis.

Insignissime &c. præsento vobis hunc Studium in Jure Civili, ut admittatur ad Lectionem cujuslibet libri Institutionum Imperialium, &c.

Ad Incipiendum in Jure Civili.

Insignissime &c. præsento vobis hunc Baccalaureum in Jure Civili, ut admittatur ad Incipiendum in eadem Facultate, &c.

Ad Baccalaureatum in S. Theologia.

Insignissime &c. præsento vobis hunc Studium in S. Theologia, ut admittatur ad Lectionem cujuslibet Epistolarum Beati Pauli, &c.

Ad Incipiendum in S. Theologia.

Insignissime &c. præsento vobis hunc Baccalaureum

laureum in S. Theologia, ut admittatur ad Incipiendum in eadem Facultate, &c.

Deinde, peractâ huiusmodi Præsentationis Formulâ, quilibet Præsentatus, prout præsentatur, ad alteram partem Domus Congregationis transibit: singulisque sic præsentatis, Procurator Senior eorum subscriptionem Articulis Fidei & Religionis sic testabitur; Nos Procuratores testamur, A. B. C. D. T. omnibus Articulis Fidei & Religionis in hoc libro contentis (nec non tribus Articulis in 36 Canone comprehensis, prius in præsentia nostra lectis) subscripsisse.

§. 7. *De Depositionibus pro Præsentandis.*

PRæter Testimonium quod a Præsentatore perhibetur Præsentandis in qualibet Facultate, requiruntur Depositiones aliorum de eadem Facultate, qui in eodem sunt Gradu ad quem præsentati promovendi sunt.

Nimirum, pro præsentando ad Gradum Baccalaurei in Artibus Depositiones novem Baccalaureorum in Artibus, qui Determinationem Quadragesimalem compleverunt; qui in Apodyterio Domui Congregationis vicino, ipso die Præsentationis (antequam Vice-Cancellarius & Procuratores Domum Congregationis ingrediantur) coram Procuratoribus in genua procidentibus, idem Juramentum præstabunt, quod ab aliis Deponentibus exigitur. Quòd si novem Baccalaurei de certa scientia deposuerint, Præsentandum aptum esse & idoneum moribus & scientiâ, procedatur ad ipsius Admissionem: sin minus, differatur in Annum.

Pro Præsentato ad Incipiendum in Artibus; Depositiones novem Magistrorum in Artibus, quorum oppositionibus Præsentatus se submisit.

Pro Præsentato ad Baccalaureatum in Jure Civili; trium Baccalaureorum in eadem Facultate: qui si in Artibus haud Inceperint, in Apodyterio Domui Congregationis vicino (antequam Vice-Cancellarius & Procuratores in Domum Congregationis ascendant) deponent, ad instar Deponentium in aliis Facultatibus in Domino Congregationis. Quia Baccalaureis in Jure Civili (nisi rexerint in Artibus) Domum Congregationis intrare non liceat ad deponendum pro aliquo; multò minus ad præsentandum quempiam.

Pro Præsentato ad Baccalaureatum in Medicina, trium Baccalaureorum in eadem Facultate: vel in defectu ipsorum, trium Magistrorum qui Medicinæ Studiosi sunt.

Pro Præsentato ad Baccalaureatum in Sacra Theologia; trium Baccalaureorum in Sacra Theologia.

Pro Præsentato ad Incipiendum in Musica, Medicina, Jurisprudencia, & S. Theologia; trium Doctorum in qualibet istarum Facultatum: &, si defint Doctores in Musica, Medicina, Jurisprudencia, vel S. Theologia, tunc (ex permisso Congregationis) pro Inceptore in Musica trium Magistrorum in Artibus; pro Inceptore in Jurisprudencia, Medicina, vel S. Theologia, trium Baccalaureorum in iisdem Facultatibus: Qui in Jurisprudencia, etiam in Artibus Magistri sint, si tales obtineri possint; in Medicina vero (si defint Baccalaurei) eorum vice totidem Magistri in Artibus Medicinæ Studiosi.

Hi Deponentes, a Bedello Facultatis admoniti, & si opus fuerit, nominatim vocati, sigillatim coram Vice-Cancellario inter Procuratores, in genua decumbentes, submissa voce, ne quis præterea exaudiat, hac juramenti formulâ operabuntur.

“(Dom. Doctor, Magister, vel Domine) Tu
“dices fide tuâ datâ huic Universitati, utrum scias,
“credas vel nescias, hunc, vel hos Præsentatos,
“aptum vel aptos & idoneos esse Moribus &
“scientiâ, ad eum Gradum ad quem præsentan-
“tur, sub Forma quâ præsentantur. Cui quili-
“bet secretò respondebit per verbum, *Scio, Ne-*
“*scio, vel Credo.*” Et quid quisque de unoquo-
que respondeat, Procuratores in Schedulis adno-
tabunt, donec pro singulis Præsentatis justus nu-
merus supradictus, eorum qui de scientia depo-
suerint, adimpleatur.

Peractis Depositionibus, Procuratores (sellas suas aliis Magistris relinquentes) seorsim coram Vice-Cancellario itidem in genua decumbentes, hujusmodi Sacramento obstringentur; *Magister, Tu jurabis te fideliter in hoc scrutinio egisse.*

Et si ex relatione Procuratorum, per justum numerum de scientia Deponentium, idonei reperi fuerint, ad eorundem Admissionem procedetur: sin minus, in alterum Annum differantur.

Tenantur etiam, cùm Vice-Cancellarius & Procuratores, tùm ipsi Deponentes, nec iis pro quibus deponitur, nec aliis, quoquo modo quid quispiam deposuerit revelare; sub poena 100 toties quoties.

SECTIO VI.

De Juramentis Præsentandorum.

§. I. *Statuta, in quæ singulos Præsentatos Jurejurando adiget Junior Procurator. Et admonitio de Habitu Gradui competente.*

POST Depositiones finitas, vel (ubi Depositiones fiunt extra Domum Congregationis) post absolutam Præsentationem, Procurator Junior a Seniore inter Præsentatos ad genua sua accidente, reliquis circumstantibus audientibusque, Juramentum exigit in hæc verba:

“(Dom. Doctor, Magister, vel Domine) *Tu dabis fidem* ad observandum Statuta, Privilegia, Consuetudines, & Libertates istius Universitatis. *Respond. Do.*

“*Jurabis etiam*, quòd pacem istius Universitatis per te non perturbabis, nec per alium vel alios qualitercunque perturbari procurabis; nec perturbatorem vel perturbatores aliquem vel aliquos, in perturbatione Pacis ope vel consilio juvabis; nec impedies per te, vel per alium, vel alios, quo minus de Pacis perturbatore vel perturbatoribus fiat Justitia; Et, si aliquem vel aliquos noveris de perturbatione Pacis probabiliter suspectum vel suspectos, ipsum vel ipsos Cancellario denunciabis. *Respond. Juro.*

Item specialiter Tu *Jurabis* quòd inter nullas Communitates, vel Personas istius Universitatis, impedies Pacem, concordiam, & amorem. Et si aliqua dissensio inter aliquas Communitates

munitates vel Personas exorta fuerit, illam nullo modo fovebis, vel accendes; nec Conventiculis interesse debes, nec eis tacitè vel expressè consentire, sed ea potius, modis quibus poteris, impedire.

Jurabis etiam, quòd in ista Facultate, alibi in Anglia quàm hîc & Cantabrigiæ, Lectiones tuas solenniter, tanquam in Universitate, non resumes: Nec in aliqua Facultate, sicut in Universitate, solenniter Incipies; nec consenties, ut aliquis alibi in Anglia Incipiens, hîc pro Magistro in illa Facultate habeatur.

Item Tu *Jurabis*, quòd non leges nec audies *Stanfordiæ*, tanquam in Universitate, studio, vel Collegio Generali.

Forma Juramenti admittendorum ad Publicam Bibliothecam.

TU etiam *promittes*, sanctèque coram Deo Optimo Maximo recipies, quòd quoties in publicam Academiæ Bibliothecam venire te contigerit, animum ad studia per modestiam & silentium accommodabis; Libros, cæterumque cultum sic tractabis, ut superesse quàm diutissimè possint. Item, quòd neque Tu in persona tua, aliquem vel aliquos Libros surripies, permutabis, rades, deformabis, lacerabis, scindes, annotabis, interscribes, sponte corrumpes, obliterabis, contaminabis, aut alio quocunque modo detruncabis, abuteris, deteres, aut imminues; nec alii cuiquam author eris horum quidvis perpetrandi; sed, quantum in te est, delinquentem, vel delinquentes impedies, ipsorumque maleficia Vice-Cancellario, ejusve Deputato, intra triduum postquam tibi innotuerint, denunciabis;

nunciabis : *Ita Te Deus adjuvet tacitis sacrosanctis Christi Evangeliiis.*

Lectis singulis Juris-Jurandi Articulis, Procurator Seniores inter Præsentatos Juramento hoc modo onerabit :

“ Hæc omnia prædicta Te fideliter observaturum promittes, sicut Deus Te adjuvet, per
“ Jesum Christum hoc sacrosancto Evangelio annunciatum.

Deinde Librum deosculandum exhibebit; quaesitoque senioris nomine, si plures præsententur, quinque vel sex eorum manus simul Libro imponentibus, iisdem dicet :

“ *Idem Juramentum*, quod præstitit A. B. in
“ persona sua, vos præstabit in personis vestris,
“ & quilibet vestrum in persona sua, sicut Deus
“ vos adjuvet, &c.

Admonitio pro habitu Gradui competente.

PRæstito demum a singulis Juramento, Procurator singulis etiam sic denunciabit : *Item (Tu teneris) vel (Vos tenemini) quòd sis habiturus vel sitis habituri*, intra quindenam, Habitum de proprio, Gradui competentem ; et ipsum vel similem servabis, quamdiu in Universitate contigerit te morari ; ad effectum, ut non solum in eo Actus Scholasticos possis exercere ; verum etiam Universitatem Matrem nostram, in Processionibus, & aliis Universitatis negotiis (cum vocatus & præmonitus fueris) cum eodem valeas honorare ; idque sub pœnis in Statutis Universitatis limitatis.

§. 2. *Statuta, in quæ singulos Præsentatos Jurejurando adiget Senior Procurator.*

EXactis præstitisque coram Juniore Procure-
tore Juramentis, Præsentati ad Seniore
Procuratorem se conferent; & Seniore inter
Præsentatos eidem appropinquante, reliquis
adstantibus, & attentè auscultantibus, idem
Procurator Senior Statuta, ad Gradus illos
ad quos præsentantur pertinentia, distinctè re-
citabit.

Pro Baccalaureo in Artibus.

Quia casum appetere videtur, qui ad summi
loci fastigia, postpositis Gradibus, per ab-
rupta quærit ascensum; Ordinatum est, quod
Scholares in Facultate Artium liberalium, an-
tequam ad Gradum Baccalaureatus in iisdem
aspiraverint, quatuor Annos integros in studio
earundem Artium in Universitate posuisse,
(non in domo privata cujusquam, sed in Col-
legio vel Aula, absque dolo malo, hospitantes
seu victitantes) publicosque Lectores, prout
Statuta requirunt, diligenter audivisse tenean-
tur: scilicet, per primum annum Lectores Gram-
maticæ, & Rhetoricæ; per secundum Dialec-
ticæ, & Moralis Philosophiæ; per tertium &
quartum Dialecticæ, Moralis Philosophiæ, Geo-
metriæ, & Linguae Græcæ; exceptis Filiis Ba-
ronum in superiori Parlamenti Domo jus Suf-
fragii habentium, & Baronetorum ac Equitum
Auratorum Filiis natu maximis, nec non Baronum

Filiis ex Gente Scotica aut Hibernica *, quibus indulget Academia, ut integro triennio in Studiis Academicis completo, præstitis exercitiis requisitis, ad Gradum promoveantur.

Sanxit etiam Universitas, quòd omnes Scholares, a primo anno completo ab adventu ad Academiam, donec tempus, quo ad Gradum Baccalaureatus in Artibus promoveri possint, compleverint, Disputationes in Parvifiis frequentare teneantur.

Statutum est etiam, quòd Scholares in Facultate Artium, post duos demum Annos in Universitate completos, & non antea, ad Opponendum & Respondendum pro Forma in Parvifiis, admittantur. Quòdque singuli, per tres ad minus Terminos, priusquam pro Gradu Baccalaureatus in Artibus supplicent, prioris Opponentis & Respondentis vices in iisdem Disputationibus subeant, & Generales creentur; & quòd singulis postea Terminis, donec ad Gradum Baccalaureatus promoti fuerint, semel ad minus in Parvifiis disputent.

Denique, præter illas Disputationes quæ in Parvifiis habendæ sunt, Statutum est etiam, quòd quilibet Scholaris, postquam quatuor Terminos in Dialecticæ studio posuerit, (& ante suam pro Gradu Baccalaureatus in Artibus supplicationem) sub Baccalaureo aliquo in Quadragesima Determinante, bis pro Forma, de iisdem Quæstionibus quas Baccalaureus ipse defendendas suscepit (singulis vicibus, per unam horam & alterius horæ dimidiam partem) respondeat.

* V. Nov. Stat. Tit. VI. Sect. I. §. 1.

Pro Inceptore in Facultate Artium.

CUM in nulla Facultate seu Scientia quisquam Magistrali censeatur honore dignè potiri, nisi (per tempus competens) aliquandiu Studiosus & diligens Discipulus præexstiterit in eadem; operæ pretium est, ut quisque (apicem in eisdem solenniter scansurus) ante suam ad hoc Licentiationem sub apta temporis mora cunctas septem Artes liberales, tresque Philosophias efficaciter addiscendo, publica & doctrinalia sigillatim Gymnasia pertranseat Philosophorum. Itaque Statutum est, ut a tempore Admissionis ad Gradum Baccalaurei, singuli in audiendis publicis Lecturis tres Annos integros (priusquam ad Incipiendum in Artibus admittantur) insumpsisse teneantur: Viz. Annum primum in audiendo Geometriam, Metaphysicam, Historiam, Linguam Græcam & Hebraicam; secundum item & tertium in audiendo Astronomiam, Naturalem Philosophiam, item Metaphysicam, Historiam, Linguam Græcam & Hebraicam.

Item Statutum est, quòd Baccalaureus Artium, post Gradum susceptum, (antequam pro Magisterio, sive sua in Artibus Licentiatione supplicet) in Quadragesima solenniter Determinet, in Quodlibeticis Respondeat, in Augustinensibus Opponat vel Respondeat, quoties ad id legitime fuerit requisitus.

Item quilibet Baccalaureus, priusquam in Artibus Licentietur, sex solennes Lectiones (tres in Naturali Philosophia, tres in Philosophia Morali) in Scholis publicis legisse tenetur, nec non binas ibidem habuisse Declamationes.

Pro

Pro Baccalaureo in Musica.

STatutum est, quòd, qui Musicæ dat operam, antequam Gradum Baccalaurei in illa Facultate consequatur, septem Annos in studio vel praxi Musices ponat, & id ipsum sub Chiographis hominum fide dignorum testatum afferat.

Item Statutum est, quòd, qui ad Baccalaureatum in Musica promoveri cupit, priusquam pro Gratia sua supplicet, unum Canticum 5 partium componat, quod in Schola Musicæ (alio quovis die, quàm illo qui jam ad Praxin Musicam designatus est) publicè, tam vocibus quàm Instrumentis Musicis, exhibeat; sed prius (valvis utriusque magnæ Portæ Scholarum ante tres dies affixo Programme) diem ac horam futuri speciminis significet.

Pro Inceptore in Musica.

ORdinatum est etiam, quòd Baccalaureus Musicæ, priusquam ad Doctoratum promoveatur, quinque Annos post susceptum Gradum in studio Musices ponat, & id ipsum sub Chiographis hominum fide dignorum testatum afferat.

Ordinatum est etiam, quòd Baccalaureus Musicæ, priusquam ad Incipiendum in eadem Facultate admittatur, unum Canticum 6, vel 8. partium componat; quod in Schola Musicæ, tam Vocibus quàm Instrumentis etiam Musicis (alio quovis die quàm illo qui jam ad Praxin Musicam designatus est) publicè exhibeat: sed prius (valvis utriusque magnæ Portæ Scholarum, ante tres dies

dies affixo Programme) diem ac horam futuri speciminis significet.

Ordinatum est etiam, quòd Baccalaureus Musicæ, postquam ad incipiendum in eadem Facultate admissus fuerit, unam vel alteram Cantilenam, 6, vel 8. Partium, in ipsis Comitibus, unà cum vocum & instrumentorum Musicorum harmonia, exhibeat.

Pro Baccalaureo in Jure Civili.

STatutum est, quòd, qui Juri Civili studet, antequam Baccalaureatum in illa Facultate consequatur, si sit Magister Artium per tres annos integros, si non sit Magister Artium per quinquennium completum, publicum Juris Civilis Prælectorem diligenter & attentè audiat. Quodque per Biennium in Academia, Dialecticæ, Morali Philosophiæ, & Politicæ, aliisque Humanioribus Literis incubuerit, priusquam quinquennium in studio Juris ponere inchoaverit, nisi per Statuta Collegii, in quo commoratur, citius ad Juris studium se convertere teneatur.

Ordinatum etiam est, quòd is, qui ad Baccalaureatum in Jure Civili promoveri cupit, priusquam pro Gratia supplicet, bis in Disputationibus Juridicis pro Forma, Opponentis Principalis (id est primo vel secundo loco Disputantis) munere fungatur; & semel per duas horas, a prima Pomeridiana ad tertiam, in Schola Jurisprudentiæ pro Forma Respondeat; affixo ante septem dies, valvis utriusque magnæ Scholarum Portæ, ac insuper muris Collegii Omnium Animarum, nec non Coll. Oriel (quà Australis & Occidentalis parietes, Plateam versùs in Angulos cœunt) Programme; in quo Quæstiones
discep-

disceptandæ, cum nominibus Respondentis & Opponentium publicentur.

Denique, Decretum est ex communi consensu Magistrorum Regentium, ut unusquisque ad Gradum Baccalaurei in Jurisprudencia promovendus, sine ulla recusatione facta, Domino Vice-Cancellario pro tempore existenti, similiter & Procuratoribus, suis Chirothecis, secundum Personarum dignitatem (quemadmodum Baccalaurei in Medicina) gratificentur.

Pro Inceptore in Jure Civili.

STatutum est, quòd, qui ad Doctoratum in Jure Civili promoveri cupit, (si postquam in Artibus inceperit, Gradum Baccalaurei in Jure Civili susceperit) quatuor Annos integros publicum Prælectorem Juris Civilis audiet, priusquam ad incipiendum in eadem Facultate admittatur. Alioqui, si Baccalaureus in Jure fuerit, antequam incipiat in Artibus, (sive Statutis Collegii sic exigentibus, sive suâ ipsius optione factum fuerit) quinque annos integros, in audiendo publico Professore Juris Civilis ponere teneatur, priusquam ad Incipiendum admittatur.

Item Statutum est, quod Baccalaurei Juris Civilis, priusquam ad Incipiendum in eadem Facultate admittantur, vel sex solennes Lectiones ab hora prima Pomeridiana usque ad secundam, totidem diebus, publicè legant (in quibus quamcunque velint totius Corporis Juris Civilis partem explicent;) vel aliquem e Titulis de Judiciis & Probationibus, sive de re Judicata, in Digestis vel Codice (tribus ad minimum Lectionibus) cursoriè exponant. Et priusquam vel solenniter

leniter vel cursoriè legere inceperint, Programma (subjectum & tempus legendi indicans) ante triduum, curabunt affigi valvis utriusque exterioris Portæ Scholarum, nec non muris Collegii Omnium Animarum, & Oriel, quæ Australis & Occidentalis Parietes, Plateam versùs, in Angulos coeunt.

Pro Baccalaureo in Medicina.

STatutum est, quòd, qui Medicinæ dat operam, (antequam Baccalaureatum in illa Facultate consequatur) Gradum Magistri in Artibus suscipiat; & postquam in illa Facultate Inceperit, publicum Medicinæ Prælectorem per annum integrum (numerandò a die suæ admissionis ad regendum) diligenter et attentè audivisse teneatur.

Item Statutum est, quòd is, qui ad Baccalaureatum in Medicina promoveri cupit, (priusquam Gratiàm proponat) semel in duabus Quæstionibus, ab hora prima Pomeridiana usque ad horam tertiam, in Schola Medicinæ designata, solenniter pro Forma Respondeat; semel item Opponat: Affixo ante septem dies, valvis utriusque exterioris Portæ Scholarum, nec non muris Collegii Omnium Animarum, & Oriel, (quæ Australis & Occidentalis Parietes, Plateam versùs in Angulos coeunt) Programme, in quo Quæstiones disceptandæ, cum nominibus Respondentis & Opponentium publicentur.

Pro Inceptore in Medicina.

STatutum est, quòd, qui ad Doctoratum in Medicina promoveri cupit, post Gradum Baccalaurei in Medicina susceptum per tres an-

nos integros publicum Prælectorem Medicinæ audiat, priusquam ad Incipiendum in eadem Facultate admittatur.

Item Statutum est quòd Baccalaureus Medicinæ (priusquam ad Incipiendum in eadem Facultate admittatur) vel sex solennes Lectiones, ab hora prima Pomeridiana usque ad secundam, totidem diebus, publicè legat (in quibus quamcunque velit Galeni partem explicet;) vel aliquem ex his Galeni Libris; nimirum, Librum unum de Temperamentis, de Differentiis Februm, de Usu partium, vel de Affectis locis (tribus ad minimum Lectionibus) cursoriè exponat; & priusquam vel solenniter vel cursoriè legere exordiat, Programma (subjectum & tempus legendi indicans) ante triduum, curabit affigi valvis utriusque exterioris Portæ Scholarum, nec non muris Coll. Omnium Animarum & Oriel, quà Australis & Occidentalis Parietes, Plateam versùs, in Angulos coeunt.

Pro Baccalaureo in S. Theologia.

Statutum est, quòd, qui S. Theologiæ dat operam, antequam Baccalaureatum in illa Facultate consequatur, Gradum Magistri in Artibus capeffat; & postquam in illa Facultate Inceperit, publicum S. Theologiæ Professore, per septennium completum audivisse teneatur.

Item Statutum est, quòd is, qui ad Gradum Baccalaurei in S. Theologia promoveri cupit, priusquam Gratiam proponat, bis in Disputationibus Theologicis, pro Forma, opponentis Principalis (id est, primo vel secundo loco Disputantis) munere perfunctus fuerit; & semel per
duas

Tit. IX. *Magistrorum Regentium.*

131

duas horas in Schola Theologica pro Forma Responderit; quòdque ante hujusmodi Disputationes, Programma (quæstiones disceptandas, unà cum Nominibus Respondentis & Opponentium indicans) ante septem dies, affigi curabit valvis utriusque exterioris Portæ Scholarum, nec non muris Coll. Omnium Animarum & Oriel, quæ Australis & Occidentalis Parietes, Plateam versùs, in Angulos coeunt.

Denique Statutum est, quòd unusquisque, antequam Gradum Baccalaureatûs in S. Theologia capeffat, Concionem Latinam in Templo B. Virginis Mariæ, per se, & non per alium, habere teneatur; Hâc tamen cautione servatâ, ne quis ante completum quinquennium a suscepto Magistrali Gradu (isque non nisi Sacris Ordinibus initiatus) Concionem hujusmodi pro Forma habere permittatur. Cauto insuper, ne Concio Latina, habita vice alterius cujuscunque, cedat cuiquam pro Forma.

Pro Inceptore in S. Theologia.

Statutum est, quòd, qui ad Doctoratum in S. Theologia aspirat; ex quo Baccalaureus fuerit, per quatuor Annos integros, publicum Sacræ Theologiæ Prælectorem audiat, priusquam ad Incipiendum in eadem Facultate admittatur.

Item Statutum est, quòd Baccalaureus S. Theologiæ, antequam ad Incipiendum in eadem Facultate admittatur, publicè in Schola Theologica, ab hora prima usque ad secundam, Latine sex solennes Lectiones solenniter legat, in quibus explicet quamcunque velit S. Scripturæ partem; vel aliquam ex istis, quæ sequuntur,

Apostolicis Epistolis, scilicet, ad Galatas, vel unam aliquam ad Timotheum vel ad Titum, vel unam S. Petri (tribus, ad minimum, Lectionibus) cursoriè exponat. Et priusquam vel solenniter, vel cursoriè legere exordiat, Programmata (subjectum & tempus legendi indicans) ante triduum, curabit affigi valvis utriusque exterioris Portæ Scholarum, nec non muris Collegii Omnium Animarum & Oriel, qua Australis & Occidentalis Parietes, Plateam versùs, in Angulos coeunt.

Pro Cumulante Gradus in S. Theologia.

EAdem Statuta (quæ Baccalaureo & Inceptor in Theologia) legenda etiam sunt Cumulanti Gradus, excepto primo Articulo inter Statuta Legenda Inceptor in Theologia.

Ac insuper Statutum est, si qui, olim hujus Universitatis Alumni, Gradus in Theologia cumulare desiderent, quòd per 15, aut 16. ann. spatium (ab admissione sua ad Regentiam computandum) Theologiæ operam navasse eos oporteat; & habitationem ipsorum ultra spatium 30 milliarium ab Universitate distare.

§. 3. *Communis Formula singulos Præsentatos Juramento obstringendi; & de Juramento Primatûs Regii, & Fidelitatis, a singulis exigendo.*

PErlectis Statutis ad Gradum requisitis, Procurator Senior, inter Præsentatos Seniori Evangelium exhibebit, cui (manu a Præsentato impositâ, ita dicet: "Omnia hæc modo prælecta,
" &

“ & reliqua Statuta, Gradum hunc, quem capeffis
 “ concernentia; ac speciatim Sectionem Septi-
 “ mam Tit. VI. intra triduum proximè elapsum
 “ a te diligenter lecta (vel alio legente audita)
 “ te observasse quoad præterita, nisi aliter tecum
 “ dispensatum fuerit :

(Vel, si in Comitiiis Doctoribus responsurus,
 aut die Martis post Comitia Latinè conciona-
 turus sit;)

“ Nisi quatenus in Comitiiis Doctoribus re-
 “ sponsurus, aut die Martis post Comitia Latinè
 “ concionaturus sis; Tu Jurabis per *Jesum Chris-*
 “ *tum* hoc sacrosancto *Evangelio* *annunciatum.*

Et reliquis manus itidem libro imponentibus,
 “ *Idem Juramentum* quod præstitit A. B. in per-
 “ sona sua &c.

Deinde, ex Præsentatis Senior *Juramentum pri-*
matús Regii, clarâ voce (ut ab omnibus aliis au-
 diatur) publicè leget; & *Evangelium* a Procura-
 tore exporrectum osculabitur; & post eum
 alii quotquot eodem die præsentantur: Et postre-
 mò, Eodem *Juramentum Fidelitatis* sive Allegian-
 tiæ præeunte distinctè, alii omnes verbatim re-
 citabunt; & in confirmationem *Juramenti*, om-
 nes ordine Librum deosculabuntur.

SECTION VII.

De Creatione & Licentiatione præsentati
 per Vice-Cancellarium peragenda.

PRæstitis ab omnibus Præsentatis coram
 Seniore Procuratore Juramentis, eorum
 quilibet (pro ordine Senioritatis) ad pedes
 Vice-Cancellarii inter Procuratores in genua
 decum-

decumbet: Cui Dominus Vice-Cancellarius in aurem per scrutinium dicet:

“ Tu dices fide tua data huic Universitati,
 “ utrum habeas Beneficium vel Beneficia Eccle-
 “ siastica ad valorem quadraginta librarum, aut
 “ alios Reditus Ecclesiasticos, vel Civiles, sive in
 “ Terris, sive in Pecuniis, ad valorem trecentarum
 “ librarum, per annum; exceptis Proventibus
 “ Academicis:” (*quæ quidem summa, quoad Bene-
 “ ficia Ecclesiastica, non attenditur penes verum & pro-
 “ prium rei æstimatæ valorem, sed penes primitias &
 “ censum Regium, inde in Fisco Regis Henrici Octavi
 “ taxatas:*) cui Præsentatus respondebit, *Habeo*, vel
non Habeo. Quod si respondeat se non habere;
 interrogabitur iterum, an habeat Reditus Eccle-
 siasticos ad valorem quinque solidorum, aut
 Civiles ad valorem quinque librarum, per an-
 num? cui respondebit, ut prius; & si fateatur se
 habere, solvet pro vino tantum.

Tum, si præsententur ad Gradum Baccalaurei
 in Artibus, omnibus ad Præsentatorem redeun-
 tibus, & juxta ipsum consistentibus, eorum cu-
 jusque (pro ordine Senioritatis) manum dex-
 teram apprehendet, & eum coram Vice-Cancel-
 lario & Procuratoribus sistet, & (Bedello ejus
 prænomen recitante) Vice-Cancellarius dicet,
 “ Domine A.B. Ego admitto Te ad Lectionem cu-
 “ juslibet Libri Logices Aristotelis; & insuper ea-
 “ rum Artium, quas et quatenus per Statuta audi-
 “ visse teneris; insuper autoritate mea & totius
 “ Universitatis do tibi potestatem intrandi Scholas,
 “ legendi, disputandi; & reliqua omnia faciendi,
 “ quæ ad Gradum Baccalaurei in artibus spectant.”

Si fuerit Baccalaureus Juris Civilis; “ Domine
 vel Magister N. Ego admitto te ad Lectionem
 Institutionum Imperialium.”

Si Medicinæ Baccalaureus fuerit; “ Magister

N. Ego admitto te ad Lectionem Aphorismorum Hippocratis."

Si denique S. Theologiæ Baccalaureus fuerit ;
"Magister N. Ego admitto te ad Lectionem
Epistolarum B. Pauli."

Si vero præsentantur ad Incipiendum in aliqua Facultate, iisdem in genua ad pedes Domini Vice-Cancellarii provolutis, & manus Libro admoventibus, Vice-Cancellarius dicet :
"Domine Doctor, Magister, vel Domine, tu
"dabis, vel vos dabit, fidem ad observandum
"Statuta, Privilegia, Consuetudines, & Libertates
"hujus Universitatis." *Resp.* Do.

Item tu jurabis, quòd Incipies realiter intra Annum, nisi aliter tecum dispensatum fuerit.
Resp. Incipiam.

Item tu jurabis, quod non Incipies alibi quàm hîc. *Resp.* Non Incipiam.

Quòd si quis post præstitum illud Juramentum (absque impetrata Dispensatione) nihilominus haud Inceperit ; privetur, ipso facto, non solum Gradu ad quem novissimè præsentatus fuerat, sed & aliis omnibus quos prius susceperat.

Deinde, Vice-Cancellarius, Librum capitibus ipsorum imponens, dicet : "Ad honorem Domini nostri Jesu Christi, & ad profectum Sacrosanctæ Matris Ecclesiæ & Studii, auctoritate meâ & totius Universitatis do tibi licentiam Incipiendi in Facultate Artium (vel Facultate Juris, Medicinæ, Theologiæ) legendi, disputandi, & cætera omnia faciendi, quæ ad statum Doctoris seu Magistri in eadem Facultate pertinent, cum ea compleveris quæ ad talem pertinent solennitatem ; in nomine Domini, Patris, Filii, & Spiritûs Sancti :"
hæc postremum pronunciat, debita cum reverentia, caput aperiendo.
Deni-

Denique Præsentati exsurgentes deosculabuntur primò Vice-Cancellarium, deinde Præsentatorem, tunc Procuratorem Seniore, & postremò Procuratorem Juniorem. Quibus sic peractis, & factâ per Candidatos reverentiâ Domino Vice-Cancellario, Procuratoribus & Magistris Regentibus (Bedello & Præsentatore præeuntibus) eodem ordine Domo egredientur, quo ingressi sunt; & extra Cancellos Domus Habitum, competentem Gradui ad quem admissi sunt, induentes, illico (Bedello & Præsentatore præeuntibus) in Domum redibunt: & præstitâ Domino Vice-Cancellario, Procuratoribus, & Magistris Regentibus reverentiâ debitâ, Seniore reliquis præcedente (aliter atque accesserunt) discedent.

Quòd si Præsentati ad Baccalaureatum in Artibus admittantur (præeunte Bedello & Præsentatore, reliquisque concomitantibus) ad Scholas Artium procedent: ubi Præsentator Cathedram conscendens, aperto capite, singulis tres Quæstiones proponet, & de singulis Quæstionibus Versus recitabit: quibus a Baccalaureis perlectis, in singulis argumentum proponet; cui Baccalaurei singuli respondebunt sub hac Forma: *Respondebit pro me Aristoteles proximâ Quadragesimâ.* Et his peractis, unâ cum Præsentatore per Bedellum domum deducuntur.

SECTIO VIII.

De Incorporatione.

§. I. *De Incorporandis Studiosis, ab aliis Academicis, huc adventantibus.*

CUM Universitas Oxoniensis, a Cantabrigiensi, & ab Academicis exteris (per totum pene

pene Terrarum Orbem) adventantes, (modò alienigenæ sint, nec intra regnum Angliæ sedem figere meditentur) eodem affectu recipere amplectique consueſcat, quo ſuos in Academia Cantabrigienſi, exterisque Gymnaſiis, recipi perſpexerit; id quò faciliùs fieri poſſit, Domui Congregationis eos, qui incorporari geſtiunt, Incorporandi poteſtatem permittit. Per Alienigenas verò, hîc non intelligimus natos intra regnum Scotiæ aut Hiberniæ; quibus incorporari permittitur, ſi tempore in Academia ſua requiſito, & præſtitis prius Exerciitiis, Gradus ſuſceperint.

Solet verò Is, qui Incorporari cupit, per aliquem e Magiſtris (recitato prius publicè in Domino Congregationis Teſtimonio ſub ſigillo Uni-verſitatis in qua Gradum ſuſcepit, non aliter,) Gratiam ſuam ſub huiusmodi formula proponere.

“Supplicat A.N. Baccalaureus vel Magiſter Fac-
“cultatis Artium in Academia (A.B.C.) creatus,
“ut bona veſtra cum venia admittatur ad eundem
“Gradum, Statum, & Dignitatem apud Oxoni-
“enſes, quibus ornatus eſt apud ſuos (A.B.C.)”

Quâ quidem Gratiâ ſic petitâ, & eodem modo, quo alias fieri conſuevit, pronunciâtâ; Præſentatio Incorporandi ad hunc modum ſequitur.

“Inſigniffime &c. Præſento vobis hunc Magiſ-
“trum Facultatis Artium in Academia (A.B.C.)
“creatum, ut ſit eodem Gradu, Statu, & Digni-
“tate apud nos Oxonienſes, quibus ornatus eſt
“apud ſuos (A.B.C.)” Et poſt Præſentationem,
Juramentum iſtiusmodi ab altero Procuratorum
ei deferetur.

“Magiſter, Tu dabis fidem, ad obſervandum
“Statuta, Privilegia, Conſuetudines, & Libertates

“ istius Universitatis, quatenus Statutis, & Privilegiis, Consuetudinibus, et Libertatibus Universitatis (A.B.C.) non repugnant.”

Denique, a Vice-Cancellario sic admittetur: “ Magister, ego admitto Te ad eundem Statum, Gradum & Dignitatem hîc apud nos Oxonienses, quibus ornatus es apud tuos (A.B.C.)”

Cautum tamen est, quòd nullus in S. Theologia, Medicina, vel Jure Civili Doctor incorporetur, nisi de expresso consensu Vice-Cancellarii, Professoris, & trium insuper Doctorum in eadem Facultate, & Procuratorum; vel majoris partis eorundem.

§. 2. *Conditiones Incorporandi Alumnos Academiae Oxoniensis, vel Cantabrigiensis, apud exterarum Academiarum Gradus capeffentes.*

CUM nonnulli aliquando, post aliquod tempus in Academiis domesticis bonarum Litterarum Studio insumptum, ad exterarum Academiarum se conferant, ubi (nec Temporis nec Exercitiorum ratione habitâ) ad Gradus supremos promoventur; deinde huc reversi, se ad eosdem Gradus admitti postulant; unde indirectè omnis Ordo, & Disciplina Universitatis violatur:

Placuit Universitati decernere & statuere, ne quis in posterum (qui aliquando hujus Academiae, aut Cantabrigiensis, Alumnus fuit, & in Academia quacunque externa Gradum aliquem suscepit) ad eundem Gradum in hac nostra Universitate admittatur, nisi completo tempore, quod (juxta Statuta hujus Universitatis, vel suæ Cantabrigiensis) ad hujusmodi Gradum capeffendum requiritur: & tum demum, de expresso consensu Vice-Cancellarii, Professoris, & trium insuper Docto-

Doctorem in eadem Facultate, & Procuratorem ;
vel majoris partis eorundem.

§. 3. *Quo loco & Statu Incorporati esse debent.*

STatutum est, quòd quilibet, Incorporationis beneficium nactus, eodem habeatur Loco & Statu, quibus in aliqua alia Universitate gaudebat : ita tamen, quòd (utcumque prius ad Gradum aliquem alibi sit admissus) nihilominus Junior habeatur iis omnibus, qui ad eundem Gradum Oxoniæ sunt admissi eodem Anno, id est, intra idem temporis Spatium, inter duo deinceps Comitia, interjectum.

S E C T I O IX.

De Licentiis concedendis.

§. I. *De Qualitate eorum, qui ad Concionandum per Universam Angliam Licentiandi sunt.*

CUM de Consuetudine antiqua, penes Universitatem Oxoniensem potestas fuerit concedendi Licentias Concionandi per Universam Angliam, eamque potestatem per Congregationem Magistrorum Regentium exercere consueverit : ad præcavendum abusus, qui circa hujusmodi Licentiationem contingere possunt ; Statutum est & decretum, quòd nemini in posterum pro hujusmodi Gratia supplicare permittatur, qui non sit Magister Artium, Baccalaureus Juris, vel S. Theologiæ Baccalaureus ; quorum quilibet septem annos in studio Theologiæ in Universitate posuerit, & semel saltem in Disputa-
S 2 tione

tione Theologica (in Theologica Schola, vel in Comitibus) publicè responderit; & quatuor Conciones laudabiles coram Universitate habuerit, five in Ecclesia B. Mariæ Virginis, five in alia aliqua Ecclesia Collegiata, five in Templo S. Petri ad Orientem.

§. 2. *Formula petendi Licentiam ad Concionandum per Universam Angliam.*

STatutum est, quòd Gratia pro Licentiatione ad Concionandum, prout aliæ Gratia in Venerabili Domo Congregationis, proponuntur sub hujusmodi formula:

Supplicat A. B. Magister Facultatis Artium e Colleg. M. quatenus septem Annos in studio Sacrae Theologiae in Universitate posuerit, in Schola Theologica (vel in Comitibus) Responderit; quatuor Conciones coram Universitate habuerit; ut hæc ei sufficiant, quo admittatur ad annunciandum Dei verbum per Universam Angliam.

Quæ Gratia, cum concessa fuerit, eodem modo quo aliæ, a Procuratore pronunciabitur, & postea, Literæ Testimoniales de eadem fient; quibus, Authoritate & Decreto ejusdem Congregationis, sigillum publicum Universitatis appendetur.

§. 3. *Formula Literarum Testimonialium.*

Cancellarius, Magistri & Scholares Universitatis Oxon. Dilecto nobis in Christo A. B. S. Theologiae Baccalaureo, & Coll. N. intra Universitatem prædictam Socio, salutem in Domino
sem-

sempiternam. Cum omnia nostra studia, consilia, & actiones ad Dei Gloriam & Fratrum salutem referri debeant; Nos Cancellarius, Magistri, & Scholares Universitatis prædictæ (pro ea opinione quam de Scientia Tua, Vitæque & Morum integritate, habemus) liberam Tibi, tenore præsentium, concedimus facultatem & potestatem Prædicandi verbum Dei, juxta Talentum Tibi a Deo concreditum, in quibuscunque Ecclesiis Angliæ, & Conventibus publicis Ecclesiasticis ad hoc accommodatis, in perpetuum duraturam; modò nihil interim feceris aut prædicaveris, contra Ritus & Canones in Ecclesia publicè receptos & approbatos; quo in casu, si quid tale admiseris, hanc nostram Licentiam statim irritam & cassam esse volumus. Teque seriò admonemus, & in Domino obsecramus, ut juxta Gratiam a Deo Tibi datam, Auditores tuos præcipuè excites, ut Dei tum præcepta, tum etiam exemplum, in verbo ipsius proposita, verè in omni vitâ, integritate & pietate exprimere cõentur; adeoque glorificent cœlestem Patrem, honorent Regiam Majestatem, & charitatem inter se colant Christianam. Nos igitur Cancellarius, Magistri, & Scholares antedicti testamur, præfatum A.B. Juramentum de Primatu Regiæ Majestatis suscepisse, & subscripsisse tam omnibus Articulis Fidei & Religionis in Ecclesia Anglicana receptis & approbatis, quam tribus illis Articulis comprehensis in Canone 36, Libri Constitutionum & Canonum Ecclesiasticorum, editorum in Synodo Londini cœpta 1603, & Regni Domini nostri Jacobi &c. primo; in quorum omnium majorem fidem & plenius testimonium, Sigillum Universitatis Oxon. commune, quo hac in parte utimur, Præsentibus apponi

poni fecimus. Datum in Domo nostræ Congregationis, &c.

§. 4. *De Qualitate eorum, qui ad Praxin in Medicina Licentiandi sunt.*

STatutum est, quòd Doctor quilibet in Medicina, post inaugurationem seu admissionem suam, practicare licitè poterit in omni medicandi genere, Alius vero nemo in Medicina publicè practicare Oxoniæ permittatur, nisi sit Magister Artium, & Gradum Baccalaurei in Medicina susceperit, & a Cancellario sive ejus Commissario, & Congregatione Magistrorum Regentium ad practicandum more consueto admissus fuerit. Chirurgiam vero nullus exerceat, intra præcinctum Universitatis, nisi Licentiâ a Cancellario sive Vice-Cancellario impetratâ.

Quòd si quis secùs præsumserit, non solùm ab ulteriore promotione repellatur, & privilegiis Universitatis privetur; sed etiam (si monitus non desistat) sicut Perturbator pacis puniatur.

§. 5. *Formula petendi Licentiam ad Practicandum in Medicina.*

PRO qualitate Personæ supplicantis, in Gratia exprimantur, quæ ad hujusmodi Licentiam necessariò requiruntur, sub hac formula: Supplicat, &c. A.B. e Coll. N. quatenus in hac Universitate Gradum Baccalaurei in Medicina susceperit, & Chirographo (vel Professoris & unius alterius Doctoris in Medicina, vel trium quorumcunque Doctorum in Medicina, in Universitate

fitate residentium) approbatus fuerit; & reliqua præstiterit omnia, quæ per Statuta requiruntur, ut hæc sibi sufficiant ad Practicandum in eadem Facultate per Universam Angliam.

Quâ Gratiâ concessâ & pronuntiâtâ, prout aliæ solent, Literæ etiam Testimoniales de eadem fient, & (eodem modo quo Testimoniales Licentiæ ad Prædicandum in Domo Congregationis ratæ habebantur) Sigillo publico Universitatis munientur.

§. 6. *Formula Literarum Testimonialium.*

Cancellarius, Magistri, & Scholares Universitatis Oxon. Dilecto nobis in Christo A.B. Artium Magistro e Coll. N. intra Universitatem prædictam, salutem in Domino sempiternam. Cum omnia nostra studia, consilia, & actiones ad Dei gloriam & Fratrum salutem referri debeant; cumque Medicina ad hæc, inter reliquas Facultates, plurimum conferat; hinc est, quòd Nos Cancellarius, Magistri, & Scholares antedicti (pro ea opinione, quam de Scientia tua, Vitæque ac Morum integritate habemus) liberam tibi, tenore præsentium, concedimus potestatem & facultatem practicandi in Medicina, & ea omnia faciendi, quæ ad eam spectant Facultatem, ubivis per Universum Angliæ Regnum, in perpetuum duraturam. Nos etiam Cancellarius, Magistri, & Scholares antedicti, testamur præfatum A.B. Juramentum de Primatu Regiæ Majestatis suscepisse, &c. *prout supra, in forma Licentiæ ad publicè Concionandum.*

§. 7. *De Qualitate & Conditione Licentiandi
ad Praxin Chirurgiæ.*

Formula Supplicandi.

STatutum est, quòd ita demum Chirurgiæ Studiosus ad Praxin per Universam Angliam admittatur, si per septem annos integros in ea Arte se peritè, probè, & honestè exercuerit; duas Anatomias dissecuerit; & tres ad minimum curationes præstiterit; & Chirographo (vel Professoris Regii in Medicina, & unius alterius Doctoris in eadem Facultate, vel trium quorumcunque Doctorum in Medicina, in Universitate residentium) approbatus fuerit; quòdque hæc in forma Gratiae recenseantur hoc modo:

Supplicat A.B. in Chirurgia Studiosus, quatenus septem Annos in Studio & Praxi Chirurgiæ posuerit, duas Anatomias administraverit, & tres curationes fecerit; & Chirographo (vel Professoris Regii in Medicina, & unius alterius Doctoris in eadem facultate, vel trium Doctorum in Medicina, in eadem Universitate residentium) approbatus fuerit, & reliqua præstiterit omnia, quæ per Statuta requiruntur; ut hæc sibi sufficiant, quo admittatur ad practicandum in Chirurgia per Universum Angliæ Regnum.

Cujusmodi Gratiae concessio sic pronunciari solet: Hæc Gratia concessa est, modò quatuor saltem pauperes, gratis, & intuitu charitatis curet, cum ad hoc ab iis fuerit requisitus.

§. 8. *Formula Literarum Testimonialium.*

Cancellarius, Magistri, & Scholares Universitatis Oxon. Dilecto nobis in Christo A.B. in Chirurgia *Studio* (vel *bene Exercitato*) salutem in Domino sempiternam. Cum omnia nostra studia, consilia, & actiones ad Dei gloriam & Fratrum salutem referri debeant; Cumque Chirurgia ad hæc, inter cæteras Artes, plurimum conferat; Hinc est, quòd Nos Cancellarius, Magistri & Scholares antedicti (pro ea opinione, quam de Scientia tua, Vitæque ac Morum integritate habemus) liberam tibi, tenore præsentium, concedimus potestatem & facultatem practicandi in Chirurgia, ubivis per Universum Angliæ Regnum, perpetuò duraturam; sub conditionibus subscriptis.

Primò, *scil.* quòd quatuor saltem pauperes gratis, & intuitu charitatis (quamprimum sese occasio tulerit) cures; cum ad hoc ad ipsis fueris requisitus.

Secundò, quòd fines Artis Tux non excedas, aut Medicinam practices.

Tertiò, quòd nimium pro salario non exigas; aut curationem aliquam retardes, uberioris lucri intuitu: Quòd si in harum quâpiam deliqueris, Licentiam hanc nostram, tibi super præmissis factam, ipso facto vacare intelliges.

Nos etiam Cancellarius, &c. *ut supra, de Licentiandis ad Praxin in Medicina.*

TITULUS X.

De Magna Congregatione, sive Convocatione Magistrorum Regentium
& non Regentium.

SECTIO I.

De Modo ad Magnam Convocationem
Conveniendi.

POST monitionem a Bedello factam, singuli Doctores, Magistri Regentes & non Regentes in Univērsitate tunc præsentes, a propriis Collegiis & Aulis, (Habitū Gradui competente induti) horā constitutā ad Domum Convocationis accedant; &, præeunte Vice-Cancellario, & uno e Bedellis proclamante (*Magistri intretis in Convocationem, per fidem intretis*) locum Convocationi destinatum ingrediantur; eodemque Habitū, nec non Pileis suis (sicut & in Congregationibus) induti, in locis illic sibi assignatis confideant.

Causā Convocationis per Vice-Cancellarium expositā, de negotiis propositis maturè delibere, & (pro natura negotii) vel scriptis per scrutinium; vel vivā voce; vel in aures Procuratoris; vel denique per secessionem ad alteram partem Domūs, suffragia ferant.

Nihil autem pro decreto aut concessio habeatur, quod Cancellarius, sive ejus Vice-Cancellarius; vel ambo Procuratores, sive eorum Deputati; vel major pars Regentium & non Regentium negaverint. Præterquam in Electionibus

nibus, quas liberas esse volumus, secundum antiquam Consuetudinem, per maiorem partem omnium Suffragiorum.

SECTIO II.

De negotiis in Domo Convocationis tractandis.

§. I. *Enumeratio Negotiorum, quæ ad Domum Convocationis spectant.*

QUandoquidem negotia majoris momenti cum maiore deliberatione sunt tractanda; & quæ ad universam spectant Academiam, ab universis approbari congruum est; Statutum est, ut in Convocatione Doctorum, Magistrorum Regentium & non Regentium (prout de antiquo fieri consuevit) de majoribus negotiis ac totum Universitatis corpus tangentibus, deliberetur & determinetur.

Veluti de Legibus & Statutis rogandis, vel etiam abrogandis, interpretandis, moderandis; de Officiariorum Electionibus; de Delegatis ad certa negotia nominandis; de Dispensationibus licitis concedendis; de Præsentationibus ad Beneficia; de Computis sive Ratiociniis examinandis & approbandis; de Fundis sive Prædiis Universitatis dimittendis sive elocandis; de Literis ad Regiam Majestatem, Prælatos, Proceres, ac Iudices, sive alios quoscunque conscribendis; de amovendis Academiæ Dehonestamentis, & gradu privandis. Denique, de quibuscunque ad Statum, Dignitatem, & Incolumitatem Universitatis spectantibus.

§. 2. *De Statutis & Decretis in Domo Convocationis condendis & interpretandis.*

SI quando ex usu Academiciæ futurum videbitur, aliquid de novo statuere vel decernere; vel, si quando circa Decreta & Statuta jam condita vel in posterum condenda, dubitatio aliqua emergat, unde ulterior eorundem explanatio requiratur (modo ne, sub explanandi obtentu, sensus statuto cuivis affigatur, omnem ipsius vim eludens aut enervans; neve hæc explanandi potestas ad Statuta Regiâ Auctoritate sancita vel confirmata extendatur, sine speciali ipsius Regis licentia) Statutum est, quòd priusquam Lex roganda, vel Statutum explanandum suffragiis Magistrorum Regentium & non Regentium permittatur, primò, ad hebdomadalem consellium Præfectorum Collegiorum & Aularum per Vice-Cancellarium referatur Negotium.

Atque ubi, re maturè perpensâ, inter eos convenierit de verbis conceptis, sub quibus Lex sciscenda aut Statutum explanandum illis videbitur, sub iisdem terminis res ad Magistros Regentes in Domo Congregationis, per Procuratores referetur; triduò ante Convocationem habendam.

In Convocatione autem sequente, iisdem verbis, quibus in Congregatione proposita fuerat, per Registrarium, mandato Vice-Cancellarii, palam recitetur. Ac demum, ubi Vice-Cancellarius, Procuratores, & major pars Regentium & non Regentium in terminos consenserint, sub quibus Lex sciscenda, aut Statutum explanandum videbitur, sub iisdem terminis per Registrarium palam ibidem recitentur; & de iisdem

Regen-

Regentium & non Regentium suffragia rogentur. Sub iisdem etiã terminis, in quos consensum fuerit, in Acta redigantur; nec ante diem trigessimũ, immediatẽ sequentem publicationem sive recitationem eorundem in Domo Convocationis, Vim aut Authoritatem Decretorum sive Statutorum sortiantur.

Si quid vero interim (dum suspensa manet Statutorum Authoritas) contra quam iis cautum est, pænã dignum committi contigerit; vel (in universum) si quod delictum inciderit, contra quod speciali nullo Statuto cautum fuerit; Vice-Cancellarius (assidentibus sibi Procuratoribus & Præfectis Ædium in Conventu Ordinario) pro arbitrio pœnam irrogabit: donec speciali aliquo Statuto, contra hujusmodi delictum, provisum fuerit.

§. 4. *De Materia Dispensabili, in qua Convocationi dispensandi Potestas permissa est.*

CUM Statutorum rigorem, modò privatis hominum commoditatibus, modò necessitatibus ipsorum attemperari quandoque expediat; consuevit V. Domus Convocationis (penes quam est potestas Statuta & Decreta condendi) ex rationabili causa cum nonnullis dispensare.

Et primò, si a Statutis alicujus Collegii Statuta Universitatis in aliquo dissentiant, vel repugnent; Statuit Universitas & declarat, quòd cum Præfectis, Sociis & Scholaribus quibuscunque hujusmodi Collegii, super observatione Statutorum Universitatis, a Collegii Statutis dissentientium, eisque repugnantium, absque ulteriore aliqua supplicatione sive petitione, ipso Jure dispensatum habeatur.

Deinde

Deinde, si quis Lectiones vel Disputationes (ordinarias, & non pro Forma) per alium præstare necessum habuerit.

Vel si qui, olim hujus Universitatis Alumni, perspectæ probitatis & eruditionis Viri; quique per 15 aut 16 Annorum spatium (computandum ab admissione sua ad Regendum) Theologiæ operam navârunt (iidemque ultra spatium 30 milliarium ab Universitate remoti) præstitis prius omnibus Exercitiis, Gradus accumulare, sive simul capeßere desiderent.

Vel, si qui propter interveniens impedimentum, vel causam fonticam (quo minus in proximis Comitibus realiter Incipere possint, vel potuerint) in Convocatione vel Congregatione creari & inaugurari desiderent.

Vel, si qui Prælati, Magnates, vel Nobiles, honoris causâ, Gradus Academicos intra Academiam suscipere cupiant.

Vel, si Universitati eosdem extra Academiam (missis qui Cancellarium, Procuratores, & Magistros Regentes repræsentent) iisdem Gradibus ornare visum fuerit.

Et universim, si qui alii fuerint Casus, in quibus per Statuta Universitatis dispensare non negatum est, quique Disciplinæ Academicæ non repugnant; in iis, ex necessaria & perurgente aliqua causa (prius per Dominum Cancellarium, arbitrio Vice-Cancellarii, Procuratorum, & Præfectorum permissâ, & per ipsos vel eorundem majorem partem approbatâ in Conventu ipsorum Hebdomadali) Dispensationes in Domo Convocationis proponi licebit, & pro concessis haberi; si Vice-Cancellarius, Procuratores, & major pars Regentium & non Regentium assensum præbuerint,

§. 5. *De Materia Indispensabili, in qua Convocationi dispensare non permittitur.*

Quia ex nimia Dispensandi Licentia grave incommodum Universitati antehac obortum est (nec aliter fieri potuit:) Statuit & Decrevit Universitas, ne, in posterum, Dispensationes ullatenus proponantur in casibus sequentibus. Et primò, Statuit & Declarat, ne super aliquo Statuto vel Decreto (Autoritate Regiâ jubente vel monente) condito vel condendo, in toto vel in parte Dispensatio proponatur, nisi pari Autoritate Regiâ, ejusdem mutatio, vel aliqualis relaxatio, expresse mandata vel permissa fuerit.

Secundò, Statuit & Declarat, ne circa supremas Benefactorum defunctorum Voluntates, aut Ordinationes eorum quasunque Universitati commendatas, nec circa Conventiones vel Compositiones inter ipsos Benefactores (dum superstites essent) & Universitatem initas (absque speciali & expresse ipsorum consensu) nec circa Ordinationes aliquas ex Benefactorum voto vel rogatu, cum Universitatis consensu, editas vel edendas; aut Literas alicujus ipsorum (super Lecturis aut Lectoribus suis) Patentes, quicquam postea immutetur, vel de eodem immutando petitio aliqua in V. Domo Convocationis fieri permittatur.

Tertiò, ne pro defectu Temporis, aut Exercitiorum (ad aliquem Gradum Baccalaurei, Magistri, vel Doctoris in aliqua Facultate requisitorum,) nec pro Exercitiis (ad Gradum requisitis) post susceptum Gradum præstandis; Præcipue, nec pro Concione Latina, post Gradum
Bac-

152 *De Magna Cong. sive Convoc. Tit. X.*
Baccalaureatûs (ut olim) habendâ, ullo modo
Dispensatio proponatur.

Quartò, ne Dispensatio proponatur, ut quisquam Collegii Præfectus, Socius vel Capellanus, vel in Aula aliqua commorans, vel intra quinquaginta miliaria ab Universitate habitans, exceptis iis, qui in studio Theologiæ 15 vel 16 Annos posuerunt, (quibuscum si ultra 30 miliaria ab Universitate habitent, pro Gradibus Cumulandis dispensare licebit,) ad Cumulandos Gradus, vel ad Gradum Baccalaurei, & Magistri seu Doctoris, simul suscipiendum admittatur.

Denique Statutum est, ne in aliquo casu præmisso (vel alio, de quo speciali Statuto, né super eo Dispensatio proponatur, cautum est) quisquam, sub pœna Bannitionis, Dispensationem proponat; nisi Cancellarius Præfectorum arbitrio rem permiserit, ut de consilio maturo in Conventu ipsorum ordinario prius habito, ex necessaria & perurgente aliqua causa (per Vice-Cancellarium, Collegiorum & Aularum Præfectos, & Procuratores, vel majorem partem eorundem, approbandâ) hujusmodi Dispensationem in Domo Convocationis proponi permittant.

§. 6. *De Electionibus in Domo Convocationis habendis.*

CUM in locum alicujus Publici Prælectoris, aut Officiarii, aut communis Ministri seu Servientis (defuncti, cedentis, vel amoti) alterius Electio; vel ad Beneficium aliquod vacans (ad quod Nominationis, sive Presentationis jus Universitati competit) alicujus idonei Electio habenda

habenda fuerit ; Statutum est, quòd ante Convocationem habendam, Negotium hujusmodi Electionis vel Nominationis, per Bedellos singulis Collegiorum & Aularum Præfectis, & per Præfectos Doctoribus & Magistris cujusque Domûs, die præcedente, denunciatur.

Quòdque, præter Electionem Burgenfium Parliamenti (quam, vivâ voce, aut pedibus eundo in sententiam, fieri oportere, occasione litis motæ super ea re, Commissarii Parliamenti decrevêre) omnis Electio ad Officia & publicas Lecturas, & Nominatio ad Beneficia, fiat per scrutinium in scriptis, in quo (Vice-Cancellario præfidente) Procuratores scrutatores erunt. Insuper, si in locum Lectoris, Officiarii, aut Servientis munus suum resignantis, habenda sit Electio ; fiat Resignatio simpliciter & absolutè, absque ulla resumendi conditione ; & priusquam ad Electionem procedatur, Candidatus quivis (exigente alterutro Procuratorum) Juramentum præstabit se, nec directè nec indirectè, per se, nec per alium, cum quoquam contraxisse, nec quicquam cuiquam vel dedisse vel promississe, quòd ad munus illud, quod jam capeffit, aditum strueret magis expeditum.

Juramentum Procuratorum.

1. *Qui a Vice-Cancellario Juramento adstringentur*, quòd fideliter se in illo scrutinio gerent.
2. Quòdque Neminem, ad eligendum vel nominandum aliquem, contra motum proprium inducent.
3. Et quòd eum pro Electo vel Nominato pronuntiabunt, in quem major pars Suffragantium consenserit.

U

4. Nec

4. Nec ante pronunciationem, quicquam de votis alicui (quoquo modo, verbo vel signo) revelabunt.

Deinde, ipse Vice-Cancellarius, & singuli Suffragaturi (Procuratoribus vel eorum Deputatis exigentibus) & Procuratores, eorumque Deputati, (exigente Vice-Cancellario, ejusve Deputato) corporale præstabunt Juramentum, sub hac Forma :

“ Tu jurabis, quòd unum aliquem, & unum tantum, semel (& non amplius) in hoc scrutinio scribes et nominabis.

“ Item Tu jurabis, quòd neminem ad *hoc officium, sive publicam Lectionem sive Beneficium*) nominabis, nisi quem ad idem Officium, sive Beneficium, habilem & idoneum certo sciveris, vel firmiter credideris ; nec ullâ conditione nec pacto, propter aliquam promissionem vel remunerationem (factam vel faciendam) aliquem ad hoc Officium sive Beneficium in hac Electione nominabis.”

Quòdque nemo in Electione aliqua (sub pœna amissionis suffragii, & perpetuæ exclusionis a Domo Congregationis & Convocationis) suffragium ferre præsumat, priusquam hoc Juramentum, in eadem Electione, præstiterit.

In scrutinio verò, ubi Vice-Cancellarius & Procuratores suffragati fuerint, quisque Doctorum, Magistrorum Regentium & non Regentium, secundum ordinem Senioritatis, (quantum fieri potest) accedat : & (Procuratoribus a latere Vice-Cancellarii utrinque sedentibus, & eorum altero Schedulam, sic accedenti exhibente) votum suum simpliciter & absolute inscribat.

Nec

Nec Scrutatores prædicti, aut eorum alter, ante peractam Electionem (nisi ex causa necessitatis) decedant. Quo in casu, Schedulâ apud Vice-Cancellarium depositâ, Vice-Cancellarius (aut alius ab ipso deputatus) ejusdem, dum abest, vices sustinebit.

Cum autem longiùs in Electione processum fuerit, defecerintque qui suffragentur; priusquam Scrutatores Suffragiorum numerum ineant, superior Facultatis Artium Bedellus, per Domum Convocationis, ad suffragandum, altâ voce, præconizabit: *Magistri, ad suffragandum, primâ vice*; deinde, ex intervallo unius horæ quadrantis, *Magistri, ad suffragandum, secundâ vice*; & tertio, post alium horæ quadrantem, *Magistri, ad suffragandum, tertiâ vice*.

Tandem (postquam aliquamdiu accessuros expectaverint, nec quisquam accedat) prædicti Scrutatores, eum, in quem, computatis suffragiis, majorem numero partem consensisse compererint (Schedulis interim, quibus singulorum vota inscripta fuerint, penitus abolitis, & igni traditis) pro Electo palam pronunciant.

Si duo vel plures, æqualem Suffragiorum numerum sortiti sint, si Graduati fuerint, eorum Senior, si Graduati non fuerint, tunc is, in quem Cancellarius (vel Vice-Cancellarius pro tempore existens) consenserit, pro Electo habeatur; & ad Officium suum (peractis præstitisque singulis, quæ ad hujusmodi admissionem requiruntur) e vestigio, si præsens fuerit, admittatur.

Postremò cautum est, quòd in omni Electione (antequam ad suffragandum accedatur) præsens Statutum, unâ cum Juramento prædicto, & Statuto Regni de Electionibus *Elizabethæ* 31. le-

gatur; & Juramentum ab omnibus ac singulis Suffragaturis exigatur. Et præterea, in ipso Domus Convocationis introitu, aut alio quovis loco conspicuo (unde omnibus de plano legi possit) idem Juramentum, in pensili tabula, singulis suffragantibus legentibus palam proponatur.

§. 7. *De Delegatorum Nominatione & Munere.*

CUM varia Universitatis negotia, a paucis citius & commodius, quàm a pluribus, expediantur; eoque nomine, selectis quibusdam hominibus per Domum Convocationis delegentur, qui de iisdem deliberandi vel statuendi, cum nuda relatione ad Domum, vel cum relatione & approbatione simul, (prout prædictæ Domui videbitur) potestatem habent; quos Delegatos nominandi jus penes Procuratores esse consuevit:

Ordinatum est, quòd e singulis Facultatibus, & ex Doctoribus, Magistris Regentibus, & non Regentibus aliqui seligantur, qui impositum sibi onus subire, & in Congregatione quavis, diem Delegatorum Conventui destinatum antecedente, Juramentum Corporale præstare teneantur.

1. " Quòd legitimè de die, hora, & loco præmoniti, de tempore in tempus, in locum per Vice-Cancellarium destinatum convenient.

2. " Officium & munus Delegatorum, super negotiis sibi commissis, sedulò & diligenter exsequuntur.

3. " Non omninò aberunt, nisi ex causa per Vice-Cancellarium & Procuratores, antea vel postea, approbandâ."

Quicquid verò Delegati omnes, vel major ipsorum pars, determinaverint, in negotiis delegatis, cum nuda relatione ad Domum, sine ulteriore disceptatione ratum est; in delegatis verò cum relatione ad Domum, & approbatione ejusdem, totius Domûs suffragiis denuò permittitur.

Cum præter Delegatos ad expedienda Negotia intra Universitatem, opus sit nonnunquam delegari quosdam ad prosequenda Negotia extra Universitatis præcinctum; Statutum est, quòd (quoties hoc usu venerit) ad mandatum Vice-Cancellarii & Procuratorum, singuli ad hujusmodi negotia, pro virili, prosequenda (modò hoc fiat expensis Universitatis) paratos se præsentent.

Quoniam verò ad computandas rationes Vice-Cancellarii, Procuratorum, & aliorum, novos quotannis Delegatos pro arbitrio Procuratorum designari, haud e re Academiæ esse, usu comperitum est; Decretum est, quòd, in posterum, statim Delegati per Vice-Cancellarium, & Procuratores, cum consensu Domûs Convocationis, nominandi sint, qui singulas rationes Universitati reddendas accipient, præterquam de quibus speciali Decreto aliter cautum fuerit.

Quorum si major pars in Universitate præsens non fuerit (quoties rationes quæcunque Universitati reddendæ fuerint) Procuratores, vel eorum alter, cum consensu Vice-Cancellarii, totidem in locum absentium ad præsens subrogabunt, quot ad majorem partem explendam suffecerint.

Quod si quos e statis hisce Delegatis fatis concedere, vel aliàs Universitate excedere contingat; alii continuò in ipsorum locum, eadem auctoritate, subrogentur.

Hi autem Delegati, quamprimum nominati fuerint, in ipsa Convocatione (si præsentes fuerint) alioqui coram Vice-Cancellario, exigente Seniore Procuratore, singuli Juramentum præstabunt in hæc verba.

“ Tu Jurabis, quòd audies strictum & fidelem
 “ computum, de omnibus & singulis computan-
 “ dis per (&c.—) nec allocabis nisi quæ allo-
 “ canda sunt; sepositis dolo, fraude, amore, &
 “ invidiâ. Ita Deus te adjuvet, & hæc Sacro-
 “ sancta Christi Evangelia.”

§. 8. *De Degradatione*

CUM nonnulla sint delicta, quæ, contra Statuta hujus Universitatis admissa, Graduum privatione plectuntur; alia verò, quæ (licet alibi commissa) tamen propter infame supplicii (quo vindicantur) genus, detrahi prius insignia Academica, & delinquentes exauthorari postulant; ne stigmata, delinquentium Personis meritò inurenda, simul Graduum Academicorum dignitati labeculam aspergant; unde aliqua ad ipsam Universitatem redundet infamia;

Statutum igitur est, quòd, quoties hujusmodi se tulerit occasio, si delinquens intra Universitatem præsens fuerit, Vice-Cancellarius (indictâ prius Convocatione) ipsum Habitu Gradui competente indutum, in Domo Convocationis sistendum curet; ubi ipsum Vice-Cancellarius gravi ac severâ Oratione increpabit, simulque atrocitatem criminis sui ei ob oculos ponet; deinde ipsius mandato, e Bedellis inferioribus unus, singula Gradûs sui insignia, primò Pileum, mox Caputium, deinde Capam, postremò Togam detrahet; ac eum in modum, cunctis insignibus

Tit. X. *Magist. Regent & non Regent.* 159

signibus Academicis exutum & nudatum, e Domo Convocationis proturbabit.

Quòd si intra Universitatem præsens non fuerit, Vice-Cancellarius (indictâ itidem Convocatione) ibidem delinquentis crimen, & poenam Degradationis per Statuta (aut aliàs ex Decreto superioris Curiae, vel ex congruo) irrogandam declarabit. Deinde, Doctorum, Magistrorum Regentium & non Regentium assensu rogato, Instrumentum publicum a Registrario palam recitari faciet, in quo Nomen, Gradus & Crimen delinquentis exponantur; & ipse, de consensu Doctorum & Magistrorum Regentium & non Regentium, Gradu omni Academico exutus & exauthoratus pronuncietur & declaretur. Mox idem Instrumentum, sigillo officii sui munitum, Valvis Magnæ Scholarum Portæ appendendum curabit.

TITULUS XI.

De Congregationibus & Convocationibus
Statuta generalia.

*§. 1. Congregationibus alii necessariò, alii liberè
interfunt; Convocationibus singuli, ritè mo-
niti, tenentur per fidem interesse.*

STatutum est, quòd singuli Doctores, & Magistri necessariò Regentes (quotquot infra ambitum Academiæ commorantur) statim a cessatione pulsationis solennis Campanæ, ad Congregationem accedent; cui a principio ad finem interfint, nec, nisi veniâ a Cancellario aut Vice-Cancellario impetratâ, discedant: Regentes vero ad placitum, quoties specialiter requisiti fuerint, aut aliàs, pro arbitrio suo, interfint.

Si quis ex necessariò Regentibus vel venire neglexerit, vel secus quàm oportet discesserit, pro prima vice uno solido, pro secunda duobus, pro tertia tribus solidis per Cancellarium, vel Vice-Cancellarium mulctetur. Et si, debitâ præcedente monitione, ulterius in negligentia perseveraverit, a Domo Congregationis penitus excludatur.

Ad Magnam vero Convocationem singuli Doctores & Magistri, Regentes & non Regentes, debitè præmoniti, venire; ibique, dum negotia ad Universitatem spectantia tractantur permanere (nisi justam absentiae causam, a Vice-Cancellario requisiti, ipsi approbaverint) noverint se fide datâ Universitati obligari.

§. 2. De ordine sedendi in Convocatione
& Congregatione.

STatuit Universitas & decrevit, quòd in omnibus Congregationibus & Convocationibus, Cancellarius vel Vice-Cancellarius, in Cathedra, locum teneat principalem, in medio. Deinceps ex utraque parte Cancellarii vel Vice-Cancellarii, sedeant primò Doctores in S. Theologia: Deinde, ex utraque parte Theologorum, ad Dextram, Doctores in Medicina, ad Sinistram Doctores Juris Civilis: salvâ tamen consuetudine, quæ hodie inter Juristas & Medicos obtinet, quòd qui Senior est (id est prius præsentatus ad eundem Gradum) in sua Facultate, præ Juniore in altera, loci seu dignitatis prærogativam vendicet, ac obtineat. Cui etiam Consuetudini ne quicquam eo nomine derogatum volumus, si forte in hisce Statutis vel Rubricis, inter nominandas ex Ordine ambas Facultates, unam alteri sæpius præponi vel prænominari contigerit. Juxta vero Cancellarium vel Vice-Cancellarium, utrinque paulò inferius, locum consuetum habeant Procuratores; & ad latera utriusque Domûs Magistri Facultatis Artium, absque anterioris loci vendicatione: præterquam quòd Collegiorum & Aularum Præfectis, si qui sunt Magistri Artium duntaxat, & non Doctores, præ aliis Magistris locus superior concedatur.

§. 3. In Domo Congregationis & Convocationis Latino Idiomate utendum. Loquendi modus, & vices servandæ. A Contumeliis abstinendum.

STatutum est, quòd quilibet verba facturus in Domo Congregationis & Convocationis,
X Latino

Latino utatur eloquio, nisi (negotio sic requirente) Cancellarius Linguâ vernaculâ utendi Libertatem permiserit. Quòdque omnes, dum alii loquuntur, silentium præstent; nec quisquam de Loco ad locum migret; aut loquendi vices Seniori loquuturo præripiat; aut sæpius de eadem materia interstrepant; sed simul atque sententiam suam protulerit, aliorum Judicio ponderandam relinquat. Quòdque a dicacitate, præsertim opprobriis, omnique indecenti verbo aut facto, penitus abstineant; sub pœna, quod, si quis in præmissis deliquerit, a Domo Congregationis vel Convocationis judicio Cancellarii vel Vice-Cancellarii & Procuratorum, pro illo die, vel si (majori parti Domus videbitur) pro longiore tempore, excludatur: Et insuper, obnoxius esto pœnis sancitis in Statuto de contumeliis compescendis.

TITULUS XII.

De Assimilationibus Parvis, seu Simile-primo.

Negotia huic Conventui permessa, item interdicta.

QUO negotia quædam minore Universitatis cum molestia expediantur, in more positum est, & permillum Vice-Cancellario, Convantum Magistrorum, qui *Simile primo* appellatur, congregare; in quo, ipsi cum duobus Procuratoribus, & Magistris Regentibus, & non Regentibus, quotquot voluerint interesse (modo ne pauciores sint quàm novem) ad parvæ

Tit. XIII. *De Heb. & Ordin. Conv. &c.* 163
væ Campanæ sonitum, quâlibet horâ tam in Vacatione, quàm in Terminò, in Domo Congregationis convenire licet.

Ubi iisdem fas erit, Literas ex decreto Convocationis, ad Regiam Majestatem, Prælatos, Magnates, aut alios quoscunque, de Negotiis Universitatis publicis conscribendas, recitare, approbare, & sigillare.

Idem Literis Testimonialibus de Licentiis per Congregationem concessis, & quibuscunque aliis Instrumentis, vel Scriptis, ad Universitatis negotia spectantibus, ex decreto Convocationis vel Congregationis, Sigillum Commune Universitatis apponere.

Et alia minora negotia, in quibus ulterior assensus Congregationis vel Convocationis non requiritur, expedire.

Provisò semper, quòd (excepto *Simile primo* habendo in die Vesperiarum) in hoc Confessu, nec Præsentationes habeantur, nec Gratia, Dispensationes, aut Licentiæ proponantur; nec quicquam aliud, quod ad Congregationem vel Convocationem pertinet attentetur.

TITULUS XIII.

De Hebdomadali & Ordinario Conventu
Præfectorum Collegiorum & Aularum.

QUO melius, ea, quæ ad Regimen & Tranquillitatem Universitatis pertinent expediantur, & procurentur; secundum Ordinationem Serenissimi Regis *CAROLI* ejus nominis primi, gratosè nuper ad Universitatem super ea re transmissam, sancitum est, quòd die

Lunæ cujuslibet Septimanæ, per totum Annum tam in Vacatione quàm Terminorum temporibus, (præterquam in principalibus & solennibus Festis, aut ubi Vice-Cancellario videbitur, ex publica aliqua occasione, hujusmodi Congressum intermittere) horâ primâ Pomeridianâ (& etiam aliàs quodocunque Vice-Cancellario, ex urgente aliqua occasione, convocare videbitur) Dominus Vice-Cancellarius ejusve Deputatus, unâ cum Procuratoribus, & singulis Collegiorum & Aularum Præfectis, tum in Universitate præsentibus, in loco certo & statuto convenient, ibique de Privilegiis & Libertatibus Universitatis (prout occasio emerferit) tuendis deliberent; & de Statutis & Consuetudinibus Universitatis observandis, inter se tractent, inquirant, & consilium ineant. Et, si quid super bono Regimine, profectu Scholastico, honestate, vel utilitate communi, & ex usu Academiæ, ipsi vel major pars eorum, deliberato opus esse duxerint, de eodem deliberandi potestatem habeant; quò melius & consultius post hujusmodi ipsorum deliberationem, in V. Domo Congregationis proponatur; & deinde, maturo cum consilio, in V. Domo Convocationis, de eodem statuatur, & decernatur. Si quis vero Præfectorum prædictorum in Universitate præsentium (cessante impedimento legitimo per Vice-Cancellarium approbando) ab hujusmodi Congressibus frequenter se absentaverit, nomen ejus, tanquam Personæ bono Universitatis Regimini minus faventis, ad Cancellarium per Vice-Cancellarium deferatur.

TITULUS XIV.

De Vestitu & Habitu Scholastico.

§. 1. *De Vestitu Præfectorum, Sociorum, & Scholarium Collegiorum; Et de modo in Vestibus servando a cæteris.*

STatutum est, quòd omnes Præfecti, Collegiorum Socii & Scholares, nec non omnes Sacris Ordinibus initiati, prout Clericos decet, vestiantur; & ea observent, quæ Canonici Sanctionibus præciuntur.

Quòdque alii omnes (exceptis filiis Baronum in superiore Parlamenti Domo suffragii jus habentium, * *nec non Baronum ex Gente Scotica & Hibernica*) vestibus coloris nigri aut subfusci se assuefaciant; nec, quæ fastum aut luxum præ se ferunt, imitentur; sed ab iis procul absint.

Insuper, ab absurdo illo & fastuoso publicè in ocreis ambulandi more, abstinere compellantur.

Etiam in capillitio modus esto; nec cincinnos, aut comam nimis promissam alant.

Si quis verò in præmissis deliquerit; si Graduatus fuerit, poenâ 6s & 8d, plectatur toties quoties: Si non Graduatus (si per ætatem conveniat) poenâ corporali; sin minus, arbitrio Vice-Cancellarii vel Procuratorum (ita ut summam præfatam non excedant) coerceatur. Quas mulctas, partim ad Universitatis, partim ad proprios usus, exigendi Procuratores potestatem habeant.

* V. Nov. Stat. Tit. VI. Sect. 1. §. 1.

§. 2. *De reprimendis & puniendis novos & insolitos Habitus invehentibus.*

STatutum est quòd si contingat aliquos in Vestitu novos & insolitos Habitus introducere, Vice-Cancellarius, & Præfecti Collegiorum & Aularum, habitâ inter se deliberatione, de eodem sententias suas in medium proferant.

Deinde, Vice-Cancellarius Scissoribus sive Sartoribus vestiariis, hujusmodi vestes conficiendi potestate interdicat; & Præfecti suis singulis Scholaribus hujusmodi vestimentorum usu interdiciant.

Si majus remedio vitium invaluerit, nec pœnis, quamvis severis (quas secundùm qualitatem delicti pro arbitrio infliget Vice-Cancellarius) morbi pertinacia expugnari possit; post tres monitiones, vel pœnâs ordinarias ter inflictas, ad Bannitionem procedere licebit.

§. 3. *De Habitu Academico singulis Gradibus & Facultatibus competente.*

STatutum est, quòd omnes Doctores cujuscunque facultatis, Baccalaurei etiam in Sacrà Theologiâ, Medicinâ, & Jure Civili, Magistri & Baccalaurei in Artibus, Baccalaurei itidem in Musicâ, togas gradui & facultati competentes, hodiè usitatas, juxta Exemplar in ære incidendum, & in abaco Domûs Convocationis reponendum, gerant.

Ambo Procuratores, eorumque Deputati, & Collectores Quadragesimales, Habitu hodiè usitato, juxta Exemplar, induti incedant.

Baronum

Baronum filii in superiore Parlamenti Domo suffragii Jus habentium, nec non Baronum ex gente Scoticâ & Hibernicâ, Togâ talari deauratâ, sive Togâ nigrâ laxè manicatâ sericâ cum Epomide, & Pileo quadrato cum Apice deaurato, induti incedant. Baronetti autem Togâ talari nigrâ, deauratâ, sive Togâ laxè manicata sericâ cum Epomide, & Pileo quadrato cum Apice deaurato.

Superioris Ordinis Commensales Togam talarem Sericam, sive ex quovis panno nigro confectam, cum ornamentis secundùm exemplar, & Pileum quadratum Holofericum, Anglicè *velvet*, cum Apice; Commensales vero sive Communitarii Togam talarem, ex quovis panno nigro, non serico, confectam, cum ornamentis secundùm Exemplar, & Pileum quadratum Panno obductum cum Apice, gerant.

Quod non Graduati, Quotquot alicujus Collegii Socii, Probationarii, Scholares, Capellani, Clerici, & Choristæ, si modo in Matriculam Universitatis sint relati, denique quotquot de fundatione Collegii cujusvis, fuerint, Studentes insuper Ædis Christi, quoties in Publicum in Universitate prodeunt, Togis laxè manicatis, ita ut Manicæ Longitudo dimidiam Partem Longitudinis Togæ non excedat, & Pileis quadratis cum Apice, induti incedant.

Batellarii vero, & Servientes Togam talarem hodiè usitatam juxta exemplar gerant, & Pileum quadratum sine Apice.

Studentes in Jure Civili, nondum graduati, qui sedecim Terminos a Tempore Matriculationis compleverint, (vel etiam antea, modo de fundatione alicujus Collegii fuerint, cujus Statuta id fieri requisiverint) Togam talarem semi-manicatham

manicatum, juxta Exemplar, gerant, & Pileum quadratum cum Apice.

Quòd Artium Baccalaurei in omni Actu Scholastico Caputium Fimbriâ pellitâ prætextum gerant; in Tempore vero Quadragesimali Determinantes tum in Scholis, tum in Choro Beatæ Mariæ Virginis, quoties ad celebrandas Preces convenerint, Pellem etiam lanatam, secundum Exemplar, adhibeant.

Graduati omnes, Togas Gradui & Facultati competentes, & Pileos quadratos cum apice, aut rotundos (Juristæ scilicet & Medici) gestabunt; præcipue in Concionibus, Ordinariis Prælectionibus & Disputationibus publicis.

In Concionibus vero solennibus, & singulis diebus Dominicis intra Terminum ante meridiem in Templo B. V. Mariæ, etiam in Æde Christi; & in Quadragesima, & in Dominicâ Paschatis post meridiem ad S. Petri in Oriente, Caputiis, sive e Serico, sive e Minuto-Vario, obversis, Concionibus intersint.

Concionatores itidem Habitu Gradui suo competente induti (pro ratione temporis, prout ceciderit intra vel extra Terminum) ad Ecclesiam accedant, & eodem induti Conciones suas habeant, sub pœna 6s 8d.

Lectores etiam & Professores publici, in Lectionibus suis ordinariis, Togis Gradui vel Facultati suæ competentibus, & Pileo induti, ad Scholas accedant, & eodem Habitu induti legant, ac iterum a Scholis recedant. In solennibus autem Lectionibus in Vesperis, Pileis, & Caputiis, Gradui & Facultati suæ competentibus, induti ad Scholas accedant, legant, ac iterum recedant.

Tit. XIV. *De Vestitu & Habitu Scholast.* 169

Quoties verò ad Congregationes, Convocationes, Preces publicas & Conciones ad Clerum accedant, omnes præter Togas, Caputia Gradui congrua; Doctores etiam Capas, vel claufas vel apertas adhibeant.

Doctores singulis diebus Dominicis intra Terminum, ante meridiem, in Ecclesia B. Virginis Mariæ; & in Quadragesima, & in Dominica Paschatis post meridiem in Ecclesia S. Petri in Oriente, Capa, & Caputio coccineo induti Concionibus interfint.

Insuper Statutum est, quòd omnes Academici cujuscunque ordinis aut gradûs fuerint, Collari, vulgò vocato *Band*, juxta Exemplar, tum in privato tum in publico se induant.

Si quis verò in præmissis delinquere deprehensus fuerit, si non Graduatus fuerit, pro arbitrio Vice-Cancellarii vel Procuratorum, penso aliquo literario puniatur. Si Graduatus, pro primâ vice quâ deliquerit, 20*d.* pro secundâ, 3*s* 4*d.* pro tertiâ, 5*s.* pro quartâ 6*s* 8*d.* & sic toties quoties. Si quis verò ad Congregationem vel Convocationem accesserit, Habitu competente destitutus, præter mulctam prædictam, nullam omnino suffragandi potestatem eâ vice habeat. Quas mulctas ad usum Universitatis exigendi Vice-Cancellarius vel Procuratores potestatem habeant.

Ne vero quis præ novandi libidine ab Exemplaribus in hoc statuto descriptis desciscere, novosque habitus introducere moliatur, Statutum est, quòd Vice-Cancellarius & Procuratores singulorum habituum Exemplar aliquod Ære incidendum, & in Abacum huic usui destinatum, reponendum curabunt.

TITULUS XV.

De Moribus Conformandis.

§ 1. *De Reverentia Juniorum erga Seniores.*

[**S**Tatutum est, quòd Juniores Senioribus, id est, nondum Graduati Baccalaureis, Baccalaurei Artium Magistris, Magistri itidem Doctoribus, debitam & congruam Reverentiam, tum in privato, tum in publico exhibeant: scilicet, ubi convenerint, locum potiorrem cedendo; ubi obvii venerint, de via decedendo; & ad justum intervallum caput aperiendo; atque etiam reverenter salutando & compellando.] Insuper, quilibet Baccalaureus in Jure (qui non etiam inceperit in Artibus) cuilibet Magistro in Artibus ejusdem Anni cedere debet intra Universitatem, locumque dare.

Quòdque omnes cujuscunque conditionis (exceptis Procerum & Baronum, in superiori Parlamento Domo suffragii jus habentium, filiis) qui nondum Gradum Magistri in Artibus, Baccalaurei in S. Theologia, Jurisprudentia, vel Medicina adepti sunt, quando (sive in Templis inter Concionandum; sive in Scholis publicis inter Prælegendum, Audiendum, ac Disputandum; & in omnibus denique Actibus Scholasticis, præsertim coram publicis Universitatis Officiariis, Doctoribus, Magistris, vel Baccalaureis in Facultatibus prædictis) præsentibus affuerint, nudatis capitibus adstent, humiliterque & modestè se gerant. Vice-Cancellario autem & Procuratoribus omni curâ & ope

ope annitendum est, ut hoc Statutum debite observetur, puniendo ad arbitrium Juniores, si non præstiterint, Magistros, si non exegerint debitum obsequium.

Provisio tamen, quòd licebit Facultatis Artium Baccalaureis, Habitu Gradui competente indutis, in Scholis Artium vel Philosophiæ, Pileos etiam in Præsentia Magistrorum & aliorum induere.

[Si verò aliqui secùs se gesserint (si Juniores fuerint, & qui nondum Gradum aliquem adepti sunt) a Vice-Cancellario & Procuratoribus pro arbitrio castigentur; vel pœnâ corporali (si per ætatem congruat;) vel suspendantur a Gradu per unum Terminum, toties quoties; & Libro nigro, five Registro Procuratorum, inserantur nomina ipsorum.] Si Graduati fuerint, 3s & 4d singuli mulctentur. Et si contumaces perstiterint, Incarcerentur; ac insuper, si quando ulteriorem Gradum ambiant, suspendantur a Gradu per unum Terminum, toties quoties; & in Libro Nigro Procuratorum Nomina ipsorum inserantur.

§. 2. *De coercendis otiosis & male feriatis Scholaribus in Civitate oberrantibus.*

STatutum est, quòd Scholares (præsertim Juniores & non Graduati) per Civitatem, ejusve suburbia, otiosi non obambulent; neque in Plateis, aut publico Foro, seu in Quadrivio (apud *Penniless Bench*, ut vulgò vocant) aut apud Oppidanorum seu Artificum officinas, stantes aut commorantes (quales vetera Academiæ nostræ Statuta Scurrivagos, & Trutannos vocant) conspiciantur.

Si quis absque rationabili causa a Procuratoribus vel Vice-Cancellario approbanda, hâc in parte

delinquens deprehensus fuerit; si non Graduatus fuerit, pro arbitrio Vice-Cancellarii vel Procuratorum corripatur, vel castigetur. Si Graduatus fuerit, 2s Universitati mulctetur. Et si in contumacia perstiterit, incarceretur.

§. 3. *Quòd Scholares Conventibus Juridicis, qui Sessiones & Assisæ vocantur, non intersint.*

STatutum est, quòd nullus Scholaris, cujuscunque conditionis, ad publicos & generales Conventus Juridicos, vel Civitatis, vel Comitatus Oxon. (qui Sessiones aut Assisæ vocantur) nisi ex causa rationabili, per Vice-Cancellarium approbandâ, accedat, vel iisdem interesse præsumat, sub pœna 10s, unicuique ibidem deprehenso infligenda; & Incarcerationis, etiam omnibus & singulis per Vice-Cancellarium vel Procuratores inde recedere jussis, nec obtemperantibus: Cui adeundi carceris mandato, (quia grassanti incommodo aliàs commodè occurri non potest) omnes & singuli virtute juramenti Universitati præstiti, obedire teneantur.

Juniores autem, Tyrones, & alii non Graduati (qui illuc spectatum maximè confluere solent) ibidem deprehensi, pro arbitrio Vice-Cancellarii aut Procuratorum, pœnas dare teneantur.

§. 4. *De Domibus Oppidanorum non frequentandis.*

STatutum est, quòd Scholares & Graduati cujuscunque generis, a domibus & Officinis Oppidanorum de die, & præsertim de nocte, abstineant. Præcipuè verò, ab ædibus infames seu suspectas Mulieres vel Meretrices alentibus, aut recipientibus;

recipientibus; quarum consortio Scholaribus quibuscunque, sive in privatis Cameris, sive in Ædibus oppidanorum, prorsus interdictum est. Et si quis de die in iisdem, vel earum aliquâ deprehensus fuerit (nisi rationabilem accessus sui moræve causam reddiderit) si non Graduatus sit, pro arbitrio Vice-Cancellarii, vel Procuratorum, qui deprehenderint, castigetur. Si vero Graduatus fuerit, 3s 4d, pro qualibet vice Universitati mulctetur. Quòd si quis ibidem de nocte interesse deprehensus fuerit, pœnis Noctivagorum omnino subjiciatur. Quem in finem (in subsidium Vice-Cancellarii & Procuratorum) potestas sit Præfectis Ædium Domos Oppidanorum intrandi; ut explorent an aliqui e suis illic versentur de die vel de nocte. Si quis verò Magistratui vel Præfecto Domûs, de nocte post clausas Fores ostium pulsanti, Fores sine mora vel tergiversatione non recluserit, pro prima vice mulctetur 20s; secundâ vero, commercio cum Privilegiatis (si Oppidanus fuerit) aliàs Privilegio ipsi interdicatur.

§. 5. *De Oenopoliis, sive Tabernis Vinariis, Popinis, & Diversoriis non frequentandis.*

STatutum est, quòd Scholares cujuscunque conditionis, a Diversoriis, Cauponis, Oenopoliis, ac domibus quibuscunque intra Civitatem, vel Præcinctum Universitatis, in quibus vinum, aut quivis alius potus, aut herba Nicotiana sive Tobacco, ordinariè venditur, abstineant: nisi ex causa necessaria & urgenti, per Vice-Cancellarium aut Procuratores approbandâ. Quòdque si quis secùs fecerit, octodecim Annis minor,

nor, nec Graduatus, publicè castigetur: major autem Annis octodecim, vel Graduatus, pro prima & secunda vice sex solidis & octo Denariis Universitati mulctetur; pro tertia autem vice, per spatium unius mensis incarceretur: vel, si Gradum aliquem ambiat, à tempore aliàs completo, unum alium integrum Annum exspectet, antequam ad supplicandum pro Gradu illo admittatur. Si quis verò sic deprehensus, Tutor fuerit, Vice-Cancellarius ipsi Tutoris munere prorsus interdicat. Pro quarta verò vice ab Universitate expellatur.

Insuper, Oppidani (sive Privilegiati fuerint, sive non) qui contra formam hujus Statuti, Scholares in illum finem, in domos vel loca hujusmodi receperint, pro prima vice decem Solidos, pro secunda viginti Solidos, Universitati numerent: Si tertio deliquerint, per duos Menses, si quarto, per totum Annum commercium iis cum Scholaribus & Personis Privilegiatis interdicatur; vel Privilegium, si fuerint Privilegiati.

Modis iisdem mulctator punitorque, si quis Oppidanus Scholari cuivis pretio præbuerit, vel cibos ad mensam apparatus in Scholaris cujusvis usum in quodlibet Collegium sive Aulam quamlibet, vel in domum aliam quamcunque, intulerit vel immiserit; nisi veniam Collegii vel Aulæ Præfecti, cui sibi ex Legibus Academicis parendum est, idem Scholaris prius impetraverit.

§. 6. *De Vehiculis.*

CUM plurima incommoda ex uso immodico Vehiculorum, præsertim eorum quæ vulgo dicta sunt *Phaetons*, orta sint; cumque nullo Statuto hætenus de hoc malo cautum sit, placuit Universitati novum Statutum condere, quo remedium eidem in posterum adhibeatur.

Statutum igitur est, quòd Scholares cujuscunque conditionis ab usu omnium Vehiculorum, quibus invehi solent ipsi aurigantes, sive ea *Phaetons*, sive alio quocunque nomine dicta sint, prorsus abstineant. Quòd si quis secùs fecerit, pro prima vice viginti solidis, pro secunda quadraginta solidis, Universitati mulctetur; pro tertia vero vice, libro nigro, sive Registro Procuratorum, inferatur nomen ejus; & ab omni gradu per annum integrum repellatur. Si quis autem quarta vice hac in parte deliquerit, ab Universitate expellatur.

Insuper Oppidani, qui contra formam hujus statuti, istiusmodi vehicula Scholaribus elocasse deprehensi fuerint, pro prima vice quadraginta solidos, pro secunda centum solidos, Universitati numerent. Si tertio autem deliquerint, per duos menses, si quarto, per totum annum, commercium cum Scholaribus iis interdicator.

§. 7. *De Nocturna Vagatione reprimenda.*

Statutum est, quòd omnes Scholares cujuscunque conditionis, quos occasione quâcunque extra Collegia sua vel Aulas Vesperis agere contigerit, ante horam nonam (quæ pulsatione magnæ Campanæ Collegii Ædis Christi denunciari

ciari solet) ad Collegia & Aulas proprias se recipiant; & quòd statim a pulsatione ejusdem magnæ Campanæ, singulorum Collegiorum & Aularum Portæ occludantur & obserentur. Quibus occlusis, explorabunt nonnunquam Ædium Præfecti, perlustratis singulorum cubiculis (ex præscripto *S. Regis Jacobi*) utrùm e suis aliqui extra Collegium vel Aulam suam pernotent seu vagentur. Quòdque, si quis postea extra Collegium proprium vel Aulam, in Domo quacunque vel Platea, vel alibi intra Præcinctum Universitatis repertus fuerit (nisi causam rationabilem ostenderit, per Vice-Cancellarium & Procuratores approbandum) si non Graduatus fuerit, pro arbitrio Vice-Cancellarii vel Procuratorum puniatur, vel castigetur pœnâ Corporali, si per ætatem congruat; alioqui Quadraginta Solidis mulctetur: Si vero Graduatus, quinquaginta Solidis mulctetur: Quas mulctas a quibuscunque deprehensis exigere, & ipsarum semissem in Fiscum Universitatis redigere tenentur Procuratores fide suâ datâ Universitati. Et, nisi fuerit Magister Artium vel Baccalaureus Juris, a Procuratore, qualiscunque verò conditionis, a Vice-Cancellario (si propter contumaciam, suspicionem fugæ, vel alia de causa mereri videbitur) incarceretur, & ut perturbator Pacis habeatur. Si verò alius quis deprehendatur, sive Persona Privilegiata, sive non, consimiliter puniatur.

§. 8. *De Ludis Prohibitis.*

STatutum est, quòd Scholares, cujuscunque conditionis, abstineant ab omni lusus genere, in quo de pecunia concertatur; veluti a lusu

lusu Talorum, Alearum, & Chartarum Pictarum, nec non a lusu Globorum, in privatis Oppidanorum areis hortisque; nec hujusmodi publicis lufibus, per *Statuta Regni* prohibitis, intersint: Quòdque nemo intra Universitatem hujusmodi Ludis se exercentes excipiat: Sub Pœna castigationis corporalis non Graduatis (quibus per ætatem congruit;) aliis vero, & Graduatis, 6s & 8d (præter restitutionem ejus quod lusu illicito lucrati sunt,) singulis, qui in his deliquerint, irrogandâ; & 20s iis, qui hujusmodi lusus exercentes exceperint; & sub pœna Incarcerationis, donec de hujusmodi ludentibus ulterius non excipiendis, cautionem interposuerint. Et in his omnibus, toties quoties.

Item, quòd abstineant ab omni genere lusûs vel exercitii, ex quo aliis periculum, injuria, vel incommodum creatur; veluti a Venatione ferarum (ut damarum, leporum, & cuniculorum) cum Canibus cujuscunque generis, Viveris, Retibus, aut plagis; nec non ab omni apparatu & gestatione Bombardarum, & Arcubalistarum; sive etiam accipitrum usu ad aucupium: Sub Pœna castigationis corporalis non Graduatis (quibus per ætatem congruit;) aliis verò, & Graduatis, sex solidorum & octo denariorum, sic delinquentibus, toties quoties imponendâ, præter suspendium Canum, & forisfacturam sive amissionem Retium, Bombardarum, Arcubalistarum, & hujusmodi instrumentorum, quæ in usum Universitatis venundentur.

Item quòd, intra Universitatem Oxon. aut ejus præcinctum, absque speciali venia Vice-Cancellarii, nec Funambuli nec Histriones (qui quæstus causâ in Scenam prodeunt) nec Gladiatorum certamina sive spectacula permittantur

tur; nec Academici aut Scholares eisdem interfint. Histriones vero, Funambuli, & Gladiatores contravenientes incarcerationentur. Et Scholares (si qui ad hujusmodi spectacula confluentes deprehensi fuerint) non Graduati, arbitrio Vice-Cancellarii, vel Procuratorum puniantur vel castigentur: Graduati autem, sex solidos & octo denarios Universitatis fisco singuli pendant, toties quoties.

Item, quòd Scholares cujuscunque conditionis, (præsertim vero Graduati) ludum pilæ pedalis, intra Universitatem ejusve præinctum, (maximè vero in publicis Urbis Vicis & Plateis) sive soli inter se, sive cum Oppidanis intermixti, omnino non exerceant; nec rudibus inter se, aut cum Oppidanis, batuant (vulgò *Cudgell-play*;) unde periculossimæ contentiones sæpe numero exardescunt; aut hujusmodi ludorum spectatores se præbeant. Quòd si aut ipsi lusisse, aut vanis hujusmodi ludis (ut spectatores) ultrò interfuisse convicti fuerint; Juniores quidem non Graduati, & infra Annos octodecim, palam castigentur corporaliter; Graduati autem, vel octodecim Annis majores, ut Perturbatores Pacis, puniantur ad arbitrium Vice-Cancellarii vel Procuratorum, Clerici denique & Sacris Ordinibus initiati (si qui tales in prædictis deliquerint) ab Universitate expellantur.

§. 9 De famosis Libellis cohibendis.

SI quis aliquid scripto composuerit, unde alicujus existimatio & fama lædi possit; vel aliquid ejusmodi ab alio compositum exscripserit; aut a se lectum, vel ab alio recitante auditum, ad Vice-Cancellarium protinus haud detulerit; vel quoquo

quo modo in vulgus ſparſerit aut diſſeminaverit, tanquam Pacis Perturbator banniatuꝛ.

§. 10. *De Contumeliis Compeſcendis.*

STatutum eſt, quòd ſi quis verbis contumelioſis quenkum impetiverit, vel, ſi quis in Concione, Oratione, Fabulâ, vel alio quocunqꝛe modo, quicquam Publicè protulerit vel ediderit, in quo Doctõis cujuſqꝛe, Magiſtri, vel honeſtæ conditionis Studioſi exiſtimatio & fama lædi poſſit; vel perſona deriſui ſeu ludibrio exponi; tanquam Pacis Univerſitatis Perturbator coram Vice-Cancellario conveniatur; & exemplar Concionis, Orationis, ſive Fabulæ exhibere, vel (ſi nullum habere ſe exemplar præ ſe ferat) virtute Juramenti ad objecta reſpondere teneatur. Et, ſi judicio Vice-Cancellarii convictus ſuper horum aliquo fuerit, pro qualitate delicti (quæ ex circumſtantiis & perſonis, tum proferentibus, tum in quas convitia prolata ſunt, cenſenda eſt) Incarceratione, vel Recantatione publicâ, vel Bannitione (pro arbitrio Vice-Cancellarii) præter ſatisfactionem Parti læsæ exhibendam, puniatur.

§. 11. *De vi & injuria prohibenda.*

STatutum eſt, quòd ſi quis Studioſus, aut alius cujuſcunqꝛe conditionis, alteri de damno corporali inferendo minatus fuerit; vel alium ad pugnam provocaverit; aut capite vel humeris impulerit quempiam, ſeu arietaverit, aut veſtimenta alterius laceraverit, diſciderit, aut quoquo modo corruperit; mulctetur Univerſitati

quatuor solidis : Si quis cubito, palmâ, pugno, vel pede percusserit, quinque solidis :

Si quis baculo, lapide, clavi, vel confimili, aliquem percusserit, vel fenestras alicujus fregerit, 6s 8d. Incarceretur insuper, & repellatur a Gradu per duos Terminos ad minimum. Si quis alium ad pugnam (in qua vitæ discrimen adeatur) laceffiverit, vel laceffitus acceptaverit vel cultellum, pugionem, gladium, aut aliquod aliud genus teli, aut distrinxerit, aut intentaverit cum minis (aut ita, ut conjicere liceat animo lædendi factum) 20s, suspensione a Gradu (si quem ambiat) per integrum Annum ad minimum ; & incarceratione, quamdiu Vice-Cancellario videbitur.

Si quis Cultello, Pugione, vel aliquo alio telo seu instrumento aliquem percusserit, unde leve vulnus, & modica effusio sanguinis sequatur, pœnas proximè præcedentes incurrat, & insuper veniam genibus flexis petat in Domo Convocationis.

Si quis verò Cultello, Pugione, Gladio, vel aliquo alio telo, seu instrumento, aliquem ita fauciverit, ut inde proveniat debilitatio (diu aut perpetuò duratura) ex copiosa sanguinis effusione ; aut mutilatio totius Membri vel Articuli alicujus, unde ipse Articulus vel usus ejus deperditur : aut periculum vitæ (etiãsi mors non sequatur,) banniatuŕ ; Et similiter, si quis armatos congreget, aut pro impedimento Justitiæ, aut ad damnum aliquod, sive corporale sive non, alicui inferat : Eadem esto pœna, si quis (sciens volensque) in Templo aut Cœmeterio, quemquam pugno, volâ, aut calce percusserit, vel capite, humero, cubitove quemquam impulerit, seu arietaverit.

Insuper,

Insuper, in his omnibus poenæ Gradibus, Pars peccans satisfacere Parti læsæ teneatur (pro ratione damni illati) arbitrio Vice-Cancellarii: & præterea, si per ætatem & Gradum liceat, puniatur corporaliter, publicè in Domo Congregationis.

§. 12. *De Armis non gestandis.*

STatutum est, quod nullus Studiosus, aut alius, intra Universitatis ambitum, sive offensiva sive defensiva Arma (veluti Gladios, Pugiones, Pugiunculos (vulgò *Stillettoes*) Sicas, Arcus, & Sagittas, Bombardas) vel tela aut instrumenta bellica, de die vel de nocte gestet, nisi cum ad loca remota proficisci, vel a remotis reverti eum contigerit; exceptis, qui honestæ recreationis causâ, arcus cum sagittis portaverint. Et si quis secus fecerit (etsi nulli insultum fecerit) tanquam Pacis perturbatæ suspectus incarceretur, donec itidem de Pace conservanda fide-jusserit; & præter amissionem Armorum (quæ a Vice-Cancellario vel Procuratoribus, ut forisfacta, capiantur) duobus solidis Universitati mulctetur.

Quòd si alteri insultum vel injuriam fecerit, puniatur ut supra §. præcedente.

§. 13. *De Conventiculis illicitis reprimendis.*

STatutum est, quòd nullus cujuscunque Gradus, sive Statûs, Conventicula illicita intra Universitatis præcinctum instituat, aut iis quovismodo intersit, aut in Domo vel hospitio suo haberi permittat. Qualia censenda sunt, in quibus, contra Pacem publicam, Doctrinam vel Disciplinam Ecclesiæ, vel Regimen & Tranquillitatem Universitatis quicquam deliberatum vel gestum fuerit;

fuerit : vel, in quibus homines (secùs quàm Statutis Regni, Canonibus Ecclesiæ, vel Ordinationibus Universitatis permittitur) vel palam, vel occultè conveniunt.

Insuper, ne quis confœderationes sive conspirationes ineat, unde Cancellarius, Procuratores, seu alii Ministri Universitatis in executione Officiorum suorum secundùm Statuta & Ordinationes ejusdem, impediri vel perturbari possint. Neve quis hujusmodi conventicula ineuntes (sibi notos aut probabiliter suspectos) celet ; quin ipsos Vice-Cancellario protinus denunciet & revelet ; sub pœna expulsionis, & forisfacturæ sive amissionis omnium bonorum juxta Chartam Regis *Richardi* secundi.

§. 14. *De Auctoribus & Fautoribus Dissensionis puniendis.*

STatutum est, quòd nullus Studiosus, cujusunque conditionis, Pacem vel Concordiam impediat ; aut (si qua inter aliquos dissensio exorta fuerit, occasione Nationis, aut Patriæ, aut Facultatis, aut quacunque alia de causa) eam foveat vel accendat ; aut alteri Partium opem aut consilium præbeat. Cujus criminis qui suspectus fuerit, ut Perturbator Pacis conveniatur, & si convictus fuerit, eisdem pœnis, quibus Pacis Perturbatores, subjiciatur.

§. 15. *De Oppugnatoribus & Violatoribus publicæ Auctoritatis, & Manutinentibus coercendis.*

STatutum est, quòd nullus Studiosus, aut alius, cuivis causæ ad alium pertinenti se immisceat coram Vice-Cancellario vel Procuratoribus, nisi fuerit

fuerit alterius partis in Judicium vocatæ Tutor, Procurator, Advocatus, Assignatus, Testis necessarius, Creditor, Fide-jussor, Sponsor, Executor, Judex, Impar, aut Arbitrator in quacunque causa electus, vel aliàs, ex honesta aliqua causa, conjuncta persona.

Nec in causa propria vel aliena, contra Vice-Cancellarium, vel Procuratores, eorumve Deputatos, verba injuriosa vel opprobriosa proferat, aut quicquam, quod eosdem in executione Officiorum suorum quoquo modo (in judicio aut extra) impediat, aut inquietet, agat, aut conetur.

Quorum criminum qui rei fuerint (sive per convictionem, sive evidentiam facti) ut Pacis Perturbatores tractentur: Et qui se alienis causis & negotiis immiscet, 13s & 4d. qui autem verba contumeliosa (in judicio vel extra) protulisse vel publicos Officiarios præfatos in executione Officiorum suorum impedivisse convictus fuerit, 40 solidos Universitati solvere teneatur; incarceretur insuper, & veniam flexis genibus in Domo Convocationis petat: ac demum a Gradu (si quem ambiat) per integrum annum repellatur. Quod si Privilegiatus fuerit aut Oppidanus, pro arbitrio Vice-Cancellarii & quantitate delicti (ad tempus) Privilegio, aut Commercio cum Privilegiatis, ei interdicatur.

Si quis vero eò audaciæ proruperit ut in Cancellarium, seu Vice-Cancellarium, Procuratores, vel eorum Deputatos, sive Locum tenentes manus violentas injecerit, vel injicere tentaverit, vel minatus fuerit, eo ipso Universitatis finibus perpetuò expellatur, si Studiosus fuerit; alias Privilegio vel Commercio cum Privilegiatis respectivè ipsi interdicitur.

§. 16. *De reprimendis sumptibus non Academicis.*

QUO meliùs studiis vacare possint, uti par est, Juniores Academici ; & luxus atque fastus ab his sedibus repellantur ; & porro sumptus non Academici imminuantur, atque etiam, si fieri possit, reprimantur ; Statutum est,

Primum ; quod nulli Academico, priusquam Gradum Baccalaurei in Artibus adeptus sit, vel, si Studiosus in Jure Civili, quatuor annos a Matriculatione sua compleverit, liceat Equum aut Servum alere aut retinere, seu proprium, sive alienum, aut conductitium, nisi ex Petitione sub Chirographo Parentis vel Guardiani, (si quis sit, si non, ex sui ipsius petitione,) Tutori suo Præfectorque Collegii vel Aulæ, in qua degit, significanda, &, propter rationabilem causam, ab iisdem approbanda. Neque vero liceat Baccalaureo in Artibus, vel Studio in Jure Civili qui prædictum tempus compleverit, nisi propter rationabilem causam a Præfecto Collegii vel Aulæ, in qua degit, approbandam.

Quorum approbatio a prædicto Collegii vel Aulæ Præfecto ad Vice-Cancellarium illico deferatur, &, ab eo, in Registro inferatur.

Si quis vero in præmissis deliquisse, coram Vice-Cancellario vel Procuratoribus deprehensus fuerit; pro prima vice amoveatur ab Academia per tres menses, pro secunda per sex menses, pro tertia per integrum annum.

Oppidanus insuper, si contra vim et formam hujus Statuti, cujusvis Scholaris, cui venia modo prædicto non antea concessa fuerit, Equum aluisse, vel

vel consilio, dolo, aliove quocunque modo quò minus præsens Statutum ratum fiat, operam dedisse deprehensus fuerit: pro prima vice commercium cum Scholaribus per unum mensem, pro secunda per sex menses, pro tertia in perpetuum, ei interdicitur; nec non Privilegium, si fuerit Privilegiatus.

Et, quo melius hæc vim atque effectum habeant, tenentur singuli Collegiorum & Aularum Præfecti, ut a suis observentur Scholaribus, diligenter curare; et si qui contra hæc deliquerint, eorum nomina ad Vice-Cancellarium deferre, ut rite puniantur.

Secundo; quod nulli Academico, priusquam Gradum Magistri in Artibus aut Baccalaurei in Jure Civili susceperit, liceat Canem vel Canes cujuscunque generis alere vel habere, sub quovis prætextu.

Porro, cum pestis hujusce seculi, amor nimirum immodicus & exitiabilis ludorum in quibus pro pecuniâ concertatur, ipsam quoque nonnulla ex parte Academiam invaserit, unde, effusis Juvenum animis incursus Equorum & Gallorum pugnacium duella, maculam excipiat nomen atque existimatio Universitatis: Statutum est,

Quod in posterum nullus Academiæ alumnus aut principalem aut consortem in cursu Equorum se adhibeat, vel ipse equitando, vel pecuniam collatitiam ad eam rem subscribendo, aut alio quocunque modo: neque Gallorum pugnacium duellis (barbaris certe & homine liberali atque ingenuo plane indignis) adsit, aut ullo modo se immisceat; sub pœna amotionis ab Academiâ pro prima vice per tres menses: pro secunda, per sex menses; pro tertia vero, in perpetuum.

De Concionibus.

§. 1. *De Concionibus ante Meridiem, diebus Dominicis intra Terminum, habendis.*

STatutum est, quòd quolibet die Dominico intra Terminum, ante Meridiem, Concio Anglicè habeatur per Collegiorum Præfectos, per Decanum & Præbendarios Ædis Christi, per duos Theologiæ Professores, & per Hebraicæ Linguæ Professore; ita ut singuli, per se, vel per idoneos substitutos, ordine sequenti concionentur, viz.

Ecclesiæ Christi.

Coll. Magdal.

Coll. Nov.

Ecclesiæ Christi.

Coll. Omnium Anim.

Coll. Merton.

Ecclesiæ Christi.

Coll. Ænei-Nas.

Coll. Oriel.

Ecclesiæ Christi.

Coll. Wadham.

Coll. Lincoln.

Ecclesiæ Christi.

Coll. Univers.

Coll. Exon.

Ecclesiæ Christi.

Coll. Corp. Christi.

Coll. Reginae.

Ecclesiæ Christi.

Coll. S. Jo. Bapt.

Coll. Trinit.

Ecclesiæ Christi.

Coll. Balliol.

Coll. Jesu.

Ecclesiæ Christi.

Coll. Pemb.

Reg. Profess. Theol.

Ecclesiæ Christi.

Margaretæ Profess.

Profess. Ling. Hebr.

Insuper placuit Universitati, quòd, hæ Conciones in Ecclesia B. Mariæ Virginis habeantur: præterquam quòd, quoties Decano vel, Præbendario Ædis Christi concionandum est, iis, aut etiam aliis ipsorum vices suppleantibus, nec non solennes Conciones habentibus in Natali Domini, in die Passionis Dominicæ, & in festo Ascensionis Domini, in Ecclesia Cathedrali Ædis Christi concionari sit permissum. Si quis secùs fecerit, poenam conciones omittentium incurrat.

§. 2.

§. 2. *De Concionibus habendis ante Meridiem, diebus Dominicis extra Terminum, & diebus Festis ante Meridiem, ac Dominicis post Meridiem per totum Annum.*

STatutum est, quòd extra terminum, in quolibet die Dominico ante Meridiem (præterquam in Dominica Paschatis, quando in singulis Collegiis conciones ante Sacram Synaxin sunt habendæ) & in quolibet die Dominico post Meridiem per totum annum (excepto tempore Quadragesimali, & Dominicâ Paschatis) & in quolibet die Festo per totum annum, in Ecclesia B. Mariæ Virginis, Concio vernaculo Sermone habeatur, quam seriatim peragere tenebuntur, per se, vel substitutos suos (ejusdem etiam conditionis, quam præsens Statutum exigit) S. Theologiæ Doctores & S. Theologiæ Baccalaurei: Juris Civilis Doctores & Baccalaurei, ac Artium Magistri (sive in Theologia, sive in Jure Civili Studentes) quotquot Presbyteri vel Diaconi fuerint; Magistri, non ante quatuor annos ab Inceptione sua; Baccalaurei autem Juris, post sex annos completos a suscepto gradu: ita ut, cum ad simpliciter Juniorem Theologum deventum fuerit, ad Sacræ Theologiæ Doctores concionandi vices denuo revertantur.

Provisto, quòd Vice-Cancellarius & Procuratores pro tempore existentes, ab his vicibus seriatim obeundis excusentur.

§. 3. *De Concionibus Quadragesimalibus
ad Ecclesiam Divi Petri in Oriente.*

STatutum est, quòd prout antiquitus fieri consuevit, in quolibet Die Dominico durante Quadragesima, nec non in Dominica Paschatis post Meridiem, ad Ecclesiam Divi Petri in Oriente, solennis Concio Linguâ vernaculâ habeatur; ad quas quidem Conciones habendas, viros idoneos nominandi ac designandi potestas, penes Dominum Vice-Cancellarium sit: ita tamen, ut eorum ratio imprimis habeatur, qui per Statuta Collegiorum suorum, aliquem ex istis Concionibus in propriis personis habere adstringentur. Quòdque quemlibet ita Concionaturum, Præfectus, reliquusque Collegii, Aulæve Coetus, habitu Gradui competente induti, a Collegio vel Aula ad Ecclesiam deducant.

Et postremò, quòd nomina hujusmodi Concionatorum, quos privata Collegiorum suorum Statuta ad has Conciones adstringunt, Academiæ Registro inferantur, prout antiquitus obtinuit.

§. 4. *De Concionibus quibusdam extraordinariis
ad Ecclesiam B. Mariæ.*

STatutum est, quòd (præter illas Conciones quæ in diebus Dominicis & Festis a Collegiorum Præfectis, Doctoribus & Baccalaureis, S. Theologiæ, & Magistris Artium, & Baccalaureis Juris, ut præfertur, seriatim præstandæ sunt,) aliæ quoque extra ordinem, certis & statis temporibus in Ecclesia Beatæ Virginis Mariæ habeantur. Nimirum, in Festo Inaugurationis Regiæ, & quinto Novembris pro communi liberatione
totius

totius Reip. a Proditione Sulphurea. Quas Conciones præmissis publicis Supplicationibus & sacrâ Synaxi subsequente, aliquis ad id muneris a Vice-Cancellario assignatus, habebit. Nec non in duabus Feriis Dominicam Paschatis proximè sequentibus, duæ Conciones ante Meridiem linguâ vernaculâ habendæ sunt, per aliquos ad id muneris a Vice-Cancellario specialiter deputatos. Item in die Dominico Comitiorum, cùm ante, tùm post Meridiem, & in die Martis proximè post Comititia; & in utroque Conventu Comitatus, qui Afisæ vocantur, ad quas aliqui per Vice-Cancellarium specialiter sunt designandi. Provisio semper, quoad eum quem ad Concionem Latinam die Martis post Comititia habendam a Vice-Cancellario designari contigerit (si Theologiæ Baccalaureus non fuerit, & tempus ad illum gradum per Statuta requisitum compleverit,) quòd ante habitam Concionem ad Gradum Baccalaurei in Sacra Theologia, citra ullam dispensationem eo nomine petendam admitti ipsum licebit. Et in initio cuiusque Terminii, ac in die Cineris in capite Jejunii, coram Baccalaureis Determinaturis, Caputia (obverso Rhenone, seu pelle agninâ) gestantibus, & pro more in Scamnis Magistrorum sedentibus, Concio Latina habeatur, quam seriatim obire tenentur S. Theologiæ Professores, & alii in Theologia Graduati, sacris Ordinibus initiati; aut vice illorum alii, (eiusdem conditionis, quam Statutum requirit) per Vice-Cancellarium approbandi.

§. 5. *De Concionibus Anniversariis habendis extra Templum Beatæ Mariæ.*

CUM Collegiorum quorundam Statuta, & cum Benefactoribus conventiones, requirant, ut in quibusdam Collegiis, Conciones pub-

licè coram Universitate habeantur; Statutum est, quòd prout fieri consuevit, in Collegiis hìc nominatis, statis quibusdam diebus Conciones publicæ habeantur.

Nimirum, in Ecclesia Cathedrali Ædis Christi; in Natali Domini, in die Passionis Dominicæ, & in Festo Ascensionis Dominicæ.

In Collegio Beatæ Mariæ Magdalenæ; in Festo S. Marci Evangelistæ, & in Festo S. Joannis Baptistæ.

In Collegio Novo; in Festo Annunciationis Beatæ Mariæ Virginis, & in Dominica Trinitatis.

In Collegio Mertonensi; in Festo Sanctorum Philippi & Jacobi, & in Dominica prima mensis Augusti.

In Ecclesia S. Petri in Oriente; in Festo Sanctorum Simonis & Judæ, per aliquem e Collegio Universitatis.

§. 6. *De Concionatoribus approbandis.*

STatutum est, quòd in Ecclesia Beatæ Virginis Mariæ aut alibi coram Universitate, vel intra præcinctum ejusdem, nemo Concionari præsumat, nisi qui saltem Magister in Artibus ante quatuor annos, aut Baccalaureus Juris ante sex annos fuerit, sacris insuper Ordinibus initiatus; quique judicio Vice-Cancellarii aliquando approbatus, sub Chirographo ipsius id ipsum testatum habeat.

Si quis secùs fecerit, mulctetur toties quoties viginti solidis.

§. 7. *De præmonendis Concionaturis, & pœnâ eorum qui deficiunt.*

STatutum est, quòd Concionaturi Anglicè, ante sex Septimanas ; Latinè vero, ante tres Menses præmoneantur, per Bedellum superiorem S. Theologiæ, si in Universitate præsentés fuerint : sin minus, Scheda, tempus, quo quis Concionaturus sit, indicans, penes Præfectum Ædis, ejusve Deputatum relinquatur. Ad has autem Conciones seriatim habendas teneantur non solùm ii, qui actu in Universitate commorantur, verùm etiam quotquot nomina sua in promptuarii Libro Collegii cujusvis vel Aulæ inscripta habent. Quòd si præmonendum quempiam (sive absentem sive præsentem) ad tempus præstitutum non affuturum, vicibusque suis non functurum quovismodo resciverit Bedellus, id ipsum sub pœna ior teneatur Vice-Cancellario protinùs renunciare, qui, ne Concio tempore destinato habenda intercيدات, proximo debità præmonito, sub eadem pœna, Concionandi necessitatem imponet : Quod ut commodiùs fiat, Bedellus, aliquot dierum spatio ante tempus præmonendis Concionaturis assignatum, teneatur sub eadem pœna, conditionem cujusque proximè monendi explorare, utrum scilicet ad tempus præstitutum affuturus, partesve suas impleturus videatur.

Si quis, sic præmonitus defecerit, & nec per se nec per alium, Concionem habuerit, Quadraginta solidis Universitati mulctetur. Et insuper, alius per Vice-Cancellarium debità præmonitus, Concionem habere per se vel per alium teneatur, sub pœna dupli.

Quam pœnam similiter incurrat Bedellus prædictus, si quem culpâ illius, (prout oportuit, non præmonentis) deficere contingat.

§. 8. *De*

§. 8. *De Commemoratione publicorum Universitatis Benefactorum, præ Concionibus solennibus intra Universitatem habendis.*

STatutum est, quòd in Precatione ante Conciones Latinas cujusque Terminii initiales; item in Concionibus ante & post meridiem in Comitibus; etiam in Festivitate Inaugurationis Regiæ, & coram Judicibus sive Justitiariis Assisarum; per quemcunque Universitatis nostræ Oxon. concionaturum, expressa & grata fiat Commemoratio publicorum Universitatis Oxon. Benefactorum; scilicet, Illustrissimi Principis *Humfredi* Glocestriæ Ducis, *Johannis Kempe* Cantuariensis Archiepiscopi, *Thomæ Kempe* Londinensis Episcopi, *Margaretæ* Comitissæ Richmondiæ, *Henrici VII.* & *Elizabethæ* Uxoris ejus, *Richardi Lichfield* Archidiaconi Middlesexiæ, *Thomæ Woolsey* Cardinalis & Archiepiscopi Eboracensis, *Henrici Octavi*, *Mariæ* Reginæ, *Elizabethæ* Reginæ, *Jacobi* Regis, *Thomæ Bodleii* Militis, *Henrici Savillii* Militis, *Gulielmi Sidley* Militis, *Nicolai Kempe* Militis, *Thomæ White* S. Theologiæ Doctoris, *Gulielmi Cambden* Armigeri, *Richardi Tomlins* Armigeri, *Gulielmi Heather* Musicæ Doctoris, *Edvardi* Comititis de *Clarendon*, *Caroli I.* Regis & Martyris, *Gulielmi Laud* & *Gilberti Sheldon* Archiep. Cantuar. *Henrici* Comititis de *Danby*, *Henrici Birkhead* Armigeri, *Georgii I.* Regis, *Johannis Radcliffe* Medicinæ Doctoris, *Nathanielis* Baronis *Crewe* Episcopi Dunelmensis, *Richardi Rawlinson* Juris Civilis Doctoris, *Caroli Viner* Armigeri, *Georgii Henrici* Comititis de *Litchfield*, *Caroli Godwin* Sacræ Theologiæ Baccalaurei, & *Johannis Bampton* Artium Magistri.

§. 9. *De*

§. 9. *De Offensionis & Defensionis materiâ in
Concionibus evitandâ.*

STatutum est, quòd si quis pro Concione aliqua, intra Universitatem ejusve Præcinctum habitâ, quicquam Doctrinæ vel Disciplinæ Ecclesiæ Anglicanæ publicè receptæ dissonum aut contrarium; aut publicâ authoritatè, ad tempus vel aliter, prohibitum, protulerit, siue protulisse ab ipso Vice-Cancellario suspectus, vel ab alio aliquo rationabilem suspicionis causam afferente, delatus fuerit; Quòd postulanti Vice-Cancellario, siue ejus Deputato, Concionis suæ verum Exemplar, eisdem terminis conscriptum, virtute juramenti tradet; vel, si prætendat se Exemplar non habere, de iis, de quibus suspectus vel delatus fuit, directè virtute juramenti respondebit.

Deinde verò Vice-Cancellarius, siue ejus Deputatus, verbis sensuve eorum, quæ in quæstionem vocantur, in medium prolatis, & ritè perpensis, adhibito consilio sex aliorum S. Theologiæ Doctorum, (quorum unus sit S. Theologiæ Professor Regius, si Concioni interfuerit) si quem criminis objecti reum invenerit, eum pro arbitrio, vel a munere prædicandi intra præcinctum Universitatis suspendet; vel ad ea, quæ protulit, recantandum adiget. Sin verba ad seditionem aliquem in Universitate, vel Societate, siue Communitate aliquâ excitandam, Vice-Cancellario tendere videantur, ipse solus Vice-Cancellarius, adscito sibi uno aliquo S. Theologiæ Doctore, qui interfuit, Incarceratione, multâ Pecuniariâ, vel recognitione publicâ (prout ipsi videbitur) puniat: & prædictorum criminum suspectus, perturbatæ pacis reus habeatur.

§. 10. *De Officiis Divinis, seu Precibus solennibus
juxta Liturgiam Ecclesie Anglicanæ, &
Concionibus publicis frequentandis.*

STatutum est, quòd ad Officia Divina, five Preces solennes juxta Liturgiam Ecclesie Anglicanæ, & Conciones publicè coram Universitate habendas, omnes Doctores, Magistri, Graduati, & Scholares, diligenter accedant, & eisdem debita cum reverentia & attentione, quoad peractæ fuerint, a principio usque ad finem interfint.

Nec quisquam, dum ejusmodi Divina Officia, & Conciones coram Universitate habentur, ad aliam Ecclesiam, vel Ecclesias, divagari permittatur: sub pœna castigationis corporalis Junioribus, quibus per gradum & ætatem convenit; vel alias 3s & 4d infligendâ.

Ad Latinas autem Conciones pro initiis Terminorum, singuli Collegiorum & Aularum Præfecti, universo Studiosorum suorum cœtu, Habitu Scholastico & Gradui competente indutorum, concomitati accedant.

Quod idem, quotiescunque aliqui ex prædictis Præfectis, ante Meridiem in Dominica quâvis intra Terminum, Concionandum fuerit, præstari atque observari præcipimus.

TITULUS XVII.

De Officiariis Universitatis.

SECTIO V.

De Electione & Officio Magistrorum
Scholarum.

CUM Procuratoribus ipsis juxta antiquas Consuetudines Academiæ, competat Scholis ac disputationibus Artistarum præesse; ad eosdem quoque de Jure pertinet, statim a prima ipsorum ad Munus Procuratorium Admissionem, ex Magistris, quatuor annorum ad minimum, duos Scholarum Magistros, qui illorum in Scholis vices suppleant, nominare, & Scholarum curam eisdem pro illo Anno demandare.

Illorum igitur Munus est, primùm Disputationibus Augustinenfibus Seniorum Baccalaureorum, in Schola Naturalis Philosophiæ alternis vicibus, per Se, & non per alium (nisi de consensu Vice-Cancellarii & Procuratorum substituendum, in casu ægritudinis, aut extremæ alicujus necessitatis) in pleno Terminò, sub pœna decem Solidorum, Habitu Gradui competente indutos, præesse: Et, ut Baccalaurei Facultatis Artium, eò ad disputandum per Collectores (scilicet duos alios e numero Baccalaureorum, per Procuratores ad hoc Munus deputatos) præmoniti, vices suas in Disputando suppleant, curare; ac delinquentes hac in parte, ipsis Procuratoribus denunciare: Disputationes, atque ipsos Disputantes moderari, corripere, sententiam suam de Quæstione proposita declarare, ac demum concludere.

Item in Parvifiis, & Quadragesimalibus Bacca-
laureorum Determinantium Disputationibus, in
Scholis Artium interesse, ac intendere; Et ne
in aliquo, vel circa Quæstiones ipsas, vel Dispu-
tandi Formam, vel contra Bonos Mores aut Pa-
cem Universitatis, inter Disputandum peccetur,
quantum in ipsis est, providere. Speciatim verò,
quoad Parvifiis, cujuslibet Responsuri Quæstio-
nes examinare; id ipsum, & diem Respondendi
sub Chirographo suo testari; in defectu Respon-
dentium pro Forma Bedellis edicere, ut alios mo-
neant secundum Statuta pro Terminis Disputa-
turos; quo nomine, a singulis (præterquam pro
Terminis Respondentibus) sex denarios recipient.

Denique, in absentia Procuratorum, in omni-
bus Disputationibus Facultatis Artium, non so-
lùm quoad potestatem mutandi Quæstiones, sed
etiam quoad delinquentes puniendos, Procurato-
riam habent Potestatem.

SECTIO VI.

De Magistris Vicorum designandis, & eorum Officio.

PRæter internos Regentiæ suæ actus, quos Ma-
gistri necessariò Regentes intra Domum Con-
gregationis (ut præfertur) exercent, iidem etiam,
tanquam Annui Universitatis Officarii, alios ex-
ternos Regentiæ suæ actus, foris & extra Do-
mum Congregationis, exercere tenentur. Con-
suetudo enim est, quòd, incipiente Terminis Mi-
chaelis, Procuratores universum municipii Oxon.
& Suburbiorum ejusdem Circuitum, in quosdam
Vicos seu Plateas distributum, inter aliquot Re-
gentes partiantur, qui Magistri Vicorum nun-
cupantur.

cupantur. Quorum est, Pacem Domini Regis & Universitatis in eisdem Vicis (si qua tulerit occasio) custodire; Munditiæ Vicorum, & ne quid incommodi aut detrimenti, ex communibus nocumentis, sordibus, & fimis illic congestis oria-
tur, prospicere: eosque, quorum interest, hujus rei admonere; & negligentes sive non curantes, modis quibus poterint, ad remedium adhibendum cogere.

Juniores Scholares, in iisdem Vicis otiosè, & absque Habitu sibi competente, obambulantés, aut commorantes, aut immodestè se gerentes, aut debitam reverentiam Senioribus non exhibentes, corripere & increpare, eosque, ut ad Aulas & Collegia sua se recipiant, cogere.

Recusantes autem & inobedientes, tùm Vice-Cancellario & Procuratoribus denunciare, tùm a Gradibus Scholasticis impedire & prohibere, secundùm Statuta prius posita, & non aliter.

TITULUS XIX.

De Feodis ad Universitatem, Officiarios,
& Servientes pertinentibus.

QUoniam varia ac multiplicia Feoda, pro diversâ Personarum & Graduum conditione, multis nominibus exigenda veniunt; quæ omnibus nota & perspecta esse illorum interest, tùm quibus, tùm a quibus debentur (horum siquidem ignoratio, & Hos fraudi magis opportunos, & Illos iniquis suspicionibus magis obnoxios reddit) Statutum est, quòd *Feoda* ad Universitatem, Officiarios, & Servientes quosunque spectantia, severè ac diligenter examinata, & in *Tabulas Pensiles* redacta, in Apodyterio Domui Congregationis vicino, palam omnibus

198 *De Bonis & Locis publ. Univers.* Tit. XX.
omnibus spectanda & legenda proponantur; Nec
ultra Feoda illic præstituta, quisquam a quovis,
Feodi nomine, quicquam exigere præsumat, sub
pœna pro arbitrio Cancellarii irrogandâ. Sed nec
Feoda sibi debita quisquam per se, & immediatè
a quovis recipiat, sed Bedellorum operâ & mini-
sterio in colligendis Foedis sibi debitis utatur.

Illud ante omnia cavendum districtè præci-
pimus, ne Foeda expressa in *Tabulis Archetypis*
(sigillo Honoratissimi Cancellarii *Gulielmi Archi-*
episcopi Cantuar. signatis, & unâ cum Authentico
Statutorum exemplari in Chartarum ac Mu-
nimentorum Abaco repositis) quovis prætextu
aut colore posthac augeantur seu amplificen-
tur; Neve quis de amplificandis Feodis hisce
aut eorum quocunque, supplicationem ullam in
Domo Convocationis proponere præsumat, sub
pœna *Bannitionis* ipso facto incurrendæ, nisi
prius Cancellarius Præfectorum arbitrio rem per-
miserit, iique in Conventu ipsorum ordinario,
Supplicationis æquitate rite pensatâ, dignam
censuerint quæ ad Venerabilem *Domum Convo-*
cationis referatur.

TITULUS XX.

De Bonis & Locis publicis Universitatis.

§. 6. *De Platearum Regimine.*

QUoniam indecorum juxta & insalubre
est, Plateas aut Angiportus intra præ-
cinctum Universitatis, (illas præcipue,
quæ ad Loca publica ducunt, & vulgò pedibus
hominum

hominum teruntur) neglectas jacere, fimo ac for-
dibus oppletas; alibi, omnino non stratas; alibi,
extrito & comminuto pavimento salebrofas; Sta-
tutum est, quò deinceps, singuli præ foribus suis
pavimentum lapidibus sterni, & complanari cu-
rabunt. Si quis autem a Vice-Cancellario mo-
nitus, intra tempus præstitutum, sternendum non
curaverit, pœna esto pro arbitrio Vice-Cancella-
rii: quòd si in contumacia sua perstiterit, si Pri-
vilegiatus, Privilegio, Si Oppidanus, Commercio
cum Privilegiatis ipsi interdicator.

Item quòd nemo sordes, retrimenta, vel ru-
dera, imbris tempore in Plateam projiciat, plu-
viæ beneficio pro Fimigerulo usus; sub pœna
20s, legitime super hoc convicto, toties quoties,
per Vice-Cancellarium infligendâ.

Item quòd nemo præ foribus suis fimetum aut
sterquilinium congerat; sed intra domesticos pa-
rietes contineat quicquid sordium aut fimi ege-
rendum habet, quoad Fimigerulus (vulgo *Scavenger* dictus) cum plauastro fimum omnem avec-
turus accesserit, sub mulcta 3s 4d, toties quo-
ties, irrogandâ.

Quem in finem Statutum est, quòd Universitas
ad hoc Fimigeruli munus, semper honestæ con-
ditionis aliquem sub Sigillo suo deputatum ha-
beat, qui juxta conditiones, & pacta conventa
inter ipsum & Universitatem, hoc munus sedulò
exequetur, & pactam mercedem, pro rata cu-
jusque Domûs, recipiet.

Quòd si quis pro rata ad hunc usum contribuere
recusaverit, præter mulctam arbitrio Vice-Can-
cellarii irrogandam; si Privilegiatus fuerit, Pri-
vilegio; si Oppidanus, Commercio cum Privile-
giatis ipsi interdicator.

Insuper

Insuper ne tempore Hiberno, cum illunes fuerint noctes, cæci in tenebris palpare necesse habeant, quos Urbem vesperi obambulare cogunt aliquando negotia: Statutum est, quòd deinceps, singulis Annis, a Festo Omnium Sanctorum usque ad Festum Purificationis B. Virginis, ab hora sexta vespertina usque ad nonam, lucernæ præforibus singulorum Collegiorum ac Aularum, nec non privatarum Ædium suspendentur, sub pœna 1s, omittentibus, toties quoties, per Vice-Cancellarium infligendâ.

TITULUS. XXI.

De Judiciis.

§. 1. De Jurisdictione Universitatis tuendâ.

CUM non solùm juxta Privilegia a Serenissimis Regibus Inclyti hujus Regni, & Prælati (Studioforum tranquillitati gratiosè consulentibus) concessa & indulta; verùm etiam secundùm diuturnam Consuetudinem, quæ memoriâ Hominum excedit, potestas cognoscendi ac terminandi omnes Causas, Scholares aliasque Personas Privilegiatas quoquo modo concernentes (exceptis Causis Liberi Tenementi, Mahemii, Feloniæ & Proditionis,) ad Cancellarii Universitatis Jurisdictionem spectet & pertineat: Statutum est, quòd nullus Scholaris vel Persona Privilegiata, de quacunque Causa in Universitate terminabili, quempiam in Curia aliqua extra Universitatem (nisi ordine Appellationis servato) conveniat. Nec cujusquam alterius Curiae Jurisdictioni ultro se submittat; sed alibi impeditus, Cancellarium vel Vice-Cancellarium quam-

quamprimùm poterit, de Lite sibi intentata certiore faciat; & modis quibus poterit, Privilegiorum Universitatis hac in parte conservacionem sollicitè curet; sub pœna, quòd, si quis Scholaris vel Persona Privilegiata secùs fecerit, ut Perturbator Pacis incarceretur & mulctetur; &, si in contumacia perstiterit, Privilegiis Universitatis exuatur. Persona vero non Privilegiata, vel Oppidanus, qui Scholari vel Personæ Privilegiatæ extra Universitatem, in hujusmodi Causis litem intentaverit, commercio cum Scholaribus & Personis Privilegiatis interdicto, donec satisfecerit, coerceatur: Extraneus vero, tanquam Jurisdictionis Universitatis contemptor, si apprehendi poterit, incarceretur. Cancellarius etiam, & Vice-Cancellarius, omnesque alii, pro sua cujusque authoritate ac potestate, quo minus in hac parte Universitatis Privilegia violentur, se, virtute Juramenti Universitati præstiti, teneri & obligari noverint.

§. 2. *De Curia Commissarii sive Vice-Cancellarii Universitatis.*

PRO expediendis majoris momenti Causis in Universitate controversis, Statutum est, quòd semel in qualibet Septimana Terminorum temporibus, & Vacationum etiam (quandiu Vice-Cancellario expedire videbitur) die scilicet Veneris post meridiem, in Boreali Sacello Ecclesiæ B. Virg. Mariæ, aut alio Loco per Universitatem assignando, Curia habeatur. Cui præsit Commissarius sive Vice-Cancellarius Universitatis, ejusve Deputatus; assidentibus sibi duobus (cum ipsis videbitur) qui pro tempore fuerint, Universitatis Procuratoribus.

Coram quibus; Procuratores ad Lites, quietè & modestè, ea omnia edant, proferant & exhibeant, quæ ad Causas directè facere videbuntur: Edita verò, prolata & exhibita, Curix Registrarius ex mandato Judicis, vel ad requisitionem Partis fideliter describat, in Acta redigat, & custodiat.

Singulis item Curiis intersit Bedellus inferior Facultatis Juris, aut alius ab eo substitutus, qui Mandatarii & Præconis Officio fungatur, & alia, quæ Vice-Cancellarius vel ejus Deputatus imperabit, exequatur.

In qua Curia, Vice-Cancellarius ejusve Deputatus secundùm Jura, Privilegia & Consuetudines ipsius Universitatis procedat, decernatque quæ ad Causas ordinandas & terminandas conducent. Quin & (si quid tumultuosè, protervè, vel indebitè a Procuratoribus Causarum, vel aliis Curix Officiariis actum vel gestum fuerit) mulctâ pecuniariâ corrigendi, incarcerandi, suspendendi ab Officio, aut etiam Officio Procurationis privandi, & amovendi potestatem habeat.

§. 3. De Assessore, sive Deputato Vice-Cancellarii.

QUO melius in Curia Universitatis ordo procedendi observetur, & cum minori molestia Vice-Cancellarii (qui pluribus occupationibus distinetur) negotia Forensia expediantur; Statutum est, quòd Vice-Cancellarius aliquem e Doctoribus vel Baccalaureis Juris (quem magis idoneum, judicio suo, existimaverit) assumere possit, qui in audiendis Causis ipsi affideat; &, cum Vice-Cancellarium abesse contigerit, ejus in Judicio vices sustineat.

Qui, tempore Admissionis suæ ad hujusmodi Officium, corporale Juramentum præstet, “ quòd
“ Statuta,

“ Statuta, Privilegia, Libertates ac Consuetudines
 “ Universitatis observabit, & quantum in se fue-
 “ rit, ab aliis observari procurabit. Insuper, “ quòd
 “ sine acceptione Personarum, secundum Jura,
 “ Statuta, Privilegia, Libertates & Consuetudines
 “ ipsius Universitatis, Causas sine ulla mora aut di-
 “ latione audiet, decidet, ac terminabit.”

§. 4. *De Registrario Curiae Vice-Cancellarii.*

STatutum est, quòd is, qui Officium Registrarii in Curia Universitatis sustinebit, sit Notarius publicus, Artium Magister, vel Baccalaureus Juris, & in ejusdem Praxi exercitatus; Judicio & Autoritate Cancellarii, sub Literis ipsius Patentibus, ad id Muneris deputandus; qui etiam in sua Admissione Juramentum præstet,

1. “ De Statutis, Consuetudinibus, Libertati-
 “ bus, & Privilegiis Universitatis observandis.”

2. “ Nec non de bene & fideliter iis omnibus
 “ exequendis, quæ ad Officium Registrarii per-
 “ tinebunt.”

3. “ Et de secretis Universitatis celandis.”

Ipsius vero Munus est, Vice-Cancellario sive ejus Deputato, in Causis, tam publicè quam privatim audiendis, adesse: Coram eo Acta Registro inscribere & Actorum Libros, seu Registra, publica Universitatis negotia concernentia, quotquot in ipsius manibus fuerint, sub fideli custodia conservare; datâ scilicet Cautione 100l, pro quolibet Registro, per Obligationem reponendam in Abaco; ubi Registra vetera in tuto reponenda esse, nec inde promenda sine obligatione 100l, pro unoquoque Volumine, præsentì Statuto cautum esto.

Denique, Registro peculiari (penes Vice-Cancellarium perpetuò adservando) nomina ipsorum,

qui coram Domino Vice-Cancellario majorum Criminum rei peracti sunt, secundum seriem Alphabeti inferere, unà cum Crimine, Condemnatione, Cautione, & quotâ vice sic deliquerint. Quod quidem Registrum, ubi ad umbilicum perductum fuerit, in Abaco reponendum erit, & aliud ipsi succenturiandum.

§. 5. *De Procuratoribus ad Lites.*

AD Officium Procuratorum in Curiiis Universitatis admittendi sunt, non nisi Artium Magistri, aut Juris Baccalaurei, in Praxi Juris exercitati, & arbitrio ac autoritate Vice-Cancellarii comprobati. Qui etiam, in suâ ad prædictum officium admissione, Juramentum præstent, (1) De Statutis omnibus, Privilegiis, Libertatibus, & Consuetudinibus istius Universitatis observandis; (2) Nec non super officio Procuratorum Curiae Cancellarii diligenter & fideliter exequendo: (3) Et quòd Causas quas susceperunt, secundum Ordinationes & Consuetudines Universitatis tractabunt, & expedient; (4) Nec cuiquam Consilium, Favorem, aut Auxilium dabunt ex quo Jurisdic-tio Universitatis aliquid detrimenti capiat.

§. 6. *De Contumaciâ coercendâ.*

STatutum est, quòd si quis alicui in Curia Cancellarii Litem intentare velit, primum, Partem cui Litem intentat, per Bedellum Curiae inservientem, ad comparandum in Judicio certo die monendum curet; Et, si quæsitus a Bedello conveniri non poterit, (factâ fide quòd sic quæsitus conveniri non potuerit) Citatio *viis & modis* decernatur, Cubiculi foribus in Collegio vel Aulâ ubi moratur, vel Domûs, in qua habitat, Ostio affigenda: Et si personaliter monitus, vel post

post affixionem Citationis *viis & modis* (factâ itidem fide) definito tempore non compareat, Contumax, & in Pœnam Contumaciæ (h. e. Incarcerationem vel Excommunicationem) incidisse pronuntietur: Et, si in Contumacia per tres menses perstiterit, Scholaris aut Persona Privilegiata banniat; Oppidanus verò commercio interdictus declaretur, quamdiu in contumacia perstiterit: Ita ut, cum Juri paruerit, absque alio præjudicio restituatur. Quod intelligi volumus duntaxat de Bannitione & interdicto commercii, ob Contumaciam adversus Curiam, non ob aliam Causam quamcunque. Quod si extraneus fuerit, in Universitate moram non facturus, vel quispiam alius de fuga suspectus, licebit, ex decreto Judicis, quocunque tempore, per Arrestationem Corporis, vel Distractionem Bonorum, (si quæ intra Universitatis præcinctum habuerit) in Jus pertrahere.

§. 7. *Cum Reus comparuerit in
Judicio quid agendum.*

DIE Juridico, Reo comparente, Actor, sive is qui eum in Jus vocavit, (nisi id antea apud Registrarium fecerit) statim in Curia stipuletur, & de Lite prosequendâ, expensisque solvendis, casu quo in Causa succubuerit, Fidejussorem interponat: Reus item de Re judicatâ, & expensis solvendis stipuletur, & fide jubeat: uterque etiam Procuratorem sibi constituat: In quibus, si Actor defecerit, Reus cum expensis dimittatur: Si Reus, donec præstiterit, incarcerationetur. Fidejussoribus verò interpositis, & Procuratoribus constitutis, partes Juramentum utrinque suscipiant, quod, super Libellis, Exceptionibus

nibus, aliisque materiis hinc inde proponendis, cum examinati fuerint, omnem quam sciverint vel crediderint veritatem, quatenus ad id de jure adstringuntur, proferent.

§. 8. *De modo procedendi in Causis levioribus, & in Causis quæ Pecuniâ æstimandæ non sunt.*

IN Causis levioribus, (quales habendæ sunt quæ summam 20s non excedunt, aut in quibus de injuriis agitur, quæ Satisfactione pecuniariâ æstimandæ non sunt; Utpote, cum nec Corpus nec Existimatio læditur, & vel recognitio injuriæ, vel reclamatio verborum sufficiat) licebit Vice-Cancellario, vel ejus Deputato, sine aliquâ Solennitate, aut longiore dilatione procedere; & intra tres dies Juridicos, vel tres alios communes, prout sibi visum fuerit, negotium terminare. In quorum primo, Pars Actrix per se, vel per Procuratorem suum, Actionem vel Querelam, vivâ voce, vel in scriptis, breviter proponet; & Pars rea per se, vel cum Procuratoris Consilio, respondebit; &, si quam defensionis materiam habeat, statim proferet. In secundo, Actor Testes producet: in tertio, Reus defensionis probationes faciet, & Judex, negotio finem imponens sententiam feret, quæ per Registrarium in scripta redigetur.

§. 9. *De modo procedendi in Causis gravioribus.*

STatutum est, quòd in Causis pecuniariis, quæ 20s summam excedunt, & in quibus agitur de Injuriis (ex quibus damnum aliquod inferitur, aut inferri poterit, satisfactione pecuniariâ resarciendum) modo solenniori, summariò tamen, pro-

procedatur. Ita ut, primo die Juridico quo Reus comparet, Actor Libellum edere; in proximo, Reus Libello respondere, & materiam exceptivam, sive defensivam proponere teneatur. In tertio, Actor Materiæ Exceptivæ sive Defensivæ responsionem interponat: Deinde tres dies juridici sequentes statuantur, in quibus Instrumenta exhibeantur, Testes producantur, & examinentur; & cujusque generis Probationes, quæ antea factæ non sunt, in medium adducantur. Quibus elapsis, publicentur Testes & Causa concludatur; quâ conclusâ, non ultra biduum, Terminus pro Informatione Judicis assignetur.

§. 10. *De modo procedendi in Causis Criminalibus.*

IN Causis Criminalibus, & iis quæ ad Reformationem morum spectant, non solum publicè in Curia, sed etiam in privato Hospitio, aut alibi extra Curiam, Cancellarius sive Vice-Cancellarius, vel ad sectam Partis, vel ex Officio procedere poterit: Ita quod, si quis de delicto aliquo graviori conveniatur, (cui per Statuta multa Universitati applicanda irrogatur, vel Incarcerationis, Suspensionis, vel alterius majoris Coercitionis poena infligitur,) Registrarius, ejusve Deputatus adhibeatur; qui Crimen objectum, probationes, & Sententiam in Acta redigat.

§. 11. *De Incarceratione, Custodiæ Causâ.*

SI quis de perturbata Pace, vel gravi aliquo Crimine Vice-Cancellario delatus, vel suspectus, vel ab ipso deprehensus fuerit, Statutum est, quod Carceri custodiæ causâ committatur. Et, si Studiosus cujusunque Gradûs, vel Persona Privilegiata, aut etiam Oppidanus, (dummodo in causa cognitionem Cancellarii spectante,

tante, altera pars exstiterit,) jussus a Vice-Cancellario, vel ejusdem Mandato, a Bedello requisitus fuerit in Carcerem se conferre, statim obtemperare teneatur; vel si recusaverit, ab Universitate penitus expellatur. Quòd si Privilegiatus fuerit vel Oppidanus, Privilegio, aut Commercio cum Privilegiatis, respectivè, ipsi interdica-
tur. Proviso tamen, quòd, (si Fide-jussores idoneos, de comparando in Judicio, & usque ad Sententiam permanendo, interposuerit) a Carcere liberetur. Quòd si Fide-jussores dare non poterit, Vice-Cancellarius, vel is qui detulit, intra duos dies, crimen in Judicium deducat; & quamprimum fieri potest, examinato Negotio, de eodem secundum Juris exigentiam statuatur.

§. 12. *De iis qui Majorum Criminum Suspitione tenentur.*

SI quis vel publicâ Famâ, vel privatâ cujusquam fide digni informatione, de perturbata Pace, vel gravi aliquo Crimine, apud Cancellarium vel Vice-Cancellarium, aut etiam Procuratores delatus fuerit, nec ad convincendum & condemnandum probationes sufficiant; ejusmodi tamen sint, ut ex iis vehemens suspicio oriatur; potest Vice-Cancellarius Reo Purgationem indicare; &, si in ea defecerit, perinde ac de Convicto statuere: (cavebit tamen ne quempiam ad purgationis periculum admittat, quem in Perjurium ruiturum crediderit, aut quem fontem esse judicaverit.) Quòd si per modum purgationis procedere non libeat, Cautionem tamen fide-jussoriam sufficientem, de Pace conservanda, & quoad Crimina objecta honestè in posterum se gerendo, interponere, priusquam dimittat, coget & compellet.

§. 13. *De Reis, Majorum Criminum Convictis.*

SI quis perturbatæ Pacis, vel gravis alicujus Criminis Reus (etiam si intra privatum Collegium quodcunque vel Aulam perpetrati; si privata Statuta hujusmodi Crimini pœnam nullam ponant; aut Parti læsæ intra privatos parietes satisfieri non possit) per Probationes legitimas & sufficientes convictus fuerit, aut deprehensus in ipso facto, (Actu desuper, a Registrario, confecto) in pœnis juxta Juris & Statutorum exigentiam, condemnatur; & quoad satisfecerit, vel de satisfaciendo, & Pace conservandâ, & honestè se gerendo Cautionem sufficientem (scilicet Fide-jussoriam) interposuerit, incarceretur; ejusque nomen, crimen, condemnatio, & cautio, & quotâ vice sic deliquerit, in Registro Vice-Cancellarii ad hoc specialiter designato, registretur. Et, si quis quartò, in perturbatione Pacis, vel in eodem gravioris alicujus Criminis genere deliquisse convictus fuerit, in perpetuum ab Universitate expellatur.

§. 14. *De iis qui de se Justitiam fieri non permittunt.*

SI quis de Crimine aliquo accusatus vel suspectus, fugam fecerit; vel si quis in Plateis, vel Domibus, viso Vice-Cancellario vel Procuratoribus, ut culpæ conscius (scilicet galero vel ocreis indutus) in fugam se conjecerit; vel post Citationis Schedulam ostio Cameræ vel Domûs, in qua morari consuevit, affixam, die ac tempore

præstituto coram Vice-Cancellario ejusve Depu-
tato non comparuerit; vel comparens cum nu-
mero supra tres vel quatuor se steterit; vel de
se Justitiam fieri non permiserit (utpote, jussus
a Vice-Cancellario Carcerem adire recusaverit,
vel Incarceratus, priusquam legitimè solutus vel
liberatus sit, exierit) Bannitus statim denunciatur,
ejusque nomen in Registro Vice-Cancellarii re-
gistretur. Et si Clericus fuerit, qui ad locum ali-
quem extra Universitatem se receperit (nisi in-
tra mensem a tempore quo requisitus fuerit, se
submiserit) illius nomen, simul cum delicto, de
quo notatus vel convictus fuerit, *Diæcesano* Loci
in quo moratur, sub Sigillo communi Universi-
tatis transmittatur, ut contra ipsum per *Diæcesanum*
procedatur.

Quòd si quis, Mandato Vice-Cancellarii, per
Bedellorum aliquem arrestandus, Bedello, *War-
rantum* Vice-Cancellarii monstranti, vel manus
injicienti, protinus sese haud dediderit, in Car-
cerem, vel Custodiam alicubi compingendum;
quin potius fugâ se subducere, aut vi e manibus
Bedelli eluctari paraverit; ipso facto, si Persona
Privilegiata fuerit, Privilegiis Universitatis exua-
tur; sin Scholaris fuerit, Banniatur, & si Gra-
duatus fuerit, Gradu privetur.

§. 15. *De iis, qui Universitatis Juribus ac Privi-
legiis adversantur, Discommunicandis,
vel Disprivilegiandis.*

QUoniam Oppidani, Academicis plerumque
infesti & adversi, Privilegia Universitatis op-
pugnandi nullam non occasionem captant; quin
 &

& Privilegiati nonnunquam, publicam utilitatem privato commodo posthabentes, Privilegiis Universitatis adversantur : Statutum est, quòd, ad compescendam hujusmodi insolentiam sive vecordiam, si qui super hoc convicti fuerint, Privilegiatis, Privilegiis Universitatis ; Oppidanis verò, Commercio cum Privilegiatis, interdicatur.

§. 16. *De Perturbatoribus Pacis, sive iis quorum Appellationes recipiendæ non sunt.*

CUM, de Jure Communi, Appellationis beneficium quibusdam denegandum sit ; nonnunquam præ odio delictorum quæ commissa sunt ; nonnunquam ad compescendam eorum insolentiam, qui in mediis tumultibus (quando silent leges ; ac imperio utendum est, ubi Lege agi non potest) Juris obtentu se contra Legum ac Magistratum Authoritatem muniunt : Statutum est, quòd perturbatæ Pacis, sive quorundam Criminum inferius enumeratorum Reis (hoc est, vel probabiliter suspectis, vel convictis) omni prorsus appellandi potestate interdictum sit : cujusmodi sunt,

Primò, qui ad aliorum existimationem minuendam, Libellos famosos condiderunt, seu in vulgus sparserunt ; aut etiam recitando, vel transcribendo, publicarunt ; quive ab aliis recitados vel lectos audiverint, nec protinus ad Vice-Cancellarium Recitantis aut Legentis nomen detulerint ; Vel, qui, sive in Exercitiis publicis, sive in Scena publicè, ad alicujus contumeliam & infamiam quicquam protulerunt ; vel, qui de damno alicui inferendo minati sunt.

Secundò, qui aliis vim intulerunt, aut inferentibus opem præbuerunt ; scilicet impellendo, per-

cutiendo, verberando, vulnerando, aut simile aliquid committendo.

Tertiò, qui Arma, secùs quam Statutis Universitatis permiffum est, portaverunt; & qui de nocte vagati sunt, & qui Ebrietatis, Perjurii, Fornicationis, vel Adulterii, & his similia Crimina perpetrarunt, vel horum participes fuerunt.

Quartò, qui coram Domino Cancellario, ejusve Commissario, aut ipsius Deputato, legitimè moniti sive citati, comparere recusarunt; vel comparentes, cum multitudine accesserunt; vel in eundem verba opprobriosa conjecerunt: vel Carcerem adire jussi, non obtemperarunt, aut inde injussi se proripuerunt: vel, qui de se, aut aliis, Justitiam fieri non permiserunt, vel, post tres conformes sententias, non acquieverunt.

Quintò, qui privatim, Conventicula sive Conspirationes & Confoederationes, vel publicè turbas Hominum congregaverunt, vel eisdem ultro interfuerunt: Quive, pro Concionibus, quicquam ad seditionem aut factionem in Universitate, vel Collegio aliquo Aulæ, alendam, aut excitandam, vel, quod Doctrinæ, aut Disciplinæ Ecclesiæ Anglicanæ deroget aut dissentiat, diffeminaverunt; aut qui Exemplar Concionis, aut Orationis alicujus publice habitæ, a Cancellario vel ejus Commissario requisiti, exhibere recusaverunt, aut, Concionis Exemplar non habere se prætendentes, de iis, de quibus suspecti seu delati fuerint, virtute Juramenti directè respondere abnuerint.

Decretum est denique, quòd, qui Rei peraguntur horum Criminum, vel alicujus illorum, cui, Statuto aliquo jam edito, vel in posterum edendo, Appellationis remedium interdicitur, quòdve in aliquo Statuto inter Crimina perturbatæ Pacis nume-

numeratur ; Quive ab hominibus fide dignis delati, vel Judicio Domini Cancellarii, ejusdemve Commissarii, sive Vice-Cancellarii, aut Deputati sui, de iis probabiliter suspecti fuerint ; nec a Decreto aliquo Interlocutorio, prætextu gravaminis, nec a Sententia Definitiva, prætextu injustitiæ, appellare possint : Sed, quâcunque Appellatione non obstante, ejusdem Decreto sive Sententiæ obtemperare teneantur ; modò graviolem poenam, quàm quæ per Statuta irrogatur, (ubi aliqua irrogatur) alicui non imponat.

§. 17. *De Causis in quibus dubitatur, Utrum Appellatio admittenda sit, necne.*

SI contingat aliquem de delicto conveniri vel condemnari, de quo dubium sit, utrùm Perturbatio Pacis sit ; vel, utrùm sub aliqua Delictorum specie, in præcedenti Statuto contentorum, comprehendatur ; sive, utrùm hujusmodi Criminis Reus, ad Appellationem admittendus sit, necne ; Ordinatum est, quòd (hujusmodi occasione, Appellatione interpositâ) intra triduum, Vice-Cancellarius, duos Doctores qui Procuratoris Munus aliquando sustinuerunt, (si qui tales in Universitate existant) alioqui, duos quoscunque alios Doctores ; & Procuratores Anni instantis, duos alios ejusdem conditionis nominent, vel saltem duos Magistros, qui Procuratorum Munere functi sunt ; Qui, unà cum Juris Professore Regio, vel, (in ejus absentia) Seniore Graduato in eadem Facultate, qui tunc in Universitate præsens fuerit, intra Quatriduum a tempore nominationis (causæ naturâ summarie inspectâ) utrùm Appellatio illa admittenda sit, determinare teneantur. Quòdque, prout major pars eorum determinaverit,

terminaverit, Procuratores, vel in admittenda, vel in rejicienda Appellatione prædicta, procedant.

§. 18. *De Appellationibus admittendis in Causis Civilibus perturbationi Pacis annexis.*

ORdinatum est, si contingat aliquem appellationem debite interponere in Causa Civili, (veluti in Causa Damni sive Injuriarum) quæ connexa sit causæ Perturbationis Pacis, vel alteri cuicunque causæ criminali, in qua (ut præfertur) appellare non licet, quòd Appellatio hujusmodi, quoad causam sic connexam & conjunctam, locum habeat; præterquam cum Causa satisfactionis partis læsæ, ob injuriam aliquam illatam, cum causa Perturbationis Pacis, vel aliâ causâ in qua appellare non permittitur, complicata sit. Et proinde, quemadmodum in causis prioribus, a sententia Cancellarii sive ejus Commissarii aut locum Tenentis, sic & ab ipsa hujusmodi sententia, pro taxatione satisfactionis seu rationabilis emendæ parti læsæ applicandæ, omnino appellare non liceat.

§. 19. *Quo ordine appellandum sit.*

ORdinatum est, quòd in iis causis in quibus appellare permittitur, Appellatio gradatim, & absque saltu (ut loquuntur) fiat: i. e. primùm a Cancellario ejusve Commissario sive locum Tenente ad Congregationem Magistrorum Regentium; tum, a Congregatione Regentium ad Convocationem Doctorum, Magistrorum Regentium & non Regentium; & deinde, si tres conformes sententiæ non præcesserint, a Convocatione Doctorum, Magistrorum regentium & non regentium, ad Regiam Majestatem in Cancellaria,

ria, sub pœna Excommunicationis, Bannitionis, & Degradationis, ei qui secùs fecerit, infligendâ.

§. 20. *De Judicibus Delegatis in
Causis Appellationum.*

STatutum est, quòd Procuratores, in prima Congregatione post susceptum Officium, pro Congregatione Magistrorum Regentium septem Judices Delegatos nominent; Quorum, duo Sacræ Theologiæ, unus Juris, unus Medicinæ Doctor, & tres in Artibus Magistri (necessariò, vel ad placitum regentes) sint. Qui, ut statim Delegati, cum approbatione illius Domûs, Causas omnes Appellationum, a Cancellario, ejusve Vice-Cancellario sive locum Tenente, ad Domum Congregationis devolutas, audiendi ac terminandi, per totum annum insequentem, potestatem habeant. Ita tamen, ut prorogetur & continuetur Jurisdictio Delegatorum, quoad causas coram ipsis inceptas, donec sententiam tulerint, vel aliter finem imposuerint, & sententiam debitæ executioni mandaverint. Quòdque deinde, in proxima Convocatione, pro Domino Regentium & non Regentium novem alios Judices Delegatos itidem nominent: Quorum, duo Sacræ Theologiæ, duo Juris, duo Medicinæ Doctores, tres Magistri ad placitum regentes, sint: Qui similiter, ut statim Delegati, Anno insequente, Causas Appellationum, a Domino Congregationis ad Domum Convocationis delatas, audiant & determinent; prout supra concessum est Delegatis Congregationis, quoad Causas intra annum inceptas, anno insequente determinandas. Et, si quempiam eorum, qui sic nominati fuerint, deficere, vel diutinæ absentiæ

sententiæ causam habere, vel ex justa etiam causa recusari contigerit, Procuratores, vel eorum alter cum Domino Vice-Cancellario, alium ejusdem facultatis & Gradus (si talis in Universitate præsens fuerit, aliàs, quemlibet alium, prout ipsis videbitur) in ejusdem locum substituant. Ita tamen, ut liceat tribus quibuscunque ex iisdem utriusvis Domûs Delegatis, aliis rogatis & absentibus, quoad Citationes & Actus alios, usque ad sententiam procedere. Et quicquid, in quacunque causa, major Pars omnium Delegatorum utriusvis Domûs respectivè statuerit vel decreverit, ratum sit, & effectum debitum sortiatur. Proviso, quòd, priusquam quispiam vel pro Congregatione, vel pro Convocatione, Judicis Delegati Officium in se suscipiat, palam in Curia (altero Procuratorum, ejusve Substituto, exigente,) Juramentum præstet, quòd, sine Acceptione Personarum, secundùm Jura, Statuta, Privilegia, Libertates, & Consuetudines istius Universitatis, Causas coram ipsis ventilandas audiet ac decidet.

§. 21. *De Cautionibus ab appellantibus deponendis penes Procuratores Universitatis, priusquam Inhibitionem obtineant.*

Statutum est, quòd duo Procuratores, cum iis constiterit Appellationem, vel a sententia aut Curia Cancellarii ad venerabilem Domum Magistrorum Regentium, vel ab illa Domo ad venerabilem Domum Convocationis, Doctorum, Magistrorum Regentium & non Regentium, legitime interpositam esse, id est, secundùm Statuta, & intra quindecim dies a tempore gravaminis vel sententiæ (si intra triduum a tempore Appellationis interpositæ

interpositæ pars appellans petierit, & non aliter:) Judicem a quo, vel Judices a quibus, inhi-beant, sive ab illis appellatum esse significant; & ne ulterius in hujusmodi Causa procedant, moneant sive interdicant. Modò tamen, priusquam inhi-buerint, appellans coram iis, aut eorum altero, juraverit, quod non causâ frivolæ dilationis procurandæ, sed ex justa causa, quam se probaturum credit, appellaverit. Et Cautionem sufficientem (i. e. vicesimam partem Condemnationis principalis in priori instantia, in Appellatione a sententia definitiva, in Appellatione verò a sententia interlocutoriâ, summam 5s) deposuerit. Quòd si res aliqua in Judicium deducta fuerit, cujus Æstimatio non fit, aut certò fieri non poterit, istiusmodi rei æstimatio, ejusque Cautio, ad Arbitrium Procuratorum, vel alterutrius eorum (puta recipientis) referatur; Quæ quidem Cautio, ab altero Procuratorum prius petita, penes eundem, intra triduum proximè a tempore quo extitit appellatum, deponatur; aliàs Appellatio pro deserta habeatur. Juramentum autem & Cautionem prædictam Procuratores, virtute Juramenti Universitati præstiti petere ac recipere, receptamque Cautionem, casu, quo appellans obtineat, eidem restituere; & casu quo succumbat, in Computo generali Officii sui Procuratorii coram dicti Computi Auditoribus, unâ cum cæteris ad usum & utilitatem Universitatis receptis, hujusmodi Cautionis rationem reddere teneantur.

§. 22. *De modo procedendi in Causis Appellationum.*

STatutum est, quòd Judices Delegati, tam Vacationum, quàm Terminorum temporibus, (exceptis diebus festis) in Causis Appellationum procedere possint: Quòdque, postquam

a Procuratoribus, vel eorum altero, Appellationem ad eosdem interpositam significatum fuerit, Delegatorum munus in se suscipiant, & quolibet die Mercurii, inter horas 1^{am} & 2^{am}, (aut sæpius si visum fuerit) in loco designando conveniant; & sinè intermissione, usque ad sententiam ferendam, & executioni demandandam, constanter procedant. Quòdque, Appellationis Instrumento, loco Libelli, ab appellante, ejusve Procuratore, iis porrecto & oblato, diem competentem statuunt, intra quem appellans ipsam Actorum & Processus in Curia, a qua appellatur, Copiam transmittendam, vel saltem originalia per Registrarium adducenda, & partem adversam citandam, procurare possit. Quo die, (si, cessante impedimento legitimo, pars appellans deficiat) Causam Judici, a quo, remittant, (sin pars appellata,) Contumaciæ Censuris, donec comparuerit, coerceatur. Utrâque verò comparente, si ex eisdem Actis procedere voluerint, uno vel altero die, ea quæ consistunt in facto cognoscent; Et, si Res ita postulet, unum vel alterum diem pro Informationibus in Jure concedent. Et quamprimùm, habitâ inter se maturâ deliberatione, inter omnes, vel majorem eorum partem, convenerit, sententiam ferant. Si verò pars alterutra, vel utraque, de novo aliquid allegare, vel probare petierit, ita demum admittent, si pars petens prius fidem fecerit, se verum credere quod allegat, & probare intendit. Deinde, terminos expediendo negotio, quàm fieri potest brevissimos, statuent: Quibus elapsis quamprimùm fieri poterit, eodem modo de facto & de Jure cognoscent, & sententiam ferent.

Appendix Statutorum.

STATUTA BIBLIOTHECÆ

BODLEIANÆ,

Promulgata & confirmata in Domo Convocationis, *Anno Dom. 1610.*

§. 6. *De modo studendi. Nec non de Libris in Quarto & Octavo.*

Quemadmodum omnibus Bibliothecam frequentaturis liberum licitumque esse volumus, (si ad eum modum habiles fuerint, quem modò explicabimus) cuncta Volumina Pluteis per Catenulas illigata perlustrare, dum ea confibulare, adstrigmenta in nodum colligere, implexas eorum Catenulas extricare, suis quæque locis digesta (sic ut offenderant) reponere meminerint (si secus fecerint, ære negligentiam suam, pro arbitrio Vice-Cancellarii, luituri:)

Ita, minoris formæ Volumina in Quarto & Octavo, quæque in Clathris, & sub Custodia Bibliothecarii solius continentur, ne contrectatione nimia, & pervolutione corrumpantur (quando ob antiquitatem, raritatem, pretium, speciem, aut aliam denique præstantiorem ob notam, magni æstimanda fuerint) hæc lege visendi cupidis exhibeantur. In manus cuique & numero tradantur; coram evolvantur; ante discessum reddantur: Qui hanc Legem violaverit, in duplum cujusque Libri valorem (quem sic

retinuerit aut celaverit) condemnetur, &, si destinatâ animi improbitate id factum comprobe-
tur, e Bibliotheca in perpetuum ejiciatur. Por-
ro, quoad Manuscripta Volumina (quæ promi-
scuè singulis in Bibliothecam admittis sine discri-
mine utenda exponi, non potest periculo carere)
Statutum est, quòd (præter volumina dudum
Archivis inclusa, & MSS. Codices H. H. C. C.
*Guil. Comitis Pembrochiæ, & Gulielmi Archiepis-
copi Cantuariensis* peculiaribus Clathris conclu-
sos) reliqua etiam Volumina MSS. sparsim nunc
collocata, in unum colligantur, & sub Clathris
seu Cancellis conclusa teneantur, nec cuiquam,
qui non sit actu Membrum Universitatis, utenda
permittantur, nisi qui in Artibus Magistrum aut
saltem in Jure Civili Baccalaureum adduxerit,
sibi adstiturum vel assessurum quamdiu codice
quovis MS. utetur, quique de libro indemni, &
illæso redhibendo spondeat.

Anno Dom. 1613.

§. 3. Statuimus, quòd Artium Baccalaurei,
qui a die Præsentationis biennium integrum non
compleverint, non permittantur frui beneficio
publicæ Bibliothecæ, nisi ab Aulis & Collegiis
suis singuli venerint ad Bibliothecam, vestiti Ha-
bitu seu Capâ, Caputio, sive Cucullo, & Pileo;
Quæ non prius exuent, quam a Bibliotheca reversi
fuerint: si quis secùs facere præsumpserit, sciat
se privatum fore omni beneficio ejusdem Biblio-
thecæ, per spatium trium mensium proximè se-
quentium. Curabit autem diligenter Bibliothe-
carius, & (in absentia ejus) inferior Bibliothe-
carius, sub virtute Juramenti, ut hoc Statutum
(quantum in illis est) debitæ executioni demande-
tur. Proviso, quòd hoc Statutum non præjudi-
cabit

cabit ullo modo filiis Magnatum, & Procerum, aut Dominorum in Parlamento Suffragii jus habentium, aut inferiori Bibliothecario, qui libris distribuendis occupatus, commodè ita vestitus incedere non potest.

§. 4. Statuimus, ut Baccalaurei Artium, & omnes alii non Graduati, in posterum a Lectione Librorum Studiis suis minimè competentium abstineant; Quòd si quis deliquerit contra formam hujus Statuti, & admonitus per Bibliothecarium vel ejus deputatum non resipuerit, tradetur statim nomen ejus, per Custodem Bibliothecæ sive ejus Deputatum, Vice-Cancellario & Procuratoribus, ut debità poenà ab eisdem puniatur.

§. 5. Statuimus, ut non Graduati, Facultatis Artium Baccalaurei, & minoris denique ordinis Graduati omnes, senioribus debitum obsequium & reverentiam præstent (quamprimùm eos viderint ad Scamnum, sive Pluteum, in quo fuerint, accedentes) loco cedendo; vel aliter, Librum, quo prius usi fuerant, tradendo, si res ita tulerit: Quod si querela aliqua, eaque justa, contra aliquem pervenerit ad aures Pro-Cancellarii, sive Procuratorum, beneficium unius Terminii in Gratia sua deinceps proponendà pars delinquens amittet, aut aliter per Vice-Cancellarium punietur, & Registrarius Academicus delictum hoc in Registro suo fidelissimè annotabit.

§. 6. Quia multi, Statutum de non introducendis Extraneis, aut Injuratis, in Bibliothecam publicam studendi causà, penitus ignorantes, aut non satis attendentes, poenam incurrunt gravissimam; si quis in posterum deliquerit in hoc genere, sciat se incarcerandum, præter poenam pecuniariam arbitrio ac judicio Vice-Cancellarii delinquenti infligendam.

§. 7.

§. 7. Statutum est, quòd nullus, sub pœna trium solidorum & quatuor denariorum, legendo in aliquem Librum incumbat; Chartà sive libello aliquo chartaceo aut membranaceo proposito, super Librum aliquem scribat: nam hoc modo vel atramenti suffusione, vel foliorum replicatione, vel fordibus contractis, contaminabitur, in non modicum detrimentum Librorum tam insignium. Postremò curabit diligenter unusquisque Studiosus, ut Libri e manibus suis depositi, ac repositi in locum suum, utramque fasciam, sive fibulam, aut omnes (si plures fuerint) firmiter nectat atque colligat in nodum: delinquentes contra hoc Statutum solvent (toties quoties) duodecim denarios, nomine pœnæ.

§. 8. Statuimus insuper, si quis a Bibliothecario, vel ejus Deputato, aut aliquo Officiario Bibliothecæ, (interrogatus de nomine suo, & Collegio sive Aulâ) non responderit statim juxta rei veritatem; quòd ipso facto a Bibliotheca publica amovebitur, quousque per Congregationem Regentium, Gratiâ secundò propositâ & concessâ, idoneus censebitur.

§. 9. Statuimus, idque sub Pœna perjurii, si cui jurato probè constiterit, aliquem injuratum, aut non admissum juxta Statutorum exigentiam in Bibliotheca commorari studendi ergò; quòd statim revelet nomen ejus Bibliothecario aut ipsius Deputato, ut ab iisdem maturè prospiciatur, ne quid Bibliotheca detrimenti capiat,

Anno Dom. 1615.

§. 5. Pro Explanatione cujusdam Statuti controversi (quo cavetur, quòd Baccalaurei Artium, & omnes alii non Graduati, abstineant in posterum a lectione Librorum, studiis suis minimè com-

competentium;) Decretum est, quòd Baccalauri & non Graduati non vagabuntur de loco ad locum; sed in ea parte Bibliothecæ sedulò studiis suis incumbant, in qua libri Facultatis Artium (iique soli) continentur. Provisò semper, ne Exteris & Peregrinis, vel Juris aut Medicinæ Studiosis fraudi sit, quin Libris, Facultatis suæ respectivè frui liceat.

Anno Dom. 1621.

—Tertiò, quòd omnes & singuli Studiosi, admittendi ad studendum in Bibliotheca, teneantur emere Catalogum Librorum ejusdem Bibliothecæ, quodocunque eum denuò Typis vulgari, usus ac utilitas Studentium postulabit.

Catalogo verò pretium, in singulos Libros, statuent Vice-Cancellarius & Curatores.

An. Dom. 1769.

*Statutum novum de tempore aperiendi et claudendi
Bibliothecam Bodleianam.*

QUANDOQUIDEM tempus aperiendi & claudendi Bibliothecam in Statutis Bodleianis minus aptum & congruum fuerit, placuit Academiæ, cum consensu Curatorum Bibliothecæ Bodleianæ, tempus aperiendi et claudendi dictam Bibliothecam in posterum hoc modo præfinire. Scilicet ---

APERIATUR Bibliotheca a Festo Annunciationis ad Festum Divi Michaelis ab horâ octavâ matutinâ ad horam secundam postmeridianam, & a tertiâ ad quintam.

A Festo Divi Michaelis ad Festum Annunciationis ab horâ nonâ matutinâ ad tertiam postmeridianam.

Exceptis autem singulis Saturni Diebus, in quibus a Festo Annunciationis ad Festum Divi Mi-

chaelis ab horâ octavâ, matutinâ ad secundam postmeridianam : & a Festo Divi Michaelis ad Festum Annunciationis ab horâ nonâ ad secundam postmeridianam.

Diebus quatuor diem Passionis Domini præcedentibus, in quibus ab horâ decimâ matutinâ ad secundam postmeridianam.

CLAUDATUR vero Bibliotheca Festis & omnibus Vigiliis a Festo Annunciationis ad Festum Divi Michaelis horâ quartâ postmeridianâ :

Diebus omnibus dominicis, & Diebus quibuscunque vel Jejunii vel Festivitatibus publicâ auctoritate injunctis vel injungendis :

Vigiliis ante Nativitatem Domini, & deinceps usque ad Festum Circumcisionis inclusive :

Festo Epiphaniæ :

Die Passionis Domini : Vigiliis Paschatis & Feriis Pascha immediatè sequentibus :

Die Ascensionis, & Feriis Pentecosten immediatè sequentibus :

Diebus Encœniorum, Vesperiarum & Comitiorum Publicorum : Diebus Commemorationum publicarum, horis sive antemeridianis vel postmeridianis huic celebritati destinatis :

Octo Diebus Visitationem Bibliothecæ Bodleianæ immediatè præcedentibus.

Festis vero quibuscunque (de quibus supra non aliter ordinatum fuerit) statim post Conciones publicè coram Universitate habitas, Bibliothecam accedentibus pateat aditus.

Denique Statutum est, ut Proto-Bibliothecario propter Occupationem moramque in Bibliothecâ extraordinariam quadraginta Librarum summâ adjectâ annuum Stipendium augeatur, sibi suisque Vicariis, prout ipsi visum fuerit, cum relatione ad Curatores, & eorum Approbatione, si forte querelæ occasio hâc ex parte subministratur, distribuenda.

An. Dom. 1780.

*Statutum novum de necessitatibus Bibliothecæ
Bodleianæ subveniendis.*

AD Academiæ Decus nihil magis conducere, aut ad Utilitatem ejus proprius pertinere videtur, quam ut antiqua illa Bibliothecæ Bodleianæ Fama, jam olim omnigenæ suppellectilis literariæ Copiâ, Varietate, & Delectu insignita, novis perpetuò Incrementis sustentetur & augeatur. Cum verò tantâ rei nummariæ, huic usui destinatæ, inopiâ jam laboret Academia, ut Librorum, quos Recentiorum Ingenium, Eruditio, aut Industria plurimos per totum ferè literatum Orbem profudit, & quotidie profundit, vix unus & alter augusto huic Musarum Domicilio, publicis sumptibus, adscribi possit & adnumerari: unde verendum est, ne Bibliothecæ celebritas & Studentium simul opportunitates minuantur; quò duplici huic malo occurratur, & rei literariæ necessitatibus in hac parte melius in posterum subveniatur, Statutum est,

Primùm; Quod omnes Doctores cujuslibet Facultatis; omnes sacre Theologiæ, Medicinæ, vel Jurisprudentiæ Baccalaurei; omnes Artium Magistri, itidem & Baccalaurei; reliqui denique omnes, qui in Academiâ Quadriennium exegerint, aut qui ad Bibliothecæ usum speciali gratiâ prius admissi fuerint; summam quatuor Solidorum, ad usum Bibliothecæ Bodleianæ, annuatim persolvant, in Fiscum Academicum, sine fraude aut diminutione, inferendam.

Secundò; Quod singuli Scholares, cum in Matriculam Universitatis relati fuerint, pro sui quisque Patris statu & dignitate (Servientibus excep-

tis) aliam Nummorum summam, ei quam in præsens solvere tenentur parem, persolvant, in Fisco Academico, ad usum eundem Bibliothecæ Bodleianæ, reponendam.

Placuit item Academiæ, cum consensu Curatorum Bibliothecæ Bodleianæ, decernere, quod semel in unoquoque Termino, aut sæpius, si res tulerit, die & horâ a Vice-Cancellario pridie constituendâ, Curatores in Bibliothecâ, aut (si justâ de causâ ita expedire videbitur) in alio loco idoneo, convenient, de Libris emendis & disponendis consulturi; & quod Catalogum Librorum, quos intra annum proximè elapsam publicis sumptibus Bibliothecæ addiderint, quotannis, sub fine Terminî Stⁱ Michaelis, ad singulos Collegiorum & Aularum Præfectos, necnon ad cujuslibet Collegii sive Aulæ Bibliothecam, curent deferri; in quo Catalogo, Titulus quo quisque Liber insignitus fuerit, Pretio etiam affixo, describetur; necnon & Pecuniarum ab Academiâ, juxta hanc Ordinationem, acceptarum & expensarum ratio simul reddetur.

EPI N O M I S,

Seu explanatio Juramenti, quod de observandis Statutis Universitatis a singulis præstari solet: Quatenus, scilicet, seu quousque obligare jurantes censendum sit.

QUoniam aliis restrictior & morosior, aliis contra, laxior & discinctior est Conscientia; Illi, levissimos quosque lapsus suos calumniari nati sunt, & sese non sæpius immorigeros, quam perjuros esse arbitrantur; Hi, quoscunque Legum nexus, jurisjurandi Religionem, conscientiae laqueos, strophis suis eludere satagunt: & ipsi sibi Palpum obtrudunt: Non abs re fore visum est explicare, quatenus seu quousque jurisjurandi, de Statutis Universitatis observandis præstiti, Religione teneri seu obligari singulos censendum sit; in eoque tale temperamentum sequi, ne, vel durius interpretando, illis crucem figere; vel benignius, his fibulam laxare videamur.

Quâ in re, hoc imprimis attendendum est; verbis Statutorum, in quæ jurisjurando quis adigitur, sensum genuinum, ut & obligationi sive vinculo Juramenti modum ac mensuram, præstitui seu præscribi a mente & intentione, non præstantis, sed exigentis juramentum; scilicet ipsius Legislatoris. Neque enim si quis inter jurandum, verbis, in quæ jurejurando adigitur, sensum affingat alienum ab eo quem Legislatori propositum fuisse, ipsi juranti persuasum aliâsve verisimile est, (hoc est, hujusmodi sensum qui desidiæ vel socordiæ faveat, quive Disciplinae Aca-

demicae aut morum honestati repugnet) eo ipso *ἐν ὁποτέρῳ* illum, aut Statutis vel Jurisjurandi Religioni satisfacere putandum est: nedum jurisjurandi religione exolutum ut putet se quis, si ad jurandum animum afferat, non obligandi seipsum, sed in nudo verborum cortice sistendi: neque Poeticum illud *ἀντορκίας* remedium, seu veriùs colludium — Linguâ juravi, mentem injuratam gero — homini Christiano satisfacere aut potest aut debet, eo ipso a perjurii crimine excusatum reputare se ut debeat. Quoniam igitur mensura obligationis, seu vinculi Juramenti, ab intentione Legislatoris præcipuè pendet, operæ pretium utique fuerit, singulos mentem ac intentionem Legislatoris perspectam & exploratam habere; Qualis scilicet qualiumque Statutorum transgressio, juratos ad omnia Statuta promiscuè observanda perjurio involvat.

Intenditur igitur perjurio se obligare,

Primò, delinquentes contra Statuta sub pœna perjurii sancita, aut contra Statuta ad quæ speciatim observanda fide suâ datâ Universitati obstringuntur; ut in Juramentis assertoriis, affirmantes se aliquid per Statuta requisitum fecisse, quod non fecerint, vel scire credereve, quod non sciverint crediderintve.

Secundò, delinquentes contra Statuta quæcunque, nec submittentes se pœnis per Statuta infligendis, aut (ubi nullæ appositæ sunt) arbitrio Cancellarii vel Vice-Cancellarii irrogandis, ex potestate ipsis permissâ. Siquidem omnis vera lex, etiam citra ullius jurisjurandi religionem, (ac multò magis juramento firmata) resolvitur necessariò in aliquam conscientiae obligationem, ad actum præceptum aut
pro

prohibitum, vel simpliciter, vel sub disjunctiōe; ita scilicet, ut in Conscientia obligentur singuli aut hoc facere vel omittere, aut illud pati.

Tertiō, qui, non obstante incapacitate quācunque ex transgressiōe alicujus Statuti contractā, se nihilominus actibus ratione illius incapacitatis interdictis ingerunt. Duplex autem est hæc incapacitas: una, quæ dispensationis beneficio removeri potest; alia, cui tali remedio subveniri non potest, in materia scilicet indispensabili.

Quod vero hujusmodi incapacitatem ex aliquibus delictis contrahi intendunt Statuta, ex eo patet, quod Statuta passim supponant dispensationes quoad præterita; Dispensatio autem in actus præteritos minimè cadit seu operatur (quasi scilicet ipsos retrahere, aut factum infectum reddere valeret) sed pœnam in delinquentibus irrogatam, ipsam remittendo vel relaxando. Clausula enim illa in formula Juramenti, quo singulos præsentatos obstringit Senior Procurator (Nisi aliter tecum dispensatum fuerit) præter multas ordinarias secundum Statuta irrogatas, supponit, ratione delictorum contra illa Statuta, adhuc remanere aliquam obligationem ad pœnam, dispensationis beneficio dissolvendam; quæ quidem pœna non alia esse potest, quàm incapacitas Gradus capeffendi, ex hujusmodi delictis contracta.

Qui igitur, non obstante hujusmodi incapacitate, citra dispensationis beneficium Gradus capeffunt, perjuriam incurrunt, ac multò magis illi, qui incapacitatem contraxerunt, cui dispensationis remedio subveniri non potest.

Quoad alia vero delicta; si Statutorum pœnarumve contemptus, & crassa obstinataque negligentia abfuerit, delinquentes, si pœnis per Statuta sancitis, aliâfve arbitrariis se submisserint Jurisjurandi

randi Religionem temerasse minimè censendi sunt. Magistratibus denique, prout major eis debetur reverentia, quàm ut pœnis passim intentatis coerceri ipsos & in ordinem cogi par sit, ita major conscientiae obligatio incumbit; utpote qui non solum ea quæ sui muneris sunt fideliter administrare; verùm etiam, ut alii omnes suis officiis fungantur, sedulo curare tenentur. Neque tamen eos, ubicunque officiis suis defuerint, perjurii protinus se obligare intenditur. Verùm quoniam ipsorum fidei Statutorum custodia & tutela concredita est, si (quod absit) per negligentiam aut socordiam suam Statuta quæcunque inusu ac desuetudine exolescere, & tacitè quasi abrogari patiantur, ipsos etiam fidei violatæ ac perjurii teneri decernimus.

9	{ Coll. S. Trinitat.	1637.	1660.	1683.	1706.	1729.	1752.	1775.	1798.	1821.
	{ Coll. Oriense.									
10	{ Coll. S. Ma. Mag.	1638.	1661.	1684.	1707.	1730.	1753.	1776.	1799.	1822.
	{ Coll. Mert.									
11	{ Eccl. Christi.	1639.	1662.	1685.	1708.	1731.	1754.	1777.	1800.	1823.
	{ Coll. Ænei-nafi.									
12	{ Coll. Omn. Anim.	1640.	1663.	1686.	1709.	1732.	1755.	1778.	1801.	1824.
	{ Coll. Lincoln.									
13	{ Coll. Exoniense.	1641.	1664.	1687.	1710.	1733.	1756.	1779.	1802.	1825.
	{ Coll. Univerf.									
14	{ Coll. Novum.	1642.	1665.	1688.	1711.	1734.	1757.	1780.	1803.	1826.
	{ Coll. Wadh.									
15	{ Coll. S. Ma. Mag.	1643.	1666.	1689.	1712.	1735.	1758.	1781.	1804.	1827.
	{ Eccl. Christi.									
16	{ Coll. S. Joh. Bap.	1644.	1667.	1690.	1713.	1736.	1759.	1782.	1805.	1828.
	{ Coll. Mert.									
17	{ Coll. Cor. Christi.	1645.	1668.	1691.	1714.	1737.	1760.	1783.	1806.	1829.
	{ Coll. Balliolense.									
18	{ Coll. Ænei-nafi.	1646.	1669.	1692.	1715.	1738.	1761.	1784.	1807.	1830.
	{ Coll. Oriense.									

19	{ Eccl. Christi.	1647.	1670.	1693.	1716.	1739.	1762.	1785.	1808.	1831.
	{ Coll. S. Ma. Mag.									
20	{ Coll. Novum.	1648.	1671.	1694.	1717.	1740.	1763.	1786.	1809.	1832.
	{ Coll. Omn. Anim.									
21	{ Coll. Exoniense.	1649.	1672.	1695.	1718.	1741.	1764.	1787.	1810.	1833.
	{ Coll. Reginense.									
22	{ Coll. S. Trinitat.	1650.	1673.	1696.	1719.	1742.	1765.	1788.	1811.	1834.
	{ Coll. Wadhams.									
23	{ Coll. Jesu.	1651.	1674.	1697.	1720.	1743.	1766.	1789.	1812.	1835.
	{ Coll. Pemb.									

Quolibet anno Quarto teneatur Junior Procurator designare Seniore in Comitibus Magistrum ex Aula aliqua.

Quolibet anno quinto Senior Procurator similiter teneatur Magistrum ex Aularum aliqua Scholis præficere.

Inchoanda est hæc Computatio Anni quarti & quinti ab anno Domini Millesimo sexcentesimo vicesimo nono inclusive.

G g

STA-

STATUTA CAROLINA *De Cyclo
Procuratorio, Edita Auctoritate Serenissimi
Regis CAROLI Primi, confirmata in Do-
mo Convocationis, A. D. MDCXXVIII.*

Schedula, five Repertorium seriei & circuitûs prædicti Electionis Procuratorum in singulis Collegiis Academiæ Oxoniensis, manu propriâ Cancellarii, Vice-Cancellarii, & Collegii cujusque & Aulæ Præfecti consignata, in Archivis Universitatis (unâ cum aliis Munimentis) reponatur; habeantque singula Collegia Exemplar authenticum, unde vices suas certò possint dignoscere.

2. Neminem ad muneris Procuratorii Dignitatem admitti fas esto, priusquam quatuor Annos a suscepto Magisterii Gradu (hoc est, a die creationis suæ in Comitibus publicis) compleverit; vel postquam annum decimum exceßerit, ab eodem die terminando Decennium.

3. Nullus Gradu aliquo in Theologia, vel Jure, vel Medicina, insignitus, Procuratoris Munus obibit; nec (nisi Officio deposito) ad Gradum aliquem Procurator quivis eodem anno promoveatur.

4. Die Mercurii, post primam Dominicam in Quadragesima, in singulis Collegiis, secundum ordinem præscriptum, quotannis Procuratorum fiat electio.

5. Die Mercurii, Hebdomadem Paschatis proximè sequente, tempore pomeridiano, in Domo Convocationis, eorundem peragatur Admissio; quibus loco & tempore, Procuratores Anni superioris

ris Insignia Officii sui deponant, cum Oratiuncula (ut solet;) & deinde statim Novi in Domo Convocationis (secundum formam jam olim usitatam) per Vice-Cancellarium admittantur.

6. Procuratoribus verò, sic (ut præfertur) per Vice-Cancellarium adsumendis, Præfecti Collegiorum eligentium, unà cum cæteris eorundem Alumnis (singuli ornamentis gradui suo competentibus ornati) comitatum, ad Domum Convocationis eundo, exhibeant personalem; qui quidem Præfecti & Deputati, Procuratores respectivè suos (secundum ritum antiquum) admitte-ndos Vice-Cancellario præsentabunt: In senioris Procuratoris locum assumetur, qui in serie Magistrorum eisdem Comitibus creatorum, secundum dispositionem Procuratorum (ut moris est) ordine prior collocatur.

7. In Electione Procuratorum in Collegiis faciendâ, Doctoribus tantum & Magistris in Artibus actualiter creatis, ejusdem Collegii, suffragandi jus competat. Quod si privata cujusvis Collegii Statuta, aliam Electionis Domesticæ formam præfiniverint, cujus observationi Juramenti vinculo arctius adstringuntur, in hoc casu (nec aliàs unquam) ad evitandum perjurii periculum, præscriptam Electionis formam immutandi potestatem facimus.

Nullus Convictor, sive Commensalis, in hac Electione suffragandi privilegio gaudebit, qui non a primo ad Academiam adventu in Collegium, Procuratorem eâ vice nominaturum, admissus (non noviter ascitus) fuerit; in eoque educatus, Electionis hujus tempore ibidem residet & commoratur: Residentes vero interpretamur, omnes Collegiorum Socios, Scholares, Clericos, Capellanos, seu quocunque alio vocabulo

in Charta Foundationis ejusdem nominati, & dotati inveniuntur. Convictores non item; nisi per sex menses, in Anno Electionem hujusmodi immediate præcedente, in eodem personaliter resederint.

8. Procuratorem in unoquoque Collegio (pro ut Vices postulant) ritè & legitimè Electum discernimus, quem major pars omnium Suffragantium nominabit. Quòd si duo, pari uterque numero Suffragiorum, nominentur; ille pro electo habeatur, quem Præfectus vel (eo absente, seu Sede vacante) ejus vicem gerens nominabit. Sin plures nominentur, nec unus aliquis majorem partem omnium Suffragiorum retulerit, nec eodem die eam ob causam Electio absoluta fuerit, & ante horam nonam vespertinam Vice-Cancellario renunciata; Collegium istud Jus Præsentandi ista vice amittet, & ad Vice-Cancellarium spectabit nominatio; qui intra biduum aptam Personam, & secundum Conditiones superius assignatas habilem, ex Aularum aliquâ assumendam, in Procuratorem cooptabit.

9. Si nullus, in Collegio Procuratorem designaturo, habilis reperiatur, qui possit & velit istud Munus subire, tunc Collegii istius Præfectus, vel (eo absente, aut vacante Sede) ejus vicem gerens, Die Electionis constituto, alium (quem voluerit) habilem, in Aularum aliquâ degentem, nominabit; qui deinde in Procuratorem assumetur.

10. Si Procuratorum aliquem mori contigerit, vel quâvis de causâ ante Anni sui expirationem Officio suo cedere, Locum ejus supplebit alius, ejusdem Collegii, habilis & idoneus, per Præfectum, seu (eo absente, aut vacante Sede) ejus vicem gerentem, intra Septimanam post mortem vel cessionem, nominandus: Quòd si talis non
exli-

exstiterit, tunc Vice-Cancellarius aliquem habilem, in Aula quacunque commorantem, in Procuratorem substituet, ut supra.

11. Nemini Procuratoris absentis vices, ad quamcunque Muneris istius expeditionem, supplere licebit, qui tres annos a suscepto Magisterii Gradu non compleverit.

12. Ut etiam Aularum (quæ in Procuratorum nominatione nullas vices obtinent) ratio aliqua habeatur; Volumus, ut (quarto quolibet Anno) qui Procuratoris Junioris locum sortitur, primum opponentem in Comitibus, Inceptorem in Artibus, ejusdem Anni, Aulæ alicujus Alumnum designet. Procurator vero senior, quolibet quinquennio, Magistrum etiam in Aularum aliqua degentem, Scholis præficiat.

13. Si ambiguitas aliqua, vel dubium aliquod (præter prænominata) occurrat circa Electionem, modo præfinito, in Collegiis faciendam, (negligente inter partes discordiâ, scandalum exinde oriatur) per Vice-Cancellarium, Doctorem in Theologia seniore (modo sit Præfectus Collegii alicujus) Tempore Electionis Domi præsentem, & Præfectum Collegii in Electione tunc temporis interesse habentem, vel horum duos (quorum Collegii Præfectum unum esse volumus) controversia ejusmodi terminetur. Quod si Præfectus Collegii antedictus, tunc temporis Vice-Cancellarii Locum obtinuerit, tum in Theologia Doctores duos maximè seniores (sed Collegiorum, ut præfertur, Præfectos) sibi assumat, quibuscum causæ istius cognitionem habeat.

Atque hæc Statuta, singulasque eorundem particulas (nulli Dispensationi, quâvis de causâ, sub prætextu quovismodo obnoxia) perpetuò inviolata manere volumus.

A R T I C U L I,

De quibus convenit inter Archiepiscopos,
& Episcopos utriusque Provinciæ, &
Clerum Universum in Synodo *Londini*,
An. 1562. secundum computationem Ec-
clesiæ *Anglicanæ*, ad tollendam opinio-
num dissentionem, & consensum in vera
Religione firmandum, editi auctoritate
Serenissimæ Reginæ.

De fide in Sacro-sanctam Trinitatem.

I. **U**NUS est vivus, & verus Deus, æternus,
incorporeus, impartibilis, impassibilis,
immensæ potentiae, sapientiae ac boni-
tatis, Creator & Conservator omnium, tum visi-
bilium, tum invisibilium. Et in unitate hujus
divinae naturæ, tres sunt Personæ ejusdem essentiae,
potentiae, ac æternitatis, Pater, Filius, & Spiritus
Sanctus.

De Verbo, sive Filio Dei, qui verus homo factus est.

II. **F**ilius, qui est Verbum Patris, ab æterno a
Patre genitus, verus & æternus Deus ac
Patri consubstantialis, in utero beatæ Virginis,
ex illius substantia naturam humanam assumpsit:
ita ut duæ naturæ, divina & humana, integrè
atque perfectè in unitate personæ fuerint insepa-
rabiliter conjunctæ, ex quibus est unus Christus,
verus Deus, & verus homo, qui verè passus est,
cruci-

crucifixus, mortuus, & sepultus, ut Patrem nobis reconciliaret, essetque hostia, non tantum pro culpa Originis, verum etiam pro omnibus Actualibus hominum peccatis.

De Descensu Christi ad Inferos.

III. **Q**uemadmodum Christus pro nobis mortuus est, & sepultus; ita est etiam credendus ad inferos descendisse.

De Resurrectione Christi.

IV. **C**hristus verè a mortuis resurrexit, suumque corpus cum carne, ossibus, omnibusque ad integritatem humanæ naturæ pertinentibus, recepit; cum quibus in cælum ascendit, ibique residet, quoad extremo die ad judicandos homines reversurus sit.

De Spiritu sancto.

V. **S**piritus sanctus, a Patre & Filio procedens, ejusdem est cum Patre, & Filio essentiae, majestatis, & gloriæ, verus, ac æternus Deus.

De Divinis Scripturis, quòd sufficiant ad Salutem.

VI. **S**criptura sacra continet omnia, quæ ad salutem sunt necessaria, ita ut quicquid in ea nec legitur, neque inde probari potest, non sit a quoquam exigendum, ut tanquam Articulus fidei credatur, aut ad salutis necessitatem requiri putetur.

Sacræ Scripturæ nomine, eos Canonicos libros veteris, & novi Testamenti intelligimus, de quorum auctoritate, in Ecclesia nunquam dubitatum est.

*De nominibus, & numero librorum sacræ canonicæ
Scripturæ veteris Testamenti.*

Genesis.	Secundus liber Paralipomen.
Exodus.	Primus liber Esdræ.
Leviticus.	Secundus liber Esdræ.
Numeri.	Liber Hester.
Deuteron.	Liber Job.
Josuzæ.	Psalmi.
Judicum.	Proverbia.
Ruth.	Ecclesiastes, vel Concionator.
Prior liber Samuelis.	Cantica Solomonis.
Secundus liber Samuelis.	4. Prophetæ Majores.
Prior liber Regum.	12. Prophetæ Minores.
Secundus liber Regum.	
Prior liber Paralipom.	

*Alios autem libros (ut ait Hieronymus) legit quidem
Ecclesia, ad exempla vitæ, & formandos mores;
illos tamen ad dogmata confirmanda non adhibet:
ut sunt.*

Tertius liber Esdræ.	Canticum trium Puero- rum.
Quartus liber Esdræ.	Historia Susannæ.
Liber Tobizæ.	De Bel & Dracone.
Liber Judith.	Oratio Manassis.
Reliquum libri Hester.	Prior liber Maccab.
Liber Sapientiæ.	Secundus liber Macca- bæorum.
Liber Jesu filii Sirach.	
Baruch Propheta.	

*Novi Testamenti omnes libros (ut vulgò recepti sunt)
recipimus, & habemus pro Canonicis.*

De Veteri Testamento.

VII. **T**estamentum Vetus Novo contrarium non est, quandoquidem tam in Veteri, quàm in Novo, per Christum, qui unicus est mediator Dei & hominum, Deus & Homo, æterna vita humano generi est proposita. Quare malè sentiunt, qui Veteres tantum in promissiones temporarias sperasse confingunt. Quanquam lex a Deo data per Moſen (quoad Cereſonias & ritus) Chriſtianos non aſtringat, neque civilia ejus præcepta in aliqua republica neceſſariò recipi debeant, nihilominus tamen ab obedientia mandatorum (quæ moralia vocantur) nullus (quantumvis Chriſtianus) eſt ſolutus.

De tribus Symbolis.

VIII. **S**ymbola tria, Nicænum, Athanaſii, & quod vulgò Apoſtolorum appellatur, omninò recipienda ſunt, & credenda; nam firmiſſimis Scripturarum testimoniis probari poſſunt.

De Peccato Originali.

IX. **P**eccatum Originis non eſt (ut fabulantur Pelagiani) in imitatione Adami ſitum, ſed eſt vitium, & depravatio naturæ cujuſlibet hominis ex Adamo naturaliter propagati: quâ fit, ut ab originali juſtitia quàm longiſſimè diſtet; ad malum ſuâ naturâ propendeat; & caro ſemper adverſus ſpiritum concupiſcat; unde in unoquoque naſcentium, iram Dei atque damnationem meretur. Manet etiam in renatis hæc naturæ depravatio: Quâ fit, ut affectus, Græcè *φρόνημα σαρκός* (quod alii ſapientiam, alii ſenſum, alii affectum, alii ſtudium carnis interpretantur,) legi Dei non ſubjiciatur. Et quanquam renatis & credentibus,

nulla propter Christum est condemnatio, peccati tamen in sese rationem habere concupiscentiam, fatetur Apostolus.

De libero Arbitrio.

X. **E**A est hominis post lapsum Adæ conditio, ut sese naturalibus suis viribus, & bonis operibus, ad fidem & invocationem Dei convertere, ac præparare non possit. Quare absque gratia Dei (quæ per Christum est) nos præveniente, ut velimus; & cooperante, dum volumus, ad pietatis opera facienda, quæ Deo grata sunt, & accepta, nihil valemus.

De hominis Justificatione.

XI. **T**antum propter meritum Domini ac Servatoris nostri Jesu Christi, per fidem non propter opera, & merita nostra, iusti coram Deo reputamur. Quare solâ fide nos justificari, doctrina est saluberrima ac consolationis plenissima, ut in Homilia de Justificatione hominis, fusiùs explicatur.

De bonis Operibus.

XII. **B**ona opera, quæ sunt fructus fidei, & justificatos sequuntur, quanquam peccata nostra expiare, & divini iudicii severitatem ferre non possunt; Deo tamen grata sunt, & accepta in Christo, atque ex vera & viva fide necessariò profluunt, ut planè ex illis æquè fides viva cognosci possit, atque arbor ex fructu judicari.

De Operibus ante Justificationem.

XIII. **O**pera quæ fiunt ante gratiam Christi, & spiritus ejus afflatum, cum ex fide Jesu Christi non prodeant, minimè Deo grata sunt,

sunt, neque gratiam (ut multi vocant) de congruo merentur. Immo, cum non sunt facta ut Deus illa fieri voluit et præcepit, peccati rationem habere non dubitamus.

De Operibus Supererogationis.

XIV. **O**pera quæ supererogationis appellant, non possunt sine arrogantia & impietate prædicari. Nam illis declarant homines, non tantum se Deo reddere, quæ tenentur, sed plus in ejus gratiam facere quam deberent; cum aperte Christus dicat: Cum feceritis omnia quæcunque præcepta sunt vobis, dicite, servi inutiles sumus.

De Christo, qui solus est sine peccato.

XV. **C**hristus in nostræ naturæ veritate, per omnia similis factus est nobis, excepto peccato, a quo prorsus erat immunis, tum in carne, tum in spiritu. Venit ut agnus absque macula, qui mundi peccata per immolationem sui semel factam tolleretur; & peccatum (ut inquit Johannes) in eo non erat: sed nos reliqui, etiam baptizati, & in Christo regenerati, in multis tamen offendimus omnes. Et si dixerimus, quod peccatum non habemus, nos ipsos seducimus, & veritas in nobis non est.

De Peccato post Baptismum.

XVI. **N**ON omne peccatum mortale post Baptismum voluntariè perpetratum est peccatum in Spiritum Sanctum, & irremissibile: Proinde lapsis a Baptismo in peccata, locus poenitentiae non est negandus. Post acceptum

Spiritum Sanctum possumus a gratia data recedere, atque peccare, denuoque per gratiam Dei resurgere, ac resipiscere: ideoque illi damnandi sunt, qui se quamdiu hic vivant, amplius non posse peccare affirmant, aut verè resipiscentibus veniæ locum denegant.

De Prædestinatione, & Electione.

XVII. **P**Rædestinatio ad vitam, est æternum Dei propositum, quo ante jacta mundi fundamenta, suo consilio, nobis quidem occulto, constanter decrevit, eos, quos in Christo elegit ex hominum genere, a maledicto & exitio liberare, atque (ut vasa in honorem efficta) per Christum, ad æternam salutem adducere. Unde qui tam præclaro Dei beneficio sunt donati, illi Spiritu ejus, opportuno tempore operante, secundum propositum ejus vocantur; vocationi per gratiam parent; justificantur gratis; adoptantur in filios Dei; unigeniti ejus filii Jesu Christi imagini efficiuntur conformes; in bonis operibus sanctè ambulant; & demùm ex Dei misericordia pertingunt ad sempiternam felicitatem.

Quemadmodum prædestinationis & electionis nostræ in Christo pia consideratio, dulcis, suavis, & ineffabilis consolationis plena est verè piis, & his qui sentiunt in se vim Spiritûs Christi, facta carnis, & membra, quæ adhuc sunt super terram, mortificantem, animumque ad cœlestia & superna rapientem. Tùm quia fidem nostram de æterna salute consequenda per Christum plurimum stabilit atque confirmat, tum quia amorem nostrum in Deum vehementer accendit: Ita hominibus curiosis, carnalibus, & Spiritu Christi destitutis, ob oculos perpetuò versari prædestinationis Dei senten-

sententiam perniciosissimum est præcipitium, unde illos Diabolus protrudit, vel in desperationem, vel in æquè perniciosam impurissimæ vitæ securitatem. Deinde, promissiones divinas sic amplecti oportet, ut nobis in Sacris literis generaliter propositæ sunt; & Dei voluntas in nostris actionibus ea sequenda est, quam in verbo Dei habemus disertè revelatam.

*De speranda æterna salute tantum
in nomine Christi.*

XVIII. **S**unt & illi anathematizandi, qui dicere
sudent unumquemque in lege, aut
sectâ quam profitetur, esse servandum, modò juxta
illam & lumen naturæ accuratè vixerit: cum Sa-
cræ Literæ tantum Jesu Christi nomen prædicent,
in quo salvos fieri homines oporteat.

De Ecclesia.

XIX. **E**cclēsia Christi visibilis est cœtus fide-
lium, in quo verbum Dei purum præ-
dicatur, & Sacramenta, quoad ea quæ necessariò
exigantur, juxta Christi institutum rectè admini-
strantur. Sicut erravit Ecclesia Hierosolymitana,
Alexandrina, & Antiochena; ita & erravit Ec-
clesia Romana, non solum quoad agenda, &
ceremoniarum ritus, verum in his etiam quæ
credenda sunt.

De Ecclesiæ Auctoritate.

XX. **H**abet Ecclesia Ritus sive Ceremonias
statuendi jus, & in fidei controversiis
auctoritatem; quamvis Ecclesiæ non licet quic-
quam instituere, quod verbo Dei scripto adverse-
tur,

tur, nec unum Scripturæ locum sic exponere potest, ut alteri contradicat. Quare licet Ecclesia sit divinorum Librorum testis & conservatrix, attamen ut adversus eos nihil decernere, ita præter illos, nihil credendum de necessitate salutis debet obtrudere.

De Auctoritate Conciliorum Generalium.

XXI. **G**eneralia Concilia, sine jussu, & voluntate Principum congregari non possunt; & ubi convenerint, quia ex hominibus constant, qui non omnes Spiritu, & verbo Dei reguntur, & errare possunt, & interdum errarunt, etiam in his quæ ad Deum pertinent: ideoque quæ ab illis constituuntur, ut ad salutem necessaria, neque robur habent, neque auctoritatem, nisi ostendi possint e sacris Literis esse desumpta.

De Purgatorio.

XXII. **D**octrina Romanensium de Purgatorio, de Indulgentiis, de Veneratione, & Adoratione, tum Imaginum, tum Reliquiarum, nec non de Invocatione Sanctorum, res est inutilis, inaniter conficta, & nullis Scripturarum Testimoniis innitur: immo verbò Dei contradicit.

De Ministrando in Ecclesia.

XXIII. **N**ON licet cuiquam sumere sibi munus publicè prædicandi, aut ministrandi Sacramenta in Ecclesia, nisi prius fuerit ad hæc obeunda legitimè vocatus & missus. Atque illos legitimè vocatos & missos existimare debemus, qui per homines, quibus potestas vocandi ministros, atque mittendi in vineam Domini,

mini, publicè concessa est in Ecclesia, cooptati fuerint, & adsciti in hoc opus.

*De loquendo, in Ecclesia, linguâ quam
Populus intelligit.*

XXIV. **L**inguâ Populo non intellectâ, publicas in Ecclesia preces peragere aut Sacramenta administrare, verbo Dei, & primitivæ Ecclesiæ consuetudini planè repugnat.

De Sacramentis.

XXV. **S**acramenta a Christo instituta, non tantùm sunt notæ professionis Christianorum, sed certa quædam potius testimonia, & efficacia signa gratiæ, atque bonæ in nos voluntatis Dei, per quæ invisibiliter ipse in nos operatur, nostramque fidem in se non solum excitat, verùm etiam confirmat.

Duo a Christo Domino nostro in Evangelio instituta sunt Sacramenta; scilicet Baptismus, & Cœna Domini.

Quinque illa vulgò nominata Sacramenta: scilicet Confirmatio, Pœnitentia, Ordo, Matrimonium, & Extrema Unctio, pro Sacramentis Evangelicis habenda non sunt; ut quæ, partim a pravâ Apostolorum imitatione profluxerunt, partim vitæ status sunt in Scripturis quidem probati, sed Sacramentorum eandem cum Baptismo & Cœnâ Domini rationem non habentes, ut quæ signum aliquod visibile, seu ceremoniam, a Deo institutam non habeant.

Sacramenta non in hoc instituta sunt a Christo, ut spectarentur, aut circumferrentur, sed ut
ritè

ritè illis uteremur, & in his duntaxat qui dignè percipiunt, salutarem habent effectum: Qui verò indignè percipiunt, damnationem (ut inquit Paulus) sibi ipsis acquirunt.

De vi Institutionum divinarum, quòd eam non tollat malitia Ministrorum.

XXVI. **Q**Uamvis in Ecclesia visibili, bonis mali semper sunt admixti, atque interdum ministerio Verbi & Sacramentorum administrationi præsint; tamen cum non suo, sed Christi nomine agant, ejusque mandato, et auctoritate ministrent, illorum ministerio uti licet, cum in verbo Dei audiendo, tum in Sacramentis percipiendis. Neque per illorum malitiam effectus institutorum Christi tollitur, aut gratia donorum Dei minuitur, quoad eos qui fide, & ritè sibi oblata percipiunt; quæ propter institutionem Christi, & promissionem efficacia sunt, licet per malos administrentur.

Ad Ecclesiæ tamen disciplinam pertinet, ut in malos ministros inquiratur, accusenturque ab his, qui eorum flagitia noverint; atque tandem justo convicti judicio deponantur.

De Baptismo.

XXVII. **B**APTISMUS non est tantum professionis signum, ac discriminis nota, quâ Christiani a non Christianis discernantur, sed etiam est signum regenerationis, per quod, tanquam per instrumentum, rectè Baptismum suscipientes, Ecclesiæ inferuntur; promissiones de remissione peccatorum, atque adoptione nostrâ in filios Dei per Spiritum sanctum visibiliter ob-

signan-

signantur ; fides confirmatur ; & vi divinæ invocationis gratia augetur.

Baptismus parvulorum omninò in Ecclesia retinendus est, ut qui cum Christi institutione optimè congruat.

De Cœna Domini.

XXVIII. **C**œna Domini non est tantum signum mutuae benevolentiae Christianorum inter sese, verum potius est Sacramentum nostræ per mortem Christi redemptionis.

Atque adeo, ritè, dignè, & cum fide sumentibus, panis quem frangimus, est communicatio corporis Christi: similiter poculum benedictionis, est communicatio sanguinis Christi.

Panis & Vini Transubstantiatio in Eucharistia, ex sacris Literis probari non potest: Sed apertis Scripturæ verbis adversatur; Sacramenti naturam evertit; & multarum superstitionum dedit occasionem.

Corpus Christi datur, accipitur, & manducatur in Cœna, tantum cœlesti & spirituali ratione: Medium autem quo corpus Christi accipitur, & manducatur in Cœna, Fides est.

Sacramentum Eucharistiæ, ex institutione Christi non servabatur, circumferebatur, elevabatur, nec adorabatur.

*De manducatione corporis Christi, & impios
illud non manducare.*

XXIX. **I**mpii, & fide vivâ destituti, licet carnaliter, & visibiliter (ut Augustinus loquitur) corporis, & sanguinis Christi Sacramentum dentibus premant, nullo tamen modo

Christi participes efficiuntur: Sed potius tantæ rei Sacramentum, seu Symbolum, ad iudicium sibi manducant, & bibunt.

De utraque Specie.

XXX. **C**alix Domini laicis non est denegandus, utraque enim pars Domini Sacramenti, ex Christi institutione & præcepto, omnibus Christianis, ex æquo administrari debet.

De unicâ Christi Oblatione in Cruce perfectâ.

XXXI. **O**blatio Christi semel facta, perfecta est redemptio, propitiatio, & satisfactio pro omnibus peccatis totius mundi, tam originalibus, quam actualibus: Neque præter illam unicam, est ulla alia pro peccatis expiatio: unde missarum sacrificia, quibus, vulgò dicebatur, sacerdotem offerre Christum in remissionem poenæ, aut culpæ, pro vivis & defunctis, blasphemata sunt, & perniciosæ imposturæ.

De Conjugio Sacerdotum.

XXXII. **E**piscopis, Presbyteris & Diaconis nullo mandato divino præceptum est, ut aut cœlibatum voveant, aut a matrimonio abstineant. Licet igitur etiam illis ut cæteris omnibus Christianis, ubi hoc ad Pietatem magis facere judicaverint, pro suo arbitratu matrimonium contrahere.

De

De Excommunicatis vitandis.

XXXIII. **Q**UI per publicam Ecclesiæ denuntiationem ritè ab unitate Ecclesiæ præcisus est & excommunicatus, is ab universa fidelium multitudine (donec per pœnitentiam publicè reconciliatus fuerit arbitrio Judicis competentis) habendus est tanquam Ethnicus & Publicanus.

De Traditionibus Ecclesiasticis.

XXXIV. **T**Raditiones atque Ceremonias easdem, non omninò necessarium est, esse ubique, aut prorsus consimiles. Nam ut variae semper fuerunt, & mutari possunt, pro Regionum, temporum, & morum diversitate, modò nihil contra verbum Dei instituitur.

Traditiones, & Ceremonias Ecclesiasticas, quæ cum verbo Dei non pugnant, & sunt auctoritate publicâ institutæ, atque probatæ, quisquis privato consilio volens, & data opera, publicè violaverit, is, ut qui peccat in publicum ordinem Ecclesiæ, quique lædit auctoritatem Magistratûs, & qui infirmorum fratrum conscientias vulnerat, publicè, ut cæteri timeant, arguendus est.

Quælibet Ecclesia particularis, sive Nationalis, auctoritatem habet instituendi, mutandi, aut abrogandi Ceremonias, aut Ritus Ecclesiasticos, humanâ tantum auctoritate institutos, modò omnia ad ædificationem fiant.

De Homiliis.

XXXV. **T**omus secundus Homiliarum, quarum singulos titulos huic articulo subjunximus, continet piam & salutarem doctrinam, & his temporibus necessariam, non minus quam prior Tomus Homiliarum, quæ edita sunt tempore Edvardi Sexti. Itaque eas in Ecclesiis per ministros diligenter & clarè, ut a populo intelligi possint, recitandas esse judicavimus.

De nominibus Homiliarum.

Of the right use of the Church.

Against Peril of Idolatry.

Of repairing and keeping clean of Churches.

Of Good Works.

First of Fasting.

Against Gluttony and Drunkenness.

Against Excess in Apparel.

Of Prayer.

Of the Place and Time of Prayer.

That Common Prayers and Sacraments ought to be ministred in a known Tongue.

Of the reverend Estimation of God's word.

Of Alms doing.

Of the Nativity of Christ.

Of the Passion of Christ.

Of the Resurrection of Christ.

Of the worthy Receiving of the Sacrament of the Body and Blood of Christ.

Of the Gifts of the Holy Ghost.

Of

Of the Rogation-days.

Of the State of Matrimony.

Of Repentance.

Against Idleness.

Against Rebellion.

De Episcoporum & Ministrorum Consecratione.

XXXVI. **L**ibellus de Consecratione Archiepiscoporum, & Episcoporum, & de Ordinatione Presbyterorum & Diaconorum, editus nuper temporibus Edvardi VI. & auctoritate Parliamenti illis ipsis temporibus confirmatus, omnia ad ejusmodi Consecrationem, & Ordinationem necessaria continet, & nihil habet, quod ex se sit, aut superstitiosum, aut impium: itaque quicumque juxta ritus illius libri consecrati, aut ordinati sunt, ab anno secundo prædicti Regis Edvardi, usque ad hoc tempus, aut in posterum juxta eosdem ritus consecrabuntur, aut ordinabuntur, ritè atque ordine, atque legitime statuiamus esse, & fore consecratos, & ordinatos.

De Civilibus Magistratibus.

XXXVII. **R**egia Majestas in hoc Angliæ Regno, ac cæteris ejus Dominiis, summam habet potestatem, ad quam omnium Statuum hujus Regni, sive illi Ecclesiastici sint, sive Civiles, in omnibus causis, suprema gubernatio pertinet, & nulli externæ jurisdictioni est subjecta, nec esse debet.

Cum Regiæ Majestati summam gubernationem tribuimus, quibus titulis intelligimus animos quorundam calumniatorum offendi, non damus

mus Regibus nostris, aut Verbi Dei, aut Sacramentorum administrationem, quod etiam injunctiones ab Elizabetha Regina nostra, nuper editæ apertissimè testantur, sed eam tantum prærogativam, quam in Sacris Scripturis a Deo ipso, omnibus piis Principibus, videmus semper fuisse attributam; hoc est, ut omnes status, atque ordines fidei suæ a Deo commissos, sive illi Ecclesiastici sint, sive Civiles, in officio contineant, & contumaces ac delinquentes gladio civili coerceant.

Romanus Pontifex nullam habet jurisdictionem in hoc Regno Angliæ.

Leges Regni possunt Christianos propter capitalia, & gravia crimina, morte punire.

Christianis licet, ex mandato Magistratûs, arma portare, & iusta bella administrare.

De illicita bonorum Communicatione.

XXXVIII. **F**acultates & bona Christianorum non sunt communia, quoad jus & possessionem (ut quidam Anabaptistæ jactant) debet tamen quisque de his quæ possidet, pro facultatum ratione, pauperibus eleemosynas benignè distribuere.

De jurejurando.

XXXIX. **Q**uemadmodum juramentum vanum & temerarium a Domino nostro Jesu Christo, & Apostolo ejus Jacobo, Christianis hominibus interdictum esse fatemur: ita Christianorum Religionem minimè prohibere censemus, quin jubente Magistratu, in casu fidei & charitatis jurare liceat, modo id fiat juxta Prophetæ doctrinam, in justitia, in judicio, & veritate.

Con-

Confirmatio Articulorum.

HIC liber antedictorum Articulorum jam denuò approbatus est; & per assensum & consensum Serenissimæ Reginae Elizabethæ Dominæ nostræ, Dei gratia Angliæ, Franciæ, & Hiberniæ Reginae, Defensoris Fidei &c. retinendus, & per totum Regnum Angliæ exsequendus. Qui Articuli, & lecti sunt, & denuò confirmati, subscriptione D. Archiepiscopi & Episcoporum superioris Domûs, & totius Cleri inferioris Domûs, in Convocatione, *A. D.* 1571.

Three Articles in the 36th Canon.

THat the King's Majesty under God, is the only Supreme Governour of this Realm, and of all other his Highnesses Dominions and Countrys, as well in all Spiritual or Ecclesiastical things or causes, as Temporal; and that no Foreign Prince, Person, Prelate, State or Potentate, hath, or ought to have, any Jurisdiction, Power, Superiority, Preeminence, or Authority, Ecclesiastical or Spiritual, within his Majesty's said Realms, Dominions and Countrys.

II. That the Book of Common Prayer, and of Ordering of Bishops, Priests and Deacons, containeth in it nothing contrary to the word of God, and that it may lawfully so be used, and that I myself will use the form in the said Book prescribed, in publick Prayer, and administration of the Sacraments, and none other.

III. That

III. That I allow the Book of Articles of Religion agreed upon by the Arch-Bishops and Bishops of both Provinces, and the whole Clergy in the Convocation holden at *London* in the year of our Lord God, One thousand five hundred sixty and two : and that I acknowledge all and every the Articles therein contained, being in number Nine and thirty, besides the Ratification, to be agreeable to the Word of God.

The Oath of Allegiance.

I A. B. do sincerely Promise and Swear, That I will be faithful, and bear true Allegiance to his Majesty King *George*.

So help me God, &c.

The Oath of Supremacy.

I A. B. do swear, That I do from my Heart Abhor, Detest, and Abjure, as Impious and Heretical, that damnable Doctrine and Position, *That Princes Excommunicated or Deprived by the Pope, or any Authority of the See of Rome, may be Deposed or Murdered by their Subjects, or any other whatsoever.*

And I do declare, That no Foreign Prince, Person, Prelate, State or Potentate, hath, or ought to have, any Jurisdiction, Power, Superiority, Preeminence, or Authority, Ecclesiastical or Spiritual within this Realm.

So help me God, &c.

The Oath at the Matriculation of a Scholar.

TU fidem dabis ad Observandum omnia Statuta, Privilegia, & Consuetudines hujus Universitatis Oxon. Ita Deus te adjuvet, tactis Sacro-Sanctis Christi Evangeliiis.

The Oath at the Matriculation of a Privileged Person.

YOU shall Swear to observe all Statutes, Privileges, and Customs of this University : So help you God.

You shall farther swear, that you will never sue in any Cause of yours before the Mayor and Bayliffs of this Town : nor answer before them as your Judge, so long as you continue to enjoy the Privileges of this University.

PRÆSENTANDI

*Intra triduum antequam presententur legere, vel, alio legente
audire tenentur;*

Art.	{ Bac. }	{ 1. }	{ 26 }	{ 33. }
	{ Inc. }	{ 2. }	{ 34 }	{ 50. }
Musfic.	{ Bac. }	{ 3. }	{ 1,2. }	{ 50. }
	{ Inc. }	{ 4. }	{ 3,4. }	{ 51. }
Jur. Civ.	{ Bac. }	{ 5. }	{ 1,2. }	{ 52,53. }
	{ Inc. }	{ 6. }	{ 3,4. }	{ 53,54. }
Medic.	{ Bac. }		{ 1,2. }	{ 54,55. }
	{ Inc. }		{ 3,4. }	{ 55,56. }
Theol.	{ Bac. }		{ 1,2. }	{ 56,57. }
	{ Inc. }		{ 3,4. }	{ 58. }
Univerfi.	—	Sect. 7.	—	Pag. 59,60.

Tituli Sexti.

